





8. 49. 13. 2

F. MELCHIORIS

C A N I,

Ordinis Prædicatorum

Sacrae Theologiae professoris,

Cathedrae primariae Salamanticensis,

præfetti;

RELECTIONES DVAE,

V N A

De Sacramentis in genere,

A L T E R A

De Sacramento poenitentiae.



MEDIOLANI,

Apud Pacificum Pontium

M. D. LXXX.

THEMA HVIVS RELECTIONIS.

Samaritanus approprians alligauit uulnera eius, infundens oleum et uinum. Lucæ capite decimo.

PRIMA CONCLVSIO.

Sacramenta omni tempore fuisse ad salutem hominibus necessaria, quemadmodum et fidem in unum saluatorem dominum Iesum Christum, quam eandem diuersis licet sacramentis, et olim ueteres, et nunc etiam nos exterius profitemur.

SECVNDA CONCLVSIO.

Sacramenta uero nu'

ut scriptæ legis fuerat, immo.

seculorum, quæ in noua lege habentur.

hæc saluatore instituta, uerè p'

nam et salutem efficiant.

P R O E M I U M.

NOLLEME quidem, uiri grauiſſimi, nouas à me, res aliquas de rebus antiquiſſimis diſputaturo, hodierna die expectaretis. Nam et ubiq; gentium fugienda Theologo doctrine nouitas, quæ cum ſemper periculosa eſt, tum ſerè ut uetustati, ita quoq; ueritati contraria, et quam nunc diſputationem de ſacramentis inſtituimus, maiori ex parte ueterum traditione conſiſtit, et in hoc celeberrimo toto terrarum orbe gymnaſio illud magnopere conandum eſt, ne nouitijs opinionibus, aut Theologiæ dignitas, aut maiorum noſtrorum autoritas minuat. Quocirca ſi in earum rerum aſſertione, quas hodie ſum explicaturus, quorundam fortè iuniorum placita refellero, idq; ſuppreſſis etiam tacitisq; nominibus, quæ ſo ne arrogantia tribuatis: quin potiùs exiſtimate ſedulò me in id incumbere, ut ne ſcholastica dogmata noua eſſe uideantur, ſed antiqua et noſtræ religionis autorum ingenio, atque eruditione commendata. Quòd ſi intellexerimus primam hanc relectionem laudari à uobis laudatis uiris, aut certè conſilium noſtrum coniatumq; probari, maiora et grauiora deinceps, Chriſto iuuante proferemus.

Locus igitur hodierna diſputatione repetendum magiſter ex decimo euangelij. Luc. c. deſumpſit. principium aptiſſimum. 4. ſuo ſententiarum libro inde daturus: unde et nos ad ueſtram hanc academiam accedentes noſtrarum quoque lectionum principium dedimus. Locus autem huiuscemodi uerbis continetur.

Samaritanus approprians alligauit uulnera eius infundens oleum et uinum .

Ac Samaritani parabola quidem iuxta germanum literæ sensum in id est à domino composita , ut proximus quem perinde , atque nos ipsos diligere iubemur , non cognationis , aut sanguinis propinquitate : sed humanitatis , et beneuolentiæ coniunctione definiretur . Homini quippe sauciato , qui descendens ab Hierusalem in latrones inciderat , non aut Leuita , aut Sacerdos ciuitatis generisq, ratione coniunctus tulit opem : sed Samaritanus alienus à Iudæorum commercio quidem , sed non ab humanitate tamen alienus . Verùm tam accuratè conficta enarrataq, similitudo uniuerfis sanctis expositoribus uisa est mysticum alium sensum inferre , iuxta quem descendens homo in ciuitatem Hierico , humanum genus intelligitur : cui uulnerato , spoliato , iacenti , semineci post peccatum , Christus Iesus re uera Samaritanus , hoc est , custos unicus ipse noster , naturæ etiam communionem propinquus effectus , medicinas adhibuerit spirituales , quibus peccatorum omnium uulneribus mederetur . Has nos medicinas sacramenta uocamus , deq, his disputationem in genere suscepimus , quinque præcipuè partibus continendam .

PRIMA PARS.

3



D RIMVM enim definiemus sacramenti nomen, ut intelligant omnes quid sit id, de quo differitur, mox ostendemus sine fide unius mediatoris IESU CHRISTI, quam sacramenta designant, neminem fuisse salutem consecutum. Deinde monstrabimus sacramenta fuisse semper post peccatum hominis ad salutem necessaria. Quarto loco explicabimus quæ nam sacramenta hanc salutem effecerint.

Postremò colligemus id, quod explicatu difficilimum est, quo propriè discrimine sacramenta noua à ueteribus separentur. Principio itaque, ut uiam reliquis quæstionibus faciamus, sacramentum à plerisque definitur esse sacre rei signum. Cui quidem finitioni multipliciter obicitur: sic enim obiectionibus expositis facilius erit rei definitionis intelligentia.

Primò, coniugium in statu innocentie, erat signum rei sacre, id est, coniunctionis inter Christum, et ecclesiam, quemadmodum Apostolus docet, et tamen non erat sacramentum, ut nunc quidem de sacramentis loquimur, cum in illo statu, nec morbus esset, nec proinde medicina.

Deinde sacrilegium Abel non fuit sacramentum, non plus certè quàm oblatio Caim: fuit tamen signum rei sacre, eius uidelicet sacrificij quod et Christus in ara crucis obtulit, et nos offerimus in altari, ut in uniuersum de ueteribus hostijs August. tradit, igitur definitio mala. Præterea serpens æneus à Moysè in deserto suspensus, Manna item eodem loco Iudæis exhibitum, signa fuisse rerum sacrarum, ut Ioan. Euangelium docet. At certè non fuisse sacramenta.

Præterea agnus paschalis, autore Paulo rei sacre signum erat, nec magis uidetur fuisse sacramentum, quàm alie figuræ, quæ in ueteri lege præcesserunt.

Ad hæc uerba Christi apud Lucam, remittuntur tibi peccata tua. Sacramenta minimè fuerunt, cum tamen tuc-

PARS I. RELECT.

sint signum rei sacræ, id est remissionis peccatorum, quam etiam effecere. Et confirmatur: illa uerba, ego te baptizo, &c. sunt sacræ rei signum ablutionis, scilicet interioris: cuius etiam sunt causa. Sed sacramenta non sunt, nisi ita desipiamus, ut sacramentorum formas, sacramenta nuncupemus.

Præterea aqua lustralis, quam uulgus benedictam appellat, signum est rei sacræ, et signum quoque sanctificatiuum: at certum est tamen non esse sacramentum. Definitio igitur est inepta. Maior enim propositio satis probatur Alexand. Papæ testimonio in decretis suis, ubi asserit aquam sale conspersam, et diuinis precibus consecratam populum sanctificare, inquinatos mundare; insidias diaboli auertere, sanitatem corporis et animæ præstare.

Corpus denique Christi in Eucharistia contentum non est signum. Signum est enim August. finiente, quod præter speciem, quam ingerit sensibus, aliud à se cognoscere facit. Corpus autem Christi, licet inuisibiliter sub specie panis contineatur, sine dubio sacramentum est; non ergo sacramentum aptè finitur, quòd sit sacræ rei signum.

His atque alijs argumentis definitionem hanc à magistro sententiarum approbatam, iuniores quidā facile reiciunt, quibus nos tamen facilius respondebimus, si tria prius principia ponamus. Quæ si cuiquam non bene prouisa, et diligenter explorata uideantur.

Huic illud respondere possumus: non id nos querere, ut omnibus probentur, quæ asserimus. Nam id fieri non potest, sed ut eis, qui iuxta rei naturam de qua disseritur, argumenta requirunt.

Primum itaque fundamētum est, sacramenta esse sacras quasdam cæremonias ad Dei cultum uidelicet pertinentes. Nam ante omnia id sacramenti nomen præferret, quod à sacro deriuatum, Varro de lingua Latina autor est. Sacrorum autem administratio ad religionem, qua Deum colimus pertinet, Quare et sacramentum opus est religionis.

Rursum in sacramentis profiteamur nos salutem à Deo saluatore querere, id uerò ad pietatem, qua Deo cultum exhibe-

exhibemus spectare manifestum est.

Peccata insuper, quæ in sacramentorum uel administratione, uel susceptione fiunt, uirtuti religionis, aduersantur, sunt enim, uel superstitiones, uel sacrilegia, ergo recta ipsa sacramentorum siue susceptio, seu administratio actus est religionis. August. demum definit non quodlibet signum esse sacramentum, sed quod sit sacrum signum.

Secundum fundamentum est, non quodcunque sacramentum esse: sed quod habeat occultam, et reconditam significationem. Nam uulgari sermone, tunc siue uerbis seu rebus inesse dicimus sacramentum, cum est significatio quædam abscondita. Mox etiam Greg. 1. quæstione 1. ca. multi. ob id ait sacramenta dici, quia sub tegumento corporalium rerum diuina uirtus secretius operatur salutem. Vnde à secretis sacris sacramenta asserit appellata.

Præterea interpres noui testamenti ubi apud Græcos habetur *μυστήριον* ferè traducit sacramentum. At mysticum absconditam et occultam habet insinuationem, ut eodem capit. Gregorius affirmat. Non igitur est sacramentum nisi sit occulta, et condita significatio. Hinc illa uulgata doctrina, sacramenta rebus sensibilibus constare, quarum figura, scilicet occultius adumbrentur res insensibiles. Sola nanque uerborum expressa significatio sacramentum non efficeret. Sacramenta quippe sine uerbis fue-
re quædam in legē tum naturali, tum scripta: sine rebus autem nulla fuere sacramenta. Rerum itaque significationem ratio sacramenti requirit. Atque eo fortasse Samaritanus hic noster oleum, et uinum res materiales, ac uisibiles exhibuisse legitur, uerba exhibuisse non legitur.

Hinc etiam illud est, quod Augustinus tradidit, oportere res, quibus sacramenta constant, imaginem, et similitudinem gerere earum rerum, quarum signa et sacramenta esse dicuntur, uerbi gratia baptismus lauat, ideo completur in aqua, Eucharistia reficit, ob idque panis et uini speciem accipit: unctio fouet, idcirco ministratur in oleo: in pœnitentia demum sub aperta forma iudicij, ubi et testis, et reus, et iudex, et accusator inducitur, iudicium illud interius licet agnoscere, quo ab inuisibili iudice reus, uel

PARS I. RELECT.

absoluitur, uel ligatur. Ita in cæteris sacramentis inuenimus mysticam sacramentorum significationem, quædam imaginis et figuræ proportionem consistere.

Tertium fundamentum est, sacramenta esse signa sanctificationis practica, quæ scilicet, ipso usu adhibentur ad sanctificandum. Nam cum sit duplex signum sanctitatis, alterum speculatiuum, ut nomen sanctum, uel sanctificans: alterum practicum, quod non solum significat sanctificationem, uerum et exhibet, ut baptisumus exterior, sacramentum non signum speculatiuum, sed practicum est.

Id uerò ex eodem cap. multi cum primis habetur ubi Grego. ait, sacramenta dici, quòd sub tegumento corporalium rerum diuina uirtutis secretius salutem operetur.

Item nisi ita esset, plura in noua lege essent. quàm septem sacramenta: quandoquidem sacrarum rerum signa speculatiua plura sunt.

Præterea in sensu, quo scholastici disputant de sacramentis, spirituales et sacras medicinas intelligere cogimur, quæ nisi signa practica, et sanctificatiua sint, intelligi nulla ratione possunt.

Est igitur sacramentum, ut hæc tria simul principia cõplectamur, sacrum et occultum signum ad sanctificandum institutum. In quem sensum illa definitio est optima, sacramentum est sacræ rei signum.

Quare ad primum argumentum facillimè respondetur, matrimonium nec in statu innocentiz, nec in alio unquam ante euangelium tempore fuisse sanctificatiuum, unde nec fuit sacramentum, nisi latissimè quodlibet mysterium, sacramentum, uocare uelis, quod ut modo diximus, interpretes noui, ac ueteris testamenti sæpius faciunt. Quo significatu nunc de sacramentis minimè disputamus, sed cum concilio Floren. à sacris aliis sacramenta distinguimus, ut peculiariter ad sanctificandum homines instituta.

Responderi quoque potest, matrimonium nec in statu innocentiz, nec in lege naturæ, aut scripturæ signum fuisse sacrum et religiosum, quippe cum non esset opus diuini cultus, sed magis ciuilis humanusque contractus in naturæ solum uel propagationem, uel remedium institu-

tus: at

DE SACRAMENTIS.

5

tus: at in lege noua simul, et sanctificatiuum, et sacrum est ut cetera religionis Christianæ sacramenta. Nec in præsentia uertere in quæstionem uolumus, an matrimonium; quod uel per procuratores, uel etiam ab ipsis conjugibus sine ecclesiæ ministro, sineque aliqua religionis caremonia profanè contrahitur, sacramentum sit. Tamen si uocari in dubium iure fortasse potest. Namiusmodi contractus, quodd iam insinuauimus, purè ciuile est, nec aliqua ex parte opus religionis sacrum: quare non est sacramentum. Deinde quia cum sine sacerdote, uel per procuratores, uel per literas, uel aliter quocunq; modo fideles contrahunt, non se existimant esse sacrilegos, si non sint in gratia, quo tempore contrahunt. At si sacramentum conficeretur, procul dubio sacrilegi essent. Præterea quia recipere sacramentum unus pro alio nō potest, ergo quod per alios contrahitur, non est sacramentum. Præterea ut concilium Floren. definit, omnia sacramenta tribus constant, materia, forma, ministro, quorum si aliquod desit, non perficitur sacramentum. At cum matrimonium sine sacerdote, aut ministro ecclesiastico contrahitur, unum reuera deest, non igitur conficitur sacramentum, sed de huiusmodi quæstione alio loco fusius et copiosius differemus.

Ad secundum respondeo sacrificium fuisse duplex in lege, tam naturali, quàm scripta. Alterum ad protestandum Deum rerum esse auctorem ac dominum, et huiusmodi non erat sacramentum. Tamen si illius sacrificij signum erat, quo religio nostra Deum unicè colit. Alterum uerò in id factum est, ut Deus mortalium culpis insensus placetur, quod erat utique sacramentum. Videtur autem sacrificium Abel prioris generis fuisse, quoniam munus solum fuisse perhibetur, sicut et oblatio Cain. Quare non fuere sacramenta, quæ à generalibus sacrificijs concilium Floren. discernit.

Ad tertium, Serpens æneus et manna, signa sacra non fuerunt, licet rerum sacrarum fuerint significatiua. Nec enim aut erectio serpentis, aut mannæ usus in id fuit, ut Deo religionis cultus exhiberetur.

Vtriusq; præterea rei usus erat in effectum aliquem corporalem.

PARS I. RELECT.

poralem. Serpens namque non fuit erectus ad sanctificandum animum, sed ad sanandum corpus. Nec manna præstitum Iudæis est ad sanctitatem ipsius, sed ad facietatem carnis. Non igitur fuisse signa practica sanctificationis, ac proinde nec sacramenta. Quanquam intelligentes huiusmodi rerum futurarum mystica signa per fidem rerum, quas credebant, iustificabantur: omnes enim eadem escam spiritualement manducauerunt, et eundem potum spiritualement biberunt. Bibebant autem de spiritali consequente eos petra, ut Apost. in priore ad Corin. epistola testatur.

Ad quartum, quibusdam agnus paschalis non uidetur fuisse legis ueteris sacramentum, quod in illius escu nullus usus sanctificationis apparet. At D. Tho. multo aliter intellexit. Quemadmodum in lege noua alia sunt sacramenta directè parata, et instituta ad mundandum, ac sanctificandum homines, ut baptisumus, et pœnitentia. Alia uerò supponunt iam esse mundos, danturque in usum sanctificatorum. Sic in ueteri lege agnus paschalis sacramentum mundorum fuit, nempe quem nisi sanctis, et mundis edere non licebat. Atque id circo non fuit opus, ut immundos sanctificaret, sed sat fuit adhiberi ad consummationem legalis sanctitatis, quam quidem habere nemini contigebat, nisi agnus paschalis ederetur: quod si cui ratio hæc subtilior uideatur, quàm ut communi sensui possit accommodari, credat agnum paschalem non in memoriam solùm Aegyptianæ redemptionis immolari, sed etiam pro peccatis Israelitici populi, sicut eucharistiæ sacramentum, et signum commemoratiuum est præteritæ redemptionis, et pro peccatis fidelium immolatur. At sacrificium pro culpis oblatum, quod retro iam diximus, sacramentum erat.

Ad quintum, patet uerba Christi non pertinuisse ad ritum aliquem religionis, sed tantùm explicasse diuinam potestatem. Nam eadem loquendi forma Dominus dixit, Surge et ambula, fides tua te saluum fecit, et alia eiusmodi, quæ passim reperies apud euangelistas. Imò uerò non existimaui uerba illa fuisse quasi instrumentum, quo Dominus ad sanctificationem uteretur, quod tamen esset necessarium, ut ibi esset sacramentum. Rursum et manifestam

festam etiam habent significationem, nec gestum ibi fuit quidquam, quod sub rerum corporalium imagine occultum mysterium insinuaret, quapropter nullum fuit eo loco sacramentum.

Atque inde confirmatio addita facillè solueretur. Si enim nouæ legis sacramento sola uerborum expressa significatio esset, non esset propria ratio sacramenti. Tametsi dicere quoque possumus signum parziale sanctificationis esse quidem partem sacramenti, non autem esse sacramentum, hoc est signum integrum sanctitatis, quod uidelicet in noua lege materia formaque constat rebus, et uerbis. Quo fit, ut cum artificiosum compositum esse sacramentum uideatur, non pro forma uerborum accipiendum sit, sed pro materia potius rerum sensibilibus: quemadmodum uasis, aut statuæ uocabulum non pro forma artis accipimus, sed pro materia habente formam.

Ad sextum, aliorum solutionibus prætermisissis, quæ nisi me opinio fallit, non sunt idoneæ, respondeo, cum. D. Thom. aquam benedictam non esse signum sanctificationis, etiam si non pœnas culparum modò: sed, id quod mihi probabilius est, culpas quoque ueniales remittat. Nam quemadmodum illæ cæremoniæ sacræ, quæ præparant quidem ad baptismi sanctificationem, at non sacrant tamen suscipientem ut exorcismus, sacramenta dici non possunt: possunt autem uocari sacramentalia quasi sacramentorum ipsorum sanctificantium præparationes. sic aqua benedicta et cætera eiusmodi, quæ peccata solum uenitalia delent: quoniam sanctitatem præstare nequeunt, sacramentalia sunt, non sacramenta.

Sed obijcis, ergo confirmatio non est sacramentum, ut quæ baptismo adiuncta ipsius effectum perficit. Nego consequentiam, quia effectus proprius confirmationis sine collatione gratiæ, per quā est uera sanctificatio, præstari non potest, et idem omnino est in reliquis ecclesiæ sacramentis, remissio autem uenialium, qui est effectus aquæ benedictæ sine collatione gratiæ, et sanctitatis confertur. Effectus præterea aquæ benedictæ in sacramento pœnitentiæ est, unde sacramentale, quod additur, annexum sacramen-

to per-

PARS I. RELECT.

to pœnitentię est, quod uidelicet integrum suum effectum non habuit. At effectus confirmationis proprius in sacramento baptismi non est, siue in alio quidem sacramento. Quare non est sacramentale, quasi alicui sacramēto secundario coniunctum, sed est per se uerum perfectumq; sacramentum. Quæ uel maximè ratione eorum error fit manifestus, qui sacramento unctionis extremæ renuissionem uenialium, tanquam effectum proprium assignauerunt, quod si esset, certè unctio non esset sacramentum, sed sacramentale quiddam.

Quod autem Alexander asserit aquam consecratam populum sanctificare, purgare, sanare, forsan intelligendum est non solum de aqua ista uulgari, qua in remissionem uenialium aspergimur: sed de aqua etiam ad baptismum populi paranda, quæ prius etiam sale conspergitur, et diuinis precibus consecratur: confert enim summus pontifex elementa, quæ Christi religio in suum usum uendicare solet cum iis, quorum fuit olim usus in ueteri testamento, docetque maiorem nostris inesse uim sanctificandi, purgandi, sanandi, quam ueteribus. Quod si cui hæc nostra intelligentia displicet, quæ tamen ut linum lino, ita facile antecedentibus consequentia necit, is tale habeat responsum, aquam sacram, et benedictam sanctificare, et purgare secundum quid, eò quod peccatorum pœnas soluit, culpas item ueniales. Nunquam uerò simpliciter, et absolute sanctificat, quod ratio sacramenti requirit. At si hinc colligas legis ueteris nulla fuisse sacramenta, quæ uidelicet neminem sanctificabant, huic nos argumento suo postea loco respondebimus.

Ad postremum uerò nunc dicitur, aliud esse sacramentum tantum, aliud esse simul, et rem sacramenti, et sacramentum, ut cap. cum Matthe. de celebratione missarum Innocentius tradit: hic igitur nos definimus sacramentum tantum, quod oportet esse sensibile. At quod simul est res, et sacramentum satis habet, si sit signum intelligibile: ut character signum est spirituale, quo sumus interiorius consignati, et corpus Christi signum est intellectuale corporis myltici, hoc est ecclesiasticæ unitatis, qua signi-
ficatio-

ficatione et corpus Christi, et character appellantur sacramenta. Diuus tamen Augustinus dicit esse figuratum sermonem, cum corpus Christi uocat sacramentum: nam rerum similitudines nonnunquã rerum ipsarum, quarum sunt signa uocabula accipiunt, ut in Apoca. Agnus, qui occisus est ab origine mundi, id est, agnus signatus ab origine mundi, ut et Augusti. siue quis alius fuerit eius operis autor. Homi. 10 in Apoc. legit et ad Rom. 6 Consepulti enim sumus cum illo per baptismum, et primo ad Corinth. 10. Petra autem erat Christus: eodem, inquit, modo sacramentum corporis Christi, corpus Christi est: et sacramentum sanguinis, sanguis est. Ac de prima parte satis nobis fuerit disputatum.

S E C V N D A P A R S.

S E Q V I T V R altera, ubi differendum est, an fides Christi saluatoris nostri fuerit in omni lege ad salutem necessaria. Et pro parte quidem negatiua illud est præcipuum argumentum, quod in lege naturæ satis erat credere Deum esse, et esse remuneratorem inquirentium se, ut Apostolus ad Hebræos, 11. uidetur astruere, fides igitur unius mediatoris, qui, scilicet, Deum placaret, saluaret homines, non erat necessaria.

Præterea, non in lege naturæ modò, uerumetiam scripturæ satis ad salutem erat seruare mandata, iuxta id, quod Dominus ait: Si uis ad uitam ingredi serua mandata. At decem mandata legis, de quibus sermo erat, naturali ratione continebantur, non ergo ad salutem erat fides unius mediatoris necessaria.

Pro parte uerò affirmatiua illud Apostoli testimoniū est, unus Deus, unus mediator Dei, et hominum homo Christus Iesus. 1. ad Tit. 2.

Volumus hic nos, quasi Troianum bellum gemino ab ovo, huius argumenti materiam exordiri, indeque disputationem inchoare, an uidelicet homines in statu innocentiz, uel etiam angelos uiatores contingere potuerit sine Christi

P A R S II. R E L E C T.

Christi fide salutem habere. Nam alienum est, hoc à præsentì disputatione, et ab instituto huius diei prorsus remotum, non enim hoc sanè loco in fidei quæstionem incurreremus, nisi sacramentorum ratio postularet. Etenim cùm sint sacrata omnia, quædam fidei in Christum protestationes: non aliter commodè potuimus sacramentorum necessitatem definire, nisi prius statuissimus quousque Christi fides sit, fueritque mortalibus necessaria. Nam sacramenta mortalium sunt medicinæ.

Itaque, ut ad huius quæstionis caput recurrat oratio, dupliciter potest intelligi fides Christi, et implicita et explicita. Nempe Christiani explicitè in Christum Deum, et hominem credimus. At qui credidit olim deum humanæ salutis procuratorem per aliqua media mortales in uitam eternam reparaturum, is Christi fidem habuit implicitam.

Prima igitur conclusio sit, non fuit fides Christi explicita semper ad salutem in omni lege hominibus necessaria.

Hanc et magister. 3. distinctione. 25. et communis tenet theologorum consensus. Eandem habet Diuus Augustinus contra Faustum, libr. 19. cap. 14. Imo et Apostolus ad Galat. 3. eandem, nisi ego cæcutio, uidetur confirmare, cùm ait, conclusit scriptura omnia sub peccato, ut promissio ex fide Iesu Christi daretur credentibus. Prius autem quam ueniret fides, scilicet, euangelica, sub lege custodiebamur conclusi in eam fidem, quæ reuelanda erat. Satis ergo erat fides implicita Iesu Christi ad illius ueteris populi salutem, populi inquam in eam fidem conclusi, quæ tempore gratiæ erat manifestius explicanda: multò igitur minus fides Christi explicita in lege naturæ ad salutem requirebatur.

Secunda conclusio, fides Christi redemptoris saltem implicita fuit semper post lapsum, hominibus necessaria. Hanc citra fidei periculum negare non licet, quam utiq; auctores imprimis grauissimi confirmant, quorum testimonia infirmare nulla ratione possumus. Hieronymus in 2. c. epistolæ, ad Gala. super ea uerba, scientes quòd non iustificatur

ficatur homo ex operibus legis, nisi per fidem Iesu Christi, admonere, inquit, debemus sanctos, qui antiquitus fuerunt, ex fide Christi iustificatos. Siquidem Abraham uidit diem Christi, et lætatus est. Et Moyses maiores diuitias extimauit, thesauro Aegyptiorum, improprium Christi, aspicebat enim in remunerationem. Et Esaias uidit gloriam Christo, ut Ioan. Euang. commemorat. Et Iudas de omnibus generaliter. Item in c. 4. eiusdem epistolæ: Hæres iste paruulus, qui nihil difert à seruo, sed sub tutoribus est, usque ad præfinitum tempus à patre totum humanum genus, inquit, usque ad aduentum Christi significat. Quomodo enim omnes in protoplasto Adam nec dum nati moriuntur, ita et omnes, et hi, qui in aduentu Christi nati sunt, in secundo Adam uiuificantur. Ille in intellectus ecclesiæ catholicæ conuenit, quæ et ueteris, et noui testamenti unam asserit prouidentiam, nec distinguit in tempore, quos conditione sociauit. Omnes ædificati sumus super fundamentum Apostolorum, et prophetarum continente nos angulari lapide Iesu Christo, omnes unus panis sumus, et duo consensimus super terram. Et quomodo nos super prophetas fundati sumus, ita et patriarchæ in Apostolorum fundamine constiterunt, hætenus Hieronymus.

Præclara certe, et tali uiro digna interpretatio Quem admodum enim paruulus hæres idem est et adultus, sic populus ille antiquus, et hic nouus eadem fide, et religione contentus, eadem quoque ecclesia est. Ac sicut in paruulo implicitè continetur, quod postea explicatur in adulto, ita fides illa antiquorum paruula fuit, et uis sua continebat implicitè quod deinde crescens habuit explicitè.

Diuisus item Augustinus hanc sententiam frequentissimè repetit, li. primo contra duas epistolas Pelagianorum. c. 21. et super Ioan. tracta. 45. et episto. 157. quæ scribitur ad Optatum, ut multa alia loca prætermittam. Illa sit fides salua, inquit, qua credimus nullum hominem siue maioris, siue paruulæ quamlibet, et recentis ætatis liberari à contagione mortis antiquæ, et obligatione peccati, quod prima natiuitate contraxit, nisi per unum mediatorē Dei et homi-

PARS II. RELECT.

et hominum Christum Iesum. Cuius hominis eiusdemque Dei saluberrima fide, etiam illi iusti salui facti sunt, qui priusquam ueniret in carne, in carne crediderunt esse uenturum. Eadem namque fides est et nostra, et illorum. Quoniam hoc crediderunt illi futurum, quod nos credimus factum, et sacramenta quidem potuerunt esse pro temporum diuersitate diuersa, sed ad unitatem tamen eiusdem fidei concordissimè recurrentia. Proinde cum omnes iusti, siue ante incarnationem, siue post incarnationem Christi, nec uixerint, nec uiuāt, nisi ex fide incarnationis Christi: profectò quod scriptum est, non esse aliud nomen sub cœlo in quo nos oporteat saluos fieri: ex illo tempore ualeat ad saluandum genus humanum, ex quo in Adam uitiatum est: hactenus August.

Grego. quoque Homi. 16. in Ezechielem in huius rei figuram etiam asserit, turbas, quæ præcedebant, et sequebantur, utrasque pariter acclamasse filio Dauid, osanna in excelsis. Possem equidem testimonia proferre in huius rei confirmationem sanctorum aliorum, sed ne multa, proferre satius est sacrarum testimonia literarum, in quibus illud primum est quod habetur 2. ad Corinth. quarto habentes eundem spiritum fidei, sicut scriptum est: Credidi propter quod locutus sum, et nos credimus propter quod et loquimur.

Secundum uerò habetur. 1. ad Corinth. 10. Patres nostri omnes sub nube fuerunt, et omnes mare transierunt, et omnes in Moyse baptizati sunt in nube et in mari, et omnes eandem escam spiritalem manducauerunt, et omnes eundem potum biberunt: Bibebant autem de spiritali confluence eos petra: Petra autem erat Christus.

Tertium ad Rom. 5. sicut per unius delictum in omnes homines in condemnationem, sic et per unius iustitiam in omnes homines iustificationem.

Postremum idemque grauissimum, ad Ro. 3. quo cætera et explicantur, et confirmantur. Omnes peccauerunt, et egent gloria Dei, iustificati gratis per gratiam ipsius, per redemptionem, quæ est in Christo Iesu, quem proposuit Deus propitiatorem per fidem ad ostensionem iustitiæ suæ,

fuæ, propter remissionem præcedentium delictorum, ut sit ipse iustus et iustificans eum, qui est ex fide Iesu Christi: unus est enim Deus, qui iustificat circumcisionem ex fide, et præputium per fidem. Et causa est in promptu, non enim possent peccatores, abiecto peccato, deo reconciliari, nisi crederent se peccatorum ueniam gratia diuina posse consequi. Nec sciret homo iustitiam, et salutem querere, nisi unde petenda esset agnosceret. Semper ergo necessarium fuit credere Deum esse hominum iustificatorem, ac saluatorem, quo uidelicet prouidente salutis remedia erant humano generi comparanda: hac uerò fide implicitè credebatur in Christum, per quem Deus erat iustificaturus, seruaturusque uniuersas nationes.

Tertia conclusio, fides Christi explicita post euangelij diuulgationem, est ad salutem cuiusque hominis necessaria, in cuius confirmationem testimonia sanctorum retro citata, non tam idonea sunt, quàm ego desidero. Indiscriminatim enim asserit neminem, nec pusillum, nec magnum, aut in noua, aut in antiqua lege sine Christi fide potuisse saluari. Cum igitur ueteres sine fide explicita Christi salutem fuerint assecuti ex sanctorum testimonijs, ut uidetur, confirmare non possumus fidem explicitam esse nunc temporis necessariam. Atque hoc argumentum nonnullos omnino commouit, ut tertiam conclusionem inficiarentur. Illud etiam, quòd præceptum de fide Christi potest inuincibiliter ignorari, Ioan. 15. Si non uenissem, et locutus eis non fuissen, peccatum non haberent. Ergo et potest quis saluari sine explicita fide Christi, faciendo aliter quæcunque lex naturæ præscribit, et confirmatur: quia potest quis in nemoribus, uel in syluis educari, quo nullus prædicator accedat, nec tamen fidem Christi habere potest sine prædicante, ad Rom. 10. Ergo per fidem implicitam Christi, sicut in lege naturæ saluabitur.

Confirmatur deinde, quia statim à Christi passione, illi ad quos euangelium non peruenerat, seruabantur, uel in lege Moyfi, uel in lege naturæ. Ergo et nunc ij, ad quos, nondum peruenit euangelij prædicatio, uerbi gratia, Indi, nam eodem penitus modo, sicut illis non fuerat Chri-

PARS II. RELECT.

Itus annuntiatus, ita et apud hos non est inuulgatum euangelium.

Histamen non obstantibus; tertia illa conclusio usque adeò certa est, ut eam negare non periculosum modò, uerumetiam erroneum sit, hæreticum dicerem, nisi modestius esset ecclesiæ definitioni huius uocabuli notam derelinquere. Id ego statim ostendam, si prius tamen discrimen inter fidem ueteris, et noui testamenti, ut uidelicet illa fuerit implicita, hæc autem explicita certis documentis declarauero. Primum igitur Diuus Augustinus lib. 19. contra Faust. capite. 14. Antiqui iusti, ait, sacramentis suis intelligebant uenturam prænunciari reuelationem fidei, ex qualibet adhuc operata, et abscondita etiam ipsi uiuebant. Et infra, tunc ergo occulta erat fides. Nam ea dem credebant, eademque sperabant omnes iusti, et sancti, etiam temporum illorum. Nunc autem reuelata est fides, in quam conclusus erat populus, quando sub lege custodiebatur. Ecce Augustinus testimonio Pauli ad Galat. 3. Id probat, quod assumpsimus discrimen esse ueteris, et nouæ fidei.

Præterea, idem Apost. ut antè iam uidimus ad Galat. 4. comparans fidem illius ueteris populi fidei, populi noui illam paruuli uocat, hanc grandioris iam uiri, et ne longum faciam capit. 1. epistolæ ad Coloss. circa finem. cap. 3. epistolæ ad Ephesios circa medium, toto deniq; cap. 3. epistolæ posterioris ad Corin. hoc discrimen insinuat.

Illud itaq; iam quod instat agamus, probemusque fidem Christi explicitam post euangelium promulgatum esse ad salutem necessariã. Id uerò primum ostenditur ex Marc. cap. ulti. Prædicate, ait, euangelium omni creaturæ, qui crediderit, et baptizatus fuerit, saluus erit, qui uerò non crediderit condemnabitur. Vbi Bernardus ad Hugo. epist. 77. diligenter aduertit, non esse dictum, qui non baptizatus fuerit condemnabitur, sed qui non crediderit &c. Vt maior quædam necessitas fidei in euangelium, quàm baptismi præscriberetur: sit enim, ut sine baptismo qui saluetur, cum scilicet baptismi suscipiendi non est facultas: at credendi euangelio tanta necessitas est, ut omni euentu, qui

qui non crediderit condemnetur.

Item Ioan. 3. Sicut Moyses exaltauit serpentem in deserto, ita exaltari oportet filium hominis, ut omnis, qui credit in ipso, non pereat, sed habeat uitam æternam. Qui credit in eum non iudicatur: qui autem non credit, iam iudicatus est, quia non credit in nomine unigeniti filij Dei, et infra. Qui credit in filium, habet uitam æternam, qui autem incredulus est filio, non uidebit uitam. Et tamen si non est medium ad salutem necessarium, cum possit inuincibiliter ignorari, ut nunc ex doctrina communi supponimus, potest quis esse incredulus filio, hoc est credere filium non esse Deum, et in hoc errore saluari. Et. c. 6. Omnis, qui audiuit à patre, et didicit uenit ad me. Si autem quis seruator, audiuit à patre et didicit, ergo uenit ad Christum. Et. c. 10. Ego sum ostium, per me si quis introierit pascha inueniet. Et. c. 14. Vado parare uobis locum, et quò ego uado scitis, et uiam scitis: dicit ei Tho. Domine nescimus quo uadis, et quomodo possumus uiam scire: dicit ei Iesus. Ego sum uia, et ueritas, et uita, nemo uenit ad patrem nisi per me. Et capit. 17. Hæc est uita æterna, ut cognoscant te solum uerum Deum; et quem misisti Iesum Christum: utrumq; igitur medium est nunc ad salutem necessarium, et cognoscere Deum, et cognoscere quem misit Deus Iesum Christum, ut scitè diuinus Chrysostomus interpretatur.

Præterea, referente Luca Act. 10. c. Angelus Cornelio uiro iusto, ac timenti Deum, ait, mitte, et accersere Simonem, ille dicet tibi quid te oporteat facere. Quæ uerba tractans Aug lib. de prædest. sancto. c. 7. non sine fide Cornelius orabat. Nam quomodo inuocabat in quem non crediderat, sed si posset sine fide Christi esse saluus, non ad eum ædificandum mitteretur architectus Apo. Petrus, qui uidelicet illi diceret, quæ oporteret audire, ille inquit, dicet tibi quid te oporteat facere. Et custos carceris quoque apud eundem Lucam Act. ca. 16. Quid, ait, oportet me facere, ut saluus fiam? At illi Paulus et Silas dixerunt, crede in Dominum Iesum.

Præterea, Apo. ad Ro. c. 10. eandem sententiam docet

PARS II. RELECT.

in hæc uerba, si confitearis in ore tuo dominum Iesum; et in corde tuo credideris, quòd Deus illum suscitauit à mortuis, saluus eris. Corde enim creditur ad iustitiam, ore autem confessio fit ad salutem: dicit enim scriptura. Quicumque inuocauerit, nomen domini, saluus erit. Quomodo ergo inuocabunt eum, in quem non crediderunt? aut quomodo credent ei, quem non audierunt? quomodo autem audient sine prædicante? et infra. Ergo fides ex auditu, auditus autem per uerbum Christi. Sed duo nunquid non audierunt? Et quidem in omnem terram exiit sonus eorum &c. uides quemadmodum inuocationem Domini, quæ fuit semper in omni lege necessaria, ad inuocationem nominis Christi deflexit Apo. Quæ uidelicet nunc opus est, cum iam in omnem terram exiit apostolica prædicatio.

Quòd si cui testimonia hæc uidentur infirma, huic nos illud obijciemus. quòd Philosophus quidam magni nominis sapienter scripsit, ineptum esse exactam ubique demonstrationem efflagitare. Nam si sacrarum literarum testimonia in hanc rem essent manifesta, qui negasset, eum nos non temeritatis et erroris, sed hæresis nota inuremus.

Habemus præterea symbolum Athanasij, cui nemo sanè catholicus refragabitur. Necessarium est, ait, ad æternam salutem, ut incarnationem domini nostri Iesu Christi fideliter credat. Et tandem hæc est fides catholica, quam nisi quis fideliter crediderit, saluus esse non poterit.

Præterea, c. firmiter de summa Tri. et fi. catho. una est fidelium uniuersalis ecclesia, extra quam nullus omnino saluatur, sed ille, qui uiuit, aut in lege Moyse, aut in lege naturæ, ignorans fidem Christi, non est pars unius ecclesiæ catholicæ, ergo non saluatur. In concilio quoq; Florent. sub Eug. 4. idem explicatius habes, Sacrosancta Romana ecclesia firmiter credit, nullos extra catholicam ecclesiam exeuntes, nec Paganos, nec Iudæos, nec hæreticos, nec schismaticos æternæ uitæ fieri posse participes, sed in ignem æternum ituros, nisi ante finem uitæ eidem fuerint aggregati, tantumque ualere ecclesiastici corporis unitatem,

tem, ut nemo, quantascunque eleemosynas facerit, possit saluari, nisi in catholicæ ecclesiæ gremio et unitate permanerit. Idem ferè habes extra de hæretic. cap. 3. et in extraua. unam sanctam de maiestate et obe. Huc etiam pertinet Hieronymi testimonium. 24. q. 1. c. quoniam uetus, et Cypriani. cap. loquitur et. c. alienus, et August. c. firmissimè. 15. q. 1. et multa alia, quæ refert Cardinalis Turrecrem. lib. 1. ecclesiasticæ summæ. c. 21. Errant igitur, qui noua iam diuulgata lege salutem eternam cuiquam sine explicita fide permittunt. Atque hic error quam longè serpat, non uident. Concedant enim pariter necesse est; sine baptismo in re uel in uoto suscepto introitum in regnum cælorum Conci. Trid. sess. 6. repugnante in decret. de iust. impij. c. 4. Imo repugnante euangelio, cum ait, nisi quis renatus fuerit &c. Quod si adultis ea media nunc satis sunt, quæ erant ante legem Christi, non equidem uideo quia consequentia paruulis remedia legis naturæ, et scripturæ fuerint reuocata: aut fateantur igitur paruulos, cum non adest facultas baptismi saluari, quod ecclesia Christi non admittit, aut, quod nos facimus, negent: adultis sine euangelij fide salutem.

Dicant etiam mihi, quibus contraria sententia placet, an Iudæi, ad quos euangelium non peruenit, seruantes legem Moyse saluentur, an non? Si non, habetur id quod uolumus: si etiam, quid ergo præscripta concilij Florentini definitio præstat? quid et illa rursus, in quam catholici conuenimus, legalia post euangelij diuulgationem, sine interitu seruari non posse, et omnes eiusmodi obseruatores à Christo alienos, et æternæ uitæ minime fieri posse participes, nisi aliquando ab his erroribus resipiscant.

Ad primum uerò argumentum, quo tertia hæc conclusio uertebatur in dubium, nego equidem consequentiam. Aliud enim est quod excusetur quis à peccato non credendi in Christum, aliud quod sine fide Christi uitæ æternæ beneficium consequatur, ut D. Tho. 22. q. 10. disertè nos docuit. Condemnabuntur igitur illi, non quia non crediderunt in Christum, cum non sit illis euangelium annuntiatum, sed propter alia contra legem naturæ peccata.

PARS II. RELECT.

Quòd si fingas eiusmodi legem naturæ seruare, respondet Diu. Thom. 3. distincti 25. q. 1. artic. 1. quæstione, 1. 1. et 2. et artic. 2. q. 1a. 2. quòd si quis faciat quod in se est, huic Deus prouidebit, uel per hominem, uel per angelum, si opus fuerit, et si quæras unde hæc tam extraordinaria prouidentia, certè: præterquam quòd ratione constat, nec enim Deus deficit, in necessarijs: sacris etiam literis traditur. Act. 8. Angelus rapuit Philippum ad Eunuchum uirum religiosum. Et c. 10. Angelus apparuit Cornelio, uiro timenti Deum, facienti eleemosynas, et oranti Et c. 16. habes extra Macedonum. Et Ioan. Euangelij, c. 1. Cum dixisset, erat lux uera, quæ illuminat omnem hominem uenientem in hunc mundum, dedit, inquit, eis potestatem filios Dei fieri iis, qui credunt in nomine eius. Et cap. 12. Cum dixisset Dominus, ego si exaltatus fuero à terra, omnia traham ad me ipsum, respondissetq; ei turba, quomodo dicis oportere exaltari filium hominis? quis est iste filius hominis? dixit eis Iesus. Ambulate dum lucem habetis, ut non uos tenebræ compræhendant: dum lucem habetis, credite in lucem, ut filij lucis sitis: ego lux in mundum ueni, ut omnis, qui credit in me, in tenebris non maneat. Sicut in lege naturæ, facienti quod in se erat, et seruanti naturæ legem, Deus præsto erat ad reuelandum supernaturalia, sine quorum fidei saluari non poterat. Sic in noua lege præstanti, quod in se est, lux euangelij refulgebit, quam qui non habet, manet in tenebris, an uidelicet iustitiæ sol Christus dominus non illuxit. Et hinc patet responso ad priorem confirmationem.

Nam ad posteriorem respondetur aliam esse rationem post euangelij plenam inuulgationem, atque antea erat. Siquidem dum adhuc euangelium uulgaretur, licitum erat Paulo Timotheum circumcidere, purificareque sese iuxta legis antiquæ præscriptum cum cæteris Iudæis, quæ tamen eadem nunc facere, superstitio proculdubio esset. Item adhuc euangelij prædicatione currente pueri eorum, ad quos euangelium non peruenerat, saluabantur in legis naturæ sacramentis, at nunc temporis nihil catholici recipimus. Abstinere à sanguine, et suffocato, principio

cuan-

euangelicæ prædicationis non licuit modo, uerumetiam
necessarium fuit, Act. 15. dicitur. At nunc qui ea seruaret;
Iudaicæ superstitionis meritò condemnaretur. Sic ergo et
sine fide explicata à principio statim apostolicæ prædica-
tionis homines seruari poterant, nunc seruari nō possunt.
Quòd Act 8 10. et 16. Iam cœpit explicari, dum peculia-
ris illa, et noua salutis procuratio per insolita media de-
scribitur. Nec tamen ego is sum, qui definire ualeam quan-
do primum incœpit illud tempus; quo euangelij plenaria
prædictio absoluta est, cū uidelicet remedijs antiquis
penitus abolitis sola euangelicæ legis remedia pro utris-
que, et adultis et paruulis remanserunt. Sed id tamen
statuere sine dubitatione possum neminem, cui fides Chri-
sti explicata desit posse nunc temporis salutem adipisci.
At enim cū dupliciter intelligatur salus altera æter-
na, ad quam iusti post hanc uitam ueniant; altera qua in
præsenti sanantur homines à peccatō, uel originali, uel a-
ctuali, facile nobis tribuent uiri docti, si sine fide Christi nul-
li unquam mortalium æternam concessam esse salutem,
illud tamen etiam nūm. à doctis hominibus in dubium re-
uocatur, an sine Christi fide possit homo à culpa sanari.

Afferunt autem ad noui dogmatis confirmationem, D.
Tho. primum auctoritatem. 1. 2. q. 89. arti 6. ubi tenet esse
non posse ueniale peccatum cum solo originali. Quòd
idem Innocentius superius supponit in cap. maiores extra.
de bap. § sed adhuc quæritur. Et concil. Florent. in de-
creto de unione Græcorum inquit. Illorum autem ani-
mas, qui in peccato mortali, uel solo actuali decedunt,
mox in infernum descendere.

Huius uerò conclusionis causam Diu. Thom. eam red-
dit, quòd cū usum rationis habere puer experit, primum
quod illi cogitandum occurrit, est deliberare de se ipso.
Et siquidem se ordinauerit ad debitum finem, per gratiam
consequetur remissionem originalis peccati. Si uerò non
ordinet se ipsum ad debitum finem, secundum quod in il-
la ætate est capax discretionis, peccabit mortaliter non fa-
ciens quod in se est, hactenus ille.

Ex his D. Tho. uerbis ratiocinantes, fieri potest; in-

quiunt, ut primo tempore usus rationis puer non modò Christum, sed ne Deum quidem agnoscat, ut pote apud barbaros sine ulla religione notitiæ diuini nominis educatus. Is ergo, ut faciat quod in se est, satis erit, si se conuertat in honestum finem naturæ ratione comprehensum. Sed tunc ille mortaliter non peccat, cum benefaciat pro ætate, et institutione, quam habet, nec est in solo originali, ut D. Thoma. auctore nos habemus, ergo consequetur gratiam sine cognitione Dei, ac proinde sine fide Christi.

Præterea, quoniam hæc urgere angustius uolumus, ut D. Tho. 2. 2. q. 1. art. 1. docet, infidelitas nullum peccatum est in iis, qui de rebus fidei nihil penitus audierunt. Cognoscat itaq; puer prima deliberatione aliquid esse honestum, aliquid contra turpe, statuaturque sese honestam uiuendi rationem sectaturum, inhonestam repudiatum, quemadmodum de Hercule in somnio, ferunt fabulæ. Iam quæro nûm ille peccet? Minimè uerò gentium, non enim peccatum infidelitatis, ut ex illa q. 10. patet, nec peccatum omissionis cum conuertat se in honestum finem, quantum ei per scientiam, et ætatem licet. Est igitur in gratia, si Diu. Tho. autorem sequimur.

Præterea, ut urgentius idem instantiusque premamus, fides ex auditu est, auditus autem non est sine prædicatæ, quod Apostol. ad Roma. cap. 10. tradit. Non ergo potest puer statim à principio usus rationis fidem habere sine prædicatore, at non est præsto, ut supponimus prædicator, qui in ipso uidelicet temporis articulo credenda proponat, ergo iuxta D. Th. sententiam, puer ille citra fidei actum iustificabitur? Faciamus insuper, ut primus actus pueri utentis ratione sit uelle accipere baptismum: quia, scilicet, uidit pueros alios a sacerdote baptizari, cuius rei exemplum hibes. 10. histo. eccle. lib. cap. 14. referturque à gratia. 1. q. 1. cap. spiritus sanctus de pueris baptizatis ab Athanasio puero. Tunc ergo cum baptizatus non ponat obicem, recipit gratiam, recipit autem sine fide. Nihil ergo uetat, ut homo citra fidem iustificetur.

Præterea, in quocunque temporis puncto atque momento

mento potest homo iustificari, sed non in quocunque potest cognoscere Deum secundum ordinariam et moralem potestatem. Igitur sine Dei, et Christi fide possumus à peccato sanari, ac remissionem peccatorum consequi.

Adde huc quòd ut Aposto. ad Roma. 2. dicit: Gentes, quæ legem non habent, naturaliter ea, quæ legis sunt faciunt: qui ostendunt opus legis scriptum in cordibus suis. Sed factores legis iustificabuntur, ut eodem cap. Apo. ait, ergo sola cognitione naturali potest homini obuenire iustificatio: unde et D. Tho. in commentarijs super hunc ipsum locum, naturaliter, inquit, id est, per legem naturalem ostendentem eis quid sit agendum, et tamen non excluditur gratia ad mouendum, affectum. Hactenus D. Th. Non ergo exigitur gratia ad mouendum intellectum; ut homo iustificetur; sed per solam naturæ rationem potest iustificari.

Præterea, non est necessaria alia cognitio ut quis accedere possit ad Deum, nisi qua intelligitur Deus esse, et esse remunerator inquirentium se. At utraque habetur ex lumine naturali; ergo si quis habens demonstrationem diuinæ erga hominem prouidentiae, atque iustitiæ, ad Deum accesserit, sine fide gratiam poterit consequi, non enim credit, sed scit Deum esse, &c.

In huius rei explicationem sit prima conclusio. Erroneum est, atque adeò forsitan hæreticum, asserere quemquam ad ultum sine actu fidei per solam naturæ cognitionem iustificari. Nam et sacri doctores unanimi consensu reclamant, et arcanae literæ contra pugnant.

Ambro. in primis in illud. 1. ad Timó. 2. Qui uult omnes homines saluos fieri, conditio, inquit, latet, si accedant ad eum: fides est enim, quæ dat salutem, quam nisi mens tota susceperit uoluntate, non solum nil proderit, sed et obert. Fidei enim gratia hanc habet potestatem, ut deuotis sibi diuinam infundat medelam, indeuotis uerò conferat morbum per quem totus homo intereat, et. 1. li. off. c. 29. fidem, ait esse iustitiæ fundamentum. Et ad Demetriadem epist. decimi li. 84. quòd scientia naturali ingenio et industria comparata non sufficiat ad animi salutem, ostendit ex illo,

P A R S II. RELECT.

illo, ubi sapiens? ubi scriba? nonne stultam fecit Deus sapientiam huius seculi. 1. Corin. 2. et ex illo ad Rom. 1. qui cum cognouissent Deum, &c. Quod autem scientia, quæ ad salutem animi satis est à Dei gratia, et munere proueniat, ostendit, ibidem ex Prou. 2. Dominus dat sapientiam, et ex ore eius prudentia, et scientia, tunc intelliges iustitiam, et iudicium, æquitatem et omnem semitam bonam. Et 1. ad Cor. 12. Nemo potest dicere dominus Iesus nisi in spiritu sancto, et diuisiones gratiarum sunt, &c. et 2. Corint. 3. Non sumus sufficientes cogitare aliquid ex nobis quasi ex nobis, sed sufficientia nostra ex Deo est, et Hier. 9. Non gloriatur sapiens, &c. Et Psal. 88. Domine in lumine uultus tui ambulabunt, et in nomine tuo exultabunt tota die, quoniam glø. &c. Et ne quis possit refragari, legat librum primum de uocatione gentium, ubi hæc sententia manifestissimè comprobatur. Fides, inquit, cap. penulti. Quæ bonæ uoluntatis, et iustæ actionis est generatrix, quò ipsa fonte nascatur Apost. Paulus exponat, &c. Probat autem multis ex locis fidem esse donum Dei, &c. et cap. ulti. Abundè ait, demonstratum est fidem, qua iustificatur impius, nisi ex Dei munere non haberi, et ad hoc donari, ut principium possit esse meritorum. Subdit dein de illud ex Psal. 42. Emitte lucem tuam, et ueritatè tuam; ipsa me deduxerunt, &c. Et Prouerb. 8. Meum est consilium, et æquitas, mea est prudentia, mea est fortitudo, et Hier. 10. Scio Domine, quia non est hominis uia eius, nec uiri est, ut dirigat gressus suos. Dirigere autem gressus ad intellectum deliberantem pertinet, uel, ut uerbis Ambrosij utar, ad rectam sapientiam, et Hier. 24. Dabo eis cor ut sciant me. Et Ioan. 6. Erunt omnes docibiles Dei, omnis, qui audiuit à patre, et didicit, uenit ad me, &c. libro denique, 2. de uoca. Gen. cap. 1. Dubitandum, inquit non est ad ipsam cognitionem ueritatis, et perceptionem salutis neminem nisi ope diuinæ gratiæ peruenire, et cap. 2. Cum nemo nisi gratia Dei iustificatus fuerit per spiritum fidei. Quis ambigat eos, qui de quibuscunque nationibus quibuscumque temporibus Deo placere potuerunt, spiritu gratiæ Dei fuisse discretos, &c.

Chri-

Chrisost. Homi. de fide et lege naturæ, ante opera pri-
mum, ait, fides inducenda est. Eum enim, qui operatur iu-
ste, sine fide non possum probare uiuum fuisse. Nullus si-
ne fide uitam habuit, &c. Et Homi. 32. in Ioan. Vbique fi-
de nobis opus est, bonorum mater, salutis medicina, sine
qua nullam magnarum rerum doctrinam percipere quis-
quam potest. Id ipsum in commentarijs quidem super
epistolam ad Ro. sæpe tradit, sed Homi. 2. uel maximè Di-
uus August. disertissimè eandem sententiam profitetur li.
83. quæstionum. q. 67. li. de corr. et gratia cap. 2. et 7. de gra-
tia Et libe. xlv. cap. 7. de spiritu, et lite. capit. 29. 30. 31. et
li. 1. retract. ca. 23. et super Ioan. tract. 25. et 26. in illud, ni-
si manducaueritis, &c. et super Psal. 13. 31. et 67. ne epi-
stolæ ad Optatum uerba etiam atque etiam resumamus.

Hiero. ad Ephe. 3. in illud, habitare Christum per fi-
dem in cordibus uestris: habitatio, inquit, ista per exor-
dium fidei fabricatur. Et ad Gala. 3. in illud, itaq; lex pe-
dagogus noster fuit in Christo, &c. omnes enim filij Dei
estis per fidem, Deo nos generat ait, non lex abolita, sed
mater fides. Præter testimonia uerò, ea quæ retulit Am-
brosius ex sacris literis multa.

Primum, conclusio hæc demonstratur ex tota epistola
ad Roma. Cuius precipuum argumentum, atque adeò sco-
pus, et finis est ostendere, nec naturæ, nec scripturæ le-
gem iustitiam Dei præstitisse, sed solam fidem. Vnde et
1. cap. adducitur illud Habacuc secundo. Iustus ex fide
uiuet, que si subtraxerit se, non placebit animæ meæ. Ac
siquis sine fide iustificaretur, iam iustus aliquis non ex fi-
de uiueret, sed ex naturali ratione. Quod cum Apolto-
lo Prophetaq; pugnat, et cap. 3. Iustitia Dei secundum fi-
dem in omnes, et super omnes. Vt retro citauimus, et
capit. 4. Credidit Abraham Deo, et reputatum est illi ad
iustitiam. Ac protinus subdens illud: beatus, uir, cui non
imputauit dominus peccatum, docet Apostolus beatitu-
dinem hanc, siue in circuncisione, siue in præpucio per fi-
dem hominibus obuenire. Inde uerò cap. 5. colligitur iusti-
ficati ergo ex fide pacem habeamus, &c. et capit. 8. Quos
prædestinauit, hos uocauit, et quos uocauit, hos etiam iu-
stificauit,

P A R S II. R E L E C T.

stificauit, et quos iustificauit, hos et glorificauit. Primus ergo prædestinationis effectus uocatio est, quæ uidelicet iustificationem antecedit, ut glorificationem iustificatio.

At uocatio ad aures refertur, quibus fides percipitur. Certe Paulus, ut in summa dicam, nullos in epistolis suis Dei filios nisi per fidem agnoscit, nullos nisi ex fide semen Abrahamæ, et secundum promissionem hæredes admittit.

Non aliam quàm iustitiam fidei concedit, siquidem iustitia apud Deum sit, non apud homines: nam per naturalem, aut scriptam legem apud homines iustificari homines possunt, apud Deum, si Paulo credimus, non possunt.

Deinde hæc conclusio probatur ex eodem Apostolo ad Heb. 11. Vbi fides definitur esse substantia, id est, fundamentum rerum sperandarum. Quod si naturalis ad iustificationem satis est, iam profectò aliud fundamentum ponitur præter id quod positum est. Et præterea cum Apostolus eo capite docere uellet omnes iustos antiquos per fidem operatos esse iustitiam, fide, inquit Enoch translatus est: testimonium enim habuit placuisse Deo, sine fide autem impossibile est placere Deo. Accedentem enim ad Deum oportet credere. Quo ex loco certissimum sumitur argumentum. Nam Enoch in sacra scriptura fidem habuisse non legitur, sed solum placuisse Deo. Monstrauit igitur Apostolus Enoch etiam fidem habuisse, quia placuit Deo, cui sine fide placere est impossibile. Quod uerò sermo de actu fidei sit, uel manifestum est, cum cuestigio causam Apostolus reddat. Accedentem enim ad Deum oportet credere. Quamobrem parum apta eorum expositio est, qui tradunt Apostolum hic loqui regulariter, et in communi, quasi plærunque ita contingat: uerba namque aliena nobis sæpe permitimus, ne in scholastica disputatione eloquentiæ laudem affectare uideamur. puerile quippe est res theologicas ornatè dicere uelle. Eorum itaque interpretatio parum concinna est, si argumentum Pauli cohæret. Etenim si uel rarò id accidere potest, ut quis sine fide placeat Deo (cum interim per solam naturæ scientiam possit) dicetur Enoch ex illis esse, qui naturali ingenio ducti iustificati sunt: ita uel Apostoli ratiocinatio nul-

lius pe-

Ius penitus est momenti: uel assertio, quæ fingit aliquem sine fide placere Deo, est erronea.

Præterea, Sapientiæ. 9. Da mihi, inquit, sedium tuarum assiltricem sapientiam, et noli me reprobare à pueris tuis. Quoniam homo infirmus sum, et exigui temporis, et minor ad intellectum iudicij et legum. Et si quis erit consummatus inter filios hominum, si ab illo abfuerit sapientia tua, in nihilum computabitur. Mitte illam de cœlis sanctis tuis, ut tecum sit, et tecum laboret. Et sciam quid acceptum sit apud te omni tempore, et deducet me in operibus meis sobriè, et erunt accepta opera mea. Quis enim hominum poterit scire consilium Dei? aut quis poterit cogitare quid uelit Deus? Cogitationes enim mortalium timidæ, et incertæ prouidentia nostræ. Corpus enim, quod corrumpitur, aggrauat animam, et deprimit sensum, multa cogitantem terrena inhabitatio. Et difficile æstimamus, quæ in terra sunt, et quæ in prospectu sunt inuenimus cum labore, quæ in cœlis sunt autem quis inuestigabit, nisi tu dederis sapientiam, et miseris spiritum sanctum tuum de altissimis? Nam per sapientiam sanati sunt, quicumque, placuerunt tibi domine à principio? Est ne igitur, qui post adò clarum irrefragabileque ueritatis testimonium audeat ueritati refragari? ecce sapiens, quod nos asseruimus manifestissimè, docet, non sat esse mortalium cogitata humanaque consilia ad animi salutem, nisi spiritus sancti dono cœlestis, Homini scientiam conferat, scientia uidelicet illa salutis plebi Dei data in remissionem peccatorum ipsius.

Quid si illud adiiciam, quod à conc. Mileuit. cap. 4. refertur in hæc uerba? quicumque dixerit gratiam Dei in qua iustificamur, ob hoc nos iuuare ad non peccandum, quia per ipsam nobis datur, ut sciamus quid appetere, quid fugere debeamus, non autem per illam nobis prestantior, ut quod faciendum cognouerimus, etiam diligere, et facere ualeamus, anathema sit, cum sit utrunque donum Dei, et scire quid facere debeamus, et diligere ut faciamus. Non ergo iuxta conclu. definitionem gratia Dei solum requiritur ad mouendum affectum, sed ad mouendum etiam intel-

intellectum. Quod ex Psal 93. concilium probat, qui dicit hominem scientiam, Dominus scit cogitationes hominum: quoniam uanæ sunt. Beatus homo, quem tu erudieris Domine, et de lege tua docueris eum.

Concilium uero Carthagi. in episto. ad Innocentium refert in huius rei confirmationem illud ex. 2. ad Cor 8. Non sumus sufficientes cogitare aliquid ex nobis, quasi ex nobis, sed sufficientia nostra ex Deo est.

Item Cælestinus Papa in episto. ad omnes Galliarum episcopos. c. 9 ubi de fide contra Pelagianos decernit. Ita Deus in cordibus hominum atque in ipso libero, inquit, operatur arbitrio, ut sancta cogitatio, pium consilium omnisq; motus bonæ uoluntatis ex Deo sit. Ad hanc enim professionem Papa Zosimus nos instituit inquiring. Quod tempus interuenit quo Dei nõ egeamus auxilio, in omnibus igitur actibus, causis, cogitationibus, motibus, adiutor, et protector orandus est. Superbum est enim ut quicquam sibi humana natura presumat, et. c. 12. Ecclesiasticis ex diuina sumptis autoritate documentis omnium bonorum affectuum, et omnium studiorum, quibus ab initio fidei ad Deum tenditur, Deum fatemur autorem et non dubitamus ab ipsius gratia omnia hominis merita præueniri. Quo utique auxilio non aufertur liberum arbitrium, sed liberatur, ut de tenebroso lucidum, de prauo rectum, de languido sanum, de imprudente sit prouidum. Igitur catholicum non est, ut. c. 13. eiusdem epistolæ concluditur, quod præfixis sententijs apparuerit esse contrarium et ratio, nisi me coniectura decipit, palmaria est. Nam uel homo cum primum ad usum rationis peruenit, de fine naturali deliberat, uel de supernaturali: si de naturali, certè ut est uerum proportionatum intellectui, ita est quoque bonum uoluntati proportionatum. Quare uoluntas naturæ bonum appetere potest naturaliter, quemadmodum intellectus naturale uerum potest naturaliter intelligere, cum igitur puer ille rectè de fine naturæ deliberans: namque ducem sequens uelit quod natura præscribit, non peccat, sed facit quod in se est. quare iuxta aduersariorum opinionem iustificabitur, primamque gratiam ex puris naturalibus

ralibus consequetur, quod sine dubio erroneum est. Sin-
 uerò deliberatio de fine supernaturali sit cognitio, erit su-
 pernaturalis; quam nos fidem appellamus.

Præterea, si cognitio naturalis posset esse primum iusti-
 ficationis exordium, iam ex nobis esset primum naturæ
 iustificationis initium, quod Pelagiani docuerunt. Quod
 si hæc antiqua præsidia non haberemus aduersum nouam
 commenticiam sententiã, synodus tamen Tridentina abun-
 dè nobis et auxilium et præsidium ferret sessione sexta, ca-
 pite quinto, sexto, septimo et octauo decreto de iustifica-
 tione impij. Nam cap. septimo expressè definit sine fide
 nulli unquam iustificationem contigisse. Et cap. octauo
 addit hæc uerba: eum uerò Apostolus dicit iustificari ho-
 minem per fidem, ea uerba in eo sensu sunt intelligenda,
 quem perpetuus ecclesiæ catholicæ consensus tenuit ex-
 pressitq;, scilicet, ut per fidem iustificari dicamur, quia fi-
 des est humanæ salutis initium, fundamentum, et radix om-
 nis iustificationis sine qua impossibile est placere Deo, et
 ad filiorum eius consortium peruenire. Hactenus syno-
 dus Trinden. Cum Christiana igitur fide pugnat, qui salu-
 tem uitamque animi cuiquam sine fide tribuit. Omnibus
 enim Apo. innotat, gratia estis saluati per fidem, et hoc
 non ex uobis, Dei nanque donum ad Eph. 2.

Secunda conclusio, ad peccati siue originalis siue mor-
 talis remissionem fides in Christum explicita uel implici-
 ta est, ac fuit necessaria. 2^a conclusio

Non est autem hæc secunda tam certa, et explorata
 quàm prima, sed eam negare non uideo qua ratione possit
 esse tutum, certè ne quid amplius dicam, periculosum et
 temerarium est.

Primum enim August. ita definit, cum tamen alijs locis
 plurimis, tum maximè epistola illa. 157. ad Optatum, cu-
 ius uerba quoniam retro posuimus non sunt hoc nobis lo-
 co resumenda. Diuus etiam Thomas ad Hebr. 11. lect. 2.
 Post peccatum primi parentis nemo potuit, inquit, salua-
 ri à reatu culpæ originalis, nisi per fidem mediatoris expli-
 citam uel implicitam. Diuus quoque Chrysost. Homil. il-
 la de fide, et lege naturæ idem tenet.

PARS II. RELECT.

Id etiam testimonijs sacrarum literarum corroborari potest. Ad Colosen. 1. Dignos nos fecit in partem sortis sanctorum in lumine, et eripuit nos de potestate tenebrarum, et transtulit in regnum filij dilectionis sui, in quo habemus redemptionem, et remissionem peccatorum. Et infra, placuit per eum reconciliare omnia pacificans per sanguinem crucis eius siue quæ in cœlis &c. At sanguis Christi non communicatur hominibus nisi per fidem uel sacramenta fidei. ergo &c.

Præterea, ad Galat. 3. Omnes filij Dei estis per fidem, quæ est in Christo Iesu: et capit. secundo. Scientes quod non iustificatur homo ex operibus legis, sed per fidem Iesu Christi, et nos in Christo Iesu credimus, ut iustificemur ex fide Christi. Item ad Rom. 5. Iustificati ergo ex fide pacem habeamus ad Deum per dominum nostrum Iesum Christum, per quem habemus accessum per fidem in gratiam istam in qua stamus, et capit. quarto. Credidit Abraham Deo, et reputatum est illi ad iustitiam: non est autem scriptum tantum propter ipsum, sed et propter nos, quibus reputabitur credentibus in eum, qui suscitavit Iesum Christum dominum nostrum à mortuis qui traditus est &c. Et capit. 3. Manifestius, Iustitiam Dei per fidem, inquit, Iesu Christi in omnes et super omnes, qui credunt in eum, non enim est distinctio. Omnes enim peccauerunt, et egent gloria Dei, iustificati gratis per gratiam ipsius, per redemptionem, quæ est in Christo Iesu quem proposuit Deus propitiatorem per fidem in sanguine ipsius propter remissionem præcedentium delictorum. Et ratio est in promptu: sicut enim est mediator Dei et hominū Deus et homo Christus Iesus ad glorificationem, ita quoque mediator est ad iustificationem. Quare sicut per fidem in Christum glorificamur, ita per eandem oportet iustificari.

Verum exinde magna quæstio nobis oritur, an euangelio promulgatō fides explicita Christi sit ad iustificationem hominis necessaria. Nam si testimonia, quæ nunc retulimus, exponi de fide explicita, uel implicita possunt, æqua ratione cum afferuntur eadem aliaque similia, ut probetur Christi fides post euangelij diuulgationem ad æternam

æternam salutem necessaria de fide explicita, uel implicita poterunt explicari. Quo fiet ut argumenta, quæ retro fecimus, ad eam conclusionem corroborandam, per hanc expositionem eludantur. Augetur uerò quæstionis huius difficultas, ex eo quod habetur Ioan. octauo. Si non credideritis quia ego sum, in peccato uestro moriemini: nemo igitur à peccato iustificabitur, nisi credat Christum esse Deum.

Item ut filij Israel à serpentum morsibus sanarentur, oportebat eos in statuam serpentinam aspicere. Ergo ut à peccatorum uulnere quis sanetur, opus est credere in Iesum Christum, ut habetur Ioan. 3.

Præterea 1. Ioan. 5. qui habet filium Dei habet uitam, qui non habet filium Dei uitam non habet. Habere autem filium est credere in filium, ut in eo. c. dicitur: Nemo itaque sine fide Christi in euang. uiuificatur.

Præterea, Bonifa 8. in extra, unam sanctam, unam inquit, sanctam ecclesiam catholicam & apostolicam firmiter credimus, extra quam nec salus est, nec remissio peccatorum, in qua unus est dominus, una fides, unum baptisma. Non ergo sine fide explicita Christi homini extra ecclesiam constituto, scilicet, Iudæo, uel Pagano peccata remitti possunt.

Adde huc illud: 1. Cor. 3. Fundamentum aliud, nemo potest ponere præter id, quod positum est, quod est Christus Iesus, id est, Christi fides, per quam Iesus habitat in cordibus, ut glossa ibidem exposuit. Et Greg. 1. q. 1. cum Paulus dicat fundamentum aliud &c. consequenter probatur, quòd ubi Christus non est fundamentum, nullius boni operis potest esse superædificatio.

Adde rursum & Chrysost. Homi. de fide, et lege naturæ hisce uerbis differentem. Sicut hominibus opus est primum, ut præcedat uita, deinde sequatur alimentum, ita necessarium, ut præcedat uitam nostram spes in Christum, quæ postea pascenda bonis operibus. Et uis planè uidere, quòd opera sine fide non uiuificant? Testimonium bonum habuit Cornelius de eleemosyna & precibus, sed Christum ignorabat, Deum quidem credens: sed quia bona qui-

na quidem erant opera, sed mortua eò quòd fidem, scilicet Christi non habebant, mittitur angelus &c.

In concilio tandem hoc Tridenti. sess. sexta decreti de iustificatione impij cap. quarto uidetur esse definitum in hæc uerba. Translatio à statu in quo homo nascitur filius primi Adæ in statum gratiæ, & adoptionis filiorum Dei post euangelium promulgatum, sine lauacro regenerationis, aut eius uoto fieri non potest. Quod etiam cap. sexto declaratur apertius. In primo etiam decreto. 4. sess. eiusdem concilij ita dicitur. Ut fides nostra catholica, sine qua impossibile est placere Deo, &c. Fides autem nostra catholica sine controuersia Christi fides explicita est. Et inferius: Si quis originale peccatum, uel per humanæ naturæ uires, uel per aliud remedium asserit tolli; per meritum unius mediatoris domini nostri Iesu Christi, aut negat ipsum Christi Iesu meritum per baptisimi sacramentum tam adultis quàm paruulis applicari, anathema sit. Quia non est aliud nomen sub cælo datum hominibus in quo oporteat nos saluos fieri. Vnde illa uox: Ecce agnus Dei, ecce qui tollit peccata mundi. Et illa, quicumque baptizati estis Christum induistis. Hactenus synodus.

Quòd si post adeò firma testimonia ratio quicquam confirmare ualet, illa certè non est omnino pessima, quòd sicut paruulis post euangelij promulgationem protestatio fidei in Christum implicita nil est ad salutem, & remissionem peccati originalis, sed fidei Christianæ explicita professio requiritur, qualem baptismus continet: sic ad remissionem peccati in adultis iam euangelio promulgato non sat erit Christi fides implicita. Explicatiora sunt siquidem remedia salutis in euangelica lege, quàm erant in lege aut naturæ, aut etiam scripturæ.

Histamen non obstantibus (salua semper ecclesiæ Romanæ autoritate, cuius censuræ nostra omnia scripta & dicta uolumus esse subiecta) sit tertia conclusio.

Ad remissionem peccati uel originalis, uel actualis ante baptismum non requiritur etiam nunc fides euangelij explicita. Cornelius namque iustificatus erat antequam Christi fidem acceperit: Id autem quoniam à quibusdam proter-

proteruè negatur, ostenditur imprimis D. Tho. testimonio. 22. q. 10. art. 4. ad. 3. deinde sacra scriptura testatur cum ante fidem Christi fuisse uirum religiosum, ac timentem Deum, quæ uerba de inimicis Dei nullo modo dicuntur. Petrus quoque ait: in ueritate comperio quòd non est personarum acceptor Deus, sed in omni gente qui timet Deum & operatur iustitiam acceptus est illi. Appellatus uerò Cornelius ante fuerat uir iustus, ac timens Deum: Ergo acceptus erat gratusq; Deo priusquam in Christum explicitè crederet. Atque idem ferè argumentum est de Eunuchò Act. 8. & Lidia purpu. c. 16. Idem ergo nunc etiam euenire poterit, ut per solam fidem in Deum homo iustificetur, & quærat mox à Deo salutem, quæ est per Christum Iesum.

Præterea, fidem explicitam Christi Deus in noua lege non communicat sine prædicante, ut patet ex Apo. ad Ro. 10. sed in quolibet momento homo, qui credit in Deum potest iustificari, non autem in quolibet potest habere prædicatorem, qui de fide Christi instruat eum, ergo &c.

Præterea, D. Tho. id tenet. 3. p. q. 69. ar. 4. ad. 2. in hæc uerba. Remissionem peccatorum aliquis consequitur ante baptismum, secundum quòd habet baptismum in uoto, uel explicitè, uel implicitè. Ita ante baptismum Cornelius, & alij similes consequuntur gratiam, & uirtutes per fidem Christi, et desiderium baptismi explicitè, uel implicitè &c. Ac re uera inter autores nullum equidem legi, qui huic conclusioni refragaretur, nedum illam tanquam aut hæreticam, aut erroneam, aut scandalosam exploderet. Ego uerò et opto redargui me, et ea, quæ disputo dissuadere malo quam iudicare. Cumq; nec studio certandi, nec ostentandi ingenij gratia, sed causa ueri reperiendi disputationem hanc, aliasque suscipiam, si quis melius sentiat, huic ergo libenter et aures et animum accommoda- uero.

Ad argumenta igitur, quæ in hanc tertiam conclusionem facta sunt, ordine suo respondemus.

Ad primum, non esse eandem rationem etiam euangelio promulgato de remissione peccatorum, et æterna finali-

que salute. Non enim omnia, quæ ad hanc consequendam exiguntur, ad illam alteram sunt necessaria. Eò quòd illa, ut modò dicebamus, in temporis puncto cuiq; adest faciendi quod in se est; hæc uerò secundum diuinæ procurationis ordinem per media quædam temporaria, et successiua administratur. Quocirca nil mirum est si eadem etiam testimonia ad iustificationem huius uitæ momentaneam, relata de fide in Christum implicita intelligantur, relata uerò ad futuræ æternæ uitæ salutem; intelligantur de fide explicita.

Ad secundum, posteaquam euangelium Christi fuerit annunciatum, ut illis erat, quibus Dominus loquebatur, fatemur prorsus sine euangelij fide nec peccata quidem posse remitti. Secus tamen priusquam homini Christus Dominus fuerit predicatus.

Ad tertium, perfecta sanatio uulnerum, quæ à serpente accepimus tunc erit, cum alligauerit Dominus uulnus populi sui et percussuram plagæ eius sanauerit, ut Esai. 30. dicitur, hoc est in resurrectione. Huius autem resurrectionis gloriam, et salutem nemo sine Christi fide explicita consequitur.

Quòd autem de hac consummata perfectaq; salute Dominus loqueretur patet Ioan. 3. Sicut Moyses &c. ut omnis, qui credit in eum non pereat: sed habeat uitam æternam. Et eadem penitus intelligentia quartum argumentum faciliè diluitur. uitam æternam, inquit, dedit nobis Deus, et hæc uita in filio eius est &c.

Ad quintum, prius dico quòd extra sanctam ecclesiam tradit Bonifacius non esse remissionem peccatorum: quia nullum est sacramentum aut naturalis, aut scriptæ legis, siue pro paruulis, siue pro adultis in quo peccata remittantur: constat siquidem hæreticos, ludæos atque Paganos, qui in forma ecclesiæ baptizant paruulos suos, peccatum originale remittere salutemq; conferre: sed quoniam hoc per sacramentum ecclesiæ fit, licet illi sint extra ecclesiam, non proinde extra ecclesiam salus est remissionis peccatorum.

Posteriorius respondetur quòd Bonifacius loquitur de remissio-

missione peccatorum, quæ per ecclesiæ sacerdotes auctoritate clauium exhibetur. Nulla est enim extra ecclesiam iurisdictio, nulla facultas remittendi peccata, sed ubi primum quis ab ecclesia egreditur, hanc potestatem amittit. D. Aug. in enchirid. c. 65. ubi et iam aliam expositionem insinuat, ut uidelicet extra ecclesiam non sit remissio peccatorum perfecta per quam uitam æternam consequamur, sed priores responsiones præstabiliores sunt.

Ad. 6. qui implicite credit in Christum, Christum habet fundamentum, quale habuerunt Cornelius et Eunuchus, habitabat enim Iesus per fidem in cordibus eorum priusquam in Christum explicitè crederent.

Septimum argumentum, sententiâ nostram non modo non refellit, uerumetiam confirmat, nam Christus de uita æterna expressè loquitur, ideoq; mortua Cornelij opera uocat, quia sine fide Christi explicita æternam uitam præstare non poterant, alioqui uiua opera erant, quæ, ut idem ait, placebant Deo.

Ad octauum, uel ex eo liquet concilium de æterna uita, translationeq; in filios Dei perfecta, sermonem facere, quod adducit in propriæ sententiæ confirmationem, illud ex euangelio, nisi quis renatus fuerit ex aqua et spiritu sancto non potest intrare in regnum Dei, et hinc patet quid ad alia eiusdem concilij testimonia respondendum sit.

Ad rationem ultimo loco adiectam respondeo, adultorum, ac paruulorum non per omnia currere similitudinem. Quæ in eo quidem par est, quod sicut paruuli sine sacramento baptismi non saluantur, ita nec adulti sine baptismi saltem desiderio: at iustificatio, siue remissio peccatorum, non æquè obuenit paruulis atque adultis, ut sæpe iam diximus.

Nunc uerò ea sunt argumenta refutanda, quæ contra primam, et secundam conclusionem conformauimus, scilicet, ut ostenderemus sine fide Christi, imò sine fide Dei posse hominem iustificari. Et quidem cum D. Tho. primum auctoritas nobis opponitur, id nos statuimus D. Thomæ commentum hoc nouum assignari, nec debere, nec posse, sententiâ, quippe contrariâ multis locis apertissimè

PARS II. RELECT.

mè docuit, ut. 12. questione. 113. artic. 4. 22. quest. 10. art. 4. ad. 3. ad Rom. 10. lect. 3. ad Heb. 10 lect. 4. et 11. lect. 2. quo pestremo loco Caietanus nobiscum sentit et in commentariis super epistolâ ad Romanos cap. 3. Ne quis cum existimet in hac re aut à Diuo Thoma aut à ueritate potius catholica dissidere.

Igitur illa opinio Diui Thomæ quam. 12. questione 89. tenet, probabilis quidem est, adultum enim cum solo posse originali decedere, communi fidelium sensui uidetur aduersum, limbum nanque puerorum admittimus, non adultorum. Sed non est tamen usque adeò certa, ut non sit in procliui eam infirmare, cum aduersum certam firmamq; ueritatem adducitur.

Deinde argumentum quo Diuus Thomas utitur illa opinione suadenda consentaneum, et congruum est, non demonstratum, congruentia uerò argumenta, si ad uiuum refecerunt: sæpe reperiuntur infirma. Quare nec Diuus Tho. accipit illud antecedens tanquam firmum, scilicet, facienti quod in se est pro naturæ uiribus, Deum in eodem illico momento conferre gratiam gratum facientem, per quam homo iustificatur. Posset enim cum Duran. uerisimiliter dici. 4. distinctione 4. questione 7. non oportere statim: ut puer rationis naturalis dictamen sequitur per gratiam Dei iustificari, sed sat esse si proximè, uel etiam post aliquam moram temporis secundum diuinæ prouidentiae moderationem iustificetur, quo quidem intervallo egregiè poterit de rebus supernaturalibus erudiri, easq; tenere per fidem. Ad hæc, quod paulò ante dicebamus, nec resumere modò piget. Sicut ad iustificationem uoluntas boni naturalis non sufficit, ob id namq; auxilio speciali indiget, ita quoque cognitio ueri naturalis non est idonea.

Nempe inter actus uoluntatis, et intellectus proportio est, quoniam enim uoluntas non fertur in incognitum, ut eliciat actum naturalem cognitio naturalis antecedit ut autem actionem habeat supernaturalem, requiritur ante notitia supernaturalis, quod D. Tho. 3. contra gen. ca. 152. disertissimè tradit. Non igitur Diuus Thomas secum ipse pu-

se pugnans gratiam solum requirit ad mouendum affectum in iustificatione impij, uerumentiam ad mouendum intellectum: quare in hunc sensum facienti quod in se est, per naturæ duntaxat uires, Deus non denegat gratiā, quia præsto adest gratuitum: Dei auxilium mouentis hominem, et ad cognoscendum, et ad amandum finem supernaturalem.

His ita constitutis ad primum argumentum dupliciter responderi potest. Prius quòd Deus puero deliberanti etiam circa uitam honestam accurret non solum mouendo affectum, uerum illustrando quoque intellectum. Nam quemadmodum naturalis ratio in illo principio, Deus est remunerator inquirentium se, eam certitudinem non præstat, quæ uidelicet opus est ad statuendum continendumque in officio hominis animum. cogitationes enim mortaliū, timidæ, et incertæ prouidentiae nostræ, ita profectò, ut puer rectè firmiterque deliberet de honesta uita duenda, pueriles illæ naturæ cogitationes non sufficiunt. Sed confirmatur, et illustratur puer maiori quodam lumine ab eo, qui illuminat omnem hominem uenientem in hunc mundum. Atque id est, quod Paulus ait, non sumus sufficientes cogitare aliquid ex nobis, quasi ex nobis &c. Vt diuus August. de gratia, et lib. arb. cap. 7. docet. Id demum est quod Propheta dixit, qui docet hominem scientiam, Dominus scit cogitationes hominum quoniam uanæ sunt.

Vnde et si D. Thomas intelligatur de ordinatione ad debitū finem naturalem, ut de ueritate q. 14. art. 11. ad primum sentire uidetur: intelligendus tamen est non de ordinatione, quæ per naturam fit, sed quæ fit per gratiam, ut loco citato. 12. dicitur, si ordinauerit se, inquit, ad debitum finem per gratiam. Etenim licet fidei lumen per se loquendo detur propter supernaturalia, quæ non uidentur, tamen etiam est necessarium propter quædam naturali lumine cognoscibilia, ut ea, scilicet, firmitate teneantur, quæ ad rectam uitam confirmandam exigitur. Ob id quippe scriptum est: da mihi intellectum, ut discam mandata tua. Iuxta hanc uerò priorem solutionem puer ille

iustificaretur sine fide explicita Dei, non tamen sine fide. At nos multò sanius credimus, ad iustificationem fidem Dei explicitam esse necessariam. D. Tho. 12. q. 113. art. 4. August. in illud Psal. Dixit insipiens in corde suo non est Deus. Et libro de vera innocentia. Concilium Trid. sess. 6 in decreto de iustificatione impij. c. 6. adducit in hoc Apostolum ad Heb. 2. Sine fide impossibile est placere Deo Cuius rei causam reddens: Accedente enim ad Deum, inquit, oportet credere quoniam est, et quòd remunerator est inquirentium se: In secunda item conclusione nos ostendimus fidem saltem implicitam Christi ad iustificationem esse necessariam, quæ intelligi non potest, nisi credatur Deus per gratiam suam hominum iustificator.

Item peccatum mortale sine contritione nulli remittitur: contritio autem hoc est dolor de peccatis propter Deum, sine Dei cognitione nulla est: remissio igitur mortalis saltem peccati, Dei notitiam prærequirit.

Commodior est itaq; solutio posterior, qua dicimus eiusmodi puero deliberanti fidei lumen protinus affulgere, sicut autem lumine naturæ nil prius ostenditur quam primum naturæ principium, scilicet, quodlibet est, uel nō est: ita fidei lumen statim omnino demonstrat Deum esse, quod primum fidei principium est. Nec talis illuminatio miraeulosa est, imò regularis est diuinæ prouidentię: cum, scilicet, mouet homines ad finem supernaturalem. 3. sen. D. Tho. d. 25. q. 2. art. 1. q. 1. ad. 1. et 2. Sapientia per nationes uniuersas in animum se transfert, et amicos Dei, ac Prophetas constituit, attingit enim à fine usque ad finem fortiter, et disponit omnia suauiter: Quòd si obijcias cognitionem Dei non aduenire hominibus, nisi magno et longo tempore, atque discursu, respondeo uerum esse si de notitia dei naturali sermo sit: nam ad supernaturalem tempus non exigitur, certè non illud aded longum quòd argumentum fingit, nam ut ex Duran. sententia retrò diximus, puer ille, qui natura duce se conuertit ad debitum naturæ finem, consequetur quidem peccati remissionem non in eodem è uestigio puncto, sed breui tamen iuxta diuinæ prouidentię dispositionem. Et si arguas, ergo interea po-

terit


terit peccare uenialiter, quod D. Tho. reiicit, respondeo, nihil quidem repugnare si ad normam dialecticorum disseramus; At si, quod theologos decet, diuinæ et legis et prouidentiae in homines rationem habemus, sicut diuinæ curæ est prouidere ne interim excedat, ut non detur contra communem legem homo adultis in limbo, sic ad procurationem Dei spectat ne peccatum ueniale peccet ante mortale. Quemadmodum Adam non poterat ante peccare uenialiter quam peccasset mortaliter, idq; Deo specialiter procurante, ne contra communem legem in statu innocentiae cum culpis admittamus et pœnas.

Ad tertium argumentum, quoniam secundum ex iis, quæ iam diximus, facile soluitur respondeo Paulum Apostolum de fide explicita in Christum habere sermonem, hanc enim statuit Deus per homines administratos hominibus impartiri, unde et subdit Apostolus. Nunquid non audierunt, et quidem in omnem terram, &c. Ex his itaque colligit, ergo fides ex auditu, auditus autem per uerbum Christi. Cæterum fides, quæ in lege naturæ erat, cuiusque ætati ad iustitiam necessaria homine extrinsecus docente non egebat, sed interius, uel inuisibiliter, uel uisibiliter per angelos administrabatur.

Ad quartum, Adrianus de baptismo. q. 1. arti. 3. tenet eiusmodi puerum non recipere gratiam, nec sat is esse non ponere obicem, sed requiri conuenientem dispositionem fidei in adultis. Vnde Act. 8. Cum Eunuchus Philippo dixisset, quid prohibet me baptizari? Philippus ait, si credis ex toto corde, &c. iuxta quam sententiam datur accessus neuter ad baptismi sacramentum: puer enim ille, nec recipit gratiam, nec peccat mortaliter, dum sic baptizatur, sed cum huiusmodi euentus non sint frequentes, imò adeò disputationis gratia fingantur satius fuerit ad Dei prouidentiam referre, quæ non deficit in necessarijs quale est illuminare hominem, quem sit per Christi sacramentum iustificaturus.

Ad quintum, negatur propositio minor si de cognitione Dei gratuita, et supernaturali sermo est, nam de naturali nos concedimus, ac libenter quidem.

Ad sex-



Ad sextum, Diuus August. de spiritu et litera capit. 26. et 27. exponit naturaliter, quæ legis sunt faciunt, &c. id est, per naturam gratia tamen perfectam: quia enim peccatum contra naturam est, gratia quæ naturam perficit, secundum naturam esse dicitur, loquebatur autem Apostolus de gentibus conuersis ad Christum, quæ sine lege scripta, qualem Iudæi habebant, legis præcepta seruabant. Et hanc responsionem sequitur D. Tho. 1. 2. q. 109. ar. 4. ad. 1. Respondere quoque possumus præcepta legis naturaliter cognosci à gentibus, et singula naturaliter etiam fieri, licet omnia sine auxilio Dei speciali impleri non ualeant. Ob quam causam D. Tho. dixit opus esse gratia ad mouendum affectum, nec enim uoluntas perficere naturalia omnia præcepta potest, quæ naturæ lumine intellectus ante cognouerit.

Quæ quidem expositio cum apud nostros maximè sit aperta, miror ego uiros doctos hoc testimonio moueri potuisse ad nouam commentitiamq; sententiam inferendam, dico etiam Thoma referente.

Ad postremum argumentum, Caietanus in commentarijs super illum locum Apostoli, accedentem enim ad Deum, &c. respondet quod doctrina Pauli in communi datur, ac proinde in communi dicitur oportere credere, quia est Deus, longè autem melius esset, inquit, si non crederet, sed sciret Deum esse. Addit rursum quod Deum esse remuneratorem inquirentium se, oportet fide teneri quoniam nulla speculatiua scientia hoc attingere potest. Quod utique si uerum est argumentum illud facile diluitur, non enim utraq; cognitio habetur ex lumine naturali, quod altera parte antecedentis assumitur.

At qui diuum Chrysost. Homil. 4. de prouidentia, uel facto legere uoluerit, sanè intelliget Philosophos, qui supplicia peccatorum negant præmiaque iustorum post hanc uitam, in media luce penitus aberrare. Nam si iusti, qui Deum ritè colunt migrant affecti iniuriis ex hoc mundo, pessimi contra, immerita felicitàte potiti, omni certè ratione concluditur Deum ne iustum esse nec curam habere rerum humanarum, quod si Deo prouidentiam tollis, at-

que

que iustitiam, τοῖς uocabulum innane sit, qui circa cœli cardines ambulet, nec nostra consideret. Qui igitur negat alterum, utrumque tollat necesse est, nam si non est remunerator inquirentium se, nē Deus quidem est, unde et barbaræ omnes gentes pœnas improborum præmiaque iustorum admiserunt. Crediderim igitur opus esse, ut fides concurrat ad assentionem utriusq; principij, quo tam firmiter, ac constanti teneantur, quàm necessum est, ut hominis uita in honesto, et officio confirmetur. Nam alterius modi cognitionem ad Roma. 1. ostendit Apostolus idoneam minimè fuisse ad iustè beateque uiuendum.

Adde hunc Deum dupliciter cognosci posse, et ut finis naturæ est, causaq; rerum naturalium, et ut finis est hominis supernaturalis, cuius etiam gratuito beneficio homo supernaturalem illum finem consequatur. Ad placendum uerò Deo non sat est cognoscere ipsum esse principium autoremq; naturæ, sed oportet in Deum ferri quatenus finis est naturæ uires excedens, sic autem Deum esse, et esse remuneratorem sola fide creditur. Quo circa simpliciter, atque in uniuersum eum Apostolo fateamur, accedentem ad Deum, finem utique supernaturalem oportere credere quia est. Nam scire quod naturalis ratio docet ad hunc supernaturalem accessum non sufficit. Quippe habemus accessum ad Deum per fidem ad Rom. 5. Quare de re uide D. Tho. 2.2 q. 1. art. 8. ad. 1. et q. 2. art. 4.

Hinc uerò iam primum argumentum soluitur eorum, quæ à principio statim huius controuersię proponebamus. Prius enim falsum est non alterius rei fidem necessariam esse tunc temporis ad salutem, oportebat nanque etiam credere Deum esse iustificatorem, cuius uidelicet gratia peccata hominibus remitterentur: oportebat item credere mortales à cœlesti regno peregrinos, et alienos effectos patriam illam, quam sperabant, non aliter adepturos quàm per aliquod diuinæ prouidentię remedium præparatum.

Posterius quoque, ut nihil aliud credere opus esset. sed ibi tamen fides Christi implicite continebatur, ut sæpe idem diximus, per quem Deus iustificauit omnes mortales,

PARS II. RELECTA

les, quos prædestinavit in regnum. Hic est enim Samaritanus ille, qui homini uulnerato curationem attulit, iacentem erexit, superque suum ipse iumentum imposuit, ut iuxta Esa. Vaticinium portaret in corpore suo, nos et iniquitates nostras. Hic ille est, qui in stabulum, id est, fidelium consortium nos induxit: qui etiam curam stabulario dedit, hoc est ministro fidei, sacramentorumq; suorum. Hic denique sumptus suppeditavit, ut per omnia salutem nostram illi ferremus acceptam, qui saluator est omnium hominum maximè fidelium.

In secundo uerò argumento, quod additur non est mihi consilium differere, an præcepta decalogi naturali ratione contineantur. Sed tenendo quod D. Tho. sæpe tradit et dominus Caietanus disertè in commen. super Matt. explicat legis decem mandata moralia; et naturalia esse, respondetur prius quòd quemadmodum decem generibus quæ prædicamenta Philosophi uocant, res omnes continentur non formaliter semper, sed reductiue; punctus enim principium quantitatis, materia principium substantiæ ad prædicamenta ea reducuntur, quorum principium sunt: sic ad decalogi mandata referuntur uniuersa, quæ à Deo præcipiuntur, ea uel maximè, quæ principia sunt cæterorum. Ita præceptum, de honoratione parentum obseruantiam principum ac maiorum continet, ita in præcepto mechiæ omnem fornicationem abusumque naturæ per luxuriam intemperantis comprehendimus. Ita denique fidei præceptum ad illud de cultu unius dei referendum est, nec enim sine recta fide Deus rectè colitur: qui ergo uoluerit ad uitam ingredi, mandata seruet, non ea solùm, quæ explicitè in decalogo præscribuntur, sed etiam quæ continentur implicitè. Quale est de fide in Deum hominis conditorem, iustificatorem, glorificatorem, &c.

Posterius dicere quoque possumus, seruantem præcepta naturalia, uitam habiturum: qui enim fecerit ea, uiuet in eis, at non ex eis sed ex fide iuxta sententiam Apostoli ad Gala. c. 3. nam quod iam retro docuimus seruanti naturæ præcepta, Deus non denegat gratiam per quam ea etiam seruet, quæ naturæ lumen excedunt. Excessimus autem modum

modum fortasse nos hac secunda relectionis parte differenda, sed eo tamen uenia digni, quòd absque huius rei copiosa traditione reliquæ partes, aut uix aut certè nullo modo intelligerentur.

TERTIA PARS.

IN quibus tertia, ac difficilis illa quidem questio erat, an post primum Adæ peccatum sacramenta fuerint in omni lege ad salutem necessaria. Pars enim negatiua suadetur imprimis diuini Gregorij testimonio. 4. lib. Mora. ca. 2. referturq; à Gratiano de consecra. dist. 4. cap. Quod autem apud nos ualeat aqua baptismi, hoc egit apud ueteres, uel pro paruulis sola fides, uel pro maioribus uirtus sacrificij, uel pro his, qui de Abrahæ stirpe prodierunt [mysterium circumcisionis: ubi Gregorius solam fidem in lege naturæ docet fuisse satis ad salutem paruulorum. At sola fides non est sacramentum, cum non sit sensibile signum, non ergo fuerunt omni tempore necessaria sacramenta.

Præterea, iuxta communem doctorum sententiam lege naturæ durante paruuli saluabantur in fide parentum, at fides parentum non erat sacramentum.

Præterea, de sacramentis nihil ratione naturali statuere ualemus, sed id solum quòd diuinà reuelatione traditum est. At ante Abraham utrum aliquo uisibili sacramento iusti, uel eorum saluarentur infantes scriptura non exprimit. Sacramenta igitur tunc temporis fuisse, non nisi temerè definiemus.

Postremò sacramentum nullum est, nisi quod à Deo fuerit institutum, sed in lege naturæ nullum signum instituit Deus ad remissionem peccati uel originalis, uel actualis, non ergo fuit ullum in lege naturæ sacramentum.

Partem uerò affirmatiuam D. August. uidetur astruere. 19. lib. contra Faustum. cap. 11. in hæc uerba. In nullum nomen religionis seu uerum, seu falsum coadunari homines possunt, nisi aliquo signaculorum, seu sacramentorum uisibilium consortio colligantur.

In hac

PARS III. RELECT.

In hac ego controuersia non existimo nobis adeò esse laborandum, minimo enim negotio probare possumus sacramenta fuisse post Adæ lapsum omni tempore ad salutem necessaria. Corde siquidem creditur ad iustitiam, ore autem confessio fit ad salutem: omnis enim, quicumq; inuocauerit nomen domini, saluus erit. Vbi sub insigni oris professione, quæcunque professio etiam operis intelligitur, cum non ore solum inuocemus dominum saluatorem uerum etiam opere. Quemadmodum igitur credere oportet Deum iustificatorem atque ab eo interiori iustitiam salutarem querere, ita exteriori hanc fidem profiteri. Quod fit sanè per sacramenta: quæ ut antè descripsimus cæremoniæ sunt sacræ, quibus Deo exteriori nos subijcimus, ut in nobis salutem interiori operetur.

Præterea, cum animo corporeq; constemus, non sat est Deum interiore fide colere, nisi corporeo etiam cultu interioriorem protestemur. Etenim debet utrunq; tributum humana natura Deo pendere, unde utranque partem suæ constitutionis accepit, et cum ambarum partium spiritus sancti, et carnis peccatum commune sit, consentaneum erat, ut esset remedium quoque commune totusque homo interiori et exteriori sese subiiceret saluatori.

Addit huc Chrysostomus, antequam eum Dionysius eam esse hominis conditionem atque naturam, ut ad spiritualia capeffenda non nisi corporeis rebus possit aptari. Salutem igitur, qua Deus in humano spiritu secretius operatur, necesse fuit rerum sensibilibus imaginibus designari. Quo beneficium curationis ad suum homo modum non solum perciperet, uerum etiam intelligeret gratiam debitam suo benefactori relaturus.

Præterea, gentium omnium consensu firmatum est, non aliter quam oblaris Deo sacrificijs diuinam iram mitigari. Atque haud secus etiam Barbari facinora expiari arbitrabantur. At sacrificium in id paratum, ut Deus placaretur uerè erat sacramentum, sacramenta igitur semper fuisse apud omnes necessaria.

Lex et religio tandem nulla est sine sacerdotij munere, atque functione, hæc enim tria ita sunt fueriq; coniuncta,
ut ne-

ut nequeant a se aliquando separari. Cum ablato uno reliqua simul auferri necessum est, ut Apost. ad Heb. scribit. At sacerdos sine sacramentis, quæ administret esse nullo modo potest. Omnis enim pontifex pro hominibus constituitur in his, quæ sunt ad Deum, ut sacrificia offerat pro peccatis, quemadmodum ad eosdem idem Apostolus, ait, Ergo sicut lex, religio, sacerdotium fuerunt omni tempore necessaria, ita quoque sacramenta, quod erat nobis in tertia parte huius disputationis breuiter absolendum, sed prius tamen quàm exordiamur quarram, ea debemus argumenta diluere, quæ in contrarium obiciebamus.

Ad primum, quamuis D. Tho. utrumlibet probabile existimauerit, nunquam ego tamen eam potui opinionem induere, ut crederem sola interiore fide parentum, infantum, filiorum peccata mundari. Videmus enim sacramenta minus esse adultis, quam paruulis necessaria, cum sine sacramentis actu susceptis solo sacramentorum uoto adulti saluentur, paruuli non saluentur. Quare si paruulis non essent in lege naturæ necessaria sacramenta, non uideo equidem cur essent adultis necessaria, cum tamen esse retrò nobis fuerit demonstratum. Id quod diuus etiam Greg. aper tissimè in præscripto testimonio fatetur.

Item cum in lege ueteri pro fœminis legis naturalis remedia durauerint, consequens fieret, apud Iudæos puellas sententiæ sacramento saluari, pueros non saluari nisi suscepto sacramento. Quod non uideo qua ratione cohæreat.

Præterea, cum peccatum originale carnis propagatione contractum esset, non erat consentaneum, nisi ut corporali quoque remedio, ac medicina sanaretur.

Præterea, cum paruuli in lege gratiæ, et scripturæ siue sacramentorum ope salutem minimè consequantur, non est cur eos in lege naturæ sine sacramentorum auxilio saluemus.

Igitur ad argumentum respondeo, Gregorium non ibi distinguere fidem interiorem ab exteriori professione fidei, nec enim id asseruit adultis non remitti peccata sine exteriori fide, paruulis uerò remitti: sed distinguit potius

PARS III. RELECT.

tius fidem à sacrificio asserens, sacrificium pro adultorum peccatis fuisse necessarium, ut uidelicet actualis culpa peculiari sacramento aboleretur, sed propter generale peccatum, erat etiam generale remedium, nempe fidei quæcunq; professio. Quam fidem interim appellari, Aug. auctor est, sacramentum inquit, fides est. Ac pro hoc cum respondetur paruulum credere, qui fidei nondum habet affectum, respondetur fidem habere propter fidei sacramentum, hæcenus Augustinus.

Eadem loquendi forma est, de spon. ca. cum apud, et ca. tuæ fraternitati, et. 27. q. 2. sufficiat ad matrimonium solus consensus, scilicet, quibuscumque signis expressus, distinguitur ergo ibi consensus non interior contra exteriorem, sed generaliter expressus contra expressum per uerba.

Ad secundum eodem modo respondetur, fidem, hoc est, professionem et sacramentum fidei saluare filios in lege naturæ: nunc autem cum certa et definita sint sacramenta, nec arbitrato parentum per fidem pueri iustificentur, non admittimus in fide parentum Christianorum pueros seruari, sed in sacramento baptismi à Deo peculiariter instituto. Quamuis alia etiam sit huius ratio discriminis quemadmodum in fine huius disputationis explicabimus.

In tertio uerò argumento, grauis error eorum est, qui de sacramentis nil discerni posse credunt, nisi quòd sacris literis traditur: Multa enim uerbo tenus et in noua et in antiqua lege tradita sunt, quæ scripto non fuisse mandata, ut uberius alia forsitan relectione si uita suppetet declarabitur.

Quòd si in lege Mosaica et euangelica, quæ literis exarata fuerunt, non est opus ad expressam omnia scripturam expendere, multò minus oportebit cum de sacramentis legis naturæ disputatur, ubi traditiones diuinæ scriptæ non sunt, dogmata nostra in sacris haberi literis expressa, sed sati erit, si clarissimorum uirorum testimonijs confirmetur, aut certè magnis alioqui persuadeantur argumentis:

Ac re uera nulla ratio patitur, ut diuina prouidentia ullo unquam tempore defuerit hominibus in necessariis ad salutem. Non possent autem filiis paruulis remedia parentes ap-

tes applicare, nisi per Dei reuelationem cognouissent, et paruulos originali peccato teneri, et aliquod remedium ad eos seruandos idoneum esse, quod licet scriptum non sit, non est tamen minus exploratum, quam si fuisset scriptum. Et cum scriptura exprimat ante Abraham fuisse religionem ac sacerdotium, ex consequenti tradit fuisse sacramenta, sine quibus nec religio, nec sacerdotium est. Cumq; etiam in lege naturæ sacrificia pro peccatis fieret, ut Iob. i. c. dicitur, profectò negari non potest, quin in lege naturæ fuerint aliqua sacramenta.

Ad postremum poterat facillè dici non pertinere ad generalem rationem sacramenti ut sit signum institutum à Deo. Nec qui id affirmant, idoneo probant argumenco. At dico etiam antiqua omnia sacramenta ex Dei institutione fuisse signacula, atq; figuras futuræ redemptionis per Christum. Neq; enim humano ingenio, sed diuino placito, tam oppositè omnia in figura contingebant illis, neq; homo usquam uitulos, et arietes cruenta manu in Dei cultum, et obsequium iugularet, nec Deum tentaret hircorum placare sanguine, nisi Deo reuelante cognouisset, eiusmodi animantium irrationalium sacrificia mysterium aliquod sacrum portendere, cuius ratio remittendis peccatis haberetur. Fateor tamen non fuisse sacramentum sub definitis rebus uerbisq; præscriptis in lege naturæ à Deo traditum. Sed rerum sacramentalium definitio, ac determinatio certa in ueteri lege incepta, in euangelica perfecta, et consummata est, nisi fortè quis sentiat oblationem Melchisedech in pane, et uino ex diuina et reuelatione et institutione fuisse. Qua peculiariter ex causa sacerdos Dei altissimi fuerit inter reliquos appellatus. Cui equidem opinationi non admodum refragarer, si Anacletus Papa non fuisset aduersus in epistola de ordinatione episcoporum: ubi initiū, inquit, sacerdotij Aaron fuit, licet Melchisedech prior obtulerit sacrificium, et post hunc Abraham Isaac, et Iacob, sed ij spontanea uoluntate, nō sacerdotali auctoritate ista fecerunt: cæterū Aaron primus iubente Dño uictimas obtulit: hætenus Anacletus. Huic igit finē tertie relectionis parti cum dederimus, iā pergamus ad reliquas.

QVARTA PARS.

QUARTO itaq; loco uertebatur in quæstionem, an sacramenta uetera fuerint causæ gratiæ atque salutis, an potiùs ea sola, quæ in noua lege sunt à Christo saluatore instituta, et quidem suadetur in primis, nulla sacramenta posse salutem spiritualem efficere. Quia res corporea non potest esse causa efficiens charitatis et gratiæ, cùm sint qualitates supernaturales à solo Deo infusæ atq; creatæ, et consequenter quia nullum corpus potest in animum hominis agere, nisi priùs agat in eiusdem hominis corpus, sed sacramenta non oportet quicquam in humanum corpus operentur, ut patet de absolute sacramento surdo collata, talis igitur absolutio nil producit in anima.

Confirmatur rursum quoniam aliqua sacramenta eorum, etiam quæ uel maximè causa gratiæ dicerentur, non immediatè contingunt hominem, quem iustificat: ergo uel immediatè producant gratiam ubi non sunt scilicet, in anima, uel aliquam qualitatem efficiunt aëre medio, quorum utrumq; uidetur esse absurdissimum.

Præterea, si aliqua sacramenta gratiam efficere, ministri quoq; talium sacramentorum gratiæ causa essent, ac uerè peccata remitterent. Quod tamen Hieronymus in quartum caput Esaïæ refellit. Vbi adducens illud Matth. 2. Ego baptizo uos aqua, &c. Ex quo, inquit, discimus quòd homo tantùm aquam tribuat, Deus autem spiritum sanctum, quo et sordes abluuntur, et sanguinis peccata purgantur: et super Matth. c. 16 comparans sacerdotes nouæ legis sacerdotibus ueteris subiicit. Quomodo ibi leprosum sacerdos mundum, uel immundum facit: sic et hic alligat, uel soluit episcopus aut presbyter, at sacerdos uetus non erat causa leprosum efficienter emundans: ergo neq; sacerdos legis nouæ uerè peccata remittit.

Item Aug. 15. de Trinitate. c. 26. Nullus discipulorum Christi, ait, dat spiritum sanctum, orabant quippe ut ueniret in eos, quibus manus imponebant. Et lib. 83. quæstio-

num,

num, quæst. 53. asserit quædam Deum facere per se ipsum sine media causa, ut illuminare animas. At si minister esset causa gratiæ, per eum Dominus animas illuminaret: et Ambrosius lib. 10. epistolarum, epist. 84. ad Demetriadem, &c. Aliud est, inquit, quod inuisibiliter agitur, aliud quod uisibiliter celebratur. Nec idem est in sacramento forma quod uirtus. Nam forma cum humani ministerij adhibetur obsequio, uirtus autem per diuini operis præstatur effectum. Ad cuius utiq; potentiam referendum est, quod dum homo exterior abluitur, mutatur interior. Eandem sententiam apertioribus etiam uerbis expressit Cyprianus in sermone de baptismo Christi, et manifestatio. Trini.

At uerò contra suadetur, omnia cuiusq; legis sacramenta causas fuisse gratiæ atq; salutis. Primum quia omnia sacramenta sunt signa sanctificationis practica, et effectiua quemadmodum à principio constituimus, &c.

Præterea, Iob. 1. Sanctificabat Iob filios suos, offerens holocausta per singulos. Et Leui. 16. Dicitur sacerdotem asperzione sanguinis expiare præuaricationes, et peccata filiorum Israel:

Præterea Aug. super Psal. 77. adducens illud 1. Cor. 10. Sed non in pluribus eorum benè placitum est Deo, sic ait, et cum essent communia omnia sacramenta, non communis erat omnibus gratia, quæ sacramentorum uirtus est, sic et nunc omnibus baptizatis commune lauacrum regenerationis, sed ipsa gratia non communis est omnibus: et glo. ordi. in illud eiusdem capitis decimi: Omnes in Moyse baptizati sunt in nube, et in mari, id est, per uisa illa signa purgati, uel signum baptismi acceperunt, quod credentibus idem ualuit. In nube baptizati sunt, quia per eam mundati ab ignorantia Dei, et præparati ad accipiendam legem.

Præterea Greg. 4. lib. mora. c. 2. refertq; de consecr. d. 4. c. quod apud nos ualeat aqua baptismi, &c. ut supra.

Tum etiam sic argumentor, paruulis sinè merito cuiusquam operantis conferebatur gratia, sacramento suscepto, ergo, &c. Consequentia uidetur esse nota, quoniam id uo-

PARS IIII. RELECT.

camus causam, qua applicata sequitur effectus, cum ergo puer, uel circumciscus in lege Moyfi, uel suscipiens aliquod sacramentum in lege naturę eo ipso à peccatis iustificarentur, consequens sit eiusmodi sacramenta causas fuisse iustificationis, et gratiæ. At de circumcisione quidem apertum est testimonium Bedę super Lucę secundum caput, idem salutiferę curationis auxilium circumcisio in lege, contra originalis peccati uulnus agebat, quod baptismus agere reuelatę gratiæ tempore consuevit. Aug. etiam citari solet in hoc li. 2. de naptijs et concupiscentia. c. 11. et habetur de consec. d. 4. c. ex quo instituta est circumcisio in populo Dei, ad purgationem ualebat magnis et paruulis, originalis ueterisq; peccati, sicut baptismus ex illo ualere cœpit ad inuocationem hominis, ex q̃sto institutus est. Et. 4. li. contra Donatist. c. 24. Cur inquit, Abraham præceptum est, ut omnem deinceps infantem masculum octauo die circumcideret, qui non poterat corde credere, ut ei de putaretur ad iustitiam, nisi quia et ipsum per se ipsum sacramentum multum ualebat.

Denique in cap. Maiores, extra de baptismo, distinguens Innoc. à circumcisioe baptismum, quod aperit ianuam regni cęlorum, quam circumcisio non aperiebat, asserit, quod sicut per baptismum, ita per circumcisionem originale peccatum remittebatur. At præpositio per causam significat, quā mediante res efficitur, ut ubi saluos nos fecit per lauacrum regenerationis. In contrarium est Aug. super Psal. tract. 73. ubi ait: sacramenta nouę legis dare salutem, ueteris autem promittere saluatorem. Sed et Samaritanus noster oleo uinoque, ac denarijs duobus superadditis sanauit uulneratum, quem nec sacerdos Aaron nec Leuita Moyses, siue per sacramenta, siue per legem sanare potuerunt.

In hac explicanda quæstione, quæ inter omnes difficilissima est, omnes ego neruos intendere debeo, ut magnam breuitate, tum ueritate in absolutas quasdam conclusiones totius rei summa redigatur. Qua propter uos oro, ut differenti mihi diligenter animos aduertatis.

Prima igitur conclusio est, quam à catholicis non arbitror

tror aut debere, aut posse negari.

Sacramenta nouæ legis sunt causa gratiæ, et uerè salutem animæ conferunt.

Cyprianus hanc habet in sermone de baptismo Christi et manifestatione Trinitatis inquit. Veniebat Christus ad baptismum non egens lauacro in quo peccatum non erat, sed ut sacramento perennis daretur autoritas, et tanti uirtutem operis nulla personarum acceptio commendaret. Quoniam remissio peccatorum siue per baptismum, siue per alia sacramenta donetur, propriè spiritus sancti est, et ipsi soli huius efficientiæ priuilegium manet. Verborum solennitas, et sacri inuocatio nominis uisibile celebrant sacramentum, rem uerò ipsam spiritus sanctus format et efficit, et consecrationis uisibilibus inuisibiliter manum totius bonitatis autor apponit, et plenitudinem gratiæ unctionis diuinæ pinguedo sanctificationibus officialibus infundit, et rem sacramenti consumit et perficit.

Item in sermone de unctione chris-matis. Hodie, inquit, in ecclesia ad populum acquisitionis sanctificandum sacrum chrisma conficitur, in quo mixtum oleo balsamum regiæ, et sacerdotalis gloriæ exprimit unitatem. Et infra. Non hæc medendis corporibus est unctio instituta, quia sanctificatis elementis iam non propria naturâ præbet effectum, sed uirtus diuina potentiùs operatur, sed adest ueritas signo, et spiritus sacramento, ut et ipsis rerum efficientijs gratiæ dignitas pateat, et interiori homini quanta et his aletur autoritas deiformi conuersatione, et cœlestibus moribus innotescat, et infra. Ex huius unctionis beneficio et sapientia nobis et intellectus diuinitus datur, consilium cœlitus illabitur, scientia et pietas et timor inspirationibus supernis infunditur. Hoc oleo uncti cum spiritualibus nequitijs colluctamur, nec fœtoribus spurijis imbui possumus, qui balsami spiritalis odore fragramus.

Gregorius quoq; Nazianzenus oratione. 3. in sanctum lauacrum, generatio ex baptismo passionum est solutiuæ, omnes sordes abscindens atq; ad supernam uitam perdu-cens, et infra dicit quòd in baptismo tanquam in unda peccata pariter sepeliantur. Et postea ipsa baptismatis,

D 3 inquit,

PARS IIII. RELECT.

inquit, gratia, ac uis unius cuiusque peccati continet purgationem, et omnimodam fœditatem, et iniquationum reiectionem, quæ prauitate ingressæ sunt. Proinde cum duplices simus, ex anima dico et corpore, et ita duplex est purgatio per aquam, inquam, et spiritum, et hæc quidem uisibiliter, ac corporaliter suscipitur, at illa incorporaliter et inuisibiliter concomitatur.

Chrysost. præterea Homil. 25. in Ioann. Ex quo autem, inquit, Iordanis aluenum ingressus est Christus non amplius reptilia animarum uiuentium, sed animas rationales, et spirituales aqua producit. Et Homil. 35. in eundem. Futurum erat baptisma plenum maximæ potestatis, et gratiæ, purgaturum peccata, pro mortuo uiuum affecturum, et infra. In nobis non simplex aqua operatur, sed cum spiritus gratiam accidit, omnia abluit peccata, et infra. Per aquam piscinæ, ait, morbos corporis sanari, ut facilius homines crederent per aquam animæ morbos curari posse: et Homil. de resurrectione circa finem, cum multis exemplis resurrectionem per uim supernaturalem futuram esse demonstrasset, subdit, uerum nec tu gratiæ spiritus factus es expers. Et num multa sunt donationis illius symbola, atque his, quæ enumerata multò maiora, et magis admiranda. Non enim æquale est corpus mortuum, et animam à peccatis occisam ab interitu liberare, quod per baptismum fit, et statim corpus etiam et sanguis mysticus non fuit absque spiritus gratia, nec sacerdotes habuissimus, nec has ordinationes sine tali uisitatione fieri possibile, &c.

Cyrillus li. 2. in Ioann. c. 24. Spiritum, qui ex Deo procedit, per baptismum acquirimus, quo in pristinam pulchritudinem reformati, et ad nouam uitam renati à Deo in filios adoptamur, et in fine. Quemadmodum enim uiribus ignis intensius aqua calefacta, nō aliter quàm ignis urit, sic spiritus sancti operatione ad diuinam aquæ reformatur uirtutem, qua baptizati corpus abstergunt.

Ambrosius item lib. 1. de sacramentis. c. 5. de baptismo loquens, de consec. d. 4. c. per aquam. Non aqua omnis sanat, inquit, sed aqua sanat, quæ habet gratiam Christi. Et

li. 4. cap. 2. de eucharistiæ sacramento. Deposuisti peccatorum senectutem, sumpisti gratiæ iuventutem: hoc præstiterunt tibi sacramenta cœlestia. Et li. 6. c. 1. In similitudinem quidem accipis sacramentum, sed ueræ naturæ gratiam uirtutemq; consequeris. Et infra. Tu quia accipis panem diuinæ eius substantiæ in illo participaris alimentum. Et in lib. de ijs qui myste. inicianur c. 9. His igitur sacramentis pascit ecclesiam suam Christus, quibus animæ firmatur substantia.

Augustinus insuper. 19. lib. contra Faustum. c. 16. de uisibili sacramentorum administratione loquens: Hæc omnia, inquit, fiunt et transeunt, sanant et transeunt, uirtus tamen quæ per ista operatur, iugiter manet, et donum spirituale, quod per ista insinuatur, æternum est.

Et tractatu. 80. in Ioannem, unde ista tanta uirtus aquæ, ut corpus tangat, et cor abluat. r. q. 1. c. detrahe.

Beda etiam ait, quod Dominus tactu suæ mundissimæ carnis uim regeneratiuam contulit aquis. Quam eandem sententiã Gratianus Chrysostomo tribuit de consecrat. distin. quarta capit. nunquam. Eandem habes apud August. sermone primo de Epiphania.

Sed in Concilio Florentino, sub Eugen. quarto in decreto super unione armenorum manifestè definitur in hæc uerba. Nouæ legis septem sunt sacramenta, quæ et continent gratiam, et eam dignè suscipientibus conferunt.

Hanc eandem sententiam Concilium Tridentinum modo probauit sessione septima de sacramentis in communi, canone. 6. Cuius uerba eiusmodi sunt. Si quis dixerit sacramenta nouæ legis non continere gratiam, quam significant, aut gratiam ipsam non ponentibus obicem non conferre, quasi signa tantum externa sint acceptæ per fidem gratiæ, uel iustitiæ, anathema sit.

Ex sacris literis Aug. adducit illud Ioan. tertio, nisi quis renatus fuerit ex aqua, et spiritu sancto, &c. Non, ait, ex parentum fide, aut offerentium, uel ministrantium, sed ex aqua et spiritu sancto. Aqua igitur regenerat hominem in Christo ex uno Adam generatum. Hactenus Augustinus.

PARS. IIII. RELECT.

Secundum testimonium citat idem ex quinto capitu. Epistolæ ad Ephesi. Christus dilexit ecclesiam, et seipsum tradidit pro ea, ut illam sanctificaret mundans eam lauacro aquæ in uerbo. Quidquid ergo (infert Augustinus) ab hominibus quaruncunque culparum contrahitur, propter ipsum lauacrum dimittitur.

Tertium refert idem August. ex prima epistola Petri capit. tertio. Saluos uos facit baptisma non carnis depositio sordiu, sed conscientia bonæ interrogatio in Deum.

Quartum, quo triumphat Ambrosius, habetur Ioannis sexto. Caro mea uerè est cibus, et sanguis meus uerè est potus: qui manducat meam carnem, et bibit meum sanguinem, in me manet, et ego in illo. Sicut misit me uiuens pater, et ego uiuo propter patrem et qui manducat me, et ipse uiuet propter me. Ego sum panis uiuus. Unde concilium Ephesium colligit, quod in sacramento accipimus non communem carnem, sed uerè uiuificatricem, qua et sanctificamur participes sancti corporis et preciosi sanguinis effecti.

Quintum de eodem eucharistiæ sacramento habet prioris ad Corinth. decimo. Vnus panis, unum corpus multi sumus. Omnes quidem de uno pane participamus. Vbi particula, quidem, loco Græcæ particulae, γάρ, causam sine dubio reddit sententiæ antecedentis. Quare participatio sacramenti eucharistiæ ecclesiasticæ unitatis causa est, atque ad eam charitatis et gratiæ, sine qua unitas ecclesiæ non constat.

Sextum testimonium de pœnitentiæ sacramento Domini est apud Ioan. c. 20. Quorum remiseritis peccata, remittentur eis. Quod si remissio peccatorum per gratiam est, et sacerdotes possunt peccata remittere, gratiam quoque subministrare queunt administratis sacramentis.

Huc adde Martini quinti definitionem in Concilio Constanti. sess. 45. pronunciantis quod sacerdos uerè absoluit. Ministri ergo sacramentorum nouæ legis uerè conferunt gratiam sine qua nullus peccator esse potest absolutus. Et confirmatur, quia uel qui baptizat abluit propriè, ac uerè maculam animæ, uel non abluit. Si abluit, conficitur quod

moli-

molimur, sin autem non abluit, forma igitur baptismi falsa est, qua significatur non ablutio corporis modò, uerum etiam animæ, ut facilè ex Concilio Mileuitano ca. secundo colligitur. Inde enim patres argumentantur, paruulos originale peccatum atque animi maculam habere, quoniam aliàs forma baptismi falsa efficeretur, cum paruuli baptizantur, scilicet, in ablutionem spiritalem, ac proinde in remissionem peccatorum. Sacramenta igitur nouæ legis gratiam et iusticiam animæ conferre his profectò argumentis adeò irrefragabiliter ostenditur, ut negare id uel hæresis, uel proximum hæresi sit. Quamobrem in conclusionem hanc primam scholastici autores uniuersi conueniunt. Sed enim quem in modum sacramenta nouæ legis sint causa gratiæ, id tantùm abest, ut explicent, ut etiam opinionum uarietate confundant. Res quippe nulla est, de qua tantopere non solùm indocti, sed etiam docti dissentiant.

Nam quidam asserunt, sacramenta esse causas dispositiuas gratiæ ex eo quòd producunt characterem, uel ornatum nescio quem, uidelicet qualitates interius disponentes. Nam sacramenta gratiam ipsam efficere, iudicant impossibile.

Alij affirmant sacramenta esse quidem causas dispositionis, sed extrinsecus appositas, ut anulum, aut sigillum regium, quibus ostensis, atque exhibitis, id nobis præstatur quod ex regis beneficio quærimus.

Opinantur alij sacramenta non esse causas per se gratiæ, sed per accidens, siue quibus uidelicet affectus non sequitur, quæ tamen nihil uerè agant atque producant.

Sunt contra, qui existiment sacramenta uirtute supernaturali recepta, ipsam etiam qualitatem, quæ gratia est, attingere, instrumentalique actione facere.

Ac demum alij, qui propius accedunt ad ueram rei huius intelligentiam, sacramenta censent causas esse gratiæ ueluti motiuas diuinæ uoluntatis. Sunt enim ratio propter quam Deus gratiam confert: ut quia puer baptizatus est, Deus illum saluat. Quia est confirmatus, datur ei spirituale robur. Quorum opiniones cum tam uariæ sint, tamque

PARS IIII. RELECT.

tamque inter se dissidentes, alterum profectò fieri potest, ut earum nulla, alterum certè non potest, ut plus una uera sit. Quòd si pace uestra dicere mihi licet, licebit autem quod modestissimum est, aut fallor ego, aut nulla earum opinionum uera est, qua quidem causa, ac controuersia non alijs iudicibus opus est, quàm auditoribus uiris clarissimis, atque doctissimis, quorum grauitissimo iudicio si nostra hæc sententia fuerit explosa, nihil erit posthac quòd nos illi adhærescamus, sin fuerit approbata, non uereor quin sit doctis omnibus placitura.

Sit igitur secunda in hac disputatione conclusio. Sacramentum nouæ legis non idèò gratiæ causa definitur, quòd disponat intrinsecus ad gratiam, producens characterem uel ornatum, gratiæ uidelicet ipsius dispositione.

Primum quia ornatus ille in sacramentis, non imprimuntibus characterem, ficticius est, et qua facilitate ponitur, eadem quoque reijcitur. Deinde quia sicut gratia est qualitas spiritalis supernaturalis, ita character, et ornatus ille supernaturalis, qualitas est, omnem que naturæ uim excedit.

Præterea, producens dispositiones ad animam rationalem, non est causa animæ rationalis, secundo Mach. septimo. Nec enim ego spiritum et animam donauì uobis, sed mundi creator; et tamen constitutum nobis est certis sanctorum, conciliorum, et scripturæ sacre testimonijs, nouæ legis sacramenta gratiam continere, conferre, efficere, &c.

Præterea, character nec est ultima dispositio ad gratiam introductiua, nec conseruatiua, quominus et sine gratia imprimitur, et sine gratia in subiecto perseverat. Gratia itidem ipsa à characterem non pendet, quare etiam si sacramenta characterem efficiant, non proinde sunt gratiæ causa dispositiua. Character etiam in intellectu est. Gratia uerò in essentia animæ, iuxta diuini Thomæ opinionem, cuius hi se discipulos profitentur. Non est igitur character propria gratiæ dispositio.

Tertia conclusio, sacramentum non propterea gratiæ causa dicitur, quòd extrinsecus disponat ad efficiendam gratiam.

gratiam. Probatur primò, quoniam aliàs solùm esset si-
gnum certum non causa, quemadmodum annulus mihi
datus, in signum regiæ uoluntatis, quod alterius opinio-
nis sectatores concedunt, uel inuiti: explicant enim sacra-
mentum nouæ legis gratiæ causam existere, id est, signum
certum et infallibile. At ostendimus retrò sacramenta no-
uæ legis, esse non solùm signa, sed causas.

Deinde, quia nihil plus sacramentis Christi hæc opina-
tio tribuit, quàm sacramentis maleficorum, qui adhibent
ipsi quædam uerba, sed dæmon operatur adhibitis signis.

Præterea, quoniam nec iuxta hanc quidem expositio-
nem dicta sanctorum, aut conciliorum, aut sacræ etiam
scripturæ non saluantur, ut facilè uidere licet si loca ipsa
conferamus.

Postremò, quoniam ad eundem sensum circuncisio gra-
tiam conferret, eiusq; esset causa; non aliter ac nouæ le-
gis sacramenta. Quod quamprimum ostendemus esse fal-
lissimum.

Quarta conclusio, sacramentum nouæ legis non est cau-
sa sine qua non, siue per accidens. Tum quia sine sacra-
mento gratia sæpe producit, tum quia non lauaret a-
qua maculas animæ, sicut nec albedo infrigidat; cum nix
infrigidat, eò quòd album illius affectus per accidens cau-
sa est. Neque id concilia diffinirent, sacramenta esse cau-
sas per accidens, quod præter artem et diffinitionem est.
Tum quia uerè non essent nisi signa, omnia enim signa
certa effectus cuiusque talia sunt, sine quibus effectus non
sequitur. Cum, quia sacramentum circuncisionis ad ean-
dem normam gratiæ causa fuisset, tum denique, quoniam
testimonia in confirmationem primæ conclusionis, citata
sanè interpretari non queunt, si sacramenta solùm esse cau-
sas per accidens asseramus.

Quinta conclusio, sacramentum nouæ legis non attingit
ui sua instrumentali et supernaturali, qualitatem, quæ
est gratia, uel fidem, aut charitatem aut alios habitus in-
fusus, ut ferra attingit figuram rei artificiosæ actione rea-
li. Volo dicere, quòd non est imaginandus hic modus a-
gendi, qui interuenit in causis naturalibus, quæ pacto, sci-
licet,

PARS IIII. RELECT.

licet, aqua in frigidat per frigus inexistens, lauat per humorem innatum, acuta etiam dolabra per aciem diuidit lignum.

Probatur primum quia ridiculum est, concilium uelle diffinire, aut etiam sanctos id asserere, quod sacramenta attingant sua actione illam qualitatem, si enim circumcisio et reliqua sacramenta uetera, non efficiebant quidem gratiam, sed Deus dabat eandem in illis, illis tamen non concurrentibus: non admodum refert quod hæc noua realis actio sit addita nouis sacramentis. Et cum ad salutem nostram nihil omnino spectet, quod sacramenta contactu reali suæ uirtutis qualitates supernaturales efficiant, certè superuacaneum est istam uim agendi in sacramentis admittere. Eoque magis quod gratiam esse qualitatem, non est in ecclesia certum, quare nec fides, nec concilium docet, eo modo, sacramenta gratiam efficere.

Deinde, quia eodem modo creatura posset concurrere ad productionem animæ rationalis, scilicet, agendo propria actione in corpus, et ui supernaturali in animam, quod tamen non conceditur ab ijs, qui eam opinionem defendunt.

Tertiò quia uel producitur noua qualitas in sacramento ad attingendum hunc effectum, uel non, primum est ridiculum, secundum est absurdum sine noua uirtute addita, sacramenta id efficere, quod ante non poterant.

Ea etiam argumenta, quæ inter dubitandum à principio fecimus, probant huius quintæ conclusionis ueritatem.

Sexta conclusio. Sacramenta nouæ legis non solum sunt causa uel ratio motiua salutis et gratiæ. Quo pacto dicimus matrem diligere filium, quia genuit eum: me tibi benefacere, quia studiosus, uel pulcher es. Quem etiam in modum causalis illa est, quia uidisti me Thoma, credidisti Ioann. 20. et illa rursus, quia fecisti hanc rem, faciam te crescere. Gene. 22.

Imprimis enim pari ratione concederetur hominem esse causam animæ rationalis. Hæc enim nostra est anima: anima rationali: quia habebat tales dispositiones, ab homine generante productas.

Item

Item fides in lege antiqua erat in hunc modum causa iustificationis, quia enim credidit Abraham Deo, deputatum est ei ad iustitiam: et quia ex fide parentum paruulus offerebatur Deo, iustificabatur: iustus namque ex fide uiuit etiam nunc et tamen fides non est causa gratiæ, et sacramenta nouæ legis esse gratiæ causas definiuntur.

Præterea, causa motiua non est instrumentum quo mediante effectus producitur. Baptismus autem est instrumentum, quo Deus lauat animam, ad Ephe. 5 et confirmatur, nam aqua lauans corpus non est causa motiua, sed uerè efficiens instrumentalis, at aqua baptismi cor abluat.

Item sacramentum eucharistiæ cibus est animæ, ergo non solum est causa motiua: esset enim ridiculum si definiremus, cibum corporalem esse causam augmenti, quòd hæc causalis uera sit, ergo augeor, quia comedi quum potius, cum particula causalis importet causam, iam de rebus ipsis oportet inquirere cuius generis sit illa causa, quam importat, finalis an efficiens, an formalis, an materialis. Nam ad hæc quatuor causarum genera reducuntur omnes. Cum igitur sacramenta non sint gratiæ causa finalis, aut materialis, aut colligimus esse causas efficientes. Quo uerò modo efficiant, id est, quod quærimus, id profectò hæc opinio non explicat. Quam equidem eodem consilio, ut cæteras refelli, non ut ueritatē tollerem (quid enim theologo minus conueniens est?) sed ut alios nihil de hac re explicare conuincerem.

Cum igitur certò credendum sit, sacramenta noua causas esse gratiæ atque salutis, aliquem sanum sensum et modum oportet assignare, quo causæ sint, dignum scilicet, definitione concilij, dignum sanctorum omnium auctoritate, dignum tandem fide nostra, et sacrarum testimonijs literarum.

Pro eius itaque rei explicatione, quæ adeò magnum, et uobis, et mihi negotium fecit, intelligatis primum, causas esse in duplici differentia, alteras naturales, alteras morales. Morales autem appellamus causas liberas, quæ, scilicet, liberè mouent, ut qui consulit, qui imperat, eius res causa est, quæ per eius, aut imperium, aut consilium, efficitur

PARS IIII. RELECT.

ficitur, iuxta quam distinctionem cum actio peccati dupliciter consideretur, et in ordine effectuum naturalium, et in ordine effectuum moralium. Deus quidem causa naturalis dicitur, actionis quæ peccatum est, concurrat: siquidem ad brachij motionem, qua hominem interficio, quem admodum et cælum, motorq; angelus, simul etiam concurrat. At concursus hic naturalis est, non tamen illius actionis Deus est causa moralis, neque enim aut consulit, aut præcipit, quin potius prohibet.

Inter has autem causas discrimen est. Nam naturales suos effectus attingunt per uim à natura inditam, ut ignis calefacit per calorem. Morales uerò non attingunt actione Physica effectus suos, nec influunt, aut producant qualitates aliquas. Neque enim oportet, ut qui consulit homicidium, actione aliqua Physica, et naturali quicquam efficiat, quemadmodum natura efficere consuevit.

Eadem quoque forma distinguendum est de mouente, et uirtute motoris. Nam mouere dupliciter contingit, et moraliter, et naturaliter, ut qui homicidium consulit (ne ab exemplo proposito discedamus) moraliter quidem et liberè mouet: at amens, qui apprehensam manum cuiusquam per uim applicat ad uulnera, mouet naturaliter.

Virtus itidem duplex, altera, qua mouens moraliter mouet, altera qua naturale agens mouet naturaliter, ut in priori exemplo. Virtus motiua est autoritas consulentis, uel ratio, qua persuasit, at in posteriori, uirtus sunt ipsæ uires corporales.

Ad eundem quoque modum de effectibus supernaturalibus philosophandum est, de gratia, de charitate, de fide, de uita æterna, qui à duplici causa proficisci possunt, uel ab ea, quæ habet modum agendi similem naturali, influendo attingendoq; ui, et efficacia actiuæ potentix effectus eiusmodi, quo sensu sine controuersia Deus est causa uirtutum infusarum, uel à causa morali, qualis oratio fuit, et meritum Christi, cum orauit pro Petro, ne deficeret fides eius.

Vtrunque autem causæ genus distribuitur in principalem et instrumentalem, ut qui daret pecuniam captiuis redi-

redimendis, causa esset principalis redemptionis, moralitamen. Pecuniæ uerò, uel etiam minister destinatus ad redimendum, causæ sunt redemptionis instrumentales.

Deinde magnopere considerandum, omnia quæ de sacramentis nouæ legis asseruntur, eadem et de sanguine Christi in sacris literis affirmari. 1. Ioan. 1. Sanguis Iesu Christi emundat nos ab omni peccato Apo. 1. Lauit nos à peccatis nostris in sanguine suo. et. c. 12. Vicerunt eum propter sanguinem agni, et ad Rom. 3. Quem proposuit Deus propitiatorem in sanguine. Eodem ergo sensu sacramenta dici poterunt lauare, mundare, causas esse nostræ uictoriæ, ac remissionis peccatorum, quo sanguis Christi lauat, mundat, peccataq; remittit.

Postremò et illud aduertendum, Christum quidem Iesum sua nobis, et merita et iustitiam contulisse. Nam factus est nobis iustitia, sanctificatio, et redemptio, ut Apostolus pr. ad Cor. c. 1. docuit. Sed iustitiam suam tamen, et sanguinis effusi precium potissimam nobis communicat per sacramenta. Virtus enim et ualor sanguinis Christi sacramentis susceptis applicatur, quæ si Christus uoluisset, sine medio aliquò sacramento, et communicari possent applicari.

His documentis acceptis, quæ negare non nisi impudentissimus poterit, fides sana, atque catholica docet duo. Alterum est, Deum per Christi humanitatem redemisse genus humanum, remisisse peccata, contulisse gratiam et gloriam. Item humanitatem Christi instrumentum fuisse, quo Deus operatus est mirabilia hæc, in medio terræ. Ioan. 1. gratia et ueritas per Iesum Christum facta est, et uidimus eum plenum gratiæ, et de plenitudine eius nos omnes accepimus, et ecce agnus Dei, qui tollit peccata mundi, et hic est, qui baptizat in spiritu sancto, quo testimonio ad id probandum utitur August. lib. contra Petilianum. 3. c. 45. ad Ephe 5. Dicitur Christum sanctificasse ecclesiam suam, atque mundasse. Alterum (quod fides quoque sana docet) sacramenta nouæ legis instrumenta esse Christi ad hanc redemptionem, gratiam, gloriamq; complendam. Quemadmodum ergo esset erroneum asserere
sanguis-

P A R S I I I I . R E L E C T .

sanguinem Christi, uel passionem, uel humanitatem non esse ueras causas nostræ iustificationis et gratiæ (inde enim sequeretur Christum hominem non fuisse causam per quâ hominum redemptio facta est, quod est hereticum) ita quoque error est manifestus negare sacramenta esse causas efficientes instrumentales nostræ salutis, gratiæ et iustitiæ, loquendo de causa morali: id enim perinde est, ac si quis neget, suscipientes sacramenta Christi non consequi remissionem peccatorum ex uirtute sanguinis eiusdē Christi, cuius precium eis sacramentis suscipiendis communicatur, quod sine grandi errore negari non queat. Quem admodum si ego essem apud Turcas captiuus, et eum, qui daret pecunias redemptionis, uidelicet precium et magnum, qua pecunias porrigeret, et pecunias etiam ipsas causas, quæ sunt instrumenta ad redimendum, redemptionis esse non naturales quidem, sed morales, nemo sanæ mentis ibi inficias.

Atque hæc omnia ne uideamur è sensu nostro colligere, facile uos inuenietis apud D. Tho. 3. p. q. 48. art. 6. et. q. 49. arti. 2. et. 56. art. 1. et 62. art. 5.

Quibus expositis, facile (ut opinor) intelligi potest quàm longe à ueritate absint, uel qui dicunt sacramenta qualitates infusas efficere: nam per nominis ambiguitatem elapsi, à morali causa ad naturalem, uel quasi naturalem declinauere: uel qui dicunt sacramenta esse causas per accidens, uel dispositiuas, uel signa etiam certa, qui si ad eandem normam, sanguinem Christi esse causam nostræ iustificationis exponerent, risu digni essent Catoniano.

Nos uerò theologica grauitate et dignitate seruata, cum concilio Floren. pronunciamus, nostra sacramenta, et continere gratiam, et eam suscipientibus dignè conferre. Continere (inquam) non ut causa naturalis continet suum effectum, sed ut causa moralis. Crumena si quidem continere dicitur captiui redemptionem, quoniam pecuniam continet: et sacramenta, quæ continent sanguinem Christi, continere dicuntur gratiam, et remissionem peccatorum, et sicut crumena pecuniam administrans, redemptionem confert, ita sacramentum confert gratiam, pre-

cium

cium sanguinis applicans, et hæc est illa sacramentorum uirtus, quæ adeo multorum ingenia torfit. Virtus enim redemptionis in marsupio est, in quo precium redemptionis seruetur, et uirtus sacramentorum sanguis Christi est, qui in sacramentis adhibetur.

Hinc denique, postrema huius disputationis conclusio manifestissima conficitur. Sacramenta uetera, nulla prorsus, causas fuisse gratiæ atque salutis. Quæ quidem primum definita est in concilio Flo. per hæc uerba:

Nouæ legis septem sunt sacramenta, quæ multum differunt à sacramentis antiquæ legis: illa enim non causabant gratiam, sed eam solum per passionem Christi, dandam esse figurabant.

Tum etiam Aposto. ad Gala. quarto, sacramenta ueteris legis infirma uocat, et egena elementa. Si autem continerent precium sanguinis Christi, gratiamque præstarent hominibus, egena utique et infirma minimè dicerentur.

Nec potest ab hoc Pauli testimonio, excipi circumcisio, de qua præcipua erat cum Galatis controuersia, cuiusque causa, tota illius epistola disputatio texitur.

Præterea, in epistola ad Romanos, Apostolus apertè docet, circumcisionem acceptam, non in iustitiæ causam, sed in signum, et accepit Abraham (inquit Apostolus) signaculum circumcisionis, signum iustitiæ fidei. Vnde et Ambrosius epistola ad Constantium. 77. quæ est libri noni postrema, id ipsum ex eo probat, quod Geneseos. 17. legitur. Circumcidetur in uobis omne masculinum, ut sit in signum fœderis inter me et uos, in signum, ait, non in causam.

Præterea, sacerdotium totum ueteris legis, aut ministri eiusdem legis, non fuerunt causa remissionis peccatorum, ut Apostolus ad Heb. 9. cap. monstrat. Ad sacerdotium autem ueteris legis spectabat omnia sacramenta etiam circumcisionis administrare. Sacramenta ergo ueteris legis non erant causa gratiæ ac remissionis peccatorum.

Præterea, ut Aug. epist. 19. ad Hieronymum ait: si lex non iustificabat, quanto magis illa, quæ significationis gratia præcepta sunt, circumcisio, et cætera quæ reuelatione gratiæ latius innotescerent, necesse fuerat aboleri, iustifica-

P A R S V. R E L E C T.

ne neminem poterant. Adde huc Hiero. in commentarijs super epistolam ad Galat. in illud capitis. 5. nec circumcisio aliquid ualet, nec præputium, sed fides. Circumcisio inquit, idcirco utilis fuit ijs qui lege uixerunt, non quia circumcisi erant, sed quia credita sunt illis eloquia Dei, quæ in opera uertentes, à salute extranei non fuerunt. Circumcisio uerò, tunc, ut cetera quoque legis, ualuit, quando et benedictiones carnales, legem seruantibus spondebantur. Hæc Hieronymus.

Præterea ut D. Thomas. 3. parte. q. 62. articu. 6. irrefragabiliter argumentatur. Si sacramenta ueteris legis erant causa gratiæ, aut id erat ratione sui, secluso merito Christi, et hoc non nisi Christus gratis mortuus esset, quod Apostolus ad Galat. 2. collegit, uel erant causæ uirtute passionis Christi futuræ, quod affirmari non potest. Nam causa efficiens siue instrumentalis, seu principalis semper præcedit effectum. Quare humanitas Christi, eiusque sanguis, priusquam in rerum natura essent, causæ finales esse poterant, causæ efficientes esse non poterant. Quamobrem sacramenta ueteris legis, salutem et gratiam in uirtute passionis Christi efficere non ualebant.

Q U I N T A P A R S.

I D ergo (ut ad postremam relectionis partem, nostra decurrat oratio) primum est idemque præcipuum discrimen inter noua et uetera sacramenta: quod Concilium Florent. aperte lucideq; definit, in hæc uerba.

Nouæ legis septem sacramenta, multum à sacramentis differunt antiquæ legis: illa enim non causabant gratiam, sed eam per passionem Christi dandam esse figurabant: hæc uerò nostra, et continent gratiam, et eam dignè suscipientibus conferunt. Et concil. Trident. sessione septima de sacramentis in communi, can. secundo.

Si quis dixerit, nouæ legis sacramenta, à sacramentis antiquæ legis non differre, nisi quia cæremoniæ sunt aliæ, et alij ritus externi, anathema sit. Quòd autem sit inter utraque

utraque sacramenta discrimen, declarat Trident. conc. can. no. 6. 7. et 8.

Alterum est, quòd noua conferunt gratiam aliquam adultis, sine meritò operantium, sed ueteribus susceptis citra operantiũ meritũ, nulla adultis gratia conferebatur.

Prior pars patet ex Cõcil. Triden. sessione septima can. octauo. Si quis dixerit, nouæ legis sacramenta opere operato non conferre gratiam, anathema sit. Vñ etiam sacramentorum ueteris legis erat gratiæ meritorius, si à charitate proficisceretur: si ergo sacramenta nouæ legis non conferrent gratiam, nisi ratione usus meritorij, certè non plus essent causa gratiæ, quàm legis anti- quæ sacramenta.

Item si solus usus sacramentorum nouæ legis, esset gratiæ meritorius, tunc per sacramenta eadem, non plus applicaretur nobis sanguis Christi, quàm per reliqua opera charitatis: quod est erroneum. Nec in concilio Florentino, definirentur sacramenta nouæ legis gratiam conferre, sicut alia opera charitatis. Eset enim ridicula definitio, nec in hoc differret à sacramentis ueteribus: esset enim definitio falsa.

Posteriorem uerò partem, uel ex eo tenere conuincimur, quòd si circumcisio uel alia sacramenta ueteris legis conferrent aliquam gratiam citra meritum suscipiẽtium, illa uerè, causæ gratiæ et iustificationis existerent: quod paulò ante argumentis certissimis refellebamus. Ratio autem huius differentiæ est: quia meritum Christi nobis communicatur per sacramenta noua. Vnde, præter id, quod nos meremur suscipiendis sacramentis, aliqua nobis gratia datur ex meritò Christi. At cum passio domini causa esset finalis sacramentorum ueteris legis, non operabatur quicquam, nisi per actionem intendentis illam: finis enim non habet alium effectum præter effectum agentis qui mouetur ad finem. Inde ergo si adultus circumcidebatur, non maiorem gratiam accipiebat ex circumcissione, quàm per actum fidei in Christum merebatur: ad Ro. 3. unus Deus qui iustificat circumcisum ex fide, et præputium per fidem.

PARS V. RELECT.

Tertium discrimen est, quod sacramenta nouæ legis conferunt gratiam a tritis: sacramenta uerò legis antiquæ, si à non contritis accipiebantur, nihil efficiebant. Prior pars suadetur: tum quia conferre, id insinuat, dare scilicet quod non habebas: ostensum est autem nobis gratiam conferri per nouæ legis sacramenta. Tum etiam, quia aliàs sacramenta noua non essent gratiæ causæ, sed augmenti eiusdem gratiæ.

Præterea Ioan. 3. Nisi quis renatus fuerit ex aqua, præstat ergo baptismus uitam spiritualementi etiam illi qui antea non habebat. Et ad Ephe. quinto. Mundans eam lauacro aquæ, et ad Titu. 3. Saluos nos fecit per lauacrum regenerationis, non ex operibus iustitiæ quæ fecimus nos. Item Leo Papa, epistola 56. ad septimum, decernit, paruulis per baptismum remitti originale, adultis et originale et actuale. Et Ioan. 20. Quorum remisistis peccata remittuntur eis: ergo per sacramentum absolutionis potest remitti mortale peccatum, etiam quod aliàs non erat remissum. Nam si effectus baptismi et absolutionis non est remittere culpam mortalem sed pœnam: ergo non conferunt hæc sacramenta gratiam, si quidem effectus proprius eorum, hoc est, remissio pœnæ, sine gratia conferri potest, et ratio huius est, quam sæpe resumpsimus, quod meritum Christi applicatur nobis per sacramenta noua. Quare sine nostro proprio merito, per meritum Christi applicatum iustificabimur. Hinc uerò posterior pars confirmatur. Quia enim in sacramentis ueteris legis non erat aliud meritum nisi fidei, ex fide quippe erat tota iustitia, idcirco sicut non dabatur plus gratiæ, quam fides mereretur: ita nec gratia conferebatur nisi habenti dispositionem. Quæ alioqui ipsa per se esset idonea ad remissionem peccatorum: quam dispositionem, contritionem appellamus. Quartum discrimen, quod per sacramentum baptismi remittitur tota pœna, et per alia sacramenta nouæ legis aliqua saltem pars pœnæ, sine merito proprio, ratione ipsius sacramenti, sed per sacramenta ueteris legis, pœna peccatis debita non remittebatur, nisi pro quantitate fidei, et meriti accipiemus illa sacramenta. Huius uerò differentię

rentiæ eadem quoque ratio est, applicatur enim nobis satisfactio Christi per baptismum ad pœnæ remissionem: sed per circumcisionem, non applicabatur nisi propria circumcisi satisfactio, et meritum. Et hinc etiam sumitur argumentum pro tertio discrimine. Nam quemadmodum ex eo quod applicatur nobis satisfactio Christi per baptismum, remittitur pœna citra nostrum opus: ita ex eò quòd applicatur nobis meritum Christi, remittitur culpa non ponentibus obicem.

Quintum discrimen, sacramentum nouæ legis à quocunque etiam infideli conficiatur et administretur, iustificat: sacramentum uerò antiquum, siue naturæ, siue scripturæ non iustificabat paruulos, nisi à fidei administraretur, uerbi gratia, filij Ismael non iustificabantur quamuis parentes circumciderent eos ad imitationem Abraham, et ideo paruuli dicebantur saluari in fide parentum: nisi enim exterius sacramentum, sed protestatio fidei interioris in saluatorem, non remittebatur peccatum paruulo. Cuius rei argumentum est: quia uetera sacramenta remittebant paruulis originale ex pacto misericordiæ diuinæ, non ex iustitia. Pactum autem et conuentio erat, ut sacramentis protestantibus fidem saluatoris, homines saluarentur. Signum enim accepit Abraham circumcisionis, signaculum iustitiæ fidei, ad Rom. 4. et Gen. 17. Circumcidetur in uobis omne masculinum ut sit in signum fœderis inter me et uos. At sacramenta nouæ legis conferunt gratiam ex iustitia et merito Christi. Vnde etiam si paganus sit, qui baptizat, dummodo applicet meritum Christi, conficiens uerum sacramentum, siue credat, siue non credat, iustificat suscipientem, et propterea uocat Apostolus sacramenta uetera, infirma et egena elementa: quia ratione sui nihil efficiebant, sed solùm ratione fidei uel propriæ, uel alienæ à qua proficiscebantur. Nec id uacat in presentia discutere, an parentes ministrantes sacramenta paruulis, oportet esse in gratia, ut pueri iustificarentur. An satis esset protestatio fidei quamlibet mortuæ. Vtræque enim pars suos habet assertores. Sed illa tamen, ut pia magis, ita quoque probabilior est, quæ tenet in fide parentum sal-

PARS V. RELECT.

uari paruulos, siue illa fides uiua esset, seu esset mortua.

Sextum discrimen, quod sacramentorum nouæ legis Christus dominus fuit autor proximus et immediatus, at sacramenta uetera per angelos et Moysen mediatores à Deo sunt condita. Atque illud quidem in Conci. Trident. sess. 7. de sacramentis in communi cano 1. definitur his uerbis. Si quis dixerit sacramenta nouæ legis non fuisse omnia à Iesu Christo domino nostro instituta, anathema sit. Et uidetur suaderi ex eo quod Ioan. 1. dicitur. Lex per Moysen data est, gratia et ueritas per Iesum Christum facta est. Sacramenta igitur antiquæ legis umbræ, scilicet, et figuræ gratiæ, et ueritatis per Christum efficiendæ à Moyse sunt instituta: at sacramenta gratiæ et ueritatis ab eo sunt condita, per quem gratia et ueritas facta est.

Item prima ad Corin. primo. Nunquid Paulus pro uobis crucifixus est? Aut in nomine Pauli baptizati estis? Vbi beatus Apostolus ex eo cogit non alterius, quàm Christi nomine, et autoritate baptismum conferri posse, quòd sola mors Christi, quæ per sacramentum applicatur, idonea esse potuit ad remissionem peccatorum. At qui ex consequenti solius Christi erat baptismum condere, cui uim sui sanguinis applicaret. Sic enim explicatur locus à Cypriano sermone, quem paulo antè citauimus. Propriè omnipotentia Dei sibi retinet hunc effectum, scilicet, remissionis peccatorum. Nec enim Paulus pro nobis crucifixus est, aut nos gloriamur in Paulo, sed in cruce domini, cuius uirtus omnia peragit sacramenta: sinè quo signo nulla consecratio meretur effectum.

Idem quoque Agust. tracta. 5. in Ioannem. Potuit autem Dominus noster Iesus Christus, si uellet, dare potestatem alicui seruo suo, ut daret baptismum suum tanquàm uice sua, et transferret à se baptizandi potestatem, et constitueret in aliquo seruo suo, et tantam uim daret baptismo translato in seruum, quantam uim haberet baptismus datus à Domino. Hoc noluit, ideo ut in illo spes esset baptizatorum, à quo se baptizatos agnoscerent. Noluit ergo seruum ponere spem in seruo. Ideoque clamabat Apostolus,

cum-

cùm uideret homines uolentes ponere spem in se ipso. Nunquid Paulus pro uobis crucifixus est, aut in nomine Pauli baptizati estis?

Item, priori ad Corin. 4. Sic nos existimet homo, ut ministros Dei, et dispensatores mysteriorum eius: non conditores, inquit, sed dispensatores.

Præterea, D. Ambro. lib. 4. de sacramentis cap. 4. Autor sacramentorum, ait, quis est nisi Dominus Iesus? de cælo ista sacramenta uenerunt.

Cyprianus etiam, sermone de ablutione pedum, quantum equidem intelligo, idem tradit, summum ipsum sacerdotem Christum suorum sacramentorum fuisse institutorem, et autorem.

Præterea quia aliàs posset ecclesia sacramenta, quæ instituisset abolere, aliaque rursus inducere. Atque ex consequenti Christianam religionem, quæ sacramentis maxime constat, inuertere atque innouare.

Præterea, hæreticus est, qui de sacramentis nouæ legis aliter sentit, quàm Romana tenet ecclesia, ut cap. ad abolendam, extra de hæreticis dicitur, sed nisi essent ex reuelatione tradita à Christo non esset hæresis ea negare. Cum fides circa ea sola uersetur, quæ ex Christi traditione Apostolis accepta, ad nos usque peruenerunt. At re uera quod uniuersa tenet tenuitque semper ecclesia, nec concilijs institutum est, non nisi ad eas traditiones pertinere potest, quas ex diuina reuelatione uerbo tenus ab Apostolis accepimus, ita ait Agustinus. 4. lib. de baptismo cap. 24. maximè cum sacramenta nouæ legis gratiam conferant, quam sicut gloriam conferre, solius Domini est, et Christi sui, qui precium sui sanguinis, quibus maluit signis applicuit. Sed sacramenta uetera, quoniam signa uacua erant, per homines medios institui commodè potuere.

Vltimum discrimen est, quòd sacramenta nostra aperiant ianuam regni cælorum: quam aperire uetera nequiuērunt. Quòd eleganter tradit Innocentius capit. maioris, extra de baptis. Nam ut Apostolus docet ad Heb. 9. nondum erat propalata sanctorum uia, quousq; sacerdos Christus ingressus est uiam nouam, et introiuit semel in

sancta, æterna redemptione inuenta.

Quia igitur agnus occisus dignus est habitus, qui aperiret librum et solueret septem signacula eius: quoniam redemit nos Deo in sanguine suo, fecitq; nos Deo nostro regnum et sacerdotes. Apocal. 5. Sanguis autem communicatur nobis per sacramenta noua, non item per uetera conficitur utique, sacramenta hæc nostra (quod illa minimè faciebant) regnum nobis aperire cœlorum.

Argumenta uerò, quibus priori loco suadere nitebamur eiusmodi effecta, quæ sacramentis nouæ legis tribuuntur, à nulla re corporea proficisci, ostendimus retrò esse uanissima: intereſt enim nihil ad præſentem diſputationem, an sacramenta illam qualitatem efficiant. Quod ſi intereſſet id à theologo diſputari, facillimè ſoluitur. Nam ſolus Deus producit illam qualitatem; ſi de productione loquamur, ad modum agentis naturalis. Sed ſi de eadem qualitate, quatenus gratos nos reddit Deo, ſermonem facimus (ſic enim ad morès, et morales cauſas comparantur) habet præter Deum cauſas instrumentales, humanitatem Chriſti, ſanguinem, ſacramenta, ſacramentorumque miniſtrum. Nam quod ſancti negant, ſacerdotes dare ſpiritum ſanctum, habet intelligi per autoritatem; non per miniſterium, de conſecrat. diſt. 4 aliud eſt, et. cap. commod. Illud uerò Hieronymi Matth. 16. contra illos ſacerdotes dicitur, qui pro ſuo arbitratu, poteſtatem ſoluendi, ligandique ſibi arrogabant. Cùm tamen clauis ſcientiæ, clauem potentia debet antecedere. Ambroſius uerò aſſerit nullam cauſam mediam effectum iuſtificationis attingere: quoniam gratia à ſolo Deo produci poteſt, qui ſolus dat gratiam et gloriam.

Ad primum autem eorum, quæ obijciebantur, ut omnia ſacramenta ſanctificationis et gratiæ eſſe cauſæ probarentur: Reſpondeo, non opus eſſe ſacramentum quodcuq; ſic eſſe practicum ſignum, ut uerè efficiat ſanctitatem: ſed ſat eſt, ut practica a nobis nuncupentur, quòd Deus in illorum ſignorum applicatione, uſuq; ſanctificet, id enim commune eſt omnibus ſacramentis. Vel diſtinguenda eſt duplex ſanctitas, altera legalis, altera ſpiritualis: utrius-

que enim Aposto. ad Hebr. 9. meminit. Omnia igitur sacramenta efficiunt aliquam sanctitatem, et munditiam, uel legalem, ut uetera: uel spiritualement, ut noua. Vt. 12. q. 103. art. 2. et eadem facilitate reliqua dilues, præter Augustini testimonium ex libro secundo, de nupti et concu. Quod sine dubio pro nobis facit, si fide, qua oportet, referatur. Legit autem Erasmus, nec aliter commodè potest, in hunc modum, ex quo instituta est circuncisio in populo Dei, quæ erat tunc signaculum iustitiæ fidei, ad significationem purgationis, ualebat magnis, et paruulis originalis ueterisq; peccati. Quòd si Beda, aut quisquam etiam alius dixerit, circuncisionem, eandem peccati curationem præstitisse, quam baptismus, id sanè interpretandum est, sensusque potiùs sequendus quàm uerba: quæ nos plura quàm erat in uoto fecimus: sed non plura fortassis quàm opus erat, ad argumenti uarij, atque perplexi expositionem. Quo quidem explicando, non usque adeò sumus ar rogantes, ut ne uereamur ex his, quæ tam multa diximus, quædam ut falsa reprehendi forsitan iure posse. Alia uera licet, pro rei tamen ipsius, uestraque omnium dignitate tractari potuisse, tum accuratiùs, tum elegantius. At concedendum nonnihil occupationibus erratisq; nostris interim conuiuendum, ut uestra humanitate studia nostra subleuata recreentur. Quæ uidelicet omnia uestris obsequijs addiximus, discipulorum nostrorum commoditatibus adiudicauimus: seruatoris Iesu Christi gloriæ, atq; honori consecrauimus in secula sempiterna Dixi.

Deo gratias.

[The page contains dense handwritten text in Devanagari script, which is mostly illegible due to extreme blurring.]

...no more.

RELECTIO.

De pœnitentia.

PRIOR CONCLUSIO.

Pœnitentiam infusæ uirtutis actum,
ijs qui mortaliter peccauerunt,
semper fuisse necessariam, non ad
salutem modò, sed ex præcepto
quoque peculiari.

POSTERIOR CONCLUSIO.

Pœnitentiæ uerò sacramentum, pec-
catoribus post baptismum ad ui-
tam æternam consequendam, ne-
cessarium esse. Quo fieri, ut et
mortalia peccata omnia sacerdo-
tibus confiteri, & ad eorum arbi-
trium satisfacere, diuino iure te-
neamur.

THEMA RELECTIONIS, NISI POENITENTIAM

HABVERITIS,

omnes peribitis. Luc. 13. C.



MOCVM hodierna mihi disputatione tractandum, uiri grauissimi, qui de summa facie (quod aiunt) spectauerit, apertiore fortasse existimabit, quam ut nostram explicando diligentiam desideret, aut laborem. Qui uerò introspicere curiosius uelit, comperiet sanè, multas in profundo ueritates delitescere, plusque habere in recessu, quam in fronte promittit. Nisi poenitentiam (inquit apud Lucam dominus) habueritis, omnes peribitis. Qui quidem locus, quaestionem licet simplicem continere uideatur, multiplicem tamen differendi materiam subministrat. Nam cum duplex in poenitentiae nomine significatio sit, et uirtutis et sacramenti, mox animaduertitur disputationem meam in duas esse partes diuidendam: quarum altera uersetur circa poenitentiae uirtutem, altera circa poenitentiae sacramentum. Haec enim tractandi forma, atque partitio, à magistro sententiarum dist. 14. primum accepta, uniuersis deinde theologis usurpata est. Cumq; de utroq; partitionis membro infinitas propemodum quaestiones auctores scholastici persequantur: at ego, sex mihi praecipuas ex intimis huius loci uisceribus eruendas putauit: quibus omnino expositis, nihil esse nideo, quòd amplius ad thematis intelligentiam, desideretur. Ac principio statim, controuersia illa ueniet in medium, quae fundamentum est caeterarum. An poenitentia sit dolor de peccatis, qua ratione contra Deum fuere commissi. Euestigio sequetur altera: Sit ne poenitentia uirtus. Succedet suo ordine, tertia. An sine poenitentiae uirtute salus pec-

PARS I. RELECT.

ius peccantibus esse possit. Quarto loco id quaeremus, an sit de pœnitentiæ uirtute peculiare præceptum. Quinto in dubium uocabitur, Num etiam pœnitentiæ sacramentum sit ad salutem necessarium. Postremò, an hoc idem sacramentum, euangelico iure præceptum sit. Has controuersias, tantisper dum definire contendo, uos uiros ornatissimos, nostræ huius consultationis et auditores et iudices, quaeso diligenter attendere.

PRIMA PARS.

PRINCEPS igitur quaestio ea erat: an pœnitentia sit dolor de peccatis, quia contra Deum fuere commissa. Vbi inuestigare compellimur, quidnam pœnitentia sit, quidq; sua definitione et natura contineat: id quod in hac materia difficillimum est, egetq; disquisitione non parua. Et quantum controuersia omnes sine discrimine apud scholasticos soleant in utranque partem disceptari: ego tamen hanc primam (quoad per aduersarios licebit) sine argumentis ultrò citroq; iactatis, exponere cupio. Quòd (nisi me mea fallit opinio) res alioqui explicatu difficilis, hoc seruato tenore facilius explanabitur.

Pœnitentiam ergo desinituris, ut à facillimis ordiamur, tenenda primùm est ipsius uocis origo. Nam sine huiusmodi notione, rem de qua differimus, probè tenere non possumus. Pœnitentiam itaq; à pœna deriuari, nemo est qui possit ambigere. Pœna autem, uindicta quædam est præteritæ culpæ. Vnde et prisci authores, uerbum pœnio, pro eo quod punio, usurpauere. Sed, et cum rerum malè gestarum, quasi uindicante natura, ipsi intra nos de nobis supplicium sumimus, tum, pœnitere propriè dicimur. Pœnitentiæ autem uocabulum tametsi latius pateat, usu tamen doctissimorum, in bonam partem deflecti solet: ut non, nisi quæ iustè pro culpis assumitur, Pœnitentia nuncupetur.

Iustæ autem uindictæ duo sunt genera: alterum publicum, in quo alius est reus, alius iudex, accusator, et testis: alterum

alterum priuatum, in quo et reus, et uindicationis admini-
 ster idem est. In illo, aliena culpa uindicatur: in hoc pro-
 pria. Illa uindicta inuoluntaria patienti est: hæc contra,
 uoluntaria. Pœnitentiæ igitur nomen, non quamlibet cul-
 pæ uindictam, sed illam uoluntariam designat, qua reus
 ipse sponte pœnas eligit, ut in proprias culpas animaduer-
 tat. Augustinus (siue quis alius eius operis fuit author) in
 libro de uera et falsa pœnitentia capite. 19. Pœnitere
 (inquit) est pœnam tenere, ut semper puniat in se ulciscen-
 do, quod commisit peccando, et capite. 8. Pœnitentia est
 quædam dolentis uindicta, uoluntariè punientis in se,
 quod commisisse se, dolet. Quod et Ambrosius uidetur al-
 luisse, super Psalmum. 27. concione. 1. dicens. Plena est
 definitio pœnitentiæ, commemoratio delictorum, ut u-
 nusquisque peccata sua, uelut quodam quotidiani sermo-
 nis flagello castiget, et commissa sibi flagitia condemnet.
 Literæ quoque sacræ passim admonent pœnitentiam age-
 re, ad quam profectò non exhortarentur, nisi spontanea
 esset: nec pœnitentiam ab alio intactam, agendam esse mo-
 nerent: sed potius patiendam. Quod nostro in themate
 etiam intelligitur si uerba diligentius expendantur. Nisi
 pœnitentiam habueritis, ait. Id autem habere dicimur,
 quod in nostra potestate est: ut Diuus Thom. annotauit.
 1. p. q 38. arti. 1.

At uerò, cum nemo in malum aspiciens operetur, ut
 Dionysius. 4. capi. de diui. nomi. scitè tradit, qui uolens
 prudensque pœnam eligit, eum alicuius boni gratia, tan-
 quam finem sibi præstituat, hoc facere necessum est.

Finis autem primus iustæ uindictæ, is habetur ut qui læ-
 sus per culpam est, ei per pœnam satisfiat. Eatenus quip-
 pe iudex nocentem plectit, quatenus opus esse censet, ut
 iniuriæ, et priuatæ et publicæ faciat satis. Sic igitur et
 pœnitens, ob eam causam uindicat culpam quam admisit,
 ut Deo, quem offendit, debitam satisfactionem impendat.

Sed enim, per offensam culpæ, non solum iustitia legi-
 slatoris, sed et amicitia uiolatur, quapropter, alter finis
 pœnitentis est placare Deum quem offenderit, cumq; sibi
 conciliare. Inde enim uindictam, compensationemq; de-

PARS I. RELECT.

listi, oportuit in pœnitente ultroneam esse, quoniam oportebat amicam esse. Nam neque apud homines, redintegratur amor, per coactam satisfactionem offendentis.

Cùm autem amicus, pœnis amici non delectetur, et alio qui etiam (Aristotele auctore) pœnæ medicamenta sint, quæ uelut per contrarium dolorem, morbum pellunt è uoluptate progenitum. tertius pœnitentiæ finis est salus animi. Dolet nanque pœnitens, lachrymatur et gemit, ut per huiusmodi quasi antidotum, morbo spirituali medeatur, ut Diuus Thomas tertia parte, quæstione. 90. arti. 3. docuit, et Augustinus tracta. in Psal. 57. Sed et Hieronymus in Ecclesiasticis caput septimum, inquiens. Nouit hirundo pullos de succo oculare chelidonis, et dictamnium capræ appetunt uulneratæ, cur nos ignoremus medicinam pœnitentiæ propositam esse peccantibus: Eandem quoque sententiam eisdem ferè uerbis, Tertulianus dixit in libro de pœnitentia. Et Chrysost. homil. 7. ad populum Antioch. Iudices (inquit) cùm latrones ceperint, ac sacrilegos, non quomodo ipsos meliores reddant, considerant: sed quomodo ab ipsis peccatorum pœnas exigant: Deus autem contrà: quum aliquem ceperit peccatorem, non considerat quomodo supplicium sumat, sed quomodo ipsum corrigit. Itaque et iudex, pariter et medicus, &c. Paulus denique 2. ad Corinth. 7. tristitia (ait) quæ secundum Deum est, pœnitentiam in salutem operatur. Quamobrem, pœnitentiæ iudicium ut amicum, ita quoque salutare est, plusquam uindicatiuum: cuius, scilicet, finis, non tam uindicta, quam uindicta salutaris est.

Igitur (ut quæ tam multis diximus, in breuem summam redigamus) pœnitentia dolor de peccatis est, aliàs et in beatis esset, nec esset iuxta nomen suum, pœna. Et dolor est sponte pro peccatis assumptus, ut sit, uindicta culpæ uoluntaria, nec uindicta solum satisfactoria, sed etiam amica et salutaris. Ac poterant hæc apud omnes, inconuulsa ratione consistere: nisi ab ijs, qui linguarum eruditione, proprioque sensu iactantur (uana licet fiducia) quaterentur.

Obijcit tamen nobis Lutherus apud Rosenf. art. 5. Imò
et Erasmi.

et Erasmi. in annotationibus super tertium. Matth. caput 3.
quod apud Græcos *μετάνοια* non poena aut dolor est, sed
resipiscentia: et *μετάνοειν* resipiscere. At ubi interpres
noui testamenti usurpat poenitentiae uocabulum, græco in
fonte *μετάνοια* est: ubi poenitentiam agite, Græca le-
ctio habet *μετάνοιτε*, non ergo in usu scripturæ sacræ
poenitentia dolor, aut poena est, sed mutatio consilij et
mentis, et poenitere sapere post erratum, instituereq; ani-
mum ad uiuendum rectè. Scilicet hoc irrefragabili argu-
mento, in illam hæresim incidere Germani, ut crederent,
ueram poenitentiam nihil aliud esse, quam nouam uitam.
Iuxta quod Ambrosius apud Magistrum. 14. dist. ait, ue-
ram poenitentiam esse, cessare à peccato. Hinc uerò nos;
paucis extricare possemus, si ueteris interpretis, et Chri-
stianorum omnium latinè loquentium, autoritate con-
tenti, latini nominis notionem et originem sequeremur:
quæ satis (ut arbitror) ante nobis explicata est. Quin e-
tiam, si rerum ordo fuerit diligenter inspectus, resipiscen-
tia atque tristitia, usque adeò sibi uicissim hærent, ut, si al-
teram tollas, utranque necesse sit esse sublatam. Etenim,
si sapias, protinus incipit displicere quod placuit. Imò, si
erratum tuum semel intelligis, tu ipse incipis, tibi, illico di-
splicere. Cum uerò, quicquam displicet quod placebat:
id quemadmodum, quo tempore placuit, delectabat: ita ne-
cesse est, contristare dum displicet. An no hunc quidem
resipiscentiæ tristitiæque nexum, arcanae literæ tacuerunt.
Genesi. 6. Videns Deus quod multa malitia hominum es-
set in terra, poenituit eum, quod hominem fecisset, et ta-
ctus dolore cordis intrinsecus. Ea post poenitentiam: do-
lor cordis apponitur, et Hier. 31. Postquam conuertisti
me, egi poenitentiam, et postquam ostendisti mihi, percu-
si femur meum: in quæ uerba Hieronym. Dolentis (inquit)
et plangentis et super errore pristino plorantis indicium
est, ut femur manu percutiat, et flultum se ante fuisse sa-
teatur. Dolor itaque, comes indiuiduus est resipiscentiæ.
Quod si latinæ uocis nullam rationem haberemus, si re-
rum item consequentiam et ordinem negligereamus, etiam
num, Luthero, Erasmoq; ostenderemus Græcā *μετάνοιας*

uocem, pœnam quoque ad uindictam designare. Cuius rei testimonia si quis à nobis requireret, nihil esset profectò, quod tam faciliè expedire possemus, nisi ad alia properaret oratio. Certè Paulum. 2. ad Corinth 7. pro pœnitentia *μετάνοια* usurpasse, uel proteruus inficiari non poterit. Habent enim græca in hunc modum *ἡ γὰρ κατὰ τὴν λύπην, μετάνοιαν εἰς σωτηρίαν ἀμεταμέλητον κατεργάζεται*: hoc est, quæ enim secundum Deum tristitia est, pœnitentiam in salutem non pœnitendam operatur. Quo loco si resipiscentiam uertas, sententiam in Apostolo falsam efficies, non enim tristitia resipiscentiam operatur: sed e diuerso resipiscentia tristitiam: at tristitia quæ secundum Deum est, pœnitentiam, hoc est uoluntariam pœnam, uindictamque culparum. Noster item Ausonius loquentem pœnitentiam inducens: sum (inquit) dea, quæ facti, non factique exigo pœnas, nempe ut pœniteat, sic metanœa uocor. Non igitur siue latinè pœnitentia, siue græcè metanœa, nouam solummodo, uitam: sed et ueteris odium uindictamq; significat. Sed ais: si uerbum uerbo reddas, *μετάνοια* mutatio cogitationis et mentis est, transmentatio, si in hunc modum loqui latina consuetudo permitteret. Fateor equidem. At mentis mutatio esse non potest, nisi mens diuertat à malo, contraque accedat ad bonum, quod quia non fit gressibus corporis, sed affectibus animi, ueterem uitam animus auersetur oportet, cum elegit nouam: sic enim animi mutationem recta philosophia interpretatur: quàm si haberent Lutherani, nihil ab illis præterea exigeremus, si modò haberent eam, non quam sibi fingunt ipsi, sed quam et uerè et graphicè describit Ambrosius 2. lib. de pœnitentia cap. 10. inquit. Faciliùs inueni qui innocentiam seruauerint, quàm qui congruè egerint pœnitentiam. An quisquam illam pœnitentiam putat, ubi requirendæ ambitio dignitatis, ubi uini effusio, ubi copulæ coniugalis usus? Renuntiandum seculo est, somno ipsi minus indulgendum, quàm natura postulat, interrumpendus est gemitibus, interpellandus est suspiriis: sequestrandus orationibus: uiuendum ita, ut uitali huic moriamur usui. Se ipsum sibi homo abneget, et totus
mutetur

mutetur: sicut quendam adolescentem fabulæ ferunt, post amores meretricios peregræ profectum, et amore abolito regressum, ueteri postea occurrisse dilectæ, quæ ubi non interpellatam mirata, putauerit non recognitam, dixerit ego sum; responderit ille, sed ego non sum ego. Hanc mihi cogitationem atque animi transformationem, si præstiteris, iam ego de nomine nihil moror. Illa re uera penitentia, est, de qua nos in præsentia disputamus.

Sed illud tamen catholici quidam, contrario penitus sensu atque ratione, in dubium uocant: an ad ueram penitentiam præter dolorem de peccato præterito, propositum exigatur, deinceps futura uitandi? ita ut quemadmodum penitentem, uitam ueterem detestari, sic et nouam animo concipere, ac proponere necessum sit. Et quidem iuniores nonnulli existimant, hoc propositum non esse in penitentia necessarium. Tum quoniam; ut uox ipsa præ se fert, penitentia, culpas præteritas respicit, non prospicit futuras: quod et diuus Thom. animaduertit. 4. dist. 17. q. art. 2. q. 4. ubi asserit, penitentia proprium obiectum esse peccatum commissum: quare ait, secundum suam speciem respicit tantum peccatum præteritum. Tum etiam, quoniam uentura mala cauere, prudentia actus est, non penitentia. Non igitur animus futura uitandi ad ueram penitentiam necessarius est.

Nos uerò, recentem hanc theologiam paulisper facessat rogemus, et disputationis nostræ perturbatricem exoremus ut sileat: ueterumq; authorum sententiam amplectentes, intelligamus mutationem mentis, quam nomen *penitentia* cum designare certum est, in penitentia quoque latina uoce comprehendendi. Nisi enim mutetur totus (ut paulò antè referebamus ex Ambros.) uerè penitens esse non potest: at hæc penitentis mutatio, in eo sita est, si non uitam modò priorem respuat, sed et nouam animo complectatur, seseq; informet, atq; animet ad rectè iusteque uiuendum, sit ergo (ut à more scholastico non discedamus) prima conclusio.

In penitente semper hæc duo coniuuncta sunt, detestatio uitæ ueteris, et propositum uitæ nouæ: hanc Magister

PARS I. RELECT.

dist. 14. et 15. tenet; et Albertus. 14. dist. art. 11. et Durand. dist. 17. q. 2. art. 2. et Alexan. quarta parte. q. 69. membro 9. et Adrianus quolib. 5. art. 3. Caietanus in additionibus 3. partis. q. 1. art. 1. et D. Thom. 3. parte. q. 85. arti. 3. et 86. art. 2. et 3. contra gentes cap. 158. et 4. contra gentes ca. 72. Quæquidem probatur, ex Apostolo ad Ephesios. 4. deponite, inquit, uos ueterem hominem, qui corrumpitur secundum desideria erroris: renouamini autem spiritu mentis uestræ, et induite nouum hominem, &c. non ergo satis est ueterem exuere, nisi nouus homo induatur, quod certè uoluntate fit, non moribus corporis.

Hoc præterea insinuatur Gen. 6. penituit eum quòd hominem fecisset, præcauens in futurum et tactus dolore cordis intrinsecus, &c. Ambo igitur illa in eo, quem uerè penitet, reperiuntur.

Ezechiel item, 18. cap. si autem (inquit) impius egerit penitentiam ab omnibus peccatis suis, et custodierit omnia præcepta mea, omnium iniquitatum eius non recordabor. Custodire autem omnia præcepta, ad animi propositum sine dubio referendum est: quoniam non omnia simul præcepta custodienda occurrunt, cum homo penitentiam agit, utrunque igitur penitens simul præstat: et quòd dolet de omnibus peccatis suis, et quòd omnia præcepta custodire proponit, et infra eodem capite. Conuertimini, ait, et agite penitentiam, projcete à uobis omnes prauaricationes uestras, et facite uobis cor nouum et spiritum populi: quod est, nouam uitam animo et concipere et uelle.

Præterea (ut rectè Diuus August. lib. de uera et falsa penitentia, cap. 17. ratiocinatur) non solum petitur à peccatore ut gemat, sed etiam ut conuertatur. Conuertimini (inquit) et agite penitentiam, &c. et Ioel. 2. Conuertimini ad me in toto corde uestro, in ieiunio et fletu, &c. Conuersio autem ad bonum est: non ergo satis est, malam uitam antecedentem auersari, nisi ad bonam penitens animo conuertatur.

Id insuper annotauit Ambros. in illud. 2. ad Corinth. 7. Ecce enim hoc ipsum, secundum Deum contristari uos, quan-

quantam operatur in uobis sollicitudinem et desiderium: desiderat enim (inquit) reformari, qui per peccatum scit se factum esse deformem.

Dauid quoque in Psalm. 50. postquam ueniam petiuit inquit, quoniam iniquitatem meam ego cognosco, &c. cor mundum ait, crea in me Deus et spiritum rectum in uisceribus meis.

Præterea, primum quod ab eo qui fecit iniuriam, postulamus, est huiusmodi propositum. Cum ergo finis proprius penitentiae sit, emendare Deo iniuriam, certè uerè penitens omnia ea exhibet, per quæ iniuria compensatur. Inter hæc autem (ut diximus) illud unum est, ut homo habeat animum, alias deinceps iniurias non faciendi.

Ad hæc, quemadmodum parentes cum liberos puniunt, emendationem, propositumque melioris uitæ in futurum, ab illis per pœnas extorquent: ita et hoc a nobis uel maximè Deus exigit in hac uindicta uoluntaria, ut uelimus in melius corrigere, quæ peccauimus.

Præterea in omni motu non est recessus à termino aliquo, sine accessu ad oppositum: ergo, nec auersio à peccato erit sine conuersione ad iustitiam. Quare sicut penitens detestatur uitam iniustam antecedentem, ita uoluntate complectitur futuram iustam consequentem.

Præterea uera penitentia non est sine actu charitatis, ut mox definiemus: sed per actum charitatis, uolumus Deo in omnibus placere et in nullis displicere: Igitur, animus in futurum bene uiuendi, uerè penitenti qui ad Deum conuertitur, deesse non potest. Quod et nunc in concilio Trident sessione 6. cap 5. et 6 definitur: et in concilio Florentino fuerat ante declaratum, uidelicet ad contritionem (quæ penitentiae primus actus est) pertinere, ut doceat de peccato commisso, cum proposito non peccandi de cætero. Nec potest dici, concilium loqui, de proposito implicito. Pari enim ratione statueret, ad contritionem cordis spectare propositum ieiunandi tempore quadragesimæ. Præterquam quod uana esset talis determinatio, et explicatio contritionis, si de implicito proposito intelligeretur. Et simili quoque ratione interpretaremur,

ad contritionem cordis pertinere, implicite dolere de peccato commisso.

Secunda conclusio: huiusmodi propositum est de ratione pœnitentiæ. Hanc tenet Diuus Thom. expressè, et eam persuadere nititur. 3. par. q. 90. ar. 4. et 4. contra gentes. cap. 27. quia actus mortales ex fine recipiunt speciem. At, finis pœnitentiæ et doloris de peccato, est noua uita: ergo illum finem intendere, est de ratione pœnitentiæ: quemadmodum enim, expulsio dispositionis contrariæ, suapte natura paratur ad conuenientem formam inducendam: et propulsatio humoris corrupti, ab arte naturaq; instituitur, ut noua sanitatis forma proueniat: ita et peccata antecedentia destruere, atque auersari, ad uitam nouam instituendam ordinatur.

Præterea ad pœnitentiam id potissimum pertinet, ut Deo ueteris uitæ compensatio fiat. Id autem, uel maxime à nobis Deus exigit, pro compensando delicto ueteri, ut ei deinceps placere uelimus, iuste recteq; uiuendo: id igitur est de ratione pœnitentiæ.

Hoc item probat Magister sententiarum, dist. 14 ex definitione pœnitentiæ, quam nobis Ambros. et Gregorius, tradidère in hanc formam. Pœnitentia est, præterita mala plangere, et plangenda iterum non committere, de pœnitentia. d. 3. cap. pœnitentia et cap. pœnitentiam.

Nec ego aliud intelligo Florentinum Concilium indicare uoluisse, cum astringit, ad contritionem cordis pertinere, ut doleat de peccato commisso, cum proposito non peccandi de cætero.

Ad argumentum uerò in contrarium, respondet D. Thom. dist. 14. q. 1. arti. 1. q. 6 ad 4. quòd. quanuis ad pœnitentiam iuxta primam nominis originem, non pertineat respectus ad futuram, at, quatenus habet pro fine præcipuo, emendare Deo culpam commissam, et illi pro ea satisfacere, huiusmodi propositum est de ratione pœnitentiæ, nec sine illo Deus aut placatur aut conciliatur; cum id (quod sæpè iam diximus) à nobis maxime requirat.

Hæc de priore diffinitionis particula satis sunt dicta. Nunc circa posteriorem ea quaestio est à nobis pertractanda, an

da, an dolor detestatioque peccati, quia est contra Deum, sit de ratione pœnitentiæ. Cui breuiter, quæstioni eodem omnes ore respondent, de ratione pœnitentiæ esse Diuus Thomas tertia parte quæst. 86. articul. tert.

Quippe si quem peccata contristant, uel quòd turpia sunt, uel quòd infamiæ notam inuaserunt, aut aliud damnum dedere peccanti, huius dolor idoneus non est nec delicto aduersus Deum commissio pensando, nec infenso Deo placando et conciliando. Nam ne homo quidem iustus placaretur, cum is qui læ sit nullam ipsius haberet in dolore rationem: nec redintegraretur amicitia, dum qui eam uiolauit, iacturam propriam sentit, non amici offensionem. 2. ad Corint. 7. gaudeo non quia contristati estis, sed quia contristati estis ad pœnitentiam. Contristati enim estis secundum Deum, quæ enim secundum Deum tristitia est, &c. Tristatur, inquit Ambrosius, secundum Deum, quia dolet quòd fecit quod odit Deus: Idem Chrysostomus homilia. 15. in hanc secundam epistolam: sed expressius homilia 4. in eandem.

Item nisi hac ratione et fine, peccator pœnitentiam ageret, ad Deum minimè per suam pœnitentiam conuerteretur: cum tamen Christiani pœnitentem, et conuersum ad deum, eundem prorsus intelligamus. Quoniam et arcane literæ pœnitentiam sine peccatoris ad Deum conuersione penitus ignorant. Ioel. 2. Conuertimini ad me in toto corde uestro, &c. Ezech. 18. Conuertimini et agite pœnitentiam. Esa 35. Derelinquat impius uiam suam, et reuertatur ad dominum, et Psalm. 118. Exitus aquarum deduxerunt oculi mei, quia non custodierunt legem tuam. Vbiq; igitur ratio finisque pœnitentiæ Deus ipse describitur.

Sed existit hoc loco quæstio non parua, an illa ratio formalis et motiua pœnitentiæ sine dilectione possit haberi? Quod in hanc formam alij quærun, an in pœnitentiæ finitione oporteat contineri, quòd sit dolor de peccatis, quia sunt contra Deum super omnia dilectum.

Et suadet non oportere, quia dilectio est actus sufficiens ad remissionem peccatorum: quare si semper cum

pœnitentia interueniret; aut neutra esset idonea; aut altera superflueret.

Deinde, si actus charitatis necessariò in peccatoris conuersione inueniretur; tunc charitas diceretur secunda tabula post naufragium; potius quàm pœnitentia; quod tamen inauditum est.

Præterea; puer fugit ignem tanquàm malum, etiam si oppositum bonum actu non uelit: ergo et homo potest fugere peccata; quanuis Deum actu non amet.

Quartò, quia si dilectio esset pœnitentiæ coniuncta: dilectio penitentiam antecederet, quoniam attingit finem rationemque formalem penitentia: at consequens est falsum; ut uidetur.

Primò, quia contritio præcedit gratiam habitualem, cum sit eius dispositio: ergo et charitatem; quia gratia prior est charitate; ad quam se habet gratia, ut anima ad potentias suas. Nam dat gratia esse et uiuere, charitas operationem.

Item secundò consequens probatur esse falsum, quia si dilectio contritionem præcederet, iam prima pœnitentis contritio esset meritoria, cum à charitate proficisceretur; referreturque ab eadem charitate in deum super omnia dilectum. At contritio prima, meritoria esse non potest, quia uel meretur gratiam uel gloriam: non gratiam, quia prima gratia sub merito non cadit: gratiam uerò simul fieri et augeri impossibile est. Quare, prima contritio, nec primam gratiam, nec augmentum eius promeretur: sed ne gloriam quidem: quia uel meretur gloriam quæ respondet primæ gratiæ: puta ut quatuor, si gratia prima erat ut quatuor: uel meretur augmentum illius gloriæ: si primum, iam gloria quæ respondet primæ gratiæ, non daretur gratis, contra Apostolum ad Rom. 6. iniquentem, gratia dei uita æterna. Et contra rationem, quæ dicit, gratiam nihil aliud esse, quàm acceptionem ad gloriam: unde si quis accepit gratiam primam sine meritis, ergo et acceptatus est ad gloriam correspondentem sine meritis. Augmentum uerò gloriæ, si prima contritio mereretur: pariter quoque et augmentum gratiæ: quod iam reprobatur.

Deniq;

Denique consequens falsitas ostenditur ex Diuo Thoma, quarto, distinctione decimaquarta, quaestione prima, articulo secundo, quaestione secunda cuius uerba sunt. Quandoque aliquis fugit malum propter desiderium boni, quandoque autem è diuerso, et hic motus est frequentior in reuersione peccatoris ad Deum, per penitentiam. Vnde penitentia est prior charitate, et cum motus amoris penitentiam præcedit, non est amor charitatis, quia charitas amissa, non recuperatur nisi per actum penitentiae uirtutis: haecenus ille. Id contrarium est, quod omnis dolor in amore fundatur, eò enim quod aliquid amamus, de eius amissione dolemus.

Hic sit prima propositio: Primus actus penitentiae nunquam est sine actu charitatis. Magist. d. 15. ca. 4. idem, Grat. de poe. d. 3. ca. ult. et ca. fugerat, et dist. 2. ca. charitas est, et D. Tho. 1. 2. q. 113. artic. 4. ad. 1. et art. 5. et 8. et de ueritate. q. 28. arti. 4. Duran. d. 17. 4. q. 1. et 4. Capreo. dist. 14. q. 2. et Gabrie. dist. et. q. contra Palud. d. 14. q. 3.

Primum probatur hæc conclusio testimonio D. August. 14. de ciui. dei. cap. ultimo, ubi asserit, neminem pertinere ad ciuitatem Dei nisi per amorem Dei, usque ad contemptum sui: sed omnem uerè penitentem ad Dei ciuitatem pertinere nemini dubium est, ergo. Et lib. de uera et fal. peniten. capit. 9 pro absurdo habet, quòd sine amore dei, quisquam consequatur indulgentiam, sine quo nullus inuenit gratiam, et capite decimosextimo idem ait, et lib. contra Crescon. capite duodecimo cum dixisset: et eleemosynis et uerbo ueritatis, et contritione remitti peccata, subdit, mundantur etiam ipsa, quæ supereminet omnibus, charitate, quæ una si adsit, omnia illa rectè fiunt: si autem desit, illa omnia frustra fiunt. Præterea. 1. Ioan. 3. qui non diligit, manet in morte.

Præterea conuersio ad Deum requiritur ad habendam gratiam Dei. Zac. 1. conuertimini ad me et ego conuertar ad uos. Ezech. 18. et 33. sed conuersio ad Deum non fit nisi per actum charitatis: nam si aliter conuersio fiat uana est ad iustificationem cum in Christo Iesu: sola fides ualeat quæ per dilectionem operatur ad Galat. 5. hoc autem

notauit

notauit August. de uera et falsa penitentia. cap. 17. non conuerti, sed qui habet attritionem et timet Deum iudicem, nisi amet iustum.

Præterea salus animæ in conuersione ad Deum consistit Hier. 3. conuertimini filij, reuertentes et sanabo auersiones uestras. Esai. sexto et conuertatur et sanem eum. et. quadragesimo quinto conuertimini ad me, et salui eritis : at penitentia est medicina salutis.

Item omne agens, agit propter finem, anima ergo cum mouet se, ad finem se mouet. At uelle efficaciter finem pertinet ad charitatem. Namque si per spem solam finem appeterem, nec spes mortua ad iustificationem sufficeret, nec de peccato doleremus, qua ratione offensa Dei est, sed qua malum nostrum est.

Id tandem modo in conci. Triden. sess. 6. c. 6. et. 7. definitum est : Ac reuera, id enim Dominus, Lucæ. 7. insinuas uidetur, inquit. Remittuntur ei peccata multa, quoniam dilexit multum. Quæ significat dolorem et lachrymas nullas esse, nisi cum charitate essent.

Secunda propositio, prior natura est actus charitatis, quam actus penitentiae. Imò radix unde penitentia habet remittere peccata, dilectio est : iuxta domini sententiam Luc. 7. Quoniam dilexit multum, ait. D. Tho. 3. p. quæstione. 85. articu. 6.

Probatum item hæc conclusio. Quia penitens, detestatur peccatum, ut offensam Dei, ergo prius natura amat Deum. Nam nisi quem amore prosequimur, eius mala exhorrescere non solemus.

Primus quoque uoluntatis actus, circa proprium obiectum est, scilicet, circa bonum. Deinde sequitur odium oppositi mali. Prior ergo actus est, quo Deo uolumus bonum, quam actus quo eius malum abhorremus.

Præterea, uelle mihi conciliare Deum, est prius, quam uelle emendare iniuriam commissam, cum illud sit finis huius. At illud ad charitatem pertinet, hoc ad penitentiam, ut dictum est.

Præterea, ut D. Tho. argumentatur loco citato ad secundum, in actibus animæ primus motus est circa finem

Vnde

Vnde prior est natura, intentio finis, quàm electio mediorum. At, dolere de peccatis, et illa destruere, medium est ad placandum et conciliandum Deum, et ad rectam electionem pertinet, ergo. Sed et Hier. 31. huius rei testimonium habemus: Postquàm conuertisti me (inquit) egi penitentiam, prior est igitur conuersio ad Deum quàm penitentia detestatioque peccati.

Id postremò Concilij Tridentini. sess. sexta capite sexto definiuit, his uerbis. Peccatores ad iustificationem se disponunt, incipientes diligere deum tanquam omnis iustitiæ fontem: ac propterea mouentur aduersus peccata per odium aliquod et detestationem, hoc est per penitentiam.

Tertia propositio, de ratione ueræ penitentiae est, quòd displiceat peccatum, quia est contra Deum super omnia dilectum: D. Tho. expressè. 3. p. q. 86. artic. 3. patetque ex prioribus conclusionibus.

Ad primum autem eorum, quæ in contrariam partem adduximus, respondet D. Tho. 3. p. q. 84. arti. 5. ad 2. et q. 86. arti. 6. ad 2. et de uerita. q. 28. arti. 5. in corpore. et ad primum negando consequentiam. Aliud est enim, quod requiritur ad iustificationem absolutè, aliud ad iustificationem eius qui mortaliter peccauit: in quo requiritur et auersio à malo, et conuersio in bonum, ut iniuria, quam fecit, compensetur per æquam satisfactionem.

Ad secundum respondetur, quòd penitentia dicitur secunda tabula post naufragium, et non charitas. Primo, quia charitas necessaria est in omni iustificatione, communisq; et integra nauis soluentibus, et naufragis. Penitentia autem, proprium est remedium naufragorum.

Item etiam in penitentia charitas intelligitur, non autem e diuerso, in charitate penitentia. Quanquam et his duobus argumentis breuiter responderetur, multos actus hominis in iustificatione simul coniungi, quibus tamen singulis iustificationem ipsam sacrae literæ tribuunt. Fides enim purificat corda nostra. Acto. 15. Spe quoque salui facti sumus ad Ro. 8. Vniuersa etiam delicta operit charitas. Prouerb. 10. et scriptum quoque est, sine timore neminem posse

posse iustificari. Eccle. 1. Et, cum peccator ingemuerit ac penitentiam egerit, peccata ipsius obliuioni tradentur. Ezech. 18. et 33. Erraret autem uehementer, qui uel remissionem peccati, unicuique ex illis actibus denegaret, uel unum ex eis quolibet, superfluere arbitrareretur.

Ad tertiam, nihil uetat, cum quis semel habuit actum amoris, odio habere malum sine amore præsentis, ex uita tamen præcedentis, ut post primum assensum conclusionis, quem sine assensu antecedenti principiorum habere nequimus, nihil prohibet eidem conclusioni iterum atque iterum assentiri sine principiorum assensu. Sic et primam penitentiam sine dilectione habere impossibile fuit. Secundam uero uel tertiam habere poterimus ex efficacia solum prioris dilectionis. Ita quoque puer ui et potentia amoris naturalis, quem dubio procul aliquando primum habuit, postea malum fugit naturæ contrarium, etiam si amor ille actu non perduret. Quin etiam non oportet duas semper operationes differentes habere amoris et penitentiae: sed potest unus et idem actus à charitate et penitentia proficisci, ut interim media et finem unico actu complectimur, et principijs et conclusioni unico actu assentimur.

Ad quartum, concesso consequenti quod infertur ad primam confutationem, nego consequentiam. Non enim ualet, a, est prius, b, et b, prius, c, ergo, a, est prius, c, præsertim cum in diuerso genere causarum ille ordo consideratur. Quemadmodum, et hæc collectio inutilis est, a, est causa, b, et b, est causa, c, ergo, a, est causa, c. Quod ut exemplo manifestum efficiam, ponamus illud quod Philosophi negare non possunt, primas qualitates et secundas, utraque esse dispositiones ad eandem formam substantialem, ut calor et color, humiditas et mollietates ad animam rationalem, ubi certum est, secundas qualitates priores esse animam in genere causæ disponentis, et materialis: animam rursus priorem esse primis qualitatibus in genere causæ formalis. Prior est enim forma, quæ dat esse simpliciter, quam forma quæ dat esse tale. Ex quo tamen, si quis colligeret, secundas qualitates esse priores primis, certè à Philosopho

pho non toleraretur, sed ne à dialectico quidem: cum in nullo genere causæ primas qualitates, secundæ præcedant.

Item, contritio prior est habituali gratia in genere dispositionis, gratia etiam prior est habitu poenitentiae infusæ in genere causæ formalis. Sed contritio nullo pacto prior est habitu poenitentiae. Quoniam actus ille ab habitu producit in genere causæ efficientis. Effecta autem causarum efficientium, suis causis efficientibus priora esse non possunt, nisi fortè in genere causæ finalis, de quo genere in præsentia non differitur.

Circa id uerò, quod in eodem argumento additur, gratiam se habere ad charitatem et poenitentiam, ut anima ad potentias suas, non in omnibus similitudo est. Quoniam potentiae animæ, intellectus et uoluntas, nulla ratione præcedunt animam; habitus uerò charitatis et poenitentiae, quoniam in genere causæ efficientis producant actus, qui sunt dispositiones ad gratiam, ex consequenti ipsam gratiam antecedunt. Charitas igitur et poenitentia habent se ad gratiam, ut calor ad formam ignis. Idem enim calor si consideretur, ut disponens materiam ad recipiendam formam, prior forma est: si autem ut potentia calefactiua, eadem forma posterior est.

Ad secundam uerò confutationem, in qua difficultas est maxima, sunt qui negant primam contritionem meritoriam esse, quam ego sententiam olim iuuenis tenere solebam, nec enim poteram eam persuasionem inducere, ut gratia habitualis qua iustificamur, prima contritione prior esset quod tamen erat necessarium, ut illa contritio esset meritoria: quippe, cum gratia et amicitia dei, totius meriti radix et origo sit, atque id etiam D. Tho. mihi sentire uidebatur. 1. p. q. 62. arti. 2. ad 3. in hæc uerba. Triplex est conuersio in Deum, una quidem per dilectionem perfectam, quæ est creaturæ iam deo fuentis. Et ad hanc conuersionem, requiritur gratia consummata. Alia conuersio est, quæ est meritum beatitudinis, et ad hanc requiritur habitualis gratia, quæ est merendi principium. Tertia conuersio est, per quam aliquis præparat se ad gratiam habendam, et ad hanc non exigitur aliqua habitualis gratia, sed

sed operatio Dei ad se animam conuertentis: secundum illud, conuerte nos domine, et conuertemur. et. 3. p. q. 89. arti. 1. ad 2. Actus, inquit, primus pœnitentis se habet: ut ultima dispositio ad gratiam consequendam: scilicet, contritio. Alij uerò sequentes actus pœnitentiæ, procedunt iam ex gratia et uirtutibus. Sed quoniam. D. Thomas. quem ego anthorem libentissimè sequor. 1. 2. q. 112. arti. 2. ad. 1. contrariam sententiam tenet: concedo contritionem primam esse meritoriam gloriæ. Primò, quia est operatio amici Dei ordinata in finem supernaturalem. Imò, ut ostensum est, in finem charitatis, ab ipsa charitate ordinata, ergo est meritoria.

Præterea ultima dispositio ad formam, in genere causæ formalis, posterior ipsa forma est. Igitur secundum ordinem causæ formalis, contritio à gratia procedit, erit ergo meritoria.

Præterea fingamus hominem post primam illam contritionem è uita discedere: Tum quæro an isti dabitur aliqua gloria? Quod quia negari non potest, quæro rursus: an illam gloriam talis homo meruerit? Si meruit, habetur intentum: si non meruit, ergo adulto seclusis sacramentis datur gloria absque merito proprio: reclamante Paulo prima ad Corinthios tertio. Vnusquisque propriam mercedem accipiet, secundum suum laborem, et Matth. uigesimo. Nemo diuturnum accepit denarium, nisi qui in uinea laborauit.

Præterea, primus actus charitatis est meritorius, cum sine dubio, sit opus amici Dei, maximè placens Deo, Ioan. decimoquarto. Qui diligit me, ego manifestabo ei me ipsum. Sed actus primus pœnitentiæ sequitur primum actum charitatis à quo proficiscitur, ergo est meritorius. Quod August. affirmat, de ue. et fal. pœnitent. capite decimo septimo. ubi de ijs qui in fine pœnitentiam agunt, sic loquitur. Cum fructifera pœnitentia opus sit non hominis sed Dei, inspirare eam potest, quoniam uult sua misericordia: et ex misericordia remunerare, quos damnare potest ex iustitia. et capit. ultimo ait, pœnitentiam non solum indulgentiam promittere, sed certa præmia. Gratianus

tianus etiam id habet de pœnit. dist. 1. c. conuertimini.

Igitur ad argumentum, concedo libenter primam gratiam gratis dari. Nego tamen exinde primam gloriam dari sine merito. Eadem enim contritio ut quatuor, et dispositio est ad gratiam, ut quatuor, et meritoria gloriæ, ut quatuor qua ratione ordine naturæ gratiam sequitur, et ad impugnationem: quia gratia est acceptatio ad uitam æternam. Id, scilicet, ego nego si forma formalis sit: sed est forma per quam aliquis est amicus deo, per quam homini grato et accepto, admissioque in diuinæ naturæ consortium, facultas datur ad æterna bona, per operationem uirtutum promerenda. Nec oportet formaliter loquendo, ut quis sit amicus Deo, quod Deus per talem amicitiam, seclusa quacunque operatione, uelit illi uitam æternam. Sed satis est, quod uelit illum admittere ad participationem bonorum supernaturalium, quæ simpliciter faciunt homines bonos, qualis est charitas, et cæteræ uirtutes infusæ, per quas admissus homo ad Dei amicitiam et gratiam, æternam gloriam proprijs actibus demeretur. De adultis loquimur, nam paruulis gratia datur per operationem alienam, similiter et gloria.

Cuius rei exemplum habes in anima, quæ quoniam actus primus est, dat esse et uiuere. Hanc consequuntur potentia naturales, hoc est, intellectus et uoluntas, per quas operatur ad consecutionem finis. Sic et gratia, uita quædam animæ est, quæ illi et uiuere, et esse diuinum præstat, quam charitas et reliquæ uirtutes consequuntur: quarum operationibus finem suum homo consequetur. Nec deerit præter naturale, morale quoque exemplum, in huius rei expositione. Cum enim homo quis, gratus incipit esse principi, non est opus, ut per talem primam gratiam acceptus sit ad ultima præmia, atque præcipua, quæ uidelicet princeps, fideliter seruientibus præparauit. Sed per talem primam gratiam intelligitur admitti in domum, consortiumque eiusdem principis: darique facultas intelligitur, ad præmia quæcunque fidelium amicorum promerenda. Cum autem Apostolus ait, gratia Dei uitam æternam donari: certè sentit, quod August. disertissimè docet. 3.

cet. 3. Hypognosticon, et de gratia et libero arbitrio capit. te quarto, quinto, septimo, et decimo quinto, per auxilium Dei gratuitum, eam homines consequi, cum tamen simul dicatur corona iustitiæ, quia nobis cooperantibus gratia Dei respondet; tanquam præmium mercesq; operis nostri. Atq; de prima controuersia, satis superq; fuerit disputatum. Vbi constitutum nobis est, pœnitentiam esse uoluntariam pœnam pro peccatis, assumptam, propter Deum, ex charitate dilectum.

SECVNDI. DE ALIIS PARS. II. DE ALIIS

IN secunda uerò, id uertebatur, in quaestionem, an pœnitentia sit uirtus. Cuius quidem quaestionis pars negatiua ex eo suaderetur. In primis quod nulla uirtus, uicium in eodem subiecto necessario supponit: at oportet hominem fuisse uitiosum, priusquam in homine pœnitentia sit: non igitur est pœnitentia uirtus. Nam et absurdum est, uirtutes te habere non posse nisi ante peccaueris: et Christo domino aliquam denegare, in quo omnium uirtutum plenitudo est.

Deinde Philosophi nullam de pœnitentia fecere mentionem, non Aristoteles; non Cicero, non Seneca, non denique Macrobius, qui tamen copiosissime de uirtutibus disseruere: non ergo est pœnitentia uirtus.

Præterea, cuiusque uirtutis primus actus est electio boni, secundus uerò, fuga mali? Est enim uirtus, habitus electiuus, in mediocritate consistens. At pœnitere, detestationem, fugamq; peccati notat: non ergo potest esse præcipuus cuiusque uirtutis actus, cum tamen primus actus pœnitentiæ sit. Quare, non est pœnitentia uirtus.

In contrarium est: quod compensare iniurias aduersus homines factas, uirtus est: ergo, et diuinis offensas uindicare uirtus sine dubio est.

Ad huius controuersie plenioris explicationem sit prima propositio.

Pœnitentia est uirtus: quæ quidem conclusio indubitata apud

ta apud Catholicos semper fuit. Nisi, quod nostra hac tempestate, quidam apud Hispanos hæretici, irridere ceperunt eos qui de peccatis commissis tristarentur. Cuius erroris author, creditur esse Lutherus, qui nouam solummodò uitam à penitentibus exigit, pœnas non exigit. Ar hic error (ne aures uestras sanctorum testimonijs obtundam) ex sacris literis reuincetur, Baruch. 2. Anima quæ tristis est super magnitudine mali, et incedit curua et infirma, et oculi deficientes, et anima esuriens, dat tibi gloriam et iustitiam domino. 2. ad Corinthios septimo. Gaudeo, non quia contristati estis, sed quia contristati estis ad penitentiam, quæ enim secundum Deum, &c. Et Psalm. sexto. Laboraui in gemitu meo, lauabo per singulas noctes lectum meum, et lachrymis meis stratum meum rigabo. Ecce Propheta sanctus et rex laborat, gemit, lachrymatur. Vbi? in lecto: quantum? rigat: quandiu? per singulas noctes. Ob unam, scilicet, noctem, quam in iniquitate contraxerat, uitæ totius laborem, gemitum lachrymasq; designat: et post tam clarum et illustre Dauidis exemplum, sunt qui in luce meridiana cæcutiant. Quorum stultitiam facilè sanè erit redarguere, uel naturali ratiocinatione: quæ ostendit dolorem de peccatis moderatum ob debitum finem esse laudabilem. Nam, quem errati piget: qui castigat seipsum: idque maximè cauet, ne rursus in eodem laqueos inducatur, is laude dignissimus est.

Præterea, si cuius rei prosecutio turpis est, fuga bona erit suapte natura: pœnitentia ergo, cum fuga peccati sit, honestissima est.

Præterea, aliorum punire peccata iure naturæ, studiosum est: quemque igitur sua uindicare facinora, æquum et iustum est.

Tandem, hominem in quem iniuste peccaris, placare, uirtus est: deo ergo, quem offenderis, satisfacere, uirtus est. Sed quid nos audaces de dono diuini præcepti disputamus? (Nam Tertulliani uerbis libenter utimur) bonum est pœnitere, an non? quid reuoluïs? Deus præcepit, Deus hortatur, Deus inuitat: penitentiam (inquit) agite: penitentia igitur actus uirtutis est.

Secunda conclusio. Pœnitentia est uirtus specialis. Contrarium huius tenuerunt quidam ante D. Thomam, ut ipse Thomas author est, dist. 14. q. 1. arti. 1. q. 3. hos Scotus secutus uidetur dist. 14. q. 2. et Maior. etiam. q. 2. Sed hac conclusionē explicandā primū intelligamus dolere de peccatis, eo quod contra rationem rectā facta sunt, non pertinere ad aliquam specialem uirtutem. Cū enim omnis uirtus sit conformis rectæ rationi, eadem sufficit, et ut placeat quicquid rationi consentaneum est, et ut displiceat quod à rectā ratione discordat. Vnde temperantia satis est, ut detestemur actus intemperantiæ, et iustitia, ut iniustitiam abominemur.

Illud etiam compertum habemus, tristitiam de peccato, quatenus offensa Dei est, non requirere specialem uirtutem præter charitatem. D. Tho. q. 85. art. 2. ad. 1. et art. 3. et ratio est in promptu. Nam per eandem amicitiam bonum amicis uolumus, et mala amicorum auertimus.

Præterea, et id accipiamus, quod exploratum quoque est, dolere de peccato, ut languenti animo medeamur, non indigere aliā uirtute præter charitatem. Nam sicut ex amore naturali, medicinam apponō morbis corporis, ita ex charitate, qua me ipsum diligo propter Deum, medicinam afferō ægitudinibus animi. Atque ab eadem omnino charitate est, tristari de culpa: ut mihi conciliem Deum. Etenim, quæcunque humana actio, ob id parata, ut comparem amicitiam hominis, nullam exigit specialem uirtutem humanam, sed ex quodam desiderio amicitiae consequendæ proficiscitur, quod inchoatio quædam est, et ueluti amicitiae semen. Tristari ergo de peccato, ut in gratiam Dei redeamus, inchoatio quædam est diuinæ amicitiae: nec ad aliam uirtutem pertinere potest. Imò adeo uirtutis nomen non meretur, cū in genere amicitiae actus ille imperfectissimus sit, uirtus autem sit dispositio perfecti ad optimum, ut ex Aristotel. 7. phys. lib. colligitur.

Tristari ergo de culpa, eo fine ut compensetur offensa, quæ aduersum Deum commissā est, id nos asserimus exigere propriam specialemq; uirtutem. Nam, ut dare Pe-

tro pecunias, si in se quidem absolute consideretur, nullam habet laudem: sed si do, ut releuem miseriam eius, actus est misericordiae, si ut bene illi faciam, scilicet quia bonum ipsius est, ad benevolentiam et amicitiam pertinet. Sin uero, tanquam donum gratuitum pecunias confero, nempe ut suo loco et tempore, quibus decet, distribuantur, ad uirtutem liberalitatis spectat. Ita tristitiam assumere, quia iniuriæ deo factæ compensatio fiat, a uirtute speciali oriatur necesse est, cum finis ille tam specialis sit, ut pertinere ad duas uirtutes nequeat, nedum ad plures. Diuersa quippe formalia motiua uoluntatis, diuersæ sunt formales rationes obiecti: atque consequenter, diuersos habitus et uirtutes efficiunt.

Præterea, si quem hæresis suæ pœniteat, ut emendetur offensa Deo facta, actus uirtutis sine dubio est. Nec tamen potest elici à fide, quæ est in intellectu, sed ne ab alijs quidem uirtutibus generaliter. Dabitur ergo aliqua specialis uirtus, unde ille actus existat: quam nos pœnitentiam appellamus.

Postremo, uelle compensare iniuriam factam proximo, requirit specialem uirtutem, ergo, et uelle compensare, ac uindicare iniuriam factam Deo.

Sed ex his oritur dubium, si pœnitentia uirtus specialis est, an incidat in uirtutem aliquam particularem earum, quas Philosophi posuerunt? uidetur enim esse eadem cum iustitia. Quod Duran. di. 14. q. 2. asseruit: quia per eandem uirtutem reddimus unicuique debitum, et illi satisfacimus, si intulimus iniuriam. Sed per iustitiam unicuique reddimus debita, ergo. Et confirmatur, quia iniuriam factam, ad ius, æqualitatemque reducere, actus iustitiæ est.

Præterea, uindictio species iustitiæ est: ergo, et pœnitentia. Quod et D. Tho. affirmat. 3. p. q. 85. artic. 3. ad. 4. et art. 4.

Falluntur tamen qui hoc sentiunt. Primò quia inter Deum et homines, non est iustum simpliciter, sed secundum quid, ut D. Tho. art. 3. iam citato ex Aristo. 8. Eth. manifestat: ergo, cum pœnitentia sit uirtus inter hominem

et Deum, non reddit iustum nisi secundum quid. Non est igitur uirtus iustitiæ, quæ uidelicet æquale reddit. Deinde, religio debitum Deo reddit, et tamen non est iustitia. Non ergo, quæcunq; uirtus debitum Deo reddit, uirtus iustitiæ est.

Quibus argumentis, Caietanus commotus, tenuit penitentiam esse uirtutem religionis, et quia eiusdem prætereà uirtutis est, reddere debitum Deo benefactori et offenso, sed per religionem reddimus debitum Deo benefactori. Maior probatur, quia ratio debiti non uariatur ex eo quòd sit pro beneficijs, uel offensis, ut debitum ex accepto mutuo, uel ex furto, eiusdem rationis est. Cum ergo sola religio reddat debitum Deo, ratione accepti beneficij, sola debitum Deo reddit ratione factæ offensæ.

Item Baruch. 2. Anima quæ tristis est super magnitudine mali, dat tibi gloriam et iustitiam domino. Primùm gloriam, deinde iustitiam; et confirmatur hoc ex Psal. 50. Sacrificium Deo spiritus contribulatus, cor contritum et humiliatum Deus non despicias. Primus ergo actus penitentiz, hoc est, contritio, sacrificium opusque religionis est.

Sed hæc quoque opinio primùm D. Tho. aduersatur. 4. dist. 14. q. 1. art. 9. 5. et dist. 15. q. 4. art. 7. q. 1. ad. 2.

Prætereà et falsa est: quia religio non reddit Deo quodcunque debitum, sed honorem, ut penitentia per se quidem intendit compensare iniuriam Dei. Assumit tamen ad hunc finem, ea per quæ compensatur iniuria quæcunq; illa sint. Vnde primùm assumit tristitiam de uita ueteri, deinde propositum uitæ nouæ, mox exteriorem pœnam et satisfactionem; denique in his omnibus subiectionem, et humilitatem erga Deum. His enim homines humanas iniurias solemus compensare. Cum igitur finis penitentiz proximus atque præcipuus non sit, honorem Deo reddere, certè religio esse non potest, cuius proximus finis est, reddere Deo cultum.

Prætereà non est eiusdem uirtutis reddere debitum honorem principi, et ipsius offensam cōpensare. Illud enim ad obseruantiam pertinet, hoc ad iustitiam, ergo non est eiusdem

eiusdem uirtutis Deum colere, et eius offensis satisfacere.

Dicendum ergo, penitentiam esse specialem à cæteris uirtutibus distinctam, quas philosophi cognouerunt, cuius proprius actus est, compensare offensam Dei. Quæ quidem uirtus, iustitia quædam est, qualis inter homines ad Deum esse potest. Ezech. 18. Si autem impius egerit penitentiam, et fecerit iudicium et iusticiam. Psal. 118. Feci iudicium et iusticiam. ad Rom. 6. Sicut exhibuistis membra uestra seruire iniquitati, ita nunc exhibete seruire iustitiæ.

Ad primum uerò argumentum, quo suadebatur esse iustitia, iam uidetur esse responsum. Nam iustitia quæ propriè et simpliciter iustitia uocatur à Philosophis, non nisi inter eos est, inter quos æquale reddi potest.

Quare, in definitione iustitiæ, sicut ius pro ijs æquale iustoque sumitur, ita particula unicuique pro ijs solis distribuit, inter quos iustum et æquale est: et per hoc patet ad confirmationem, quæ de iniuria facta homini procedit. Nam pro iniuria facta Deo, æquale reddere impossibile est.

Ad secundum, uindictio non ponitur propriè species iustitiæ à D. Tho. sed pars quædam adiuncta, et uirtus illi propinqua. Has D. Thom. partes potestatiuas appellat uirtutum: ut religionem partem iustitiæ, modestiam temperantiæ. Cum uerò asserit, penitentiam esse speciem iustitiæ, latius usurpat speciei uocabulum, pro inferiori, quod se habet per modum speciei. Dixerat enim. arti. 3. iustum diuidi in iustum simpliciter, et iustum secundum quid. Quæ non est diuisio generis in species.

Ad primum autem eorum, quæ faciebamus pro Caietani sententia, respondetur: quod religio non reddit debitum Deo pro beneficijs acceptis, si formaliter et per se loquimur. sed gratitudo est, quæ refert Deo debitam gratiam pro acceptis beneficijs. Reddit autem religio debitum cultum, in signum dominij uniuersalis, ratione cuius, latram cultumque debemus peculiarissimæ seruitutis. Ad quam uirtutem nullo modo pertinere potest, debitum compensare, quod oritur ex delicto commisso.

Fateor tamen, quod si quæ uirtus esset inter Deum et homines commutatiua: qua redderemus debitum ratione cuiusquam commutationis, ad eandem quoque spectaret compensare iniuriam factam Deo, quemadmodum inter homines accidit.

Sed obiecis: si primus actus uirtutis huius est satisfacere pro delicto commisso, ad satisfactionem uerò iniuriæ factæ, per accidens dolor interuenit: ergo, potissimus huius uirtutis actus, non est pœnitere: quocirca pœnitentia ex accidenti uocabitur.

Ad hoc dubium facîle est respondere, si teneamus, pœnitentiam esse actum publicæ iustitiæ: cuius, scilicet, Deus iudex est, pœnitens minister: sed si teneamus esse priuatam iustitiam, atque uindictam (ut antea diximus) difficile est. Nam cum hæc uindictio et inflictio pœnæ accidentaria sit, satisfactioni uoluntariæ quam proximo facimus, profectò et accidentaria uidetur esse compensationi, quam facimus Deo.

Hoc tamen mouere nos nulla ratione debet: est enim insigne discrimen inter homines offensos et Deum: quòd offensus homo, ab offendente id primum exigit, non ut se torqueat per pœnas, sed ut reddat honorem ablatum per iniuriam: tametsi et illud quoque in partem compensationis accipiat, si is qui offendit, de offensa præterita contristetur. At uerò Deus, è contrario, ad primum exigit, ut cum uolumus peccatum admissum compensare, tristemur luamusque pœnas delicti commissi: id uerò secundariò requirit, ut honorem et reuerentiam, quæ peccando detraximus, pœnitendo rependamus. Cur ita? Nempe non suam, sed nostram quærit utilitatem: quæ uidelicet in pœnis uoluntariè pro peccatis assumptis, maxima est. Nam (ut Chrysostomus homil. 5. 6. et 7. ad populum, elegantissimè tradit) nulla medicina appositior, nullum remedium præsentius aduersus peccata est, quàm tristitia dolorque pro peccatis: et quemadmodum uermis lignum, tinea uestem è quibus prodire consumunt, ita pœna matrem è qua nata est, hoc est culpam, intermit. Meritò igitur, ea uirtus per quam offensas Dei compensamus, pœnitentia

reitia nuncupatur: quæ uidelicet poenas uoluntarias infligit: quibus utique Deus uel maximè placatur, quoniam ijs uel maximè homo sanatur. : sibi aut. Cl. cōnoctet ite

Ad primum argumentum eorum, quæ à principio op-
ponebamus, ad suadendum penitentiam non esse uirtu-
tem, respondeo facillimè (nisi ego exco) unicuique
statui et conditioni suas uirtutes esse tribuendas. Rectori
iustitiam, pauperibus patientiam, peccatoribus peni-
tentiam. Cestè, uirtus medicæ artis morbum supponit in-
subiecto, cui debet applicari. Quod si per hanc artem
quisque sibi solum mederetur, idque optimè posset, laus
huius artis non exinde minueretur uul sup, exco, huc q

Eadem quoque ratione, sunt quædam uirtutes ad tuendam bonam ualitudinem animi. Et uirtus quoque est ad reparandam, si quando fuerit amissa: unde nego antecedens. Nam licet absolute uirtus hominis, non exigit prius hominem uitiosum, sed ex suppositione: tamen, si incidat in peccatum, nihil uetat, ut sit uirtus ad medendum illi. Nam, et hominis natura integra non exigebat uindictam: at si mali sint et præuicacatores, uirtus necessaria est: non enim uindicamus nisi malefacta. Itaque sicut uindicta sceleris alieni, supponit uitium in alio, sic uindicta sceleris proprii, supponit uitium proprium. Atque ob id hæc uirtus in Christo non fuit: sicut nec fides aut spes: quoniam imperfectionem in subiecto notant: cui adhærent.

Ad secundum dicitur, nonnullos, ex philosophis penitentiam commendasse: Senecam in tragedijs. Quem penitet peccasse, penè est innocens: Periandrum Corinthium, cum peccaueris subeat te penitentia: Aristotelem. 7. Ethi. ubi asserit, intemperantem ab incontinente hoc distare: quòd intemperans non penitet, ideoque est incurabilis: at incontinens pœnit, obidque morbus eius medicabilis est. Sed et Ouid. Sæpe (ait) leuant pœnas, ereptaque lumina reddunt, Cum bene peccati pœnituisse uident.

At uerò non posuerunt specialem uirtutem pœnitentiae: uel quia non considerauerunt uirtutem, nisi in ordi-

ne ad bonum humanum; pœnitentia autem non est uirtus specialis nisi in ordine ad diuinam prouidentiam: quæ est responsio. D. Tho. dist. 14. q. 1. art. 1. q. 3. ad quartum; uel quoddam finis huius uirtutis superat omnem hominis rationem. Quod enim deus concilietur; eiusque offensa compensetur per pœnas uoluntariè assumptas; ratio naturalis non assequitur. Certè Tullius id fieri posse non putauit: Cuius 3. acad. lib. uerba hæc sunt. Quod si liceret ijs, qui in itinere decrassent, si uitam deuiam secutos, corrigere errorem pœnitendo, facilius esset emendatio temeritatis. Quod si liceret, inquit, licet planè apud quos, nempe apud fideles, qui lumine fidei solùm, intelligunt clementiam Dei patris pœnitendo posse placari; indulgentiam peccatorum pœnitendo posse comparari: compensationem iniuriæ deo factæ pœnitendo posse fieri: morbos omnes animi pœnitendo posse aboleri. Ea ratio naturalis non tenet: tenet fides.

Vnde postremam huius controuersie conclusionem constituimus.

Pœnitentia est uirtus infusa. Pro cuius confirmatione, quædam mihi sunt iacienda fundamenta.

Primum, dupliciter aliquam uirtutem esse infusam; aut, ex genere et naturâ suâ, quia uidelicet per actus nostros acquiri et generari non potest. Vnde necesse est, à Deo nobis supernaturaliter infundatur, quales à Theologis asseruntur uirtutes theologicæ, fides, spes, charitas. Aut uirtus dicitur infusa per accidens, quia licet per actus nostros naturales acquiri possit, miraculosè tamen alicui infunditur, ut scientia rerum naturalium Adæ collata: et usus linguarum collatus apostolis. Hic igitur de uirtute infusa loquimur, iuxta priorem modum.

Secundum fundamentum ex. 1. 2. q. 3. 1. art. 4. non est alia causa necessaria ponendi habitus infusos à Deo: nisi ut homo se habeat ad producendos actus supernaturales. Probatur manifestè, quoniam ad actus naturales, quos potentia cum auxilio Dei generali producere potest, non est opus habitu infuso supernaturali, (cùm per actus nostros possit habitus acquiri) quo bene potentia se habeat ad si-

miles

miles actus. Quare tunc, uel uirtus acquisita superflueret, uel (ut dicamus uerius) superflueret ipsa uirtus infusa, quæ nihil aliud præstaret quàm quòd præstet acquisita.

Et præterea, talis uirtus infusa, non esset primi generis, de qua nos loquimur sed esset potius per accidens infusa.

Tertium fundamentum, actus poenitentiae, qui sufficit ad iustificationem (quem Theologi contritionem appellant) non potest esse in homine, sine actu fidei supernaturalis, quod primum ostenditur ex Aug. in lib. de ue. et fal. pen. cap. 2. ubi, Si fides (inquit) fundamentum est poenitentiae, constat, poenitentiam, quæ ex fide non procedit, inutilem esse.

Nemo item potest bene agere poenitentiam, nisi qui sperauerit indulgentiam de poenitentia. dist. 1. cap. nemo potest. ex Ambr. Sperare autem indulgentiam, non potest sine actu fidei, ergo &c.

Est quoque testimonium Hier. præclarum. cap. 3. 1. Postquam conuertisti me, egi poenitentiam: et postquam ostendisti mihi percussisti femur meum. Nota, postquam ostendisti mihi.

Idem apertè ostenditur, ex eo quòd ad iustificationem impij, requiritur fides; ut anno superiori copiosissimè demonstrauimus multis testimonijs irrefragabilibus, è quibus illud est præstantissimum; sine fide impossibile est placere Deo, ad Hebræ. 11. et Sapient. 9. per sapientiam (quam scilicet, donum Dei de cælo delapsum antedixerat) sanati sunt quicunquè placuerunt tibi domine à principio. Ex hoc uos colligite omnes considerationes circa peccatum, quas ex naturalibus habere possumus, esse poenitus insufficientes ad poenitentiam qua homo iustificatur. Contra Scotum. dist. 14. q. 2.

Quartum fundamentum, actus poenitentiae qui est sufficiens ad remissionem peccatorum, non producit à uoluntate cum solo concursu Dei, generali: sed eget auxilio supernaturali Dei, quo ipse moueat uoluntatem nostram ad ueram poenitentiam. Id quod et certa ratio docet, et confirmat autoritas (ut ait Bernard. ser. 1. in festum Pet.) Diuus quoq; Aug. de fide ad Petrum, cap. 3. 1. Firmissime (inquit)

(inquit) tene, neminem hic posse pœnitentiam agere, nisi quem Deus illuminauerit, et gratuita sua miseratione conuerterit: et lib. 5. contra Iulianum Pelagianum, cap. 3. et multis alijs locis id probat ex Apostol. ad Rom. 2 ubi ait. Bonitas Dei ad pœnitentiam te adducit. Et ex illo secundo ad Timo. secundo. Ne fortè Deus det illis pœnitentiam, et respiciant à diaboli loqueis.

Præterea, hoc fuit determinatum contra Pelagium, ut patet in epistola Aurelij Carthaginensis episcopi de erroribus et condemnatione Pelagij.

Decimo, inquit Catholici, postulandus scilicet Pelagius ut fateatur, secundum gratiam et misericordiam Dei ueniam pœnitentibus dari: non secundum meritum eorum, quandoquidem ipsam pœnitentiam donum Dei dixit Apostolus, ubi ait de quibusdam. Ne fortè det illis Deus pœnitentiam.

Idem definit Leo Pap. Epist. 69. ad Theodorum episcopum, Ipsam pœnitentiam ex Dei credimus inspiratione conceptam, dicente Apostolo, ne fortè det illis Deus pœnitentiam, &c.

Est quoque definitum à Celestino Papa, in epistola ad omnes Galliarum episcopos, cap. 4. Neminem de ruina peccati per liberum arbitrium posse consergere, nisi cum gratia Dei misericordis exierit. et c. 8. ac 9. Præparatur uoluntas à domino, et ut aliquid agant, paternis inspirationibus suorum ipse tangit corda fidelium. Qui enim spiritu Dei aguntur, ij sunt filij Dei. Quod et Conci. Trid. sess. et c. 5. 9. 7. definitum est, et cano. 3. Si quis dixerit, sine præueniente spiritus sancti inspiratione atque eius adiutorio, hominem pœnitere posse, sicut oportet, ut ei iustificationis gratia conferatur, anathema sit.

Cuius rei manifestum testimonium habes apud Hiero. cap. 31. Conuertere me domine, et conuertar, quia tu domine, Deus meus. Postquam enim conuertisti me, egi pœnitentiam: In quæ uerba Hierony. Vide (inquit) quantum sit auxilium Dei, et quàm fragilis humana conditio, ut hoc ipsum quod pœnitentiam agimus, nisi nos dominus ante conuertit, et nisi Dei nitamur auxilio, nequaquam

quam implere ualeamus.

Ratione quoque id probat. D. Thom. 4. contra gent. cap. 72. quia mens debite ad Deum conuerti non potest sine auxilio speciali. Quod licet Gabr. neget 3. dist. 27. q. unica. ar. 3. et 4. dist. 13. q. 1. et 2. sed apud fideles certum esse debet Hierem. 31. Psal. 79. Domine Deus uirtutum conuerte nos. Vide Augu. in illud psal. 84. Deus tu conuersus uiuificabis nos. et lib. 2. de peccato. meri. et rem. cap. 18. male igitur et periculosè Caictanus. q. 1. de contritione dicit. quòd potest quis diligere Deum super omnia, etiam ut est beatitudo sanctorum sine charitate infusa, et hoc sine etiam posse esse dolorem acquiritum de peccato, quatenus est offensa Dei.

Quibus iactis fundamentis, tertia conclusio firma persistit, ad actum poenitentiae necessarium esse habitum uirtutis infusum. Quoniam hac sola ratione ponimus uirtutes theologicas infusas, quòd actus earum excedunt naturæ facultatem. Sed actus poenitentiae est huiusmodi, ergo.

Confirmatur, poenitentia disponit animam hominis, ut bene se habeat in ordine ad finem supernaturalem, ergo, est habitus supernaturalis. Consequentia patent: quia habitus est dispositio animi in ordine ad operationem: ergo, si operatio est naturalis, habitus erit naturalis: et si operatio est supernaturalis, habitus erit supernaturalis.

Confirmatur. 2. quia Deus suauiter disponit omnia: ergo cum actum perfectum uirtutis naturalis non producat sine habitu naturali, neque actum etiam supernaturalem perfectæ uirtutis producet, sine habitu supernaturali.

Et præterea cum agens naturale non se extendat ultra finem naturæ, non poterit producere habitum poenitentiae, quæ uidelicet perficit hominem in ordine ad finem excedentem naturæ facultatem. Est ergo poenitentia habitus infusus à Deo, per quam poenas eligimus ad diuinas iniurias in nobis ipsis uindicandas.

Atq;

*Atq; hætenus de secunda controuersia
dictum sit.*

TERTIA PARS.

EX TIO loco id quærebatur, an pœnitentiæ uirtus sit ad salutem, et iustificationem necessaria? Nam pars negatiua, ueracè uidetur ex Origine homil. 2. in Leuit. ubi septem media enumerat idonea ad consequendam remissionem peccatorum.

Primum est baptisumus, ad Titum. 3. saluos nos fecit per lauacrum regenerationis. Secundum est charitas, Luc. 7. remittuntur ei peccata multa, quoniam dilexit multum. 1. Petri. 4. Charitas operit multitudinem peccatorum. Tertium est martyrium. Ioan. 15. maiorem charitatem nemo habet, quàm ut animam suam ponat pro amicis suis. Et Matth. 10. Omnis qui confitetur me coram hominibus, confitebor et ego eum coram patre meo, et qui perdidit animam suam propter me, inueniet eam. Quartum est, elemosyna, iuxta illud Lucæ. 11. Date elemosynam, et ecce omnia munda sunt uobis. Et Thobix. 4. Elemosyna ab omni peccato et à morte liberat. Quintum est, remittere iniuriam. Matth. 6. Si dimiseritis hominibus peccata eorum, et pater uester cœlestis dimittet uobis delicta uestra. Sextum est, conuertere peccatorem ab errore uix suæ. Iacobi. 5. Qui conuerti fecerit peccatorem ab errore uitæ suæ, operit multitudinem peccatorum. Septimum tandem est pœnitentia, cum lauat peccator in lachrymis stratum suum Ezech. 18. Si impius egerit pœnitentiam ab omnibus peccatis suis, omnium iniquitatum eius non recordabor. Eadem ferè Augu. lib. 2. contra Cresconium grammaticum, ca. 12. Eadem quoque Chryso. in epistolam ad Corin. 2. homil. 4. Cum ergo pœnitentiam distinguant Origines et August. à cæteris remedijs quæ ad remissionem peccatorum singula sunt idonea, sit consequens ad remissionem peccatorum pœnitentiam non requiri. Et confir-

confirmatur ex eodem Chrysostho. homil. 5. ad Antioche. ubi docet: et trinitatem et mortem, de peccato utranq; natam esse, peccatum utranq; destruere: ut in pœnitentibus et martyribus: et homil. 22. ad eosdem, Cùm dixisset, compunctione atq; eleemosynis regnum cœlorum emi: subdit, non habes pecunias? non compunctionem? Ecce clamat Propheta dicens: Quis est homo qui uult uitam? prohibe linguam tuam à malo, labia tua ne loquantur dolum: et in salutem tibi sufficiet.

Secundò principaliter pro eadem parte argumentor. Si cui non occurrant memoriæ peccata, occurrat autem diuina bonitas, poterit ex eiusmodi consideratione in actum dilectionis exire: quem si habeat, proculdubio iustificabitur. Per solam igitur dilectionem, cùm peccata in mentem non ueniunt, potest homo iustificari: quocirca non est pœnitentia, ad iustificationem necessaria.

Confirmat autem hoc uel maximè, quòd peccata commissa nonnunquam è memoria penitus excidunt, ita ut reuocari non possint, idq. uel per morbum, uel etiam per angustiam temporis, quemadmodum si oscitantem Christianum de improviso tyrannus opprimat, nec spatium sit ad cogitanda et deslenda peccata: Quare non oportet in omni euentu pœnitere, sed in huiusmodi poterit homo si ne pœnitentia seruari.

Vltimò contingit aliquem esse multis criminibus perplexum, atque inuolutum: Si ergo pœnitentia esset ad remissionem peccatorum necessaria, opus esset singulorum pœnitere, cum par sit ratio de singulis: quo fieret, ut non posset huiusmodi in momento iustificari.

Pro parte uerò affirmatiua thema nostrum apertissimè facit: nisi pœnitentiam habueritis. Necessaria est igitur pœnitentia, ne pereamus.

Huic quæstioni priusquàm ego respondeam, illud suppono. Cùm duplex pœna sit, altera interior, hoc est, dolor animi, altera exterior, hoc est, afflictio corporis: duplicem ex consequenti pœnitentiam esse, alteram interiorem, de qua. 2. ad Timot. 2. Nequando det illis Deus pœnitentiam: et Actorum. 2. pœnitentiam agite, et baptizetur unus-

tur unusquisque uestrum. Alteram uerò exteriorē, de qua 2. Corinthio. 7. quæ secundum deum tristitia est, pœnitentiam in salutem stabilem operatur, et Matt. 11. Olim in cicilio et cinere pœnitentiam egissent.

Tunc sit prima conclusio. Pœnitentia interior est necessarium remedium ad remissionem mortalium peccatorum. Actorum 3. Pœnite mini et conuertimini, ut deleantur peccata uestra. Ezechiel. 18. Si impius egerit pœnitentiam ab omnibus peccatis suis: uita uiuet, et non morietur. Nullum enim aliud proponitur pœnitentibus medium, unde et cap. firmiter de sum. trini. definitur, quòd si quis post baptismum prolapsus fuerit in peccatum, per ueram semper potest pœnitentiam reparari.

Item Apocal. 2. Memor esto, unde excideris, et age pœnitentiam, et prima opera fac: Sin autem, ueniam tibi citò, et mouebo candelabrum tuum de loco suo, nisi pœnitentiam egeris.

Præterea, ad Ephes. 4. et ad Coloss. 3. Vos non ita didicistis Christum, sed sicut est ueritas in Iesu, exuite uos ueterem hominem et induite nouum. At, induitur nouus per amorem boni, exuitur ergo uetus, per odium uitæ prioris.

Præterea, Eccl. 21. Fili peccasti, non adicias iterum, sed de pristinis deprecare, ut tibi dimittantur. Quæ uerba tractans August. lib. 1. de nup. et concup. cap. 26. inquit. Si à peccando desistere, hoc esset non habere peccatum, sufficeret ut hoc nos scriptura moneret, fili peccasti, non adicias iterum. Non autem sufficit, sed addidit, et de pristinis deprecare, ut tibi dimittantur. D. Tho. de ueri. q. 2. S. art. 5. et 12. q. 113. 2. 3.

Præterea, qui nouam uitam, cessationemque à peccato solummodò ad iustificationem remissionemque præstunt, hi dominicam præcationem de medio tollunt, qua dicimus, dimitte nobis debita nostra, &c. Imo memoriam peccatorum antecedentium conantur abolere, qua nihil peccatori salubrius est. Psal. 50. Quoniam iniquitatem meam. &c. Vide Chrysost. homil. 9 in epist. ad Hebræ.

Præterea, Lucæ. 7. Non egent qui sani sunt medico, sed qui malè habent. Non enim ueni uocare iustos, sed peccatores

catōres ad pœnitentiā. et cap. 15. Gaudium erit in cœlo, super uno peccatore pœnitentiā agente, quā super nonaginta nouem iustis, qui non indigent pœnitentiā. Quod; et in concilio hoc Trid. sess. 6. cap. 14. modò definitum est. Nam sanctorum testimonia hoc loco congerere, fuerit in re non dubia, testibus uti non necessarijs. Si quis tamen ea nosse cupit, multa colligit Gratianus, de pœnitentiā dist. 1. et Rophen. arti. 5.

Neque post tam firma sacrarum literarum argumenta, rationibus hanc conclusionem confirmare necessarium est. Nam, rationes fermè quæ à theologis in fidei catholice confirmatione referuntur, ex coniectura pendent, nullam vim afferunt in docendo. Nos uerò, cum aduersus hæreticos disputamus, argumenta querimus, quæ non persuadeant modò, sed cogant, et tamen in hac parte si quis theologus afferat rationem, non asperner: si non habeat, non admodum flagitem. Nos certè congruentissimam insinuauimus: quòd pœnæ medicinæ sunt aduersus peccata appositissimæ: eoq; præsertim: quòd tristitia atq; dolor humilitatem inducunt, superbiam excludunt, quæ morborum humani generis prima causa est. Contritam manum, uel brachium, leuare non possumus: sic mœror in corde uiui humiliabit illum. Prouerb. 13. uide Chrysost. homil. 3. in Matt. et 11. ad populum Antiochen.

Pœterea nihil est quod ita animum humanum contineat et frænet, quā pœna. Vt igitur homines peccata uitarent diligentius, in quæ semel decidissent, pœnis ac timore cohiberi debuerunt. Atque (ut August. ait) et habetur de pœnitentiā dist. 1. ca. nullus, ita impartitur Deus misericordiæ largitatem, ut non relinquatur iustitiæ disciplina: si quidem naturalis ratio postulat: ut legum præuicatores, iusta uindicta puniantur.

Secunda conclusio. Exterior pœnitentiā est quoque ad salutem necessaria. Hanc mox equidem demonstrabo, si prius unum illud admoneam, actus exteriores ad salutem necesarios esse, in hunc sensum. Vt si facultas adsit habeantur, in re, si non adsit habeantur in uoto. Verbi causa. Baptismus dicitur esse ad salutem necessarius, quoniam

niam si haberi possit, sine illo nemo saluatur: Si haberi non possit, sine uoto illius, salus constare non ualet. In hunc igitur sensum nos asserimus pœnitentiam exteriorē, esse ad salutem necessariam. quoniam nemo unquam qui eam agere potuit, sine ea salutem consecutus est: Nec qui agere non potuit, sine illius uoto et desiderio.

Primum ergo argumentum pro hac conclusione est testimonium Concilij Triden. sessi. 6. cap. 14. Docendum est (inquiunt patres) Christiani hominis pœnitentiam (quam, secundam post naufragium tabulam sancti patres apte nuncupauerunt) multò aliam esse à baptismali, eaque contineri, non modò cessationem à peccatis, et eorum detestationem, aut cor contritum et humiliatum, uerùm etiam eorundem sacramentalem confessionem, saltem in uoto. Itemq; satisfactionem per ieiunia, elemosynas, orationes, et alia pia spiritualis uitæ exercitia. De qua pœnitentia scriptum est: Memor esto unde excideris, age pœnitentiam et prima opera fac. et iterum. Quæ secundum Deum tristitia est, pœnitentiam in salutem stabilem operatur. et rursus: Pœnitentiam agite, et facite fructus dignos pœnitentiæ. Hactenus Concilium.

Atque hæc ferè sacrarum literarum testimonia magna ex parte conclusionis huius ueritatem ostendunt. Nam et illud Apost. 2. ad Corinth. 7. Tristitia quæ secundum Deum est pœnitentiam, &c. de exteriori intelligendum esse, superius admanuimus. Tristitia enim interior, quæ secundum Deum est, pœnitentiam (uidelicet exteriorē) in salutem stabilem operatur. Vera enim pœnitentia interior intelligi non potest, quam non exterior consequitur. Baruc. 3. Anima quæ tristis est, et incedit curua, et infirma, et Dauid psalmo quinto, Laboraui in gemitu meo, lauabo per singulas noctes lectum meum, et lachrymis meis stratum meum rigabo: et Lucæ septimo, Mulier illa peccatrix lachrymis rigauit pedes domini. Illud quoque Matthæi tertio, Facite fructum dignum pœnitentiæ: iam enim securis ad radicem arboris posita est. Omnis ergo arbor, quæ non facit fructum bonum, excidetur, et in ignem mittetur: de exteriori satisfactione accipiendum esse, et communis

munis sensus Catholicorum manifestat, qui hunc locum maximè referunt aduersus Lutherum, ad asserendam satisfactionem exteriorem pœnitentiæ. Tum et Chrysostomus docet, homil. 10. in Matth. his uerbis. Maximè indigemus compunctione pœnitentiæ, multarumq; lachrymarum. Pœnitentiam uerò dico, non solum ut à malis prioribus desistamus, uerumetiam, ut bonorum operum fructibus impleamur: Facite, inquit, fructus dignos pœnitentiæ: quo autem modo fructificare poterimus? si utique peccatis aduersa faciamus. Aliena rapuisti: incipe donare iam propria. Longo es tempore fornicatus: à legitimo quoque usu suspendere coniugij. Iniuriam fecisti: refer benedictionis uerba conuiciis: neque enim uulnerato sufficit ad salutem, tantum modò spicula de corpore euellere, sed etiam remedia adhibere uulneribus. Delicijs ante et temulentia diffuebas: ieiunio et aquæ potu utrunque compensa. Hactenus Chrysost. Deniq; sic illum locum esse interpretandum, euangelicus stylus ipse declarat: ubi fructus arboris, opera exteriora, quæ à bona uoluntate tanquàm radice, procedunt, asseruntur. Matth. 7: A fructibus eorum cognoscetis eos.

Præterea et Apost. ad Rom. 6. hanc conclusionem docet, inquit: Humanum dico propter infirmitatem carnis uestræ: sicut exhibuistis membra uestra seruire iniquitati, ita nunc exhibete membra uestra seruire iustitiæ.

Nec id solum procedit in lege euangelica, sed in omni siue naturæ, siue scripturæ: hoc enim peculiare habuit lex noua, (ut D. Tho. author est) quòd determinat in particulari, ea quæ in legē naturæ erant indeterminata, de iure (inquit) naturali est, ut aliquis pœniteat de malis quæ fecit, quantum hoc quòd doleat se fecisse, et doloris remedium quærat, per aliquem modum, et aliqua etiam signa doloris ostendat, sicut Niniuitæ fecerunt. Sed ea pœnitentia, determinationem accepit, ex institutione diuinæ legis. Sicut ergo in noua lege, necessaria est ad salutem utraque pœnitentia, et interior, et exterior, ita etiam in lege naturæ atque scripturæ, necessaria erat.

Præterea Iohel. 2. Conuertimini ad me in toto corde

PARS III. RELECT.

uestro, in ieiunio, et fletu, et planctu. Quo testimonio ad hoc corroborandum, utitur Ambros. ad uirginem lapsam, cap. 8. Pœnitudo (inquit) necessaria est, sicut uulneratis sunt necessaria medicamina: sed quanta putas, et qualis necessaria pœnitentia? Secundum conscientie mole, exhibenda est pœnitentiae magnitudo: non enim uerbis agenda est, sed et actu. Hæc autem sic agitur, si tibi ante oculos ponas, non aliud remedium post baptismum, constitutum esse, quàm pœnitentiae solatium. Tum imprimis proprii facti tu ipse iudex esto crudelior, et quasi mortuum te existimans, quomodo possis reuiuiscere cogita: deinde, mens, ac membra singula, digna castigatione punienda: totum corpus crucietur, dicit enim Dominus: conuertimini in toto corde uestro, in ieiunio, et fletu, et planctu, &c. Et infra, qui futuras pœnas in hoc paruo uitæ spacio compensauerit, seipsum ab æterno iudicio liberat: grandi plagæ alta et proluxa opus est medicina, grande scelus, grande habet necessariam satisfactionem.

Idem etiam elegantissimè docet Chrysost. in epistolam ad Hebræ. homil. 9. ubi nec ueretur dicere, medicamentum fortius, quod maximè operetur in pœnitentia, exterioriorem satisfactionem esse. Quemadmodum in medicamentis compositis, una herba est dominantissima: et homil. 5. de pœnitentia dicit, eam esse mortuam sine elemosyna.

Idem quoque docet Cypria. sermone. 5. de lapsis circa finem. Orare oportet impensius et rogare, diem luctu transigere, uigilijs noctes ducere, &c.

Præterea (ut in relectione anni superioris uobis monstratum est) cum ambarum partium, et spiritus et carnis peccatum commune sit, necessarium erat, ut esset remedium quoque commune, totusque homo interior et exterior, pœnas lueret peccatorum. Præterea, cum ex misericordia Dei, pœna æterna, pœnitenti in temporalem commutetur, (æterna autem futura erat, non solum animæ, sed etiam corporis) consequens fit, ut peccator pœnæ temporali, non solum animæ, uerumetiam corporis, relinquatur obnoxius. Sic enim Deus impartitur misericordiae largitatem,

tatem, ut non relinquatur iustitiæ disciplina. de pœnitentia. dist. 1. ca. nullus, ex Augu.

Ad primum argumentum, iam ante ex D. Tho. responsum est, omnia illa remedia post peccatum mortale, nulla esse si pœnitentia desit: quemadmodum et Augusti. libro secundo. contra Cresconium dixit, sine charitate, quæcunq; alia remedia, quæ multa enumerat, non prodesse. v.g. fidei, remissio peccatorum tribuitur. Item et eleemolynæ; at apostolus inquit, Si charitatem non habuero, &c. Sed quoniam hæc generalis responsio non uidetur idonea, speciatim respondetur ad singula.

Et quidem, baptismus an sine pœnitentia peccata remittat, scholastici authores in duas factiones, extremas, atque aduersissimas distrahuntur. Nam quidem contendunt omnes neruos, ut suadeant, baptismum, nisi contrito administretur, prodesse nihil. Cui opinioni adhærent Gabriel. dist. 14. q. 2. et Adrianus. q. 1. de pœnitentia et quodlibeto. 5. ar. 3. Quibus et D. Thom. fauere uidetur. 3. p. q. 68. art. 2. et 3. et q. 68. art. 6 ad tertium ubi asserit, quod ad effectum baptismi percipiendum, licet non requiratur pœnitentia exterior, requiritur tamen interioris pœnitentiæ uirtus: uirtus autem pœnitentiæ contritio est, cum sine actu charitatis non reperiatur, ergo, &c.

Item super epist. ad Rom. ca. 1. lect. 4. dicit, quod contritio cordis requiritur ante baptismum: alioquin hæc ad baptismum acceditur.

Atque habent qui sic opinantur, ea pro se argumenta maximè, quæ nos retrò fecimus, ut ostenderemus iustificationem peccatoris sine actu charitatis esse non posse: quæ hic repetere (ne longum sit) superuacaneum existimaui.

Habent et illud ex August. si Augustino tamen hoc opusculum tribuendum est, is ergo, seu quisquam alius eius libri fuerit author ad fratres in heremo sermone. 111. O compunctio (inquit) sine qua in fructuosa est omnis confessio, omnis satisfactio inanis, sine qua adultis non ualeat baptismus.

Sed expressè tamen lib. 7. contra Donatist. cap. penul-

timo, et habetur de consec. dist. 4. cap. solet. baptismum asferit, non prodesse iis, qui non habent charitatem, probatque ex illo Apostoli prioris ad Corinth. 13. Si tradidero corpus meum: ita ut ardeam &c. Præterea, Act. 3. Pœnitentini et conuertentini ut deleantur peccata uestra, ergo, conuersio requiritur, quæ non est sine charitate, ut ante ostensum est. Loquebatur autem, antequam baptizarentur.

Hæc et multa alia dicuntur ab iis theologis, qui priorem opinionem de baptismo tuentur. Sed exoriuntur ex alia parte aduersarij qui astuere uidentur, non requiri aut contritionem, aut attritionem, sed satis esse pœnitentiam uirtualem, hoc est, uelle suscipere baptismum institutum ad remittenda peccata, et id sine complacentia in peccatum. Quem in modum loquitur Ambro. lib. 3. de sacramentis cap. ulti. Quod etiam si non confiteatur peccatum qui uenit ad baptismum, tamen hoc ipso implet confessionem omnium peccatorum, quo baptizari petit ut iustificetur, et ita sacramentum baptismi, iuxta communem expositionem, uocatur pœnitentia, ad Hebræ. 6. Impossibile est, renouari ad pœnitentiam. et Luc. ultimo. Oportebat prædicari in nomine eius pœnitentiam et remissionem peccatorum in omnes gentes. Vbi, quæ Matth. de baptismo dixit, Lucas refert de pœnitentia. Idem uidetur nonnullis Scotus sentire. dist. 14. q. 4. et Caiet. 3. p. q. 86. art. 2. et probatur ex Ambr. in illud epistolæ ad Roma. Sine pœnitentia sunt dona Dei. Gratia Dei in baptismate non quærit gemitum aut planctum, sed solam ex corde professionem. Et quia, quæ grauitur peccantur, non nisi fletu et gemitu ad ueniam pertinent, ideo illos iam non accipere ueniam putarent, quia dolore illos non uidebant, ostendit hoc inter primordia fidei non requiri.

At uerò. D. Thom. et communis theologorum sententia, inter has extremas media est, in cuius expositionem, sit prima conclusio, de qua ego non dubito.

Ante baptismum requiritur in eo qui peccauit mortaliter, aliqua pœnitentia interior, scilicet, displicentia formalis detestatioque peccati D. Tho. 3. par. quæst. 86. artic. secundum

Secundo ad. 1. Glossa ordinaria in illud Matth. 3. Pœnitentiam agite. Aug. de uerâ et fal. pœn. cap. 8. et de fi. ad Petr. cap. 30. expressè. et lib. de fid. et operi. cap. 6. et 8. et lib. 50. hom. 27. Cuius uerba habentur de con. distin. 4. cap. omnis. Nemo potest nouam uitam inchoare, nisi eum ueteris pœnituerit. Probat autem Augu. id, duobus testimoniis sacrarum literarum. Primum est ad Colos. 3. Exiite uos ueterem hominem, et induite nouum, qui secundum Deum creatus est; in baptismo enim, propriè nouus homo induitur, ergo prius debet exiit uetus homo, quàm nouus induatur. Sed nouum induit homo, per hoc quòd eligit nouam uitam, ergo et ueterem exiit, per hoc quòd detestatur antiquam.

Secundum testimonium habetur Act. 2. Pœnitentiam agite et baptizetur unusquisque uestrum, et dominus etiam non baptizatis loquebatur, inquit. Nisi pœnitentiam egeritis, omnes simul peribitis.

D. Chrysosto. homi. 10. in Matth. hoc colligit ex eo quòd baptisimus Ioannis fuit præparatorius Baptismi Christi, et uocatur baptisimus pœnitentiæ. Luc. 3. ergo in remissionem peccatorum erat baptisimus Ioannis, non quòd peccata remitteret, sed quòd per pœnitentiam quam prædicabat, disponebat ad baptismum Christi.

Hoc etiam definitum est nunc in Conci. Trident. sess. 6. cap. 6. quòd uidelicet ante baptismum, oportet esse pœnitentiam, id est, odium et detestationem peccatorum, ex eo quòd Acto. 2. dicitur, Pœnitentiam agite, et baptizetur unusquisque uestrum in nomine Iesu Christi in remissionem peccatorum.

Nec hanc conclusionem aut Scotus, aut Caietanus negarent (quantum ego sentio,) nusquam enim asserunt, omni displicentia etiam imperfecta remota, baptismum rectè à peccatore suscipi. Nec Ambrosius etiam unquam somniauit, (ut patet legenti caput illud ultimum lib. 3. de sacramentis) peccata in baptismo remitti sine quocunque dolore interiori.

Secunda propositio. Non requiritur actus perfectus pœnitentiæ uirtutis, ut peccator sit dispositus ad suscipiendum

dum effectum baptismi : sed satis erit imperfectus dolor, quem theologi attritionem appellant. D. Tho. 4. distin. 6. q. 1. artic. 3. q. 1. ad. 5. et super cap. 11. Ioannis lectione. 9. Hæc uerò propositio non aliter à me probatur, quàm in relectione anni superioris probatū est, omnia quidē nouæ legis sacramenta, gratiā uitamq, conferre, sed potissimum baptismā, quod nisi uitam peccatoribus conferat, non uideo cur sacramentum regenerationis appelletur. At si contritio semper præcederet tanquam dispositio, nunquam baptismus culpam mortalem remitteret, sed solūm pœnam : Quare gratiam in eo conferri adultis, non oporteret, quæ uidelicet ad remissionem pœnæ non requiritur.

Ex oritur tamen hoc loco quæstio ualde difficilis, et ad hanc propositionem explicandam necessaria, qua quæritur discrimen inter attritionem et contritionem, unde liquet quidnam attritio sit, quæq; sit illa, per quam uirtute sacramenti fiat homo ex attrito contritus. Nam. Tho. 4. dist. 17. q. 2. art. 1. q. 2. ad tertium, solūm asserit attritionem esse displicentiam imperfectam : contritionem uerò esse displicentiam perfectam. At hinc re uera non habetur quid attritio sit, quæ ue sit illa imperfectio, qua à contritione distinguitur. Variis ergo aliorum de hac re opinionibus prætermisissis, supponendum imprimis est, displicentiam ideo perfectam dici, quia nihil illi deest eorum, quæ ad finem displicentiæ consequendum sunt necessaria. Est autem finis displicentiæ, seu doloris de peccato, multiplex : ut à principio huius disputationis constituimus.

Primus, uindicare iniuriam factam Deo. Alter, eiusdem Dei amorem conciliare. Tertius, peccatum, ut malum et inimicum animæ, destruere, atque abolere. Erit igitur ea perfecta pœnitentia, et displicentia de peccato quæ habebit hos tres fines et effectus. Qui quidem omnes tuo hærent, nec quisquàm illorum sine reliquis inuenitur. Qui enim dolor iniuriam Dei emendat, idem et conciliat nobis Deum et peccatum commissum delet.

Quibus iactis fundamentis, patet manifestè, displicentiam imperfectam eam esse, quæ nec sufficiens est ad eman-

dandam

dandam Dei iniuriam, nec ad gratiam ipsius sarcientiam, nec ad peccatum destruendum. Vnde colligitur, hanc imperfectam displicentiam, multipliciter homini contingere: multis enim modis contingit à perfecto declinari.

Primum itaque genus imperfectæ displicentiæ est, cum quis dolet de peccato propter humana naturaliaque motiua: ut, quia turpe est et contra rationem: uel quia induxit infamiam, uel etiam quia contrarium Deo est, quatenus finis est et principium naturæ. Hoc autem displicentiæ genus, quod uidelicet sola ratione naturali nititur, an theologi appellauerint attritionem me profecto latet. Sed quum sit quidam imperfectus dolor, qui interim frangere et atterere animum potest, licet non perfecte, nos attritionem eam nuncupemus. Vide August. de uera et falsa pœnitentia, capit. 2. et 9.

Secundum genus imperfectæ displicentiæ est, quæ oritur à timore pœnarum. Pœnas uerò intelligo spirituales uel æternas, quæ lumine fidei cognoscuntur: et hanc doctores scholastici omnes, attritionem uocant atque de ea August. de uera et falsa pœnitentia, cap. decimosextimo loquitur, tractans illa uerba Ezech. quacumq; hora peccator ingemuerit et conuersus fuerit, uita uiuet. Conuersum ait non tantum uersum uita uiuere: uertitur à peccato, qui iam uult dimittere peccatum: Conuertitur qui iam totus et omnino uertitur. Qui iam non solum pœnas timet, sed ad bonum domini contendere festinat. Dixerat autem pœnitentiam quæ impetrat uitam, non à solo timore, sed à charitate proficisci. Hanc etiam attritionem tanquam insufficientem reiicit Ambr. libro secundo de pœnitentia, capite nono.

Tertium imperfectæ displicentiæ genus inuenitur, cum quis dolet quidem de peccato, qua ratione offensa Dei est: sed ex uelleitate, non ex uolitione absoluta, et efficaci: habet enim desiderium imperfectum placendi Deo, dimittendi peccatum, &c. sicut et dilectio Dei imperfecta, potest appellari uolitio qua Deo uellem bonum et gloriam, ipsiq; placere in omnibus, desiderio tamen imperfecto, sic et nolle Dei offensam, est imperfecta displicentia: nam

perfecta, efficax et absoluta est: quæ ex dilectione Dei efficiaci et absoluta nascitur. Hunc uerò imperfectum dolorem Caietanus. q. 1. de contritione, (ac iure ille quidem) attritionem uocat.

Sic hæc nobis fuerint diligenter inspecta, facile coniciemus discrimen inter attritionem, et contritionem.

Primum ab affectu: quia contritio, peccati remissionem facit: attritio non facit.

Alterum à principio, quòd contritio ab amore infusæ charitatis procedit: attritio uerò non, sed uel à timore pœnarum, uel ab amore proprio et naturali, uel, à dilectione imperfecta conditionata et inefficaci, qui non sunt actus charitatis, cum possint esse in peccatore.

Inde rursus discrimen tertium sequitur, quòd contritio elicitur ab habitu pœnitentiæ infuso: attritio uerò, ab habitu eodem non elicitur.

Postremum discrimen est, quòd ad contritionem requiritur auxilium Dei speciale, cum sit actus supernaturalis. Attritio uerò solis naturæ uiribus haberi potest: nisi attritio secundi generis, quæ tamen ex parte intellectus: quam ex parte uoluntatis, auxilio speciali opus habet: timor siquidem seruilis, (ut modo pro comperto supponimus) donum Dei est. Et quemadmodum ad credendas pœnas supernaturales, necessarium est auxilium Dei; quo moueatur intellectus, sic ad timendum eiusmodi pœnas necessarium est ut excitetur affectus, et consequenter ad dolendum de peccato propter hunc finem supernaturalem. Credimus enim nullam pœnitentiam efficaciter attingere affectum supernaturalem, cum solo auxilio Dei generali. Ad alias uerò attritiones ex parte uoluntatis, nullum auxilium speciale requiritur. Nam illa primi generis, cum naturale obiectum habet, solis naturæ uiribus nititur. Illa autem postremi generis supposita fide beatitudinis supernaturalis, haberi potest sine auxilio Dei speciali, sicut et de fiderium inefficax et imperfectum beatitudinis.

Sed enim hæc nobis dicta fuerint de contritione et attritione, secundum uocabulorum et usum, et significationem: Nam quòd D. Thom. de ueritate quæst. 28. art. 8. dixit

dixit omnem dolorem de peccato in habente gratiam esse contritionem: improprium est. Nec abusus vocabuli tradendus est in hanc nostram disputationem, ubi de contritione et attritione propriè loquimur.

Quo significatu manifestum est, nullam attritionem, contritionem, aliquando fieri posse. Contra Scotum in 4. distin. 14. q. 1. et Caietanum quæst. de contritione, asserentes, contritionem acquisitam informem, quæ ab aliis theologis appellatur attritio, contritionem fieri posse formatam. Existimat uerò Caietanus, hanc esse opinionem D. Tho. 3. p. q. 89. arti. 1. ad. 2. Vbi asserit, quod primus pœnitentis actus habet se, ut ultima dispositio ad gratiam consequendam, scilicet, contritio. Alij uerò sequentes actus pœnitentiæ, procedunt iam ex gratia et uirtutibus.

At re uera, hæc opinio, primum Diuo Tho. repugnat in 4. d. 17. q. 2. q. 3. ubi. et manifestè asserit, contritionem esse actum elicitum ab habitu pœnitentiæ infusæ. Est autem certum, quod actus elicitus ab habitu infuso, distinguitur omnino à quocunque alio, qui ex puris naturalibus haberi potest, ut actus elicitus à charitate infusa, à quocunque alio amore, qui citra charitatem elicitur, et ratio est in promptu quia actus, qui habetur ex puris naturalibus, non attingit nisi obiectum naturale, talis est enim quale obiectum, ut ante docuimus. Cum ergo omnis attritio acquisita naturalis sit, naturale quoque obiectum habet sicut et dilectio acquisita. Quare impossibile est talem attritionem fieri contritionem, sicut nec dilectio quidem acquisita, dilectio charitatis infusæ fieri potest, cuius uidelicet obiectum, supernaturale sit oportet.

Quodd si actus nostri acquisiti, supernaturalia obiecta efficaciter attingerent, certè, habitus uirtutum infusarum, (quod retro docebamus) essent supernacanei.

Preterea, actus contritionis, (ut manifestis argumentis superius ostendebamus) auxilio eget speciali: Actus autem attritionis, (de quo Scotus et Caietanus loquuntur,) sunt ex puris naturalibus, ut enim ipsi fatentur, ergo impossibile est, esse idem: quia principia sunt prorsus diuersa, nec fieri potest ut actus qui solo auxilio Dei generali,

nerali, à potentia producitur, idem numero, à potentia cum auxilio speciali producat. Et quod de hoc genere attritionis dictum est, patet etiam, ac multò etiam in reliquis. Hoc uero idem nobiscum tenet Paluda. distinctione decima septima quæstione prima, et Gabri. distin.

16. q. 1. Sed quæri tamen à plerisque solet, an ad pœnitentiæ

actum, quem contritionem appellamus, totus animi conatus necessarius sit, ita uidelicet, ut actus habeat omnem intensiorem, quam eo tempore uoluntas potest illi præstare, &c.

Et quidem Adrianus quæstione prima de pœnitentia articulo secundo, et quodlibeto. 5. articulo tertio, existimat ad contritionem exigere, ut homo omnem conatum adhibeat. Probatque imprimis ex Deuteronomij quarto. Vbi, si quæsieris, Moyses ait. Dominum Deum tuum, inuenies illum, si tamen toto corde quæsieris, et tota tribulatione animæ tuæ.

Secundo id suadet ex eo quod Esayæ ultimo dominus ait. Ad quem aspiciam, nisi ad pauperculum et contritum spiritu, et tremementem sermones meos? Nota, contritum spiritu. Dolor enim remissus spiritum non conterit. Nota rursum, tremementem, tremor enim est magnus et manifestus timor: ut dicit glossa super illud ad Philip. 2. Cum timore, et tremore, &c.

Tertio argumentatur ex illo Ioelis 2. Conuertimini ad me in toto corde uestro, in ieiunio et fletu, et planctu, et scindite corda uestra, At, dolor remissus, nec ex toto corde est, nec fletum et planctum efficit, nec scindit corda, &c.

Quartò, sanctorum testimonijs id confirmatur. August. enim lib. de uera et fal. pœnitent. cap. 17. Conuertitur (inquit) qui iam totus et omnino uertitur, et sermo. 1. ad fratres in eremo. Grauiora peccata, ait, grauissimis lamentis indigent. Item Ambr. li. 2. de pœn. cap. 10. Facilius inueni qui innocentiam seruauerint, &c. quæ ante sunt à nobis recitata. Et ad uirginem lapsam, ca. 8. Posteaquam interrogauerat, quanta esset et qualis pœnitentia necessaria, et descripserat, exteriorem quidem ingentem, subiicit. Cor

uero

uerò sit liquefcens ficut cera, et totum corpus maceretur. Talis uita talis actio poenitentiae fi fuerit perfeuerans audebit fperare, etfi non gloriam, certè poenae euacuacionem. Infiite ergo mifera fortiter, inhære tanquam naufragus tabulae, nam grandi plagae alta et proluxa opus eft medicina. Quod oftendit Ambrofius et testimonio Iocelis iam citato, et quia omnes qui in facris literis ueniam poenitendo referuntur confequuti, huiusmodi cordis compunctionem habuere, non leuem et remiffam, non paruam fed maximam, ut Niniuitae, et Dauid, qui explicans poenitentiam fuam, ait: Laborauit in gemitu meo, lauabo per fingulas noctes lectum meum, &c. atque iterum, Quoniam lumbi mei impleti funt illufionibus, et non eft fanitas in carne mea, afflictus et humiliatus fum nimis, rugiebam à gemitu cordis mei.

Cyprianus demum ferm. 5. da lapfis, quàm magna (inquit) deliquimus, tam granditer defleamus alto uulnere diligens et longa medicina non defit, poenitentia crimine minor non fit, putafne dominum citò poffe placari, cuius templum facrilega contagione uiolasti? Orare oportet impenfius, diem luctum tranfigere, uigilijs noctes ac fleatibus ducere, tempus omne lachrymofis lamentationibus occupare, stratos foleo, adhærere cineri, in cilitio uolutari et fordibus &c. et paulo poft, fi precem toto corde quis faciat, fi ueris poenitentiae lamentationibus et lachrymis ingemifcat, fi ad ueniam delicti fui dominum iuftis et continuis operibus inflectat, mifereri talium poteft.

Est etiam ratio pro hac fententia, quòd non habemus nos, deum conferre gratiam, nifi facienti totum quod in fe eft, fed qui non conuertitur toto conatu, non facit totum quod in fe eft. Contritus igitur, cui fcilicet infallibiliter Deus gratiam confert, tota ui animi conuertitur.

Altera quoque ratio eft, quòd non eft contritio nifi ex amore charitatis proficifcatur, fed amor charitatis non habetur, nifi toto nixu Deus diligatur, Deu. 6. diliges dominum Deum tuum ex tota fortitudine tua, quod Marcus dixit ex tota uirtute tua, et Lucas, ex omnibus uiribus tuis.

Quibus et testimonijs et rationibus adductis, non dubitat
omni

omni assueveratione confirmare, contritionem nullam esse nisi ex toto conatu voluntatis doleatur. Atqui, duo hic extrema fugienda sunt, alterum eorum qui facile quibuscumque penitentibus ueniam et securitatem pollicentur, aduersum quos Isidorus. 2. lib. de summo bono, cap. 13. illud Hieremiæ testimonium inducit, curabant contritionem filiarum populi mei, cum ignominia dicentes, pax, pax, et non erat pax. Alterum extremum, hoc est, quod tenet Adrianus. Contra cuius opinionem Chrysostomus in libello de reparatione lapsi, talis, inquit, mihi crede, talis est erga homines pietas Dei, nunquam spernit penitentiam si ei sincere et simpliciter offeratur, etiam si non potuerit quis ex plere in præsentis satisfaciendi ordinem, quantulacunque tamen, et quamlibet breui tempore gestam penitentiam, suscipit etiam ipsam, nec patitur, quanuis exigua, conuersionis perire mercedem.

Deinde, Actus charitatis etiam si non habeat totam intentionem quam potest, nec ex toto conatu procedat, sufficit ad remissionem peccatorum, ergo et contritio. Antecedens patet quia ad talem actum, cum sit supernaturalis, requiritur habitus charitatis infusus, cum qua nullum mortale peccatum est. Nisi huic argumento respondere uelis, habitum charitatis nunquam in actum exire: nisi uoluntas omnem uim ad operandum intendat, quod absurdissimum est.

Præterea, præceptum de actu fidei, et de actu spei homo implet, etiam si non agat ex toto conatu: ergo, et præceptum de charitate et contritione. Non ergo contritio totum animi conatum exigit.

Referri etiam solent in hoc, sacrarum literarum testimonia, ut illud Ioannis. 14. Qui diligit me diligetur a patre meo, et Iacobi. 4. Appropinquate Deo, et appropinquabit uobis. Quod si dicas esse limitanda eiusmodi testimonia ut subintelligatur ex toto conatu, eodem ratione limitabimus et quæ loquuntur de fide, spe, atque iustitia. Quod quoniam probabile non est, nec illud quidem probare debemus, unde hoc proficiscitur.

Quibus eisdem argumentis, Scoti opinio refellenda est, qui

qui in quarto, distinctione decima quarta, quaestione secunda tenet ad contritionem requiri certum intensiōis gradum. Quod quidem error falso nititur fundamento. Credit enim Scotus attritionem acquisitam ex puris naturalibus, dispositionem esse ad gratiam. Et quoniam uidit non quamlibet naturæ displicentiam, puta remissam, idoneam esse ad iustificationem, coactus fuit asserere, contritionem exigere certam intensiōem magnam, soli Deo cognitam. Verum imaginatio hæc (siue Scoti fuerit, siue non fuerit, nam si quis eum uoluerit hoc errore liberare, cum hoc ego non magnopere pugnabo) imaginatio hæc (inquam) non modo falsa est sed etiam periculosa et erronea, ne quod uerbum atrocius dicam. Vltima namque ad gratiam dispositio (ut nobis demonstratum est) auxilio Dei indiget speciali. Quo auxilio posito, siue Deus moueat, ad magnum dolorem, siue ad paruum intensiue, talis dolor contritio erit, sicut ad amorem charitatis, siue Deus auxilio gratuito intense moueat uoluntatem siue remisse, siue ut duo, siue ut decem, actus charitatis erit. Iustus si quidem habens charitatem infusam ut decem, potest actum amoris habere ut quatuor. Et cum de tali gradu requisito nulla possit esse. Probabilitas, an scilicet habeamus illum nec ne: certè de contritione nullum præceptum esset. Quod ne ipse idem Scotus non admittit, esset enim stultum præceptum, quod semper inuincibiliter ignoratur. Quinimo, teneretur homo ex toto conatu poenitentiam agere, ne exponeret se periculo talem gradum omittendi.

Ex eodem quoque fonte eiusdem Scoti alter error emanauit: Certum tempus necessarium esse ut actus noster contritio sit. Cui sententiæ aduersatur manifestè Chrysostomus in orat. B. Philogonij, et in libello de reparatione lapsi. cuius ante uerba retulimus. Aduersatur etiam Leo papa in epist. 69. ad Theodorum, inquit: Si periculum urgeat cuique petenti, statim est absolutio danda: quia misericordiae Dei non possumus tempora definire, nec mensuras ponere, apud quem nullas patitur ueniae moras conuersio: dicente spiritu Dei per prophetam, cum conuersus ingemueris, tunc saluus eris. Est autem propheta Ezechiel.

PARS III. RELECT.

cap. 18. inquit, cum auerterit se impius ab impietate sua, animam suam uiuificabit, et. c. 33. Iustitia iusti non liberabit eum in quacunque die peccauerit: et impietas impij non nocebit ei in quacunque die conuersus fuerit. Nam, utroque loco in quacunque die, pro quacunque hora, uel momento accipiendum est: si enim iustus auertit se à iustitia sua uel in hora, uel etiam in momento, iustitias antiquas amittat. Impius ergo, in quacunque hora uel momento fuerit conuersus, iustitiam consequetur: ut qui in momento potuit perdere gratiam possit et comparare.

Præterea, fac ut illud tempus necessarium, exempli causa sit media hora, et in prima illius temporis particula faciat homo quicquid sibi possibile est: tunc sequitur primum Deum facienti quod in se est gratiam denegare: facientem quoque hominem quicquid et potest et debet, condemnari. Nihil enim præterea debet homo, quam pro tempore potest. Sequitur deinde, in illa etiam temporis particula hominem aliàs liberum extra salutis statutum esse constitutum. Quæ omnia Christiana pietas exhorret.

Præterea, sequitur inde aliquem hominem Deum summe diligere, et de commissis propter Deum dolere, et tamen a Deo condemnari, contra illud, qui diligit me, diligetur à patre meo. Quin etiam sequeretur, martyrem, qui pro Christo mortem oppeteret, condemnari: ut si martyrium in prima parte illius temporis necessarij pateretur. Quòd si dicas suppleri defectum continuationis per martyrium, certè cum uoluntas pro facto cedat, uoluntas quoque efficax martyrij erit sufficiens ad gratiam dispositio. Quæ quoniam in momento haberi potest, fateamur necesse est contritionem quoque posse haberi in momento.

Nihil, scilicet, noui dicimus, sed ea tantum, quæ comuni scholæ consensu sermoneque feruntur. Sed, ne hæc quidem quanlibet obuia et omnium disputatione trita, erant nobis prætereunda. Constituendum enim erat, quid et quale sit id de quo differimus: non quo ignorare uos arbitraremur, sed ut ampliori ratione et uia nostra procederet disputatio.

Igitur

Igitur ad primum Adriani argumentum protinus respondebo: si illud prius exposuero, amorem Dei super omnia dupliciter posse dici maximum: Vno modo intensiue, graduati quadam intensiōe, quo pacto iuniores de intensiōe loquuntur. In quem modum non oportet amorem Dei esse maximum. Aliter intelligitur esse maximus appreciatiue: Concedenda sunt enim nobis in scholastica concertatione huiusmodi uocabula, quod alias sæpe deprecari sumus. Ac iure obtinere debemus, quoniam theologicas res ornatè dicere uelle, puerile est. Certè a theologo, si afferat eloquentiam, non est aspernanda, si non habeat, non ad modum flagitanda, tantum complectatur uerbis quod uult, et dicat planè quod intelligas.

Vt ergo eo redeamus unde digressi sumus, et propositam distinctionem apertiori exemplo demonstremus. Fœmina interim uehementius et intensius catellum amat, quàm aurum, et tamen si alterutrum oporteret amittere, aurum catello præponeret: ita quoniam pluris facit aurum quàm catellum, plus diligit aurum non intensiue quidem, sed appreciatiue, quo modo contritio dolor est maximus, quia si daretur optio, mallet amisisse pecunias, mallet mortuum fuisse, quàm peccasse.

Ad primum itaque argumentum respondetur, quòd in toto corde dominum exquirat, qui non partem Deo dat, et partem negat: ut illi faciunt qui uel amant aliquam unam creaturam prohibitam, uel reseruant sibi unum aliquod peccatum, quod non displicet. Quemadmodum uerbi causa, ille totam domum hospiti exhibere dicitur, qui neminem admittit intra domum sine hospitis uoluntate. Sed qui cum illo etiam inimicum exciperet, non totam domum exhiberet. Similiter in tota tribulatione animæ Deum quærit, cui omnia peccata displicent. Nam, qui ex parte quidem tristaretur de peccatis, ex parte uerò unum quodlibet sibi reseruaret in quo delectaretur, is Deum in tota tribulatione animæ non exquireret. Non est ergo ibi sermo (ut scholasticè loquamur) de totalitate gradualis intensiōis, sed de totalitate integritatis et perfectionis: Atque hinc reliquis sacrarum literarum testimoniis facillè re-

lè respondetur. Primò, etiam August. testimonio. Alteri uerò quod ex eodem August. præfertur (ut omitamus illud opusculum non esse ab Augustino conditum) respondemus, ad satisfactionem integram pro grauissimis peccatis exhibendam, grauissimis lamentis opus esse, sine quibus eiusmodi peccatorum plena remissio non est. Cæterùm ad simplicem remissionem culpæ, proluxa illa et grauis pœnitentia tum interior tum exterior non requiritur, et per hoc patet quid Ambrosio et Cypriano respondendum sit.

Ad primam uerò rationem respondetur, facienti quod in se est ex puris naturalibus, non oportere Deum gratiam conferre, nec tunc postea, nisi totum faciat quod potest, sed facienti quod in se est post auxilium Dei mouentis, Deus gratiam iustificationis dat, etiam si ex toto conatu non faciat. Ego (inquit Apocaly. 3.) sto ad ostium et pulso, si quis aperuerit mihi ianuam &c. Christus ergo ingreditur ad animam siue ex toto conatu, siue ex medietate conatus, ianua aperiatur.

Ad secundam rationem prius dicitur, quòd illis uerbis non præcipitur intensio summa gradualis in actu, sed solum ut omnes uires intenduntur, quantum necesse est ad diligendum Deum super omnia apreciatuè: ita ut in præparatione animi, uidelicet cum opus fuerit, totum cor, mentem, animam, uires, conatum Deo præstemus. Posterius respondetur, quod illiusmodi uerbis solum ostenditur nullam esse diligendo Deo mensuram præscribendam. Quia enim dicturus erat: diliges proximum tuum sicut te ipsum, docet ante, nullum exemplum, nullumque modum in amore Dei esse quærendum, qui utique dignus est, ut sine modo atque exemplo diligatur. Eccle. 43. Benedicentes dominum, exaltate illum quantum potestis, maior est enim omni laude.

Verùm, illud dubium protinus existit, an sacramentum baptismi, cuique attrito administratum, conferat gratiam, an potius unum aliquod sit attritionis genus, quod solum disponat ad gratiam sacramenti.

Sed huic ego quæstioni commodius postea respondebo:

bo: cum de sacramento absolutionis disputauero. Eadem enim ibidem quæstio est. Et quod ad mores Christianorum attinet, hic forsitan curiosè. Illic uerò necessariò, transigetur.

Iam uerò ad argumenta prioris opinionis, quæ nitebatur ostendere, baptismum nisi contrito administretur, prodesse nihil, dupliciter respondetur. Prius, quod si loquamur de actu charitatis, semper requiritur ad iustificationem: scilicet tamen sacramentis, sicut et contritio. Sacramentum autem in non ponente obicem, eundem effectum habet, quem haberet charitas et contritio sine sacramento. Vnde sicut paruulus, per solam habituales charitatem et gratiam iustificatur, eo quod non ponit obicem sacramento ad remissionem peccati originalis, ita et adultus, quia non ponit obicem ad remissionem peccati mortalis cum est attritus, per infusionem charitatis habitualis iustificatur. Posterius responderi quoque potest, omnia illa testimonia de charitate habituali esse intelligenda. Aliàs qui dormiret, quoniam non diligit, maneret in morte. Sed prior solutio præstabilior est. Argumenta uerò opinionis alterius, post ea, quæ disseruimus, faciliora sunt, quam ut soluere debeamus.

De charitate uerò an sine pœnitentia ualeat mortales culpas remittere, nonnulla controuersia est. Gabri. enim ait, sed D. Tho. negat. Credit autem ille, solo actu charitatis sine pœnitentia peccata donari, cum memorie non occurrunt. Vt, si peccator, quò scilicet tempore Deum diligere tenetur Dei considerans bonitatem, elicit actum dilectionis Dei super omnia, consequitur (inquit) remissionem peccatorum, licet nullum habeat pœnitentiæ actum: quia nullam habet cogitationem de peccato quam occupatus (ut ait) circa Dei dilectionem, habere non potest: non enim possumus plura simul cogitare. Hæc ille. Omnia uerò scripturæ sacræ testimonia, quæ probant pœnitentiam esse necessariam, exponit de pœnitentia formali, aut uirtuali, ut patet in tertia eiusdem quæstionis conclusione. Atque etiam Scotus in illa ipsa distinctione, et quæstione paucioribus uerbis, eadem ferè peccare uidetur.

¶ Sed hi, primum in eo falluntur, quod non vident inter-
esse plurimum, inter ea quæ solum necessaria sunt, ut præ-
cepta, et quæ necessaria sunt etiam, ut media, sine quibus
salus haberi non potest. Aiunt namq; excusari hominem
à pœnitentia, et memoria peccatorum, cum habet de pecca-
to comisso uel ignorantiam inuincibilem, uel etiam distra-
ctionem necessariam à peccatis cogitandis, quasi pœni-
tentia solum esset necessaria, quia præcepta est: et non
item, quia medium ad salutem necessarium. Atqui in hu-
iusmodi medijs licet admittatur excusatio: ne homo pec-
cet, quando ex ignorantia desunt, non tamen admittitur,
ut sine illis homo saluetur exempli gratia. Fides Christi
est ad salutem necessaria: quod si cui euangelium non an-
nunciatur, excusabitur quidem à præcepto credendi, id
est, non peccabit ex eo quod non credit in Christum: sed
uitam æternam minimè consequetur: ad quam consequen-
dam, Christi fidem habere necesse est. Atque idem de ba-
ptismo dicere licet: sine quo nemo saluus efficitur: siue
occupatus circa res alias, siue oblitus baptismi fingatur. In-
telligimus ergo ad diuinam providentiam pertinere; ut
quo uoluit uel fidem uel baptismum, medium ad salutem
præstitueret, facienti quod in se est, nunquam denegat tale
medium. Sic igitur, cum pœnitentia sit, ad salutem me-
dium necessarium (quod abunde sacrarum etiam litera-
rum testimoniis ostensum est) diuinæ procurationis esse
conuincitur, ut facienti quod potest ea suggerat, quæ fue-
rint huic remedio adhibendo necessaria.

¶ Errant deinde uehementer, quod testimonia illa scri-
pturæ sacræ de pœnitentia formali uel uirtuali interpre-
tantur: idq. ut opinionem suam pugnacissime defen-
dant. At si semel hanc nobis licentiam interpretandi per-
mittimus, facile quoque cætera media ad salutem præfi-
nita, per eandem expositionem eludemus. Fides quippe
Christi explicabitur ad salutem necessaria formaliter uel
uirtualiter: Votum etiam baptismi dicetur necessarium
formale, uel uirtuale.

¶ Præterea, cum sancti omnes de pœnitentia formali et
explicita, prædicta testimonia interpretentur, temere et
inconfi-

inconsiderate in cōtrariam intelligentiam peruertuntur.

Præterea, talem interpretationem admittentes, in nullo euentu probare poterunt, formalem pœnitentiam esse necessariam. Dicimus enim illis, etiam cum peccata memoriz occurrunt non oportere formaliter expliciteq; dolere: neque id refelli aliquo testimonio potest: quoniam charitas est pœnitentia uirtualis: quæ sufficere dicetur, quoniam locis præscriptis formalis pœnitentia non præscribitur. Ita, si huic expositioni dabitur locus, satis erit ad salutem noua uita, sine detestatione ueteris, quæ est hæresis Lutherana.

Quædam insuper testimonia ex illis, de pœnitentia uirtuali exponere, impudentiæ manifestissimæ fuerit: ut illud Ioel. 2. Conuertimini ad me in toto corde uestro, in ieiunio et fletu, et planctu, et scindite corda uestra. Illud item pœnitentiam agite, et baptizetur unusquisque uestrum in remissionem peccatorum. Quod quidem testimonium, si de pœnitentia, uel formali, uel uirtuali uolumus exponere, in eum errorem incidimus, quem paulo ante reprobauimus: hoc est, baptismum sine pœnitentia formali peccata remittere. Verum, hæc missa facio, (quæ tamen decernere controuersiam possunt) illud quæro, si cui peccatori diuina bonitas occurrat, eo etiam tempore, quo nec diligere Deum, nec pœnitentiam agere tenetur, non occurrant autem peccata, uidelicet occupatissimo in diuinæ bonitatis contemplatione. Quæro tum (inquam) an isti habenti actum dilectionis, peccata sine pœnitentia condonantur? Nam si condonantur, ergo etiam quando non tenebatur ille, aut Deum diligere, aut in Dei contemplatione uersari, remissionem peccatorum consequetur sine pœnitentia. Quod, uel isti concedere uerentur: sin autem non condonantur, nec ille peccator potest in actum dilectionis sine pœnitentiæ actu prodire: ergo pœnitentia formalis (quod modò contendimus) est ad remissionem peccatorum necessaria. Atque (ut sæpe iam diximus) ad diuinam procuracionem spectat, ut nullus peccator in actum dilectionis prodeat, cum primum ad Deum conuertitur, quin simul, quemadmodum bonum per amorem

amplectitur, ita etiam odio malum prosequatur. Pœnitenti, inquit, et conuertimini, ut deleantur peccata uestra.

Accedit illa quoque causa: quod cum sacramentum pœnitentiæ baptizatis tam sit necessarium ad salutem, quam baptismus non baptizatis, (quod suo postea loco demonstrabitur) certè sicut sine baptismo in re uel in uoto, nemo adultus salutem consequi potest, ita sine pœnitentiæ sacramento in re uel in uoto saluatur nemo. Votum autem sacramenti pœnitentiæ nullum habet sine peccatorum et memoria et displicentia: uerius est igitur nixum illud quod nos asserimus, sine pœnitentiæ actu per solam charitatem, neminem posse saluari.

Sed de martyrio questio difficilior est. Nam, sine pœnitentia peccata etiam mortalia remittere, iuniores ferè tradunt. Scotus 4. distin. 1. q. 2. Gabriel eadem distin. et. q. Imò. et D. Tho. uidetur in hanc sententiam ire 3. p. q. 87. artic. 1. Nam secundum argumentum erat huiusmodi. Pœnitentia non est sine actuali displicentia peccatorum: sed peccata uenialia possunt dimitti sine displicentia eorum, sicut patet in eo qui dormiens occideretur propter Christum: ergo peccata uenialia possunt remitti sine pœnitentia. Cui argumento D. Tho. respondet. Quod passio pro Christo suscepta obtinet uim baptismi, et ideo purgat ab omni culpa, et ueniali, et mortali: nisi actualiter uoluntatem peccato inuenerit inhærentem. Hactenus D. Tho.

At, etiam si homo non doleat, aut culpas in memoria habeat, (modò tamen uelit placere Deo in omnibus, et uitam pro illo fundere) non habet uoluntatem peccato actualiter inhærentem: ergo (iuxta D. Thomæ placitum) passio pro Christo suscepta, sine pœnitentia, mortalia peccata remittit.

Verùm, sententia contraria mihi ex animo exuri non potest. Nam persuasa est et autoritate maiorum, et graui constantique ratione, ac fieri potest ut exrem, sed ita prorsus existimo. Primum enim passio pro Christo suscepta, si à charitate non existit, nihil ualeat ad culpæ mortalis remissionem, ut. D. Tho. author est. 22. q. 124. art. 2.

ad. 2. et 3. p. q. 66 art. 12 ad. 2. Item. et August. contra Crescon. lib. 2 caput. 13. Imò, adeo Paulus. 1. ad Corin. 13. in-
 quiens. Si corpus meum tradidero ita ut ardeam, chari-
 tatem autem non habuero nihil mihi prodest. Charitas
 autem in eo qui peccauit mortaliter, non remittit pecca-
 tum sine pœnitentia (ut idem. D. Tho. scribit. 3. p. q. 84. art.
 5. ad 2.) ergo nec martyrium? Et confirmatur. Quia uo-
 luntas efficax martyrij et martyrium actu susceptum, quasi
 tum ad essentialia (ut hic supponimus) nihil differant. Si
 ergo martyrium sine pœnitentia peccatum mortale remit-
 tit, ac proinde gloriam meretur æternam, et uoluntas quo-
 que efficax martyrij, idem sine pœnitentia, dubio procul
 efficeret.

Præterea, passio pro Christo suscepta, in eo qui fuit
 aut schismaticus uel hæreticus non remittit peccatum hæ-
 resis uel schismatis, nisi prius homo ecclesiæ catholicæ
 fuerit aggregatus: ergo, nec remittit eiusmodi peccata ni-
 si homo pœniteat. Nam uerbis schizmatistis quandoque
 utimur, nec ullum aut uerborum facum, aut eloquentiæ
 ornatum adhibere uolumus. sed tantum confirmandæ ue-
 ritati curam operamque nauare. Antecedens igitur nõ-
 stræ huius argumentationis, præterquam quod habetur
 ex Cypriano lib. 3. epistolarum, epist. 2. ad Antonianum:
 atque ex August. tum sæpe aliàs, tum libro primo de bap-
 tismo contra Donatistas capite undecimo, et libro tertio
 capite decimosexto, et libro quarto capite decimo septi-
 mo definitur etiam in concilio Florentino sub Eugenio 4:
 Consequentia uerò probatur. Quia sicut fides, et ecclesiæ
 catholicæ unitas, sunt mediâ ad salutem necessaria, ita et
 pœnitentia.

Præterea, si quis ante baptismum mortem pro Deo op-
 petat, non consequetur salutem sine uoto baptismi, si re-
 ipsa baptizari non potest: ergo, nec post baptismum, si pec-
 cauit mortaliter, consequetur salutem sine pœnitentiæ sa-
 cramento aut in re aut in uoto suscepto. Antecedens quod
 assumpsimus, Thomas Vualdensis lib. de sacramentis capi-
 97. et 105: Diuini præsertim Augustini testimonio confir-
 mat, li. 4. de bapt. contra Donat. cap. 21. et 22. Non enim

mors pro Deo suscepta, iam euangelio promulgato, sine fide Christi et ecclesie salutem prestare potest. At consequentia uel ex eo liquet, quod sicut baptismi sacramentum est ad salutem necessarium his qui ante peccauerunt, ita et poenitentia, his qui peccauerunt post baptismum.

Adde, illi quoque, quod si martyri peccata in mentem ueniant etiam in ipso martyrii agone constituto, non saluabitur si non doleat, ergo martyrio etiam instante poenitentia necessaria est. Antecedens patet, quia si confessor occurrat, citra sacramentum salus illi non ueniet, eod quod diuinum preceptum de confessione est. Cum igitur de contritione etiam interiori diuinum preceptum sit, quod iam iam manifestum erit, fit consequens, ut si homo martyrio expositus, de peccatis memorie occurrentibus poenitentiam non agit, diuini precepti uiolator existit.

Ridiculum uero est quod fingunt isti, martyrium homini oblatum memoriam peccatorum abolere. Cum e diuerso, poenae, inopinato etiam incidentes, soleant culpae memoriam uel dormientem excitare. In cuius rei exemplum adducit Chrysostomus homi. 4. de diuite et Lazaro, fratres Ioseph, quibus cum peccati iam penè oblitterati uenisset in mentem, merito (inquiunt) hæc patimur quia peccauimus in fratrem nostrum. Tres item pueri in camino ignis ardentis, in ueritate et in iudicio, aiunt, induxisti hæc omnia propter peccata nostra, peccauimus enim &c. Et propheta, in die, inquit, tribulationis Deum exquisiui manibus meis. Et paulo post. Et meditatus sum nocte cum corde meo, et exercitabar, et scopebam spiritum meum &c. Martyrium itaque occurrens, non memoriam peccatorum aut tollit aut impedit, sed potius excitat. Quare nihil causæ uideo, cur poenitentia ad salutem necessaria martyri desit: quin in ipso sanguine culpas maxime abluet, quas ante commisit. Equidem ita sentio, et (ut reor ipse) sentiet unusquisque uestrum si rem non ex auctoritate aduersariorum, sed ex ratione pensetis: nec enim minorem uim habet baptismus in remittendis culpis, quam martyrium: quod ueluti baptismi uicarium est (ut Augustinus tradidit lib. 4. de baptismo contra Donatist. cap. 22. et sequenti-

quentibus) referturque de consecra. dist. 4. cap. baptismi uicem: sed baptismus, alias efficacissimum contra omnia peccata remedium, sine pœnitentia tamen aliqua præuia, peccatorum mortalium non efficit remissionem, ergo nec martyrium: nisi nouis oraculis iuniores à medijs ad salutem necessarijs, martyres adultos uelint excipere, quod qua ratione faciant, haud satis intelligo.

Nec D. Thomas unquam asseruit dormienti in peccato mortali per passionem pro Christo, illatam, remitti peccatum sine aliquo præcedenti dolore: non enim sine charitate passio ualet: ut locis citatis. D. Tho. astruxit. Et, cum eo loco, martyrium baptismo comparauerit, idem profecto asseruit, baptismum omnia peccata remittere tam mortalia quam uenialia, dum modo uoluntatem peccato non inuenerit inhærentem. Nec proinde licet colligere, baptismum uel dormienti uel uigilanti sine pœnitentia mortalia abolere peccata. Quare nec de martyrio id ex mente D. Thom. colligi potest, nisi suo ipsius testimonio uirum alioqui doctissimum uelis urgere, ut concedat dormienti in peccato mortali, qui nec contritionem, nec attritionem habuit unquam, per mortem pro Christo uiolenter illatam, æternam conferri salutem. Quod tam absurdum est, quàm quod absurdissimum.

Pœnarum igitur remissio, solet dici remissio peccatorum: ut patet in indulgentijs, quæ passim hoc nomine conceduntur. Credit itaque. D. Tho. per baptismum et martyrium, omnem pœnam siue peccati uenialis, siue mortalis aboleri, supposita tamen remissione mortalis culpæ, quæ adulto sine dispositione uoluntatis præuia, contingere non potest. Culpæ etiam ueniales per baptismum adulto dormienti remittuntur: non enim adultus dormiens baptismum suscipit, nisi prius uigilans uoluerit baptizari. Cum autem baptismus sit pœnitentia uirtualis omnium peccatorum, eo ipso quod quis baptismum uoluit, pœnitentiam habuit omnium uirtualem, quam ad uenialium remissionem satis esse, D. Thomas illo loco manifestissime docuit. Et confirmatur, Quia si quis uigilans cum attritione peccatorum mortalium, nullam habens memo-

riam uenialium, accederet ad baptismum, consequeretur plenariam remissionem omnium peccatorum: ergo et dormiens si habuit contritionem mortaliū, uenialium remissionem consequetur. Confirmatur rursum, quia si baptismus non remitteret uenialia, quibus uiuens inhaeret habitualiter, profecto uix ullus reperiretur, qui per baptismum consequeretur innocentiam, ac totius poenae remissionem. Nec me fugit Caietanus aliter iudicasse: sed ita res humanae habent, nos non probamus aliena, alij reprobabunt nostra. Intellego ergo. D. Thomam, ut illi secundo argumento responderet, id sensisse quod tam baptismus quam passio pro Christo suscepta, sine aliqua poenitentia formali, remittunt omnia uenialia, quantum ad culpam et quantum ad poenam, nisi uoluntas actualiter committat ueniale peccatum: quod in baptismo facile est: in martyrio non item. Nam ferè dum quis patitur pro Christo, auertit animum ab omni peccato etiam ueniali. Sed siue baptizatus, siue pro Christo moriens, actualē obicem opponeret, siue baptismi, seu martyrii, iam effectus remissionis illius culpae impediretur. Ita cum dormiens nihil actu obijciat uirtuti uel baptismi uel martyrii, omnium uenialium ueniam sine formali displicentia consequetur. Quam ob rem, illa exceptio nisi actualiter uoluntatem peccato inuenerit, &c. non est referenda ad remissionem mortaliū, sed ad remissionem uenialium: Aseuerat enim. D. Thomas, poenitentiam explicitam esse necessariam ad mortaliū remissionem: quare non statim asseruisset, dormienti in peccato mortali sine aliquo actu et dispositione praeuia, aut per baptismum: aut per mortem extrinsecus illatam, mortalia peccata condonari. De elemosyna uero faciliior quaestio est: nam, dupliciter intelligi possunt ea testimonia quae illi tribuant remissionem peccatorum. Prius, ut ad poenas pro peccatis debitas omnia referantur: iuxta illud Daniel. 4. Peccata tua elemosynis redime. redimuntur enim poenae pro peccatis debita non alio precio magis, quam elemosynis. Posterius etiam in hunc sensum intelligi possunt, ut pollicitatio diuinæ misericordiae significetur iis, qui fuerint misericordes: ut etiam si in pec-

eatīs sint per eleemosynas, tamen, id consequantur, ut ex dei gratia et beneficio conuersio cordis illis aliquando præstetur; sic enim scriptum est, frange esurienti panem tuum, egenos uagosque iuduc in domum tuam: cū uideris nudum operi eum, et carnem tuam ne despexeris tunc erumpet quasi mane lumen tuum, et sanitas tua citius orietur: orietur in tenebris lux tua, et tenebræ tuæ erunt sicut meridies: Et iterum. Beati misericordes; quoniam ipsi misericordiam consequentur. Ex quibus liquido patet, quid ad reliqua dicendum sit, nolo enim esse longus in singulis explicandis. Sed et secundum argumentum principale cum sua confirmatione, ex his quæ diximus facillè soluitur.

Ultimum uerò, quoniam peculiarem habet difficultatem, peculiariter quoque diluendum est. Quæritur, enim an specialis pœnitentia de singulis mortalibus, sit ad salutem necessaria: an potius satis sit pœnitentia de omnibus confusa et generalis. Et quamuis sciam, multa à multis de hac quæstione fuisse disputata, id ego tamen ex D. Thomæ sententia, semper et intellexi et credidi, in omni lege, siue naturæ, siue scripturæ, siue gratiæ, non satis fuisse ad peccatorum mortalium remissionem, in genere confuseque dolere: sed specialem, distinctamque de singulis pœnitentiam requiri.

Cuius rei explicandæ gratia, dupliciter de contritione loqui possumus. Vno modo, secundum se, quatenus est actus uirtutis: alio modo, in ordine ad confessionem, quatenus est pars sacramenti.

Deinde notandum, dupliciter posse intelligi, contritionem specialem de singulis esse necessariam. Primum, necessitate præcepti, deinde necessitate finis.

Præterea, contritionem de singulis mortalibus esse necessariam, duobus modis accipi potest: Prius sic, ut ad singula peccata mortalia requirantur singulæ contritiones, uel secundum numerum, uel secundum speciem. Posterius sic: ut una contritio sit distincta de singulis, quemadmodum, si singulis peccatis in memoriam reuocatis, de illis uno eodemque dolore doceam.

Tunc

PARS III. RELECT.

Tunc sit prima conclusio. Non requiruntur singulæ contritiones ad singula mortalia secundum numerum: imò nec secundum speciem quidem ut uidelicet quot sunt peccata uel numero uel specie, tot exigantur dolores. Vno enim actu et confiteri et conteri de multis speciebus peccatorum possumus: ergo, nec absolutè, nec in ordine ad confessionem, in illum sensum requiritur specialis distinctaq; contritio.

Secunda conclusio. In ordine ad confessionem, requiritur contritio de singulis distincta, non solum secundum speciem, sed etiam secundum numerum. Quia contritio includit simul propositum confitendi singula mortalia: nò secundum speciem modò uerùm etiam secundum numerum. Ac preterea, cum homo confitetur, detestatur ea peccata quæ confitetur, nisi sit ficta confessio. Quare actus interior pœnitentiæ, à quo exterior confessio proficiscitur, singula mortalia quæ sub confessione cadunt, respicit. Ideo enim confitetur ea, ut destruat illa: et pro iis Deo satisfaciat. Quapropter, ut confessio de singulis mortalibus est ad salutem necessaria, etiam necessitate finis, ita et contritio de singulis, in noua lege est necessaria.

Tertia conclusio. Contritio de singulis mortalibus specialis et distincta, necessaria est ad salutem: non solum necessitate præcepti, uerùm etiam necessitate finis. Fuitq; semper in omni lege necessaria, sine ordine ad confessionem. Itaque non sufficit contritio generalis, qua doleo me fuisse peccatorem, sed requiritur specialis quæ distinctè feratur in singula, ut si peccatis præteritis in memoriam reuocatis, uoluntas unica contritione uniuersa illa detestetur, uelitq; pro uniuersis Deo satisfacere. Hæc quippe sat erit, hancque nos pœnitentiam specialem, ac distinctam appellamus. Nam si unico uerbo sacerdoti significare possem diuersa peccata mea, illa esset specialis distinctaq; confessio. Quo circa, cum pœnitentia confessio que interior peccatorum hominis, ad Deum sit, unicus ille actus qui fertur in peccata, distincta et specialiter cognita, specialis pœnitentia et uocatur, et est. Atterimus autem

autem, hanc non aliter requiri, ac rationem dati et accepti à dispensatore. Quamquidem confessionem et generalem nemo arbitraretur idoneam, distinctam et specialem omnes existimarent necessariam.

Sic uerò explicata. D. Thomæ sententia, haud sanè intelligo, cur uiris doctis probari non debeat. Eò uel maximè, quòd poenitentiam hanc specialem atque distinctam, sic intelligi uolumus ad salutem necessariam, ut reliqua media, quæ nisi in tempore adhiberi non queunt. Nempe hoc pacto, ut si distinctè de omnibus doleri possit, de omnibus specialiter doleatur. Sin autem, uel per angustiam temporis, uel per aliam causam, id fieri non possit, habeatur quidem animus, uotumque si facultas adesset, specialiter et distributè de singulis poenitendi.

Hanc conclusionem D. Thomas habet. 12. q. 113. art. 5. ad. 3. inquit. In tempore præcedenti iustificationem oportet, ut homo singula peccata quæ commisit, detestetur, quorum memoriam habet. Et ex tali consideratione præcedenti subsequitur in anima quidam motus detestantis uniuersaliter omnia peccata commissa, inter quæ etià includuntur peccata obliuioni tradita, quia homo in statu illo est sic dispositus, ut etiam de his quæ non meminit contereretur, si memoriæ adessent. Ecce quemadmodum intelligit D. Thomas specialem contritionem esse necessariam, et ad salutem, et ad remissionem peccatorum. Et de ueritate. q. 28. artic. 5. ad. 4. Ad iustificationem (inquit) non requiritur, quòd in ipso iustificationis momento, aliquis de peccatis singulis cogitet. Recogitatio autem singulorum peccatorum, debet uel præcedere, uel saltem sequi iustificationem. Et. 3. p. q. 87. artic. 1. Ad remissionem peccati mortalis (ait) requiritur ut homo actualiter peccatum mortale commissum detestetur: ut, scilicet, quantum in ipso est, diligentiam adhibeat ad rememorandum singula peccata mortalia, ut singula detestetur. Idem in 4. distinctione decima septima. quæstione 3. articulo secundo ad secundum.

Eandem sententiam tenet Durandus, distinctione decima septima quæstione secunda articulo secundo ad primum.

rius 4. uerbi cap. 17. et 8. libro cap. 16. in illud, confabulabor cum amaritudine animæ meæ; enumerando scilicet singula mala quæ feci. Ita enim. D. Gregorius interpretatur. Cuius uerba non grauaret equi. em recitare, nisi alijs festinaret oratio. *וְאִתִּי אֲדַבֵּר בְּאִמְרוּת לִבִּי*. Præterea in huius rei confirmationem, ne sacram quidem literarum deesset nobis poterunt testimonia; uel illud, Recogitabo tibi omnes annos meos in amaritudine animæ meæ; non autem esset opus ante acti temporis uitam expendere in amaritudine animæ, si penitentia generalis et confusa, sufficeret. *וְאִתִּי אֲדַבֵּר בְּאִמְרוּת לִבִּי*. Illud quoque, si impius egerit penitentiam ab omnibus peccatis suis; et fecerit iudicium, hoc est, examen et inquisitionem, de qua, Apostolus, probet seipsum homo. Et illud David, Rogaui dies antiquos, et meditatus sum nocte cum corde meo, et exercitabar, et scopebam spiritum meum. Legit autem August. scrutabar spiritum meum: et ait. Seipsum interrogabat, seipsum examinabat, in se iudex erat. *וְאִתִּי אֲדַבֵּר בְּאִמְרוּת לִבִּי*. Præterea, si generalis penitentia, satis esset, quorsum illa tam anxia cura petendi? Ab occultis meis, mundane Domine, et ab alienis, parce seruo tuo? Nimirum, lucet clarius propheta significat, delicta sua se solitum scrutari, et pro occultis, quæ uel adhibita diligentia intelligere non potuit, deprecari, cum ait, delicta quis intelligit ab occultis meis &c. *וְאִתִּי אֲדַבֵּר בְּאִמְרוּת לִבִּי*. Præterea, si cui, dum conuertitur, tria mortalia quæ fecit, distinctè in mentem ueniunt hoc est, adulterium, sacrilegium, homicidium. Quæro, an satis fuerit, reiecta illorum speciali memoria, uerè de omnibus quæ fecit, con fuisse dolere. Nam, si satis non est, id nos asserimus: si satis est: semperq; in omni lege fuit certè examen illud tam exquisitum in peccatis mortalibus et commemorandis et deplorandis, quod in omni retro tempore parentes nostri fecerunt, docetur non fuisse necessarium.

Præterea, penitentia exterior propter interiorē est: at exterior tam in lege noua quam in ueteri, distincta et specialis fuerit oportuit. Nam in ueteri lege, pro uariis peccatis

peccatis uaria fuerunt sacrificia definita : In noua quoque, pœnitentiæ sacramentum specialem distinctamq; de singulis exigit confessionem. Ac re uera : lex euangelica, quantum animi mei coniectura colligere possum, non astringit nos, ut specialius de peccatis doleremus, quam in lege naturæ uel scripturæ hominēs tenebantur. Sed id concessit, ut quam pœnitentiā olim in delicti compensationem atque uindictam coram Deo agere oportebat, eandem ageremus apud sacerdotem, qui locum Dei teneret in terris.

Nec ego uideo, cur Christus in Euangelio præceperit de singulis exteriorem pœnitentiā, nisi quia requirebatur interior de singulis, ut exterius, signum uisibile interiori rei signatæ inuisibili responderet. Non igitur (quod quidam arbitrantur) contritio specialis propter confessionem exigitur : sed e diuerso, confessio specialis propter contritionem : utraque autem propter iudicii naturam. Omnis quippe iudex, cui iudicandi est authoritas demandata, reorum delicta inquirere atque examinare debet spreciatim : ut iuxta culparum mensuram, sit et pœnarum moderatio. Sic in euangelica lege, iudicium de peccatis Sacerdotibus delegatum est : qui, ut fideliter suum munus exequantur, non habent esse contenti si peccata solum in genere cognoscant : sed habent interrogare etiam specialia delicta, ac delictorum adiacentes circumstantias. At in lege naturæ hoc iudicium erat ipsi peccatori commissum : ut ipse idem, et esset testis et accusator. et iudex. Unde ait. Si impius egerit pœnitentiā ab omnibus peccatis suis, et fecerit iudicium. Et iterum. Feci iudicium et iustitiam : non tradas me calumniantibus me. Quamobrem, peccator in propria causa iudex effectus, nisi expendat delicta propria, nisi diligenter seipsum interroget et examinet, ut ex qualitate et quantitate culparum, imponat sibi pœnitentiæ modum certè infidelis iudicii, imò iniqui pœnas daturus est, apud æquissimum iudicem. Hæc naturæ ratio est : quis negat ? huic sacræ literæ consentiunt, hæc sancti doctores insinuant : huius uim. D. Thomas intuitus, tertiam illam conclusionem asseruit. Qua etiam asserenda, nos multa diximus non pœnitens abloa, aut contemnen-

temnenda. Sed si quid melius quisquàm asserere poterit, nobis uolentibus et gratulantibus facturus est. De tertia igitur controuersia latius.

Q V A R T A P A R S.

QUARTA iam sequitur. An de pœnitentiæ uirtute sit peculiare præceptum. Sunt enim Theologi et fuerunt: quorum opinione, de actu pœnitentiæ speciale præceptum nullum est. Hanc uerò sententiam imprimis suadent, testimonio. D. Thomæ asserentis, quòd permanere in peccato usq, ad mortem non est speciale peccatum: sed quædam peccati circumstantia. Et tamen si esset de pœnitentia speciale præceptum, omissio illius, specialis culpa sine dubio esset.

Præterea, si de pœnitentia mandatum speciale esset, id ea esset ratione maximè quòd pœnitentia est medium necessarium ad salutem. Hoc uerò argumentum infirmum est: quoniam gratia Dei est ad salutem homini necessaria: de qua tamen habenda nullum est peculiare præceptum, Et confirmatur. Nam huiusmodi præceptum non alio testimonio magis assereretur, quàm eo Lucæ capite decimo tertio. Nisi pœnitentiam habueritis, omnes similiter peribitis. At exinde, nihil tale colligi rectè potest. Pari siquidem loquendi forma sanè dicitur, nisi gratiam habueritis omnes peribitis. Vnde tamen non fit, ut ex præcepto peculiari gratiam habere teneamur. Cumque pœnitentia supponat peccatum. antecedens, nisi quis pœnitentiam egerit, peribit: non ex impœnitentiæ culpa, sed ex antecedenti peccato, quod sine pœnitentia deleri non poterat. Pro parte uerò contraria illud est, quòd eodem tenore in euangelio proponitur lex baptismi et pœnitentiæ. Nam quemadmodum dictum est, Nisi quis renatus fuerit ex aqua, non potest intrare in regnum Dei: ita quoque scriptum est, nisi pœnitentiam habueritis, omnes peribitis. Colligunt autem catholici, legem illam baptismi speciale continere præceptum. Quare et pœnitentiæ lex, præceptum speciale continet.

In hac

In hac controuersia, præceptor meus olim, frater Franciscus Victoria, uir nostra ætate literis, ingenio religioneq; clarissimus, partem tenuit negatiuam, addidit uerò in huius rei confirmationem præter ea quæ fecimus, alia quædam argumenta, quæ quoniam homo ingeniosus et doctus esse uidebat infirma, asseruit tandem in hanc opinionem se uenire, ea potissimum causa atque ratione, quod nulla in contrarium esset: cui non posset facile satisfieri, ut colligere inde in promptu liceat hominis eruditissimi modestiam pariter, et ingenium. Nihil enim pugnaciter pertinacique contentione defendere solebat: sed tuam interim propriam priuatamque sententiam liberè tueri: eandem postea simili libertate retractaturus, si melior forsitan opinionis aduersæ ratio succurrisset. Hæc uerò ingenij sui mira et beata facilitate scholæ nostræ, hoc est, D. Thom. prudentissimus habebatur interpres. Et quidem æquus libero iudicio, nulla eiusmodi astrictus necessitate, ut uellet noller certa sibi esset tuenda sententia.

Huius nos clarissimi uiri uestigijs inhærentes, in nullius uerba iurauimus: nec apud nos tantum opinio præiudicata potest, ut etiam sine ratione ualeat autoritas. Sed nostrum iudicium adhibentes, alienum non nisi causa cognita sequimur. Nam, Ciceronis quotiescunque incidunt, non sententiis modò, sed et uerbis utimur, furtumque libenter agnoscimus. Igitur (ut eò unde huc digressi sumus, reuertamur.) Argumenta quidem tametsi docti hominis, et copiosi, et nihil prætereuntis eorum quæ pro ea causa dici possent, nunquam tamen ita me mouerunt, ut eis responderi posse diffiderem. Autoritas autem tanta planè me mouebat, nisi ego opponerem non minorem, Diui Thomæ rationes, etiam quomodo mihi uidetur, firmiores.

Primum itaque non ambigo D. Thomam cum cæteris omnibus scholasticis authoribus in hanc sententiam esse, quæ partem huius controuersiæ affirmatiuè amplectitur. Imò illud est princeps argumentum, quo hæc opinio refellitur, quod nouicia sit, et in re quæ ad mores pertineat: sine idonea ratione, communi theologorum sensui refragetur.

getur. D. itaque Thomas pro comperto sumit, de pœnitentia diuinæ legis esse præceptum, nec id semel dicit, sed sæpius. 4. distinctione decima septima quæstione secunda articulo secundo quæstione. 3. ad 3. et quæstione. 3. articulo. 1. quæstione. 4. et 3. p. quæstione. 84. art. 7. ad. 1. et 2. et quæstione. 85. arti. secundo in argumento in contrarium. Et 22. q. 62. artic. ultimo. Imò adeo quæ. D. Thomas. art. illo. 2. quæstionis. 14. dixit, non modò hæc refellunt, uerùm etiam confirmant. Nam si propositum non pœnitendi speciale peccatum est, ut ibidem dicitur: qui fieri potest, ut de pœnitentia non sit speciale præceptum? Nempe si comedere præceptum non esset, propositum non comedendi specialis culpa non esset. Si ieiunandi præceptum peculiare non esset, ne peculiaris quidem culpa esset, propositum non ieiunandi. Et hunc in modum cetera, quæ singularim persequi longum est. Deinde, pœnitere est actus specialis uirtutis ad salutem necessarius: ergo est in præcepto. Consequentia patet ex D. Thom. secunda secundæ quæstione tertia articulo secundo et tertia parte quæst. 68. articulo primo ubi asserit, ea quæ sunt necessaria ad salutem, cadere sub præceptis diuinæ legis: et re uera id ostendit (nisi me animus fallit) ratio manifesta, non enim aliter melius possumus iudicare an præceptum sit legis de quarumcumque uirtutum actibus, nisi ex eo quòd ad finem legis sunt necessarij. Porro, si finis primus legis idemque præcipuus sine actu cuiusquàm uirtutis constare non potest, conuicimur sanè, de huiusmodi actu præceptum legislatoris esse, nisi insipientem atque inprouidum in legibus necessarijs uolumus defuisse. Atque hæc certa regula et forma est de præceptis legis, siue naturæ, siue scripturæ, siue gratiæ, siue humanæ seu diuinæ, philosophandi.

Præterea, de compensanda iniuria facta proximo, speciale præceptum est: ergo et de compensanda iniuria facta Deo: sic enim D. Thom. 3. p. q. 84. art. 5. ad secundum argumentum.

Huc accedit, quòd si cuius amicitiam uiolauimus, tenemur speciali præcepto dare operam ut sarciamus: quem-

admodum Math. 5. scriptum est: ergo Dei amicitiam per peccatum mortale uiolatam, speciali præcepto sarcire tenemur: ac proinde pœnitentiam agere.

Illud prætereos, (quod mihi maximo argumento poterat esse ad huius rei confirmationem (quòd ægroto corpori quisque tenetur medicinam necessariam adhibere: idq ex speciali præcepto, quo habet diligere corpus, ex quo efficitur, cum non minus debeat amare animum, ut medicinam necessariam ægro animo adhibere tenetur. Videlicet quemadmodum instigante naturæ lege (Vt Tertulianus ait, et illum æmulatus Hieronymus) hirundo pullos suos de succo occulat chelidoniæ, et dictamum cerui appetunt uulnerati, et cætera animantia bruta, medicinas sibi diuinitus attributas instigantur ut quærant: ita proculdubio incitat diuina lex, homines rationales, ut pœnitentiam remedium unicum et necessarium ad salutem animæ prosequantur.

Præterea, præcepto charitatis obligamur, media necessaria ad salutem fratris apponere (inde enim est fraternæ correctionis obligatio) ergo, et media necessaria ad salutem nostram. Et confirmatur, tenemur proximum à morte tum corporis tum animæ liberare: (mortem enim languentibus probatur infligere, qui hanc cum potest non excludit) 83 distin. cap. primo. Igitur, et nosmetipsos à corporali et spiritali morte tenemur eripere. Nec hinc (quod ad mores attinet) magnopere contendere debemus an uiolatur præceptum charitatis, an præceptum pœnitentiæ: illud modo concedamus specialem nouamque culpam esse non pœnitere: tametsi quemadmodum cum quis non comedit cibum necessarium ad salutem, immediatè quidem contra uirtutem temperantiæ peccat, ex cōsequenti etiam contra charitatem, ita qui non pœnitet cum uidet ad salutem esse necessarium, directè quidem præceptum pœnitentiæ uiolat: consequenter autem uiolat charitatem.

Præterea, de pœnitentia exteriori præceptum est: ergo et de interiori: consequentia patet, quia si satisfactionem exterioriorem Deus exigit, interioriorem ac multo etiam magis requiret: quæ uidelicet præcipua est in compensatione delicti.

delicti. Antecedens uerò certissimum est, si ea quæ superiore controuersia diximus teneantur: esse (inquam) exteriorem penitentiam necessariam ad salutem. Actus quippe omnis uirtutis exterior ad salutem necessarius, citra controuersiam in præcepto est.

Sed quid opus est multis? si hominì peccatori occurrat præceptum de diligendo Deo, simulque peccatum memoriam occurrat, illud quæro tandem, an teneatur contemni, an non, si non, ergo exiens in actum dilectionis sine penitentia iustificabitur quod sanæ mentis nullus admittit, si etiam, iam habetur quod uolumus, de penitentia esse speciale præceptum, quod Tertullianus lib. de penitentia disertè docet, inquiens: Cùm iudex Deus iustitiæ charissimæ sibi exigendæ tuendæque præsideat, et in eam omnem summam disciplinæ sanciat, dubitandum est, sicut in uniuersis actibus nostris, ita in penitentia quoque causa iustitiam Deo præstandam esse? Et paulo inferius: audaciam (inquit) existimo, de bono diuini præcepti disputare. Nec enim quia bonum est, ideo auscultare debemus, sed quia Deus præcepit. Ad exhibitionem obsequij prior est maiestas diuinæ potestatis, prior est autoritas imperantis quàm utilitas seruientis. Bonum est penitere an non? quid reuoluis? Deus præcipit: quod igitur Deus tantopere commendat, quod etiam humano more sub deieratione testatur, summa utique grauitate et aggredi et custodire debemus, hætenus Tertullianus.

Et certè cum lex affirmatiuè præcipiat, penitentiam agite, rursusque sub mortis interminatione subiungat, nisi penitentiam habueritis, omnes simul peribitis: intelligi non potest, quibus alijs uerbis legislator huiusmodi præceptum, si uellet posset inducere. Omnis siquidem uirtutis operatio, quæ uerbo imperandi à lege præscribitur, aut in consilio est, aut in præcepto. De opere uerò quod solum in consilio esset, dici nulla ratione posset, nisi hoc feceritis, peribitis. De penitentia igitur actu præceptum est, quodd eo magis mihi persuadeo, quodd Ioannes Baptista statim à principio populo proponit: penitentiam agite, appropinquauit enim regnum cælorum. Ean-

dem quoque legem, eisdemque uerbis Christus primitus inuulgauit, apostolisque inuulgandam iussit. Nullo autem pacto uerisimile sit, consilia legis statim in initio à copulis exigi. Quinimo, illud uerisimilius est à turba præcepta, et ea quidem maximè necessaria cum primis requiri: unde et Mar. primo, pœnitementini, inquit, et credite euangelio: ut utrumque tanquam necessarium præceptum proponat, pœnitere, et euangelio credere.

Nec illud leue testimonium est, quod habetur Apoca. 2. Age pœnitentiam: sin autem, ueniam tibi citò, et mouebo candelabrum tuum de loco suo, nisi pœnitentiam egeris.

Huc illud adde prouer. 1. Quia uocaui et renuistis, ego quoque in interitu uestro ridebo. Vocanti ergo ad pœnitentiam renuere, speciale peccatum est, cui specialis pœna respondet, risus et subannario diuinæ potestatis. Huic et aliud simile est Ieremiæ. 7. Quia uocaui et non respondistis, faciam domui huic, &c. Et Esaïæ. 65. Omnes in cæde corruetis, pro eo quod uocaui et non respondistis: Certe si ad pœnitentiam uocanti, respondere consiliū esset, non Præceptum; nusquam Dominus pro huius omissione, tam grauem pœnam minaretur. Item Ieremiæ. 8. Deus conqueritur, quod peccatores pœnitentiam non agunt. Res est igitur debita ac proinde præcepta, siquidem Deus exoptulat, si non reddamus.

Ad argumentum uerò primum, quod ex D. Thom. auctoritate sumitur, facile respondetur, impœnitentiam ibi accipi pro quocunque peccato, de quo pœnitentia non fit. In qua significatione generale peccatum est, cum fornicatio durans usque ad mortem, homicidij quoque reatus, et quodlibet aliud simile malum, de quo homo pœnitentiam non agit, impœnitentia sit: etiam si nulla culpa specialis interuenerit. u. g. Si fornicator aut avarus subito interiret, correptus aliquo fulmine, quo euentu à præcepto pœnitentiæ excusari potuit: nec enim habuit spacium cogitandi ut de peccatis pœniteret: tunc iuxta sententiam Aug. et D. Thom. eiusmodi homo habuit finalem impœnitentiam peccatum, scilicet, quod non remittitur nec in hoc

hoc sæculò nec in futuro : generale quidem non speciale peccatum.

Ad secundum, fateor eam esse causam; unde uel maxime liqueat poenitentiae peculiare præceptum. Sed ut objectionem repellamus, aduertendum est; medium ad salutem necessarium, esse in duplici differentia. Alterum, quod non est actus uirtutis, sed uel poenitentia, uel habitus, quos Deus in nobis sine nobis operatur, uel etiam gratia et auxillium Dei, quod non nostrum, sed diuinum opus est; et de huiusmodi medijs, legis præceptiones sunt. Alterum medium actus uirtutis est, atque in nostra positum potestate: ut credere in Christum, confiteri fidem, suscipere baptismum, diligere Deum. Et de huiusmodi, præcepta legislatoria sunt. Quæ quoniam non de libe, sed de medijs feruntur ad finem legis necessarii, recte colligimus, quod in omni lege siue naturali, siue scripta; tum humana; tum diuina, ea media uirtutis, quæ nullo modo sunt ad finem legis necessaria, in consilio esse: quæ uero omnino necessaria, ea esse in præcepto. Unde patet quid ad tertium argumentum respondendum sit.

Sed illud tamen urget uehementer, quod eisdem argumentis quibus ostendimus esse præceptum, ostendi æquè potest, homines obligari ad confestim poenitentiam agendum, ut peccatum mortale commiserint. Primum enim: Diuus Thomas. 2. 2. quæstione. 62. articulo ultimo, utrumque pariter affirmat: et teneri homines ex præcepto peccatum deserere, et statim id quidem: ut qui rem alienam furto suscepit, restituere protinus sine mora aliqua debet. In quarto etiam distinctione. 17. q. et articulis retrò citatis, expressè tradit, hominem obligari ad poenitendum, cum peccata memoriæ occurrerint: quod est dicere, præceptum poenitendi, nullas moras in peccatore permittere, qui peccati memoriæ, et conscientiam habet; et ratio id uidetur suadere. Nam cum peccatum memoriæ occurrit, si homo non detestatur, ex consequenti consentit.

Deinde homo tenetur, illicò medicinam corporalem corpori necessariam adhibere. Ergo, et quamprimum debet animo necessariam medicinam apponere.

Præterea, proximi offensi iniuriam teneor ubi primum commodè possum compensare: ergo et Dei. Antecedens notissimum est. Non enim celerius, qui damnum in pecunia dedit tenetur satisfacere, quam qui dedit in fama, uel honore. Sed qui in pecunia dedit restituere, pensare quod damnum è uestigio debet, ergo et qui aliter quoquomodo proximum læsit. Et confirmatur. Nam si frater meus habet aliquid aduersum me, teneor, illi extemplo reconciliari: ut patet Matth. 5. igitur et teneor reconciliare me Deo, statim, quàm, eius amicitiam per iniuriam uiolaui.

Præterea, simili atq; commoditer possumus, fratrem nostrum à morte animi liberare, id facere sine dubio teneor, ergo et uosmetipsos à peccato mortali illicò teneor eripere. Idquòd magis quòd peccatum quod mox per pœnitentiam non deletur, suo pondere ad aliud trahit ut Gregorius docuit hom. 11. in Ezech. 3. At qui periculo se exponit peribit in eo: ut in Ecclesiastico legitur. Confirmat autem hoc uel maximè, Leo Papa, epist. 69. ad Theodorum episcopum, inquit. Oportet unumquemque Christianum conscientie suæ habere iudicium, ne conuerti ad Dominum de die in diem differat, nec satisfactionis sibi tempus in finem uitæ suæ constituat, quem periculose ignorantia humanà concludit: ut ad paucarum horarum se reseruèt incertum. Periculosum igitur est, pœnitentiam in aliud tempus reseruare. Nam et hoc Ecclesiasticus cap. quinto prohibet inquit, non tardes conuerti ad dominum, nec differas de die in diem, subito enim uenit ira eius. Peccatum igitur est, de die in diem pœnitentiam protrahere, nempe cui diuinam iram Ecclesiasticus interminatur.

Item, si in aliud tempus pœnitentiam differre liceret, ergo et uelle differre licitum est. Quod enim facere, idem et uelle quoq; licet: at qui existens in peccato mortali, interiorem pœnitentiam in aliud tempus reseruare uult, eo ipso interpretatiuè et implicitè uult esse in peccato mortali, in quo quandiu non pœnitet, perdurare necessum est. Non licet igitur conuersionem pœnitentiamque differre.

Præterea,

Præterea, negatiuo præcepto astringimur ne simus, Dei inimici: nam esse Deo inimicum; usque adeo intrinsecè malum est, ut nullo euentu, id uelle sine graui culpa ualeamus: ergo, quandiu homo est in peccato mortali, cùm sit Dei inimicus; tandiu præcepto negatiuo aduersatur, quamlibet parum in statu peccati mortalis perseueret. Aut igitur hoc monstrum probandum est, uidelicet, hominem obligari ad pœnitentiam statim agendam: aut primum illud tollendum, hoc est, hominem ad pœnitentiam agendam obligari: illuc enim serpit hoc præceptum, si semel admittitur.

Denique suadetur, quòd saltem singuli diebus festis, teneatur peccator pœnitentiam habere: quia finis legis est, ut requiescamus in Deo, ad hanc enim requiem, corporalis festorum quies ordinatur. At in legem facit, qui uerba legis amplexus, contra legis nititur uoluntatem, lege non dubium, C. de legibus, et regula, certum est, de regulis iuris, in 6. Et confirmatur, Leuitici. 16. Sabbatum requietionis est, affligetis animas uestras, ab omnibus peccatis uestris mundabimini, et cap. 23 affligetis animas uestras, omne opus seruale non facietis in die hac, omnis anima quæ afflicta non fuerit in die hac, peribit de populo suo: et causa subditur: ut propitiatur uobis Dominus.

In huius argumenti explicatione, adeò multæ sunt doctorum sententiæ, ut eas enumerare, nedum expendere, molestissimum fuerit: et cùm tam uariæ sint; tamque inter se dissidentes, ueniam mihi dabit, uiri humanissimi, si aliorum opinionibus prætermisissis, meam ego (utinam tam uerè quàm breuiter) explicuerò:

Primum ergo (ut mea fert, et communis opinio) non protinus tenetur homo pœnitentiam agere. Atque hæc quidem assertio, non alia ratione potiore ostendi potest, quàm quòd fidelium omnium consensu facile, admittit, non esse peccatum mortale nouum, si quis non statim atque in peccatum incidit, pœnitentiam agat: nec aut pœnitentes in confessione huius criminis se accusant; aut sacerdotes id curant, quando pœnitentes examinant: cùm tamen nullus peccator ferè sit, qui huius præcepti reus non habe-

tur. Imò, qui diem unum in peccato mortali duraret, non modo multa, sed innumera peccata mortalia hoc præcepto transgrediendo committeret.

Præterea, cùm præceptum de pœnitentia affirmatiuum sit, in quo uirtutis actus positius præcipitur, non uidetur obligare, nisi pro tempore necessitatis: quemadmodum et reliqua præcepta affirmatiua.

Item, cùm cætera media ad salutem necessaria, scilicet, fidem, baptismum, confessionem illico præstare minimè teneamur: non est, cur unicam pœnitentiam mox debeamus exhibere.

Præterea, cùm uera pœnitentia ut ante iam diximus a dilectione Dei proficiatur, si homo simulatq; peccauit, ueram pœnitentiam habere tenetur, quæ uidelicet, necessaria est ut Deo concilietur, fieret consequens, ut homo post peccatum, statim ad diligendum Deum obligaretur.

Præterea, cùm nulla ratio idonea sit: nulla ue auctoritas, qua præceptum adeò durum asseratur, certè, qua facilitate induceretur ab aliquo, eadem quoque ab alijs reiiceretur.

Secunda propositio. Non tenetur homo pœnitentiam agere, quoties peccata memoriæ occurrerint, siue speculative, seu practice occurrant. Et enim nullum aliud nos præceptum obligat ex eo quòd in mentem ueniat. Nec peccat mortaliter, qui non diligit Deum, quantuncq; diuina bonitas proponatur, omni dilectione dignissima: nisi necessitatis articulus intercedat. Idem de præcepto fidei, et spei, uidere licet.

Quare, nec si peccata sese offerant peccatori, digna quæ homo detestetur, protinus obligatur in actum contritionis exire: poterit enim liberè nullum habere actum, si nullus instat necessitatis articulus.

Et confirmatur: quia obligatio reliquorum præceptorum, ex necessitate rei sumitur, non ex memoria, aut intelligentia nostra: quippe, non quia nos intelligimus aut memoria tenemus, obligant, sed quia obligant, debemus nos dare operam, ut memoria teneamus.

Illud etiam; quàm inconsideratè dicitur memoriam practicam obligare; speculatiuam, non obligare: quasi memoria conscientia sit, cuius iudicio homo teneatur obnoxius: & tunc quædam præcepta non obligant.

Præceptum enim angustius et urgebo, quodnam sit illud iudicium practicum uel quæ memoria, quæ post simplicem peccati commemorationem, nouam præcepti obligationem inducit. Cumque nihil constanter, rectè ue dici possit, nimirum non est, cur amplius in opinione contraria resellenda moremur: nulla enim ratione nititur: sed solo asserentium arbitratu.

Atque eisdem omnino argumentis persuaderi potest, tertia propositio: hoc est, In diebus festis non obligari homines ad agendum pœnitentiam, aut diuino præcepto, aut humano. Præceptum enim de colendo Deo, quo festis diebus astringimur, opera religionis præscribit. At, pœnitentia (quod ante docuimus) religionis opus non est, sed uindicationis.

Item ius humanum nullum est aut euangelicum, quo hoc præceptum asseratur, proferant et tacebimus, lex autem antiqua cessauit, lege uero naturæ nihil eiusmodi præcipi, notius est quàm ut probandum sit. Et profecto errores alienos reprehendere, non perinde difficile est, facilius namque, ut Cicero tradit, in mentem cuiusque uenire solet, quid falsum, quàm quid uerum sit. Sed ueram et consentaneam opinionem ingerere, eamque idoneis argumentis confirmare, hoc opus, hic labor est.

Sit igitur quarta propositio: præceptum de pœnitentia obligat in articulo necessitatis, ut reliqua omnia præcepta affirmatiua, ac primus quidem necessitatis articulus facile ab omnibus admittitur periculum mortis. Cum enim præceptum pro aliquo tempore obliget, si in periculo mortis præteritur, nullum iam restat tempus quo possit impleri. Sed notandum est, quòd cum Baptismus et Sacramentum absolutionis attrito conferant gratiam, institutaque fuerint directe hæc duo sacramenta in remissionem omnium peccatorum; qui suscipit alterum ex his, siue contritus siue attritus uerè, implet præceptum de pœnitentia:

nitentia: quoniam Deus nihil amplius exigit, in compensationis iniuriam et delicti commissi, quam uel contritionem sine sacramento, uel attritionem cum sacramento per se instituto in remissionem peccatorum: atque hinc colliges præceptum diuinum de pœnitentia per se loquendo, obligare solum in duobus. Prius cum obligat diuinum præceptum de baptismo uel confessione, et tunc satis est pœnitentia interior imperfecta, si exterius sacramentum re ipsa suscipiatur. Posterius, cum deest minister utriusque sacramenti. Vbi sicut homo tenetur habere uotum suscipiendi uel baptismum, uel absolutionem, si facultas adesset: ita etiam tenetur habere perfectam pœnitentiam et contritionem, ut quæ necessaria tunc sit, ad remissionem peccatorum.

At uerò articulus alius qui addi solet, Cum uidelicet quis administrare uoluerit aliquod sacramentum, uel quemcunque alium actum exercere, qui requirat hominem existentem in gratia, accidentariam obligationem habet nec à præcepto pœnitentiæ oritur: sed à præcepto alio de digna sacramentorum uel susceptione, uel administratione. Vnde peccatur quidem peccato sacrilegij, si ab impœnitentie sacramentum aut ministretur aut suscipiatur: non autem peccato omissionis aduersus pœnitentiæ præceptum: unum excipio eucharistiæ sacramentum, quod qui in mortali sumit, duplex peccatum peccat: Alterum sacrilegij in eucharistiam, alterum omissionis in præceptum peculiare diuinum de præmitenda pœnitentia eucharistiæ sacramento: de quo in fine huius relectionis differemus.

Ad primum itaque argumentum respondetur, illam Diui Thomæ similitudinem inter præceptum restituendi, et præceptum deferendi peccatum, non per omnia quadrare. Qua in re Caietanus uidetur fuisse deceptus: primū enim rei alienæ restitutio, reuera fundatur in præcepto negativo, quo uetamur rem alienam inuito domino retinere, neque enim minus rei alienæ detractor est, qui eam apud se inuentam inuito domino detractat ac detinet, quam si furto suscepisset. Quo fit, ut ad obligationem restituendi iniusta acceptio impertinens sit: siue enim acceperim iniuste

iniuste per furtum, sine iuste per commodatum: simulatque inuito domino rem alienam usurpo, furti reus habeor, atque ex consequenti uiolator præcepti negatiui.

Rursus etiam, quotiescunque adest commoditas, rem alienam Domino suo restituendi, toties denuo pecco non restituendo: etiam si nullum actum positium habeam, quo rem alienam iniuste uelim apud me tenere. Satis enim est ad peccatum nouum usurpatio ipsa libera exterior rei alienæ, eo tempore quo oportebat eam domino red-
dere.

At, præceptum pœnitentiæ, per quam homo peccatum fugit et deserit, sicut et charitas, quæ radix et fundamentum pœnitentiæ est, re uera, quicquid Caietanus intelligat, præceptum est affirmatiuum: nec includit negatiuum, nisi quemadmodum, omnia affirmatiua dicuntur includere de actu contrario, ut præceptum charitatis secum habet annexum præceptum odij negatiuum: præceptum temperantiæ, negationem intemperantiæ: spes quoque desperationem, fides infidelitatem negat et prohibet, sic præceptum pœnitentiæ ex consequenti uetat, nequis impœnitens sit impœnitentia positiue contraria. Quò fit, ut non pœnitere propriè contra præceptum affirmatiuum sit, non negatiuum. Quocirca, tunc solum peccatum erit cum præcepto affirmatiuo fuerit aduersum: aduersatur autem, cum quis eo tempore pœnitentiam non agit, quo ex præcepto agere tenebatur: hoc est in articulo necessitatis: quemadmodum superius explicatum est.

Sed est tamen similitudo utriusque præcepti, et restituendi et pœnitendi proportionalis duplex. Prius quòd quemadmodum non dimittitur peccatum, nisi restituatur ablatum, ita quoque non dimittitur, nisi agatur pœnitentia. Posterius etiam, hæc duo præcepta in hoc assimulantur, quod sicut non restituere rem alienam iniuste detentam, habet malum statum peccatoris annexum, ita et non pœnitere de peccato commisso. Quo fit, ut siue hic siue ille, hoc est, uel qui non restituit, uel qui non pœnitet, in actum positium exeat. Alter, quo uult non restituere: alter, quo uult non pœnitere semper peccet nouo peccato: et

to: et quidem frequenter loquendo, (ut Theologos decet) in promptu patet, id quod diximus. Avarus enim prauè affectus aliena re detinenda, cum in mentem illi uenit aliena res: si in actum uoluntatis positum prodeat, quo uidelicet uult non reddere, ex consequenti, ut experimento constat, statum illum probat, et elegit in quo est: et qui non pœnitet simili ratione si peccata quæ fecit illi, occurrant, habeatque actum uoluntatis positum plerumque nihil aliud quam consentit: et probat statum peccati, quod ante commisit.

Quod si uolumus etiam rem hanc magis premere, sine dubio peccator cui peccata memoriæ occurrunt, nec pœnitet, si quem actum eliciat etiam pro tempore quo non teneatur pœnitentiam agere, semper peccat peccatum nouum. Illud siquidem obiectum uolitionis, qua uolo non pœnitere, etiam dum non teneor, nulla ratione honestari potest: cum actus oppositus, hoc est pœnitentia et contritio, omni tempore usque adeo bona et honesta sit, ut contrarius actus, quo pœnitere nolo, nullo unquam tempore honesti rationem habeat. Non assero tamen, esse peccatum mortale, uelle non pœnitere, tempore quo non teneor peccatum (inquam) mortale ex genere suo: est tamen ueniale, quia non habet obiectum honestum: actus uerò indifferentes schola nostra penitus reijcit. Hunc igitur insensum Diuus Thomas intelligendus est ut scilicet, homo statim teneatur, imò semper, pœnitere de peccato commisso: non positiuè dolendo: sed negatiuè, non complacendo: quo etiam sensu ipse idem loquimur tertia parte quæstione 84. articulo octauo, ubi secutus Augustinum libro, de pœnitentia, capite decimonono, et habetur, De pœnitentia distinctione tertia capite: Pœnitentia est, et Hugonem de S. Viçt. dicentem, quod Deus absoluens hominem à uinculo culpæ et pœnæ æternæ, ligat eum uinculo perpetuæ detestationis peccati, asserit, pœnitentiam etiam post remissum peccatum debere durare usque ad finem uitæ. Quod egregiè annotauit Caietanus in commentarijs supra eundem articulo: nam, quod post impetratam ueniam per primam contritionem, homo iterum at-

que

que iterum dolere teneatur, nulla ratione nititur nisi cum homo dubitat, an uerè fuerit contritus: tum etiam locum habet quod Isidor. tradit. secundo libro: De summo bo. Propitiatio Dei occulta est: sine intermissione flere necesse est.

Quem etiam in modum possemus explicare; quod in 4. sentent. distin. 17. dixit: hominem præcepto poenitentiae obligari, cum peccata memoriz occurrunt: tenetur enim non sibi ipsi placere in peccato commisso, quod occurrit. Quare, nisi actum suspendat (quod tamen rarum et difficile est) si non poeniteat, semper peccabit. Scio Caietanum huic ipsi loco ex 4. sententiarum aliter occurrere; legat qui uolet, nec enim eius intelligentia omnino pessima est.

Pro secundi uerò argumenti solutione notandum est; discrimen esse inter bona corporis, scilicet salutem et uitam corporalem, et bona animæ, hoc est, salutem et uitam spiritualem: quod illorum nō magis sumus domini, quam uitæ et salutis proximorum nostrorum: nam uitæ et mortis solus Deus sibi dominum reseruauit: posteriorem uerò bonorum unusquisq; dominus est; habetq; eandem libertatem potestatem, quam pecuniæ et reliquæ rei familiaris. Hoc autem discrimen, primum, ratione constat: sumus enim Domini eorum bonorum, quæ nostra diligentia, labore atque industria comparauimus: cum ergo bona spiritualia, hoc est, uirtutes quibus salus et uita animæ continentur, nostra libertate et industria interueniente nobis obueniat: nostro ea nobis iure uendicamus: nam et hoc titulo opifex quisque sui operis dominus est: uita autem corporis, naturæ donum est, non ingenio nostro, aut industria partum. Quocirca nihil mirum, si naturæ autor, huius rei dominium sibi assumpsit.

Quòd etiam bonorum spiritualium domini simus, testimonium illud Ecclesiæ confirmat; Deus ab initio constituit hominem, et reliquit illum in manu consilij sui: posuit ante illum uitam et mortem, &c.

Signo quoque manifesto hoc discrimen innotescit. Nam, si mortem mihi conscisco, non aliter contra præceptum illud,

PARS IIII. RELECT.

lud, Non occides, pecco: quàm si proximum interficerem. Item, si ex gula cibum aliquem sumo uitæ corpora li noxium, duplex peccatum pecco: alterum contra temperantiæ legem, alterum contra illud, quo teneor uitam corporalem seruare et meam et alienam, non tanquàm dominus, sed tanquam dispensator et custos. At uerò, si mortis spiritualis mihi causa sum, ea iactura mihi non imputatur. Quin si per fornicationem; gratiam, uirtutem, salutem, uitamque animi perdam, unicum fornicationis peccatum agnoscitur. Quo uno argumento satis liquet bonorum spiritualium nos esse uerè dominos, non dispensatores: quando horum dissipatio nobis non imputatur ad specialem culpam.

Ex hoc etiam discrimine ratio patet, cur uolenti se occidere corporaliter quisque priuatus uim possit inferre: cogereque uel inuitum, ne se occidat, quam tamen uim uolenti se spiritaliter interficere non licet inferre: nisi is, qui infert, superior autoritate et potestate sit. Cuius differentia (ut reor ego) non alia causa est nisi quodd uitaæ suæ corporalis nemo est dominus. Vnde, sicut uolenti alium occidere, uim inferre quilibet potest, ut impediatur; ita et seipsum interimere uolenti. At, cum uitaæ spiritualis unusquisque sit dominus: iniuriam illi feceris, si uim attuleris non aliter ac si Domino pecuniarum pecunias suas etiam prodigè consumenti manus ad impediendum iniicias uiolentas.

Hiscæ agitur explicatis, facilè patet, consequentiam illam non ualere: non enim, si statim uitaæ corporali, siue proximi, siue meæ teneor succurere; statim quoq; teneor uitaæ spirituali mederi, præsertim meæ, cuius sum Dominus. Certè, si salutis corporalis liberum dominum haberemus, qui quartanam febrem, quum protinus sanare posset, ad duos usque annos differret, mortaliter non peccaret. Nunc autem, si quis, uel in se, uel in alio grauem aliquem morbum, quem pellere illico posset, ad longum tempus protraheret, nescirem equidem excusare à peccato mortali.

Ad tertium negatur item consequentia: nec enim ego
antece-

antecedens (quod nonnulli faciunt, negare possum. Scio quidem, latitudinem quandam esse in ea temporis celeritate; quam homini ad compensandam iniuriam proximo illatam præstitimus. Sed, qui proximum læsit in honore, uel fama, si habens opportunissimam opportunitatem iniuriam compensandi negligit, et ad finem uitæ referuat; non existimo tam temerarium et inconsultum theologum esse futurum, ut illum per quinque etiam annos cessantem et torpentem excuset; certè Christus non excusaret; an theologi debeant, ipsi uiderint. Consequentiam igitur ego nego, quia compensationem iniuriæ factæ proximo, non solum propter nostras utilitates, uerum (ac multo etiam magis) propter utilitatem eius, cui iniuria facta est, legislator exegit. At, compensatio iniuriæ, quæ Deo per peccatum fit, non propter Dei commoditates, sed propter nostras exigitur; quippe, cum compensationis nostræ Deus non indigeat, nos egeamus. Quo fit, ut bona sua Deus in hac parte pro nostris habeat. Vnde ad eandem legem postulat, quæ illi debemus, et quæ debemus, nobis ipsis; nec arctiore uinculo satisfactionem efflagitat iniuriæ suæ, quàm remedium salutis nostræ. Tum ergo, tenemur Dei compensare iniuriam, cum bona nostra spiritualia diligere tenemur, inque necessitatis articulo procurare.

Ad quartum, (quoniam præcedentis argumenti confirmatio ex dictis facilè soluitur) non desunt, qui antecedens inficiuntur; eo quòd apud August. lib. i. de Ciuitat. Dei, cap. 9. correctionem fraternam in aliud tempus commodius reseruare licet. At hi (bona uenia me audietis) D. Augustini intelligentiam non assequuntur; nusquàm enim Augustinus credidit, ubi se offert magna commoditas corripiendi fratrem, hoc est, cum id fieri potest nulla mea iactura, multa fratris commoditate, licitum esse pro meo arbitratu, correctionem fraternam in alium annum remittere, ubi expectetur uel æqua commoditas, uel etiam maior. Sed id sentit prudentissimus autor; Cum correctio sine iactura mea fieri non potest, differri non potest, differri nonnunquam posse in tempus, ubi commodius si-

ne iactura mea fiat. Cum igitur interior pœnitentia ubique gentium, et omni tempore fieri commodissimè possit, si non licet liberationem proximi differri commodissimè potest, ergo nec nostram. Sed nego tamen consequentiam; quia bonorum spiritualium proximi mei custos sum, non dominus; idcirco illum mox eripere teneor, et uiuificare, si possum; meipsum non mox teneor etiam si possum. Commoditas præterea ad corripiendum fratrem, non semper, et ubique parata est; idcirco, quando se offert lex, præcipit ut arripiatur. Commoditas autem eripiendi nos, omni tempore et loco est in promptu. Quare, noluit nos suauissimus legislator semper obligare, quotiescunq; opportunitas adesset; ne nos innumeris peccatis inuolueret. Ac re uera (utcunq; opinemur) negare non possumus, inter bona proximi et nostra, longum esse interuallum. Nam bouem proximi, aut ouem iacentem leuare teneor, et seruare: si possum, bouem meum, aut ouem non item; nisi res esset ad uitam meam conseruandam necessaria, tunc enim, sicut nec uitæ, ita nec illius rei, sine qua uita non degitur, liberam habeo facultatem. Sic ergo et bona spirituali proximi mei, etiam extra mortis æternæ periculum curare teneor: mea non perinde; nisi cum articulus necessitatis propriæ spiritualis occurrat, hoc est periculum mortis æternæ.

Ad testimonium uerò Gregorij, quod ibi subiungitur, fateor equidem, quod, si quis periculum proximum et certum in se uideret incidendi in nouum peccatum mortale, nisi antiquum aboleret, teneretur tunc temporis pœnitentiam agere. Quemadmodum enim, qui ex assidua consuetudine iurandi intelligit, se in eo periculo constitutum, ut facilè exeat in periurium, obligatur consuetudinem illam retractare, per quã in periculo deierandi constituitur; sic qui ex assuetudine peccandi cognoscit, se ad aliud, atque aliud peccatum trahi, nec tentationibus quotidianis sine ingenti periculo posse resistere, uidetur proculdubio teneri ad illum statum deferendum. Et hinc patet quid ad Leonis Papæ uerba dicendum sit. Id uerò, quod ex Ecclesiastico additur, consilium saluberrimum est,

est, non præceptum. Consilij autem ratio redditur: ne fortè subito præoccupati hora mortis, quæramus spatium poenitendi, et inuenire non possimus.

Nam quinti argumenti concedo primum consequens, si nihil aliud ibi significetur, quàm non esse peccatum poenitentiam differre: sic enim interim solemus appellare licitum, quod peccatum non est: Sed cum rursus colligis: ergo uelle differre licitum est: nego consequentiam: nam talis uolitio non habet bonum obiectum, ut ante diximus, non eslim ijs sumus, qui admittamus, aliquem actum esse licitum, qui meritorius esse nequeat: imò ne bonus quidem moraliter: quod nonnulli libera fronte concedunt. Ergo, cum tandem obijcit. Quod licet facere, licet uelle, bene dicis, si quod dicis, attendis. At poenitentiam differre, non est facere, sed, non facere: non autem statim licet, uelle non facere, quæ non facere licitum est, id est, quæ si non feceris, non peccas uerbi gratia, non leuare scuticam, illicitum non est: at uelle non leuare, si nullum finem honestum apponas, ociosum, ac proinde illicitum est. Item, non facere bonum interdum licet, uidelicet, cum nō teneor, at, uelle non facere, quod retrò etiam diximus, nulla ratione honestari potest.

Ad sextum argumentum. Licet præceptum negatiuum generale sit, ne simus inimici Dei per actum, quo inimicitia contrahatur: at, ne simus inimici Dei secundum reatum, nullo negatiuo præcepto sumus astricti. Sicut enim de amicitia habituali Dei, nullum præceptum affirmatiuum est: sic de inimicitia, quæ secundum reatum est, quasi habitualis, nullum est negatiuum, omnes siquidem leges, actus, uel præcipiunt, uel prohibent, non habitus. Et cum obijcitur: Velle esse Dei inimicum secundum reatum etiam, est intrinsecè malum, fateor id quidem, quia, ut uolitio mala sit, satis est obiectum esse malum, siue secundum actum, siue secundum reatum, nam qui positiuè uult habitum habere uitij, uel etiam esse reatu malus, consentit in rem, quæ rectæ rationi aduersatur, imò ad eò implicitè consentit in culpam sine qua nec habitum uitij habere, nec reatu malus esse potest, non tamen proinde se-

quitur, quòd sit præceptum de non perseverando in peccato: sed solum, ne uelimus malum: quod cum recta ratione pugnat. Atque (ut uno uerbo dicamus) uelle Dei inimicitiam, directè charitati aduersatur, at, non uelle amicitiam eo, scilicet, tempore, quo non teneor uelle, charitati non repugnat: Quare, negatur consequentia.

Ad ultimum: Quauis sciam ego, Scotum et Gabr. in 3. di. 37. Angelum in uerbo. Feriæ, Nider. in suo præcepto. Florentinum parte. 2. tit. 9. asseruisse, in diebus festis, maximè dominicis teneri homines ad diligendum Deum super omnia; ac proinde, si in peccato sint, ad habendam contritionem: sed, quoniam ignoro, unde ad hanc opinionem doctores illi uenerint, liberè possum, quod non satis exploratè perceptum sit et cognitū, sine ulla dubitatione negare. Nam, sicut, esse plures mundos naturalis ratio negat, quoniam plures esse ratio nulla naturalis probat: sic peccati mortalis obligationem rationabilissimè, ubiquè negabimus, quoties idoneis argumentis non asseritur. Nam illud imbecillum est, quod subiungitur: cum ex D. Thomæ et grauiorum autorum sententia ad finem legislatoris minimè teneamur, sed ad media, quæ lex, finis gratia consequendi, præscribit. Non enim, si finis præcepti charitas est, tenemur protinus omnia præcepta legis implere ex charitate, nec, si lex iubet. Quadragesimæ reuiuium, ut mens eleuetur in Deum, astringimur proinde ex eius præcepti uigore, mentem in Deum eleuare. Quod uerò dicitur, tenendam esse mentem legis non uerba: sit ita sanè, sensum enim legis amplectimur, non sonum uerborum, credimus nanq; , legem in eo sensu accipiendam, quem per uerba legislator efficere uoluit.

Iam, illud, quod ex Leuitico affertur, nullius est momenti. Primum, quoniam Lex uetus abolita est: nec nos obligat, nisi ea parte, qua legis naturæ præcepta continebat. Deinde, quoniam lex de certo quodam die loquebatur, quod festum Propitiationis erat: ubi sacerdos semel in anno peculialiter pro peccatis populi orationem fundebat ad Deum, atque hostias offerebat ut quod nunc Ecclesia facit. semel in anno obligans ad pœnitentiæ sacramen-

tum:

tum: tunc in uetere illo populo præsignaretur. Non erat autem lex, quæ singulis festis et sabbatis hanc animi afflictionem præscriberet. Ac mihi uideor satis de poenitentiae uirtute differuisse. Proximum est, ut de poenitentiae sacramento differamus: uideamusq; iam ea, quæ sequuntur. Primum, an poenitentiae sacramentum sit ad salutem necessarium: deinde, an de poenitentiae sacramento præceptum sit. Hæc enim ex mea partitione restant duo de quibus accuratius differendum puto: quoniam utraq; disputatio, et ad agnitionem sacrarum literarum pulcherrima est, et ad componendas multas scholasticas concertationes necessaria.

Q V I N T A P A R S.

QUOD igitur poenitentiae sacramentum non sit fidelibus ad salutem necessarium, primum suadet ex eo, quod post baptismum qui in peccatum inciderit, non potest per poenitentiam reparari, ut Apostolus ad Hæbr 6 uidetur affirmare, cum ait: Impossibile est eos, qui semel sunt illuminati, et participes facti sunt Spiritus sancti et prolapsi sunt, rursus renouari ad poenitentiam: et cap. 10. Voluntariè peccantibus nobis post acceptam notitiam ueritatis iam non relinquitur pro peccatis hostia: terribilis autem quædam expectatio iudicij, et ignis æmulatio, quæ consumptura est aduersarios.

Præterea, à præciso sacerdote non possumus etiam in mortis articulo hoc sacramentum sumere, ut D. Thom. autor est. Liceret autem si esset ad salutem necessarium: cum ob id ab hæretico, et schismatico sacramentum baptismi licitè suscipiamus.

Præterea, Deus non deficit in supernaturalibus necessarijs; sicut nec natura in necessarijs; deficit, si ergo sacramentum hoc ex diuina institutione esset medium ad salutem necessarium; certè prouidisset Deus de ministro in articulo mortis. Quare iure diuino quilibet sacerdos quælibet tunc temporis posset absolueret; sicut et baptizare

tunc quilibet quemlibet potest. Quocirca talem Ecclesia potestatem sacerdotibus simpliciorum adimere non ualeret, quod absurdum est.

Præterea. Si sine hoc sacramento non constaret salus; ergo summo pontifici uia salutis non pateret, cum nullum habeat in terra superiorem et iudicem. At minister huius sacramenti iudex et superior est; poenitens inferior, ac iudicatus; non igitur est hoc sacramentum de necessitate salutis.

Præterea, Si hoc sacramentum necessarium esset, id maxime ex uerbis thematis. Nisi poenitentiam habueritis, &c. Sed inde non probatur: pari enim ratione ostenderetur, sacramentum Eucharistiæ esse ad salutem necessarium; cum in eundem modum dicat Dominus, Nisi manducaueritis carnem filij hominis, &c.

Præterea. D. Chrysostomus homilia in Psal. 50. secunda, Peccata tua (inquit) dicito, ut deleas illa, si confunderis alicui dicere, quia peccasti; dicito ea quotidie in anima tua, non dico, ut confitearis conseruo tuo; dicito Deo, qui curat ea. Et in oratione de beato Philogonio, Ego testificor, (ait) ut, si quisque nostrum recedens à pristinis malis ex animo uereque promittat Deo, se postea nunquam ad illa redditurum; nihil aliud Deus requirat ad satisfactionem ulteriorem. Idem in sermone De poenitentia et confessione; et homil. 20. in Genesim; et super epistolam ad Heb. homil. 31. referturque à Gratiano de poenitentia. di. 1. cap. Quis aliquando; et a Magistro in. 4. dist. 27. Igitur sacramentum confessionis, et absolutionis sacerdotalis non est ad salutem necessarium.

Et confirmatur; quia Nectarius episcopus Constantinopolitanus, Chrysostomi antecessor, abrogauit confessionem, quæ sacerdotibus fit, ut libro. 9. historię tripartitæ cap. 35. Sozomenus refert, non autem uir sanctus abrogaret, si sacramentum confessionis esset ad salutem necessarium. Et confirmatur rursus; quia apud Græcos post illa tempora confessio, quæ sacerdoti fit, reiecta est atque abolita; non erat ergo medium necessarium ad salutem, aliàs; exinde, nullus Græcorum salutem fuisset consecutus,

tus, quippe (ut ante docuimus) in medijs ad salutem necessarijs nemini ignorantia patrocinetur; ut sine illis æternam salutem possit adipisci: quæ est ratio glossæ de pœnitentia, dist. 5. statim à principio: ubi tenet, confessionem esse institutam ex Ecclesiæ traditione, potius quàm ex noui testamenti autoritate. Idem tenet Panor. super caput. Omnis utriusque sexus, de pœnitentijs et remissionibus. De quoque Bonaventura dist. 17. quarti sententiarum, quæst. 3. art. 3. asserit, confessionem non esse institutam à Christo sed ab Apostolis, non ergo ita grauis est error, negare confessionem sacramentalem apud sacerdotes esse ex diuino iure ad salutem necessarium.

In contrarium est. Di. Thomas. 3. p. q. 84. art. 5. ubi ex uerbis Thematis colligit, pœnitentiæ sacramentum esse ad salutem necessarium. Quemadmodum enim de baptismo instituendo dominus loquitur, cum ait, nisi quis renatus fuerit ex aqua et spiritu sancto, &c. ita et de pœnitentiæ sacramento, quod erat instituturus, uidetur loqui, cum dicit. Nisi pœnitentiam habueritis, &c.

In huius controuersie explanatione ponenda mihi sunt fundamenta quædam ad futuram fabricam constituendam necessaria.

Primum est, Pœnitentiam exteriorem, in qua sacerdos pœnitentem à peccatis absoluit, esse sacramentum. Hoc fundamentum primi Nouaciani euertere uoluerunt, negarunt enim sacerdotes per absolutionem peccata remittere: atque ex consequenti negarunt pœnitentiæ sacramentum: quod utiq; nullum est, si remissio peccatorum in eo non est. Aduersus quos disputat Ambros. lib. 1. De pœnitentia, cap. 2. et 6. et 7. Hos Vuiclephistæ postea secuti sunt (ut autor est Thomas Vualdenfis lib. De sacramentis, cap. 135.) negauerunt enim etiam ipsi, sacerdotes uerè absolvere pœnitentes. Quæ tamen est aperta hæresis. Primum, ex cap. Ad abolendam, extra. De hæreticis: ubi Lucius tertius, Vniuersos (inquit) qui de sacramento corporis et sanguinis domini nostri, uel de baptismo, seu de peccatorum confessione, uel reliquis ecclesiasticis sacramentis, aliter sentire, aut docere non me-

tuunt; quàm sacrosancta Romana Ecclesia prædicat et ob-
seruat, uinculo perpetui anathematis inuodamus.

Deinde, ex Concilio Florent. sub Eugenio 4. in decre-
to super unione Armenorum, ubi pœnitentia numeratur
inter reliqua nouæ legis sacramenta. Item ex Concilio
Tridentino sess. 7. Can. 1. De sacramentis in genere.

Præterea, ex capite firmiter: ubi definitur, quod Iesus
Christus clauēs Ecclesiæ commisit Apostolis, eorumque
successoribus; clauis autem a catholico intelligitur pote-
stas aperiendi regnum cœlorum, ac proinde absoluendi à
peccatis: per quæ regnum cœlorum peccatoribus claudi-
tur. Nec huiusmodi intelligentiam aliunde quàm à Chri-
sto Domino accepimus: qui Matthæi 16. cum clauēs Pe-
tro pollicitus esset, explicans euestigiod; quidnam ipsi pol-
liceretur. Quodcumq; (inquit) solueris super terram, erit
solutum et in cœlis.

Communis quoq; Ecclesiæ consensus id confirmat, quæ
est columna et firmamentum ueritatis: (ut dicitur. 1. ad
Timoth 3.) Credunt autem omnes fideles, cum peccata
sua sacerdotibus confitentur, et ab eis percipiunt absolu-
tionis formam; remissionem quoque peccatorum simul
percipere. Merito igitur Cōcilio Constantiensi præsidens
Martinus quintus in bulla condemnationis Ioannis Vui-
cleph definit, quod sacerdos potest peccatorem confessum
à peccatis absolvere: et quod sacerdos, etiam malus,
cum intentione faciendi, quod facit Ecclesia, uerè absol-
uit.

Suppetunt etiā sacrarum literarum testimonia ad hu-
ius rei confirmationem: ut illud (quod Ambrosius addu-
cit) Matth. 16. Tibi dabo clauēs regni cœlorum; et quod-
cumq; solueris super terram erit solutum et in cœlis. Item
illud. 2. ad Corint. 2. Si quod donastis, et ego: nam et quod
ego donauī propter uos in persona Christi. Et cum sa-
cerdotes in baptismo abluant à peccatis, eo quod baptis-
mi ministerium illis commissum est, pari ratione et in pœni-
tentia. Quid enim interest (Ambrosi: ait) utrum per Pœ-
nitentiam, an per lauacrum hoc ius sibi datum uendicent
sacerdotes? Nempe unum in utroq; ministerium est. Nam

ut illis

ut illis dictum est Matth. ultimo, Baptizate omnes gentes, &c. Ita Ioannis 20. Dominus ait; Sicut misit me pater, et ego mitto uos: accipite spiritum sanctum: quorum remiseritis: premittuntur eis: et quorum retinueritis, retenta sunt. Si ergo acceperunt sacerdotes potestatem remittendi peccata, et eam exercent absoluendo confitentes peccata sua, sine dubio signa illa sensibilia sunt sacramentum.

Secundum fundamentum. Hæresis est negare sacramentum poenitentiae esse iudicium quoddam ex Christi institutione, hoc est, sacerdotes remittentes peccata, esse ueros iudices à Christo domino constitutos. Decipiuntur enim nonnulli existimantes confessores esse iudices arbitros, habentes, uidelicet, potestatem ex electione iudicandorum. Quod profectò errant in media luce. Nam potestas remittendi peccati sacerdoti à peccatoribus conferri non potuit, sed à solo Christo, cuius sunt iudices delegati.

Præterea. Claues non conferunt sacerdotibus ipsi peccatores: sed ipse Dominus Iesus Christus contulit eas apostolis, eorumque successoribus: ut in ca. Firmiter, De summa trinitate definitur. Potestas ergo soluendi atque ligandi peccatores à Christo domino sacerdotibus collata est.

Præterea. Manifestissimè hæc res ostenditur ex illis uerbis iam citatis. Sicut misit me pater, et ego mitto uos, quorum remiseritis peccata, remittuntur eis, &c.

Sunt ergo iudices à Christo, constituti, a quo acceperunt potestatem peccatores iudicandi. Quod si princeps, qui haberet à Cæsare potestatem delegandi, diceret cuiuspiam. Sicut misit me pater, et ego mitto te: quorum remiseris delicta, &c. Non dubitaremus eiusmodi hominem esse à principe filio Cæsaris iudicem delegatum. Cum igitur filius Dei, homo Christus Iesus, cui omne iudicium datum est, omnisque potestas in cælo et in terra, dixerit Apostolis, sicut misit me pater &c. ambigi nulla ratione potest, eos esse iudices peccatorum à Christo Domino constitutos.

Præterea. Ecclesiæ consuetudo apertissime indicat, penitentia sacramentum exerceri iudicialiter: est enim ibi reus et accusator, est sententia, est poena iniuncta: Sed hæc potestas, quam exercent sacerdotes, in sacramento est à Christo (ut probatum est) ergo ab eodem instituti sunt iudices.

Ad hæc, in Concilio Florentino definitur, quod minister huius sacramenti est sacerdos habens auctoritatem absoluenti, uel ordinariam, uel ex commissione superioris. Ergo si iurisdictionis potestas in ministro huius sacramenti requiritur: iam palam fit, sacramentum hoc esse iudiciale ex institutione Christi. Nam sicut pastores ouium Christi non sunt pastores ab ouibus, sed à Christo, Ioan. 21. Pasce oues meas: ad Ephes. 4. Ipse dedit quosdam quidem Apostolos, alios pastores, &c. Ita non sunt iudices ouium, ob ouibus; sed à Christo, nam quibus commisit, ut oues pascèrent, commisit simul, ut de ouibus iudicarent.

Tertium fundamentum. Non possunt iudices constitui à Christo iudicare de peccatis, nisi ea cognoscant. Hoc lumine naturali manifestum est, nisi enim ignorent delicta iudicanti, ignorare necesse est, utrum soluere debeat, an ligare; remittere, an retinere. Quare, siue absoluat, siue retineat, utraque sententia erit imprudens.

Item, quia, uel iudex delegatus aliquam poenam iniungit pro delicto, uel nullam, si nullam, iniquus est minister iustitiæ, si aliquam, imprudentissimus est, quamlibet iniungendo sine cognitione delicti.

Nam et æquali poena inæqualia crimina uindicabit et æqualia inæquali. Cum igitur Christus non instituerit iudicium absurdum, et imprudentia plenum: certe, instituendo iudices, pariter instituit, ut delictorum haberent cognitionem, ne turpiter in iudicijs aberrarent.

Quartum fundamentum. Omnium peccatorum tam publicorum quam occultorum, tam exteriorum, quam interiorum, sacerdotes constitui sunt iudices. Patet ex uniuersali sermone. Quorum remisistis peccata remittuntur eis &c. Ioannis. 20. Et Matth. 16. Tibi dabo clauis regni cœlorum, et, Quodcunque solueris, &c. Alioqui to-

ta Ecclesia seduceretur; quæ putat se accipere etiam remissionem delictorum occultorum, quæ sacerdotibus confitetur. Seduceretur (inquam, si non accepissent potestatem remittendi cum publicis etiam occulta peccata.

Præterea. Si Christus de solis exterioribus loqueretur: ergo per absolutionem sacerdos remitteret solum exteriora peccata, et non interiora, quare dimidiatam ueniam præstaret, (ait enim) Quorum remisistis remissa sunt, et Quorum retinueritis retenta sunt.

Quintum fundamentum, Pœnitentiæ sacramentum tres partes habere, contritionem cordis, confessionem oris, satisfactionem operis. Quæ uidelicet quasi materia sunt huius sacramenti. Nam uerba absolutionis sacerdotalis, forma sunt, qua hoc sacramentum perficitur.

Nec me clàm est. Scotum in 4. distin. 14. quæst. 4. et distin. 16. quæst. 1. id negare, quod nos tanquam fundamentum iacimus, credit enim solam absolutionem sacerdotis, esse integrum pœnitentiæ sacramentum, quia sola (inquit) ea significat gratiam: solaquæ proinde gratiam præstat. Durand. etiam in eadem erroris nauis uersatur. Quatuor de causis dixit, contritionem et satisfactionem non esse huius sacramenti partes. Primam posuit, quod forma, id est, absolutio, non applicatur nisi confessioni: ergo sola cōfessio est materia, cui, scilicet, soli forma tota adiungitur, nam et rei artificialis materia ea est integra, cui forma integra artis adhibetur. Alteram, quod contritio non est signum sensibile, res autem sensibiles sacramentorum materiæ sunt. Tertiam, quod attritione sola uerum, atque integrum conficitur sacramentum, quod si contritio esset huius sacramenti pars, non posset alia loco illius subrogari. Quartam causam esse, eamque uel maximam: quod satisfactio sit posterior tempore, quam absolutio sacramentalis: ergo non est de integritate sacramenti, nec enim est totum successuum, sed permanens: quod suas omnes partes simul habere necesse est: cuique iam existenti, si posterius tempore quicquam contingat, non est pars: sed accidens rei, et confirmatur, quia tanta potest esse contritio, ut tota pœna remittatur: erit ergo tunc satisfactio
super-

superflua, quare non est pars, nunquam enim pars suo toti superuacanea est. At uerò omnia hæc commentitia sunt, nec possunt fundamentum quod iecimus infirmare, habetur enim ex Concilio Florentino, cuius auctoritatem Theologi sanè tenere debemus: in Concilio siquidem Florentino definitur: omne sacramentum materia formaque constare: et postea. Quartum (inquit) sacramentum est pœnitentia, cuius quasi materia sunt actus pœnitentis: qui in tres distinguuntur partes, cordis contritionem, oris confessionem, operis satisfactionem, forma autem, sunt uerba absolutionis: hætenus Concilium Florenti, Et Concilium Trident. sessione. 6. cap. 14. docendum est (inquit) Christiani hominis pœnitentiam, quam secundam tabulâ post naufragium sancti partes aptè nuncupauerunt, non solum continere cessationem à peccatis, et corâ detestationem, uerumetiam: eorundem sacramentalem confessionem: itemque satisfactionem. Hæc Synodus Tridentina. Ratio quoque, in promptu est. Quia cum pœnitentiæ sacramentum, quoddam iudicium sit: eius integritas ex his omnibus constat, sine quibus integrum iudicium non est. Sicut et processus iudicialis multis actionibus continetur, uidelicet, accusatione, testimonijs, confessione ipsius rei, sententia iudicis, &c. Omnia hæc enim ad integrum iudicium requisita sunt.

Contritio itaque pars huius sacramenti est, quatenus est ratio exterioris confessionis: ut uidelicet confessio non ficta sit, sed uerus pœnitentiæ actus. Et indicere multam, atque eam executioni tradere, ad integritatem iudicij pertinet. Siquidem non est perfectum iudicium, quo absoluitur reus à culpa: nisi pœna, per sententiam indicta, executioni tradatur. Quapropter, satisfactionem à sacerdote iniunctam, sacramenti iudicialis partem esse, negare nullo modo debemus.

Ad argumentum uerò Scoti, non est difficile inficiari solam absolutionem gratiam conferre. Nam, sicut in iudicio fori exterioris, si quis per legitima testimonia et suam confessionem absoluitur, omnia hæc sunt uerè causa illius absolutionis, licet iudicis sententiam ut præcipuam causam

causam spectemus: ita quoque in foro conscientie interiori princeps quidem causa absolutionis, sacerdotis sententia est, sed ratio tamen et causa concurrens, ut rite poenitens absoluator, testimonium illud etiam fuit, quod aduersum se poenitens dixit (sive accusationem uocare malis) qua se accusauit. Vnde patet error glossæ; de poenitentia distinctione prima cap. primo. dicentis nec cordis contritione, nec oris confessione peccata dimitti; sed tantum gratia Dei. Nam in omnibus alijs sacramentis, non solum forma, sed etiam materia est causa instrumentalis, qua Deus utitur ad remittendum peccatum: aqua enim baptismi, nendum forma uerborum corpus tangit, et cor abluit, ut Aug. asseruit. Quod idem in cæteris sacramentis inducere possumus. Cum ergo tam contritio, quam confessio partes sint huius sacramenti: consequens sit, ut gratiæ causa etiam existant.

Ad primum uerò argumentum Durandi respondetur. Non omnes partes integrales eiusdem rationis esse, etenim, (ut modo dicebamus) in iudicio prophano, aliter est pars confessio rei, aliter testimonium tertium, et aliter multa à iudice inflicta pro culpa commissa. Et licet per sententiam quis absoluator à morte, et absolutio delicto applicetur, quod morte non erat dignum: si tamen iudicatur à iudice pecuniaria multa, illius executio spectat ad iudicij integritatem: licet absolutio non adiungatur, et ideo Diuus Thom. 2. par. quæstione. 90. articulo secundo, docuit, has tres partes materiam appellari sacramenti: quia partes, ex quibus integratur totum. habent se, ut materia. Et Concil. Florentinum, non dixit huius sacramenti materiam esse actus poenitentis: sed, quasi materiam.

Ad secundum respondet D. Thomas, (est enim primum argumentum illius secundi articuli) quod contritio uirtutaliter pertinet ad exteriorem poenitentiam, in quantum implicat propositum confitendi et satisfaciendi. Contritio siquidem (ut rectè Caietanus admonuit) non quomodocumque est pars huius sacramenti: sed quatenus refertur ad clauis Ecclesiæ; habet enim pars, in eo quod pars, ordinem

dinem ad totum, et ad reliquas partes. Sic ergo contritio accepta, includit voluntatem compensandi delictum ad arbitrium sacerdotis; qua consideratione initium est et ratio exterioris pœnitentiæ. Constat autem, interiores actus hoc modo ad exterius iudiciũ pertinere, aliter enim iudicatur offendens ex odio, aliter offendentes ex ira. Compensatio item pœnitentiæ, nisi sponte fiat à reo, non est reconciliatiua. Quare uelle compensare delictum, quod in contritione clauditur, est prima huius iudicii pars, quod est non solum uindicatiuum, sed conciliatiuum. Non igitur oportet, quamlibet partem huius sacramenti esse sensibilem, sed satis est, si sit ratio, quare aliæ partes sensibiles ad hoc sacramentum et iudiciũ pertineant. Itq; eò magis, quòd hoc forum interius est, quo nihil uetat, actus etiam interiores referri.

Ad tertium, primò dicitur: quòd nomine contritionis in præsencia complectimur attritionem, significamus enim dolorem de peccato cum proposito cauendi in futurum. Nec id nos somniamus, sed ipsum Conciliũ Florentinum ita nomen contritionis explicuit. Deinde respondetur, quòd contritio ponitur pars sacramenti, quia est certa et indubitata materia. Quod autem attritio sufficiat, quonuis uerum sit, non est tamen adeò certum et indubitatum, et ideo Conciliũ Florentinum communisque sententia, tenens certum, reliquens incertum, ponit contritionem, partem esse huius sacramenti.

Ad quartum. Nego consequentiam capilli enim et ungues partes hominis sunt: nec tamen simul cum homine nascuntur, accusatio quoque, reuocatio, sententia iudicis, solutio pœnæ cum non sint simul sunt tamen de integritate iudicii. Breuiter In omnibus, cuius partes quædam successionis ordinem habent, non oportet partes integrantes simul esse. Ad confirmationem uero facile dicitur: quòd cum sacramenta per homines administrantur, quibus illa grandis contritio consistere nequit, an idonea sit ad integram pœna remissionem, semper opus est satisfactionem iungi; sine qua sacramentum quidem esse potest, sed sine qua tamen mancum, et imperfectum est.

Quem-

Quemadmodum nec quodcunque aliud iudicium, in quo
 reus sine multa absolueretur. Nam et homo sine
 digito poterit esse: sed erit tamen incommodè sine digito.
 Nec nos asserimus, quamlibet satisfactionem esse parrem
 huius sacramenti. Satisfactio quippe, quæ ex arbitrio po-
 nitentis proficiscitur, nec est pars iudicii sacramentalis,
 nec habet ordinem ad Ecclesiæ claves. Vnde Concilium
 Florentinum, Tertia (inquit) pars est satisfactio pro pec-
 catis secundum arbitrium sacerdotis. Quintum igitur fun-
 damentum (ut cætera omnia quæ posuimus) cum firmum
 sit, nihil aliud superest, nisi ut quæstioni propositæ respon-
 deamus.

Prima igitur conclusio sit. Non est necessarium ad sa-
 cramentum, sacramentum poenitentiae in re susceptum, hoc est,
 potest aliquis saluari, etiam si re ipsa non suscipiat hoc sa-
 cramentum, ubi non est facultas suscipiendi. Ac loquor
 etiam de eo, qui peccauit mortaliter post baptismum. Id
 definit imprimis Leo Papa in epistola ad Theodorum Epi-
 scopum, num. 69. Si autem aliquis (ait) quocunque inter-
 ceptus obstaculo, à munere indulgentiæ præsentis excide-
 rit, et priusquam ad constituta re media peruenierit, tempo-
 ralem uitam humana conditione finierit: non necesse est
 nobis eorum, qui sic obierint, merita discutere, cum Do-
 minus Deus, quod sacerdotale ministerium implere non
 potuit, suæ iustitiæ reseruauerit, loquitur autem de poeni-
 tentiæ sacramento.

Item Baptismus non est necessarius in re susceptus: sed
 satis est in uoto, si haberi aliter nequit: ergo nec poeni-
 tentia. Antecedens probatur ex Augusti lib. 4. de Baptis-
 mo contra Donatistas ca. 22. ex Ambrosio de obitu Valenti-
 niani ad Theodosium, ex Bernardo epistola septuagesima
 septima ad Hugonem, ubi id eruditissimè common-
 strat ex Innocentio de Baptismo, capite debitum et De
 presbitero non baptizato. cap. 2. Sed et de poenitentia dist.
 prima cap. Poenitet et di. 6. ca. Qui uult, refertur testimo-
 nium Augustini, ex lib. De uera et falsa poenitentia, cap.
 10. et 12. et 26. quæsti. 6. capite. Si aliquis: refertur in
 idem testimonium Concilij Ephansenis. Nonnulla uerò
 capita

capita eiusdem causæ et quæstionis, quæ in contrarium obijci solent, faciliora sunt, quàm quibus à nobis sit respondendum. Illud uerò, quod dominus ait; Quorum retinueritis, retenta sunt, Ioan. 20. eandem intelligentiam habet, quàm et illud. Nisi quis renatus fuerit ex aqua &c scilicet, quum adest facultas, nam, cum deest, sufficit uotum suscipiendi huiusmodi sacramenta, quæcunq; dicuntur adultis ad salutem necessaria.

Secunda conclusio. Sacramentum pœnitentiæ est medium ad salutem necessarium peccatoribus baptizatis in hunc sensum, ut sit necessarium in re, si facultas adest: si non adest sit necessarium in uoto. Hanc conclusionem probat Diuus Thom. 3. par. quæst. 65. articulo. 4. et quæst. 84. articulo 5. Quia peccator non saluatur nisi applicetur ei passio Christi, uel in re, uel in uoto. Non est enim aliud nomen sub cælo, in quo nos oporteat saluos fieri Actorum. 4. Passio autem Christi applicatur in sacramentis. In baptismo quidem, his qui ante baptismum peccauerunt, in pœnitentia uerò, his, qui peccauerunt post baptismum.

Deinde probat. Quia ægroti, nisi per aliquod remedium salutis, sanari non possunt. Matth. 9. Non est opus ualentibus medico, sed malè habentibus. At pœnitentiæ sacramentum est medicina salutis: ut ante nobis demonstratum est.

Tertiò probat Diui Hieronymi testimonio in commentariis super. 3. caput Esaia, et in epistola ad Demetriad. De uirginitate seruanda dicentis, secundam tabulam post naufragium esse pœnitentiam: nam primam tabulam baptismum uocat: patet faciliè legenti. Idem asserit Ambros. ad uirginem laps. cap. 8. et Tertulianns in libro. De pœnitentia. Confirmatq; Tridentinum Concilium, sessio. ne. 6. cap. 14. inquit, pœnitentiam, secundam tabulam post naufragium, sanctos patres aptè nuncupauisse. Ne quis autem hanc esse Diui Thomæ mentem possit ambigere, legat libri quarti aduersum gentes capitulum septuagesimum secundum.

Eandem quoq; conclusionem tenuit Thomas Vualden. libro

libro de sacramentalibus titulo. 8. cap. 78. citatque Originem in eandem: qui homilia 10. super numeros, Laicus, si peccet (inquit) ipse suum non potest auferre peccatum: sed indiget sacerdote; ut peccatorum remissionem possit accipere: et cap. 69. docet Vualdens. Ioannem Vuicleph oppositum huius conclusionis tenuisse: quem secuti Lutherani negant, ad salutem esse hoc sacramentum necessarium. Quamobrem firmiora (si possumus) argumenta debemus asserre, ut hæresis contraria manifestius reuincatur.

½ Hæc itaq; conclusio primùm certa est per definitionem Leonis Papæ in epistola ad Theodorum episcopum. 69. et refertur De pœnitentia, d. 1. cap. Multiplex (inquit) misericordia Dei ita lapsibus subuenit humanis, ut non solum per baptismi gratiam, sed etiam per pœnitentiæ medicinam spes uitæ reparetur æternæ. Et qui regenerationis donum uiolassent, proprio se iudicio condemnantes, ad remissionem criminum peruenirent: sic diuinæ bonitatis præsidii ordinatis, ut indulgentia Dei, nisi supplicatione sacerdotum nequeat obtineri, mediator enim Dei et hominum hanc præpositis Ecclesiæ tradit potestatem, ut et pœnitentibus actionem pœnitentiæ darent: et salubri satisfactione purgatos ad communionem sacramentorum per ianuam reconciliationis admitterent. Et concludit tandem in hæc uerba: Necessarium est, ut peccatorum reatus ante ultimum diem sacerdotali supplicatione soluantur.

Præterea, Matth. 16. Tibi (inquit dominus) dabo clauēs regni cœlorum: et quodcunque solueris, &c. Ergo, cum per peccatum mortale à baptismo commissum, cœlum peccatori obseretur, necesse est, ut per clauēs Petri, et successorum aperiatur, quod non aliter profectò fit, quàm per sacramentum absolutionis, nec enim soluta erunt in cœlo, quæ non soluerit Petrus in terra.

Præterea, Ioannis. 20. Quorum remisistis peccata, remittuntur eis: et quorum retinueritis, retenta sunt. ergo quæ non absoluunt sacerdotes, retenta erunt. Quapropter, necesse est, si retineri non uolumus, ut à sacerdotibus absoluantur.

Tertia conclusio. Non satis est ad æternam salutem consequendam peccatoribus baptizatis, uotum implicitum huius sacramenti sed explicitum, et formale requiritur. Quodd ad eundem modum pœnitentiæ sacramentum est necessarium peccatoribus baptizatis: ad quem baptismus non baptizatis, eo quod per utrumque uirtus passionis et sanguinis Christi in peccatorum remissionem applicatur, sine qua quidem applicatione ne unum quidem mortale peccatum remitti potest. At sine uoto explicito baptismi nullus saluatur, Marci ultimo, Prædicatè Euangelium omni creaturæ, qui crediderit, et baptizatus fuerit saluus erit: qui uerò non crediderit, condemnabitur. Vnde primum colligitur, baptismum in uoto satis esse, cum re ipsa suscipi non potest. Idcirco enim non dixit. Qui non fuerit baptizatus condemnabitur: sed. Qui non crediderit. Colligitur deinde, fidem huius sacramenti, hoc est, baptismi, esse ad salutem necessariam, id est, quod per baptismum in nomine Christi præstatur remissio peccatorum omnibus gentibus. Id enim est euangelium, quod, qui non crediderit, condemnabitur, ut Lucæ ultimo declaratur. Nec hanc huius loci nos intelligentiam comminiscimur: sed etiam nobis sancti patres tradidere. Vualden. in libro. De sacramentis, capite 130. Hugo de sancto Victore lib secundo de sacramentis, parte sexta capite septimo. Bernardus epistola, septuagesima septima. ad Hugonem. August. lib. primo. de Baptism. contra Donatist. cap. 8. et libro quarto capite 21. et secundo libro. contra Crescon. capi. 13. Si igitur citra baptismi uotum explicitum nullus omnino saluari potest, cum non adest facultas baptismum re ipsa suscipiendi: nec sine uoto quidem pœnitentiæ explicito saluabitur, qui peccatum mortale post baptismum perpetravit. Noluit enim Deus sine Christo, et ecclesia sua cuiquam patere salutem, ac remissionem peccatorum. Cum igitur peccatores possunt Christo et ecclesiæ suæ uniri, et reconciliari, exterius etiam, susceptis sacramentis, id Deus requisivit. At, cum non adest facultas exterioris unionis et conciliationis, uoluntas pro facto cedit: suppleturque per interiorem exterior unio. Confirmat etiam hanc

hanc conclusionem, id quod usu uenire uideamus: ut quancumque mors subito occurrat, poenitentiae remedia fideles efflagitent; nec sanè sentiunt de salute eius, qui moriens, nec re, nec in uoto hoc sacramentum accepit.

Ex his colligere licet, quæ sunt ad salutem necessaria, ea esse in duplici differentia. Nam quædam sunt necessaria, solùm quia præcepta, ut eruerè innocentem à morte, uota reddere, iuramenta seruare, quorum necessitas uidetur esse præscripta, ibi, Si uis ad uitam ingredi, serua mandata. Alia uerò sunt ad salutem necessaria, ut media: eè inde in præcepto quia media necessaria: ut credere in Christum, suscipere baptismum, poenitentiam agere. Inter hæc autem haud mediocre discrimen est. Nam, quæ sunt tantum, quia præcepta, ad salutem necessaria, non est opus in uoto habeantur explicito ad salutem consequendam, sed satis est implicite, et in genere propositum habitualitè tenere implendi diuina mandata. At, quæ sunt ad finem salutis media necessaria, si in re haberi nequeunt, oportet teneantur in uoto: ut sacramentum baptismi, et poenitentia, quod paulo ante docebamus.

Sed est tamen quæstio non parua, an exigatur uotum explicitum huius sacramenti ad remissionem peccatorum, quæ post baptismum admissa sunt. Nam ad æternam salutem consequendam, iam diximus, huiusmodi uotum explicitum esse necessarium. Et quidem de hac re inter uiròs doctos magna dissensio est. Sunt enim qui credant, uotum explicitum huius sacramenti, non esse opus ad remissionem peccatorum: ut si quis commisit adulterium post baptismum, per solam contritionem (aiunt) quæ est actus uirtutis, consequi poterit ueniam sine proposito explicito suscipiendi hoc sacramentum. Id tenet Adrianus, q. 1. De confessione ad secundum principale. Est autem argumentum huius, quod baptismus non est necessarius in re, uel in uoto explicito ad iustificationem, ut 3. parte. q. 69. arti 4. ad secundum. Diuus Thomas asseruit. Cornelius siquidem et Eunuchus ante fidem explicitam euangelij iustificationem quidem consequi potuerunt, licet æternam salutem non potuerint adipisci.

Item, quilibet se potest conuertere ad Deum in momento et tamen notitiam baptismi habere in quolibet momento non potest, quomodo enim audiet siue prædicante? aut quomodo credet, nisi audierit? Igitur, nec sacramenti pœnitentiæ uorum explicitum ad peccatorum remissionem necessarium est. Nec ab hac sententia abhorret D. Thomas 3. par. q. 86. articulo secundo.

Si quis tamen contrariam sententiam tenere uoluerit, habebit pro se quantum coniectura colligere licet, Magistrum sententiarum 4. d. 17. cap. 2. et D. Thomam. eadem dist. q. 3. art. 5. q. 1. et apertius, art. 1. q. 1. et d. 18. q. 1. art. 3. q. 1. et lib. 4. contra gentes. capit. 72. et tertia parte. q. 84. articulo 5.

Sunt quoque argumenta non leuia ad hanc opinionem confirmandam. Primum ex Concilio Complutenſi sub Alphonso Carrilo archiepiscopo Toletano: quod probatum est à Sixto quarto, in bulla, qua condemnauit Petrum Oxomensē, cuius prima conclusio ibi damnata est in hanc formam. Peccata mortalia quantum ad culpam et pœnam alterius sæculi, delentur per solam cordis contritionem sine ordine ad clauē. At si per pœnitentiā, quæ est actus uirtutis, peccata remittuntur sine explicito uoto huius sacramenti: re uera delentur peccata sine ordine ad clauē. Rursus in concilio Tridentino, sessione 6. cap. 14. definitur, quod pœna æterna cum culpa, uel sacramento, uel sacramenti uoto remittitur. Item, Ioannis ultimo. Quorum retinueritis retenta sunt, ergo quando quis nec re, nec uoto accepit hoc sacramentum, cum sacerdotes eiusmodi peccata retineant, retenta sunt.

Præterea, nulli hæretico uel schismatico remittitur culpa, nisi formaliter et explicitè proponat ecclesiæ uniri, atque ab ea ueniam peccati implorare, ergo sola contritio, quæ est actus uirtutis, non satis est ad remissionem peccatorum sine ordine ad clauē ecclesiæ. Antecedens asserit August. libro de uera et falsa pœnitentiā cap. 12.

Sacramentum igitur pœnitentiæ esse ad salutem necessarium, hunc in modum sit definitum.

Sed enim, Cùm hoc sacramentum quatuor habet partes:

tes : neque omnes sint æquè necessariae ad huius sacramenti constitutionem : meritò poterit in quæstionem reuocari, an singulae huius sacramenti partes sint ad salutem necessariae . Et quoniam de absolutione et contritione, post ea, quæ diximus, aut parua, aut nulla controuersia est : de confessione primum quæritur : An sit ad salutem æternam necessaria . Nam Vicleph imprudentissimè docuit, eam esse superflua et inutilem : ut Thomas Vualdensis refert lib. De sacramentis, cap. 135. et in Concilio Constantiensi sessione 8. inter illius errores septimus ponitur in hanc formam, Si homo debitè fuerit contritus, omnis confessio exterior est ei superflua, et inutilis .

Massiliani etiam negauerunt necessitatem confessionis : ut autor est Damascenus libro De hæresibus. Deinde Iacobitz referente Guidone Carmelita. in lib. etiam hæresum . Hos sequuntur nostro tempore Lutherani : atque adeò Erasmus in libro de ratione ueræ Theologiæ circa finem : et in colloquio cui index, Pietas puerilis in summa, omnes qui tenuerunt confessionem nouitiam esse, et institutionis ecclesiæ . In quibus fuit. B. Rhenanus in asserenda confessione parum beatus et pius. Aduersum quos conclusionem statuimus .

Confessionem exteriorem, quæ sacerdoti fit, esse ad salutem necessariam ex Christi institutione, confessionem (inquam) omnium mortalium, tam publicorum, quam occultorum. Probatur efficaciter. Quia peccata occulta non remittuntur, nisi remittentibus sacerdotibus : ut patet ex testimonio Ioannis citato . Quorum retinueritis, id est, non remiseritis, retenta sunt . Ex eo enim quòd dixit . Quorum remiseritis, remissa erunt : satis ostenditur, uerbum è regione additum, scilicet, Retinueritis, perinde esse, ac si dixisset Christus. Non remiseritis. Sed remittere sacerdotes non possunt, nisi cognoscant : (ut ostensum est) cognoscere autem nequeunt, nisi peccatores confiteantur : ergo confessio etiam occultarum culparum ex diuina institutione est ad salutem necessaria . Qui enim instituit finem necessarium, media etiam instituit, quæ essent ad eundem finem necessaria . nisi legislatorem uelimus in neces-

farijs defuisse. Nam eandem rationem eisdem quoque uerbis relumere non piget.

Præterea, in Concilio Constantiensi Martinus quintus in bulla condemnationis articulorum contra Vuicleph, Ioannis hus, et Hierony. Pragensis; condemnans errores Vuicleph, ac reliquorum discipulorum ait, Vtrum credat quod Christianus ultra contritionem cordis, habitu copiam sacerdotis idonei, soli sacerdoti de necessitate salutis confiteri teneantur, ubi licet non explicetur, an ex institutione diuina; an ex humana sit illa necessitas: sine dubio tamen est intelligenda ex diuino iure: id enim Vuicleph negabat.

Præterea, hoc manifestè determinatum est in concilio illo Complutensi, et in illa extrauaganti Sixti quarti contra Petrum Oxomensem. Nam, post illam primam damnatam conclusionem, quam ante retulimus: hoc est, peccata mortalia deleri per solam cordis contritionem sine ordine ad clauis; damnatur secunda in hanc formam: confessio de peccatis in specie fuit ex aliquo statuto uniuersalis ecclesiæ, non de iure diuino. Deinde dāminatur tertia in hæc uerba: Præuæ cogitationes confiteri non debent, sed sola displicentia delentur sine ordine ad clauis.

Præterea, in Concilio Florentino definitum est, idque adedò firmiter constituimus, materiam huius sacramenti præcipuam esse confessionem. Si igitur sacramentum penitentiae est ad salutem necessarium: certè non forma solum et absolutio sacerdotis: sed et materia; hoc est confessio peccatorum ad salutem necessaria est, nec enim sacramentum sola forma subsistit. Cuius etiam rei definitio habetur in Concilio Tridentino, sessione sexta, capite decimo quarto, ubi cum Concilium docuisset, hoc sacramentum esse secundam tabulam post naufragium, per quam fiet lapsi hominis post baptismum reparatio, subdit: Docendum est, Christiani hominis penitentiam multò aliam esse à baptismali: eaque contineri, non modò cessationem à peccatis, et eorum detestationem, uerum etiam eorundem sacramentalem confessionem: saltem in uoto, et suo tempore faciendam: et sacerdotalem absolutionem.

Quibus

Quibus ita constitutis, manifestissimè colligitur, hanc secretam confessionem de peccatis secretis (quam quidem alij auricularem uocant, alij clanculariam) institutionis diuinæ esse, non humanæ, hoc est, Christum instituisse, peccata secreta secreto esse confitenda. Nam publicorum, publicè fieri confessio potest. Nec id Caietanus inficiatur, nam licet in commentarijs super ea. Ioannis 10. aduersari uideatur: at ipse tamen mentem suam explicuit, respondens ad censuras Parisienses sedecim articulorum articulo. *¶* *Quia confessio de peccatis secretis non potest fieri publice.*

Probatur hoc corollarium imprimis, quia confessio de peccatis occultis est necessaria, ut ex fundamentis iactis constare facile potest. Constituit enim sacerdotes dominus iudices, non solum publicorum: uerum etiam occultorum. Sed rationis naturalis est, ut occulta peccata occulte correctione purgentur: ergo cum Christus instituerit hoc iudicium fieri secundum rectam rationem: instituit ex consequenti, occulta peccata occultè esse iudicanda.

Præterea, si modus confitendi ad aures de peccatis occultis ex ecclesiæ institutione esset, in arbitrio ecclesiæ etiam esset, oppositum constituere: quemadmodum potest de immersione, uel aspersione, uel infusione in baptismo, legem pro suo arbitratu, et ferre, et tollere. At non est in facultate ecclesiæ præscribere, ut cordis occulta peccata peccatores publice confiteantur.

Præterea, Leo Papa epistola ad uniuersos episcopos Campaniæ: numero. 57. et refertur De pœnitentia dist. 1. cap. Quamuis plenitudo: Illam (inquit) contra Apostolicam regulam præsumptionem; quam super agnouit à quibusdam illicita usurpatione committi, modis omnibus constituo submoueri: de pœnitentia uidelicet, quæ à fide libus postulatur, ut scripta professio publicè recitetur: cum reatus conscientiarum sufficiat solis sacerdotibus indicare confessione secreta: et infra, Remoueat ergo improbabilis consuetudo, ne multi à pœnitentiæ remedijs arceantur, hætenus Leo. Id ergo quod aduersatur remedio à Christo instituto ad remissionem peccatorum, nimium contra diuinam institutionem est: cum contra Apostolicam

stolicam regulam id fieri summus pontifex asserat, Ex apostolorum certè traditione secreta peccata in aurem sunt confitenda: quod uel ex eo liquet, quòd in ecclesia non habetur memoria, unde inceperit secreta confessio. Nam et Origines eius meminit homilia prima, et secunda in Psalm. 37. et homilia 10. super numeros: Basilius item in libello De institutione monachorum, capitulo 21. et 98. Dionysius etiam in epistola ad Demophilum 8 et Sozomenus lib. 9. historiarum tripartitarum cap. 35. Quoniam ij (inquit) qui confiteri refugiunt, maius peccatorum onus acquirunt: propterea uisum est antiquis pontificibus, ut uelut in theatro sub testimonio ecclesiastici populi, delicta pandantur: et ad hanc causam presbiterum bonæ conuersationis, seruantemq; secretum, ac sapientem uirum statuerunt, ad quem accedentes ij qui deliquerunt, delicta propria fateantur. Nota seruantem secretum, nam si non essent occultè confitenda peccata, non oporteret seruare secretum.

Postremò. Sigillum confessionis non est ex humana institutione, sed ex diuina, ergo ex diuina est, quòd aliqua peccata, scilicet, occulta, iudicentur occultè, et confirmantur. Quia magister Oxomensis in Concilio illo Complutensi damnatus est: quod assereret, confessionem non debere esse secretam, et à Sixto quarto in illa extrauaganti cuius initium, Ad perpetuam rei memoriam, definitur contra eundem, necessariò exigì, ut confessio secreta sit. Quam ob rem ex reuelatione et institutione Dei est, quòd confessio sit secreta, alioqui non esset hæresis, ab euangelica ueritate penitus aliena; assertio contraria. Cum tamen aliena esse ibidem decernatur.

Sed oritur circa ea quæ diximus dubium. Si enim peccata oportet confiteri, ut innotescant sacerdoti: ergo peccata publica, quæ alias sunt illi manifesta, non erit necessarium confiteri: quippe ob hanc causam, si circumstantia manifesta est, non est opus eam explicare confessori: ut si quis sacerdos, uel maritatus: idq; confessori liqueat, non est necesse: ut, cum confitetur fornicationem, exponat se esse, uel sacerdotem, uel maritatum.

At, erroneum est credere, sine confessione publicorum etiam

etiam peccatorum cuiquam pater salutem. Primum quia delictum iudicandum in aliquo foro, debet esse notum in illo foro: sed, etiam si peccata sint publica, non sunt confessori nota in foro sacramenti: ergo opus est ut peccator illa sacerdoti confiteatur. Et hoc est quod Diuus Thomas distin. 17. q. 3. artic. 2. p. 1. ad primum, docet, inquiring. Quauis sacerdos aliquando sciat peccatum, ut homo; non tamen scit ut Christi uicarius; sicut etiam iudex aliquando scit peccatum, ut homo; quod nescit, ut iudex.

Præterea, confessio est materia præcipua huius sacramenti; ergo etiam ad absolutionem publicorum peccatorum est necessaria, nam sacramentum sine præcipua materia esse non potest. Denique, si peccator publicum peccatum non confitetur, non potest innotescere iudici, an poeniteat necne; an proponat emendationem, an non. Quare non ualer discernere, an soluere debeat, an ligare. Nec cessarium est igitur, ut non modo secreta etiam peccata uerum etiam publica peccator se sacerdoti subiiciens confiteatur.

Iam uero posterior illa questio relinquitur. An satisfactio, ad sacerdotis arbitrium, sit ad salutem necessaria. Sunt enim autores, qui negant, in quibus Diuus Tho. 4. distin. 17. q. 3. artic. 1. q. 1. ad primum argumentum uidetur esse. Dicendum (inquit) quod post remissionem culpam, adhuc est peccator debitor poenæ temporali: sed gratia tamen infusio sufficit ad culpæ remissionem, ad gratia uero infusionem consequendam ordinata sunt gratia sacramenta: ante quorum susceptionem, uel actu, uel proposito peccator gratiam non consequitur. Sed tamen, ex hoc quod operatur confessio ad poenæ remissionem, non habet, quod sit de necessitate salutis: quia poena ista est temporalis, ad quam post culpæ remissionem remanet homo ligatus. Vnde sine hoc, quod in presenti uita expiaretur, esset uia salutis, habet igitur confessio, quod sit de necessitate salutis, ex hoc quod ad remissionem culpæ ordinatur, hætenus D. Tho. At, uel fallor ego, uel contrarium probabilius est. Nam, sicut ante docuimus, exterior poenitentia est ad salutem necessaria, ergo quemadmodum

contritio in lege naturæ et scripturæ habebat annexum propositum confitendi et satisfaciendi Deo, iuxta illud, Dixi, Confitebor iniustitia v meam domino, &c. ita et in lege noua habet annexum propositum confitendi sacerdoti, et satisfaciendi ad arbitrium eius, hoc est enim subijcere se clauibus, et iudicio ecclesiastico, quod est ad salutem sine dubio necessarium.

Præterea. Concilium Tridentinum sessione. 6. cap. 14. posteaquàm diffinuit, sacramentum pœnitentiæ ad lapsi reparationem, uelut secundam post naufragium tabulam, necessarium esse, decernit protinus, hoc sacramento contineri, non modo cessationem peccatorum, et eundem sacramentalem confessionem, et sacerdotalem absolutionem, uerumetiam satisfactionem, per ieiunia, eleemosynas, orationes, et alia pia spiritualis uitæ exercitia, non quidem pro pœna æterna, sed pro pœna temporali, et de hac (inquit) pœnitentia scriptum est. Memor esto, unda excideris, et age pœnitentiam, et prima opera fac, et iterum. Quæ secundum Deum tristitia est, pœnitentiam in salutem stabilem operatur, et rursus, Pœnitentiam agite, et facite fructus dignos pœnitentiæ. Quæ omnia loca de pœnitentia exteriori esse intelligenda, per quam scilicet exterior satisfactio pro peccatis fit, superius certis argumentis commostrauimus.

Præterea. Leo Papa, epi. 69. ad Theo, epi. Mediator (inquit) Dei et hominum hanc præpositis ecclesiæ tradidit potestatem: ut et pœnitentibus actionem pœnitentiæ darent et salubri satisfactione purgatos ad communionem sacramentorum per ianuam reconciliationis admitterent. Igitur: nisi proponant pœnitentes, se ecclesiæ potestati subijcere, ut iuxta eius arbitrium peccata compensent, seruari non possunt. Iam enim docuerat summus Pontifex, hanc sacerdotalem auctoritatem, et iudicium, esse ad salutem necessariam.

Denique, cum de satisfactione ad arbitrium sacerdotis præceptum sit, (ut nos proximè definiemus) certè satisfactio est ad salutem necessaria, nam si non esset, non esset in præcepto. Ac reuera frustra fuissent sacerdotes iudices

dicēs constituti, si eorum sententiā parere non esset necessarium. Ioannis enim est auctoritas iudicandi, quæ impune reijci potest: idq; eò magis, quòd iudicium hoc non est ad dirimendas lites, sed ad vindicanda scelera. Et quòd iudicibus necessarium est, scilicet, pœnam indicare reis, ne sint iudices iniqui: id nos exequi necessariò debemus, ne falsi pœnitentes et inobedientes tum uideamur, tum etiam si nos. Nec argumentum quod in contrarium infirmuimus operæ pretium est nunc eludere: partim, quòd facile est: partim, quòd postea eluere debemus. Quæ propter eadē argumenta confutanda sunt, quæ à principio huius controuersie fecimus.

Primum quidem argumentum à plerisque sanctorum facile diluitur, nam utrunq; apostoli Pauli locum interpretantur, non de pœnitentia, quæ post baptismum fit: sed de pœnitentia, quæ fit in baptismo. Qui uidelicet semel dumtaxat percipi potest: nam pœnitentiam baptismum appellari, habes apud Lucam cap. ultimo. Oportebat (inquit) predicari in nomine eius pœnitentiam et remissionem peccatorum in omnes gentes. Vbi quæ Matthæus de baptismo dixit, Lucas nomine pœnitentiæ ac remissionis peccatorum tradidit. Hanc expositionem Chrysostomus, et Theophylactus sequuntur in eadem loca. Item Ambrosius lib. 2. De pœnitentia cap. 1. et August. lib. De uera et falsa pœnitentia cap. 3. Colligunt autem ex multis coniecturis, hanc esse eorum testimoniorum intelligentiam. Quas ego coniecturas referrem, nisi ad moram huius disputationis festinaret oratio.

Potest tamen uterq; locus intelligi etiam de pœnitentiæ sacramento, ut uidelicet, intelligamus, impossibile esse per pœnitentiæ sacramentum, rursus renouari, id est, priorem nouitatem, quam per baptismum accepimus, iterum accipere. Vnde Gregorius Nazianzenus oratione tertia in sanctum Iuacrum, Non superest (inquit) regeneratio secunda, nec reformatio seu in pristinum statum restitutio: etiam si perquam uehementer illam lachrymis, et multis queramus suspirijs, ex quibus uix quidem cicuticum obductio euenit.

Nec te moueat. quod apostolus ait, esse impossibile: nam per excessum loquitur: atque hyperbolicè ingentem rei difficultatem impossibile uocat: non, ut desperent audientes: sed, ut terreantur. Idcirco e nim subdit apostolus. Confidimus tamen de uobis dilectissimi meliora, et uiciniora saluti: tametsi ita loquimur. Loquutus sum (inquit apostolus) ita, ut uos à peccatis retraherem, et desperatio nis metu facerem cautiore. Ceterum confido de uobis, et reliqua, quæ sequuntur. Quæ quidem huius loci interpretatio, mea non est, sed Hieronymi, lib. aduersus Iouinianum. 2. referturq; à Gratiano De pœnitentiâ distinctio ne secunda, capite. Si enim. Nec modus hic loquendi à sacris literis alienus est. Nam Matth. 19. quod ante dominus dixerat, difficile esse diuitem intrare in regnum celorum, euistigidò dixit, esse impossibile, quemadmodum exposuit Hieronymus super caput Esaiæ 60. Sed et Arist. 1. lib. De celo caput. 1. 1. inter reliquas significationes huius uocabuli, impossibile, eam annúmerauit, ut (quod non facile, neq; cito, nec bene fieri potest) impossibile dicatur. Et ad eandem formam per hyperbolem cap. 10. eiusdem epistolæ Apostolus locutus est: ut ostenderet, quæ animad uersione peccata nostra digna sint, post acceptam notitiam ueritatis, si ad iustitiæ rigorem examinentur. Sed aliud tamen est quod iustitia postulat: aliud quod clementia, et misericordia suggerit.

Ad secundum argumentum certè possemus respondere, negando maiorem, sentiunt enim plures uiri docti, licitum esse, ab hæretico recipere pœnitentiam in articulo mortis: ut Petrus Palud. 4. d. 25. q. 1. Syluester in uerbo Confessor primo. §. ulti. et Maioris. d. 17. et glossa extra. De spons. cap. Non est uobis. Quia licet recipere baptismum ab eiusmodi præcisis, cum extrema necessitas cogit: ut August. tradit, caput Si quem forte. 24. d. 1. Ergo et pœnitentiæ sacramentum licet ab exciso suscipere. Huic uerò loco solent occurrere, negando consequentiam: Quia minister baptismi est institutus quilibet de iure diuino: quam ob rem ecclesia id tollere non potest. At pœnitentiæ minister, non est quilibet sacerdos diuino iure: sed cui ecclesia de-

sua demandauerit. Quò circa sicut potest committere, cui uoluerit ita et potest auferre. Sed hæc responsio non facit satis argumentum. Primum, quia probabilissimum est, quemlibet sacerdotem in mortis articulo habere auctoritatem absoluedi iure diuino. Idq; asseruit Palu. dist. 20. q. 1. art. 2. Dur. dist. 19. q. 2. Capreolus eadem dist. art. 3: ad quartum: Id quoque D. Thomas sentire uidetur. dist. 19. q. 1. art. 3. q. 1. et dist. 20. art. 1. q. 2. Atque est præterea, rationi consentaneum: quia Deus non desinit in necessarijs, nullus enim prouidus gubernator in necessarijs deficit, ergo quemadmodum prouidit, ut in articulo mortis, quicumque posset licite baptizare, non obstat quacumq; ecclesiastica censura et prohibitione; ita etiam cauit, ut in eodem articulo quilibet sacerdos licite absolueret. Cùm utrumque sit sacramentum necessitatis: utrumq; iure diuino præceptum. Est insuper alia ratio, qua id confirmari possit. Quòd, autore Augustino quarto libro De baptismo contra Donatist. capitu. 24 quòd uniuersa tenet ecclesia, semperq; retentum est: nec à Pontificibus, aut Concilijs tempore aliquo post apostolos diffinitum: traditione Christi et apostolorum rectissime creditur constitutum. At, quòd, quilibet sacerdos in mortis articulo quemlibet possit absolvere, semper in ecclesia obseruatum est: nec noua aliqua hominum constitutione sancitum, à Christo igitur, et apostolis est institutum. Præterea ecclesia non potest hoc rescindere et abrogare, ferendo, scilicet, contrariam legem: ergo est de iure diuino. Antecedens sua detur. Quia, seclusa quacumq; ecclesiæ lege, talis abrogatio esset contra rectam rationem, si (ut uerum est) pœnitentia est sacramentum ad salutem necessarium. Sic igitur rationi maxime consentaneum est, quemcunque sacerdotem in articulo mortis pœnitentiæ ministrum diuino iure esse constitutum. Quo fieri, per ecclesiæ censuram talem auctoritatem abrogari non posse.

Quòd si Christus dominus non consulisset in mortis articulo periclitantibus; ministrum absolutionis necessarium exhibendo: ecclesia tamen, cuius prudentiæ dicitur esse commissum, cum pia mater sit, non est credenda filijs suis in

suis in articulo mortis deesse uoluisset; idq; eò magis, quò exemplo Christi sponsi sui facere, et potuit et debuit: què constat in sacramento baptismi (quòd necessarium esse ad salutem uoluit) nulli in articulo mortis defuisse. Præterea. Necessitas non habet legem, ut habes in capit. quod non est, de regulis iuris, non ergo existimanda est ecclesia, legem, qua præcisum amouet à sacramentorum ministerio, ad extremum necessitatis articulum extendere uoluisse. Præter ea, odia restringi, fauores conuenit ampliari: ut etiam iuris regula tradit. Quòd autem quilibet sacerdos in articulo mortis quemlibet possit absolvere, gratia est et fauor populi Christiani. Quo circa, ampliare potiùs, quàm stringere debemus.

Quòd autem præcisi sacramentorum ministerio priuantur, in odium est; restringendum itaque esse uidetur; nam pœnæ, legum interpretatione, molliendæ sunt, non exasperandæ; De pœnitentia distinctione prima cap. Pœnæ. Probabile igitur est, à præciso sacerdote fideles posse sacramentum absolutionis in mortis articulo recipere: uidelicet, si absque periculo fidei recipi potest. Ac profectò non ambigo, quin à catholico excommunicato, etiam nominatim, in mortis articulo pœnitentiæ possimus suscipere sacramentum: si alius desit. Quippe, non uideo causam, quare fideles in articulo mortis, presente sacerdote catholico, priuentur sacramento ex diuina institutione ad salutem necessario.

Quod utique esset minus tolerabile, quàm in mortis articulo casus reseruare; præsertim cum homines ferè, non contritionem, sed attritionem habeant, qua propter durum esset, hominibus maiori ex parte imbecillis, in tali periculo uelle de esse. Quòd si hæc exceptio ministri catholici, etiam per excommunicationem præcisi, iure optimo defenditur: non est absurdum, et alios præcisos excipere, tantùm in mortis articulo. Quoniam extrema necessitas, siue corporalis, seu spiritualis sit, ab omni ecclesiæ lege uidetur excepta.

Id uerò, quòd obijci in contrarium solet ex. 24. q. 1. cap. Audiuimus, per hæc facilè diluitur, cui simile est, quòd

Ambrosius

Ambrosius ait; De pœnitentia, d. i. cap. Verbum. et cap. Potest fieri; obidque simili ratione soluitur. Illud autem, quod opponitur ex cap. ultimo eiusdem causæ et quæstionis, aduersus hanc sententiam nihil penitus facit. Primū; quod ibi sermo est de Eucharistiæ sacramento; quod non est sacramentum necessitatis. Deinde, quod id fecit Hermogildus; ne Arriano episcopo faueret; quem rex ob eum finem distinauerat. In quo euentu ne sacramentum quidem baptismi ab hæretico recipiendum esset. Nam, quod in extrauaganti; Vnam sanctam de maiestate et obedientia Bonifacius docet, extra ecclesiam non esse remissionem peccatorum; et ex dictis modò, explicari facile potest, et quemadmodum intelligendum esset; in superioris anni relectione docuimus.

At, si quis communem opinionem sequi uelit, cuius etiam D. Tho. fuisse uidetur. 4. d. 19. artic. 2. quæstione. 2. ad tertium; et distin. 17. quæstione. 3. artic. 3. quæst. 1. ad secundum, et 3. p. quæst. 82. artic. 7. ad secundum respondere aliter potest, negando minorem. Nec est simile de baptismo et pœnitentia, quoniam baptismus multò magis est necessarius, quàm pœnitentiæ sacramentum; eò quod non solum opus est, quatenus remedium peccati, sed quatenus professio est Christianæ fidei; et in Christum incorporatio.

Unde ad tertium argumentum, iuxta duas has differentes opiniones dupliciter item responderi potest. Nam; difficile est de doctissimorum uirosum iudicare sententijs; et in medio seniorum; iuuenes sedere arbitros. Itaque ex his duabus utra sit opinio deligenda, prudentiorum ego et doctiorum arbitrio derelinquo.

Ad quartum, ubi difficultas est, à quonam habeat iurisdictionem, qui Summum Pontificem absoluit, communis opinio respondet, quod Summus Pontifex eligendo confessorum, confert ei potestatem; quam tamen ipse exercere non potest, ut diaconus, electus episcopus, potest dare absolutionem à peccatis: cum ipse tamen peccatores absolvere non queat; quæ est solutio Cardinalis Turrecremata, lib. i. summæ ecclesiasticæ, cap. 98. et D. Bonaventuræ.

uenturæ. 4. d. 19. et D. Thomæ, d. 19. q. 1. arti. 3. q. 3. At, Pauldanus eadem dist. q. 2. et Capreolus eadem di. q. unica, artic. 3. melius sentire videntur; iurisdictionem, qua sacerdos electus à Pontifice eum absoluit, à Christo esse, et non ab ipso Pontifice, quia Deus nō deficit in necessarijs. Quare Summo Pontifici de ministro sacramenti ad salutem necessarij pronidit. Item Summus Pontifex post peccatum mortale factus est subditus in foro interiore; nam obligatur confiteri sacerdoti, sicut et quilibet alius, qui mortaliter peccauit, iudicio huius fori sacramentalis obnoxius fit; ergo sine commissione ipsius est in ecclesia iudex, cui scilicet confiteri teneatur.

Præterea. Licet episcopus diaconus committere alteri absolutionem possit; sed non tamen, nisi eorum, quorum est pastor committere potest, hoc est, suorum subditorum. At Summus Pontifex non est pastor sui ipsius nec iudex, quomobrem sui ipsius absolutionem committere alteri non potest. Nec me fugiunt, quæ Cardinalis Caietanus, uir alioqui doctissimus, scripsit quæstione unica de ministro huius sacramenti; quæ mihi non placent omnia sed (humanorum ingeniorum ea, uel fors, uel conditio est) alijs non placebunt nostra. Equidem, quamdiu ratio melior non succurrit, non audeam asserere, confessorem Summi Pontificis nullam habere iurisdictionis potestatem super ipsum, nec à Christo, nec ab ecclesia, nec ab ipso Summo Pontifice, quod Caietanus uidetur admittere. An admittendum sit uiderint alij, nam ego, principium absolutionis sacramentalis existimo, non solam esse potestatem ordinis, uerum etiam iurisdictionis. Quippe, cum minister huius sacramenti (iuxta Concilium Florentinum) sit sacerdos habens auctoritatem, uel ordinariam, uel ex commissione superioris: cumque etiam sacramentum hoc iudiciale sit, ministrum eius, nisi iudicem intelligere non ualeo: iudicem autem sine iurisdictione, ne cogitatione quidem informare possum, eo uel maxime, quod minister huius sacramenti soluit, et ligat: ac proinde, iurisdictionis potestatem habet. Igitur, sicut Summus Pontifex propter crimen hæresis subditus sit ecclesiæ in foro exterior-

exteriore, idque ex diuina institutione: sic per quodlibet mortale peccatum Ecclesiæ subijcitur in foro interiori; Christo instituyente et obligante Pontificem Summum, ut coram sacerdote compareat: tamen illi dederit facultatem, ut eligat, quem maluerit. Quam traditionem sicut et cæteras Christi, licet scriptas non habeamus, ab apostolis accepimus.

Itaque sacerdos simplex, cum initiatur, non ordinis modò potestatem, sed iurisdictionis etiam accipit, non simpliciter et quantum ad omnes sed primum, quantum ad uenialia peccata. D. Tho. d. 18 art. 3. q. 1. ad tertium, et est communis opinio. Deinde, quantum ad mortalia: quibus est iam peccator à proprio sacerdote solutus quoniam illud iudicium est poenitus arbitrarium, cum nulli teneamur subdere, neque apparet unde proprius sacerdos habeat solus potestatem in illa peccata, cum non sit materia subiecta proprio sacerdoti. Præterea, quantum ad omnia in articulo mortis: denique ad summum Pontificem absoluendum. Atque horum omnium radix eadem est: etenim, (ut Capreolus et Durandus. d. 19. 4. diligenter annotauerunt) in uniuersum apostolis dictum est. Accipite spiritum sanctum: quorum remiseritis peccata &c. Restrictio autem facta ex speciali commissione facta Petro: cui, quoniam clauis tanquam primo clauigero collatæ sunt, id consequenter est demandatum, ut eius autoritate, quicumque alius aperit, aperiat &c. nam illa commissio de alijs à Petro facta est: Ideoque Petrus, et eius successores non subiacent illi restrictioni, quin possint absolui à quolibet sacerdote.

Ad quintum uerò argumentum, nonnulli respondent, illud uerbum domini, non de corporali seu sacramentali manducatione corporis Domini, sed de spirituali esse intelligendum. Qui autem per fidem Christum habet in se manentem, is spiritualiter manducat corpus, et bibit sanguinem: quia Christi membrum efficitur: ac proinde particeps ipsius, et carnis, et sanguinis. Id autem necessarium est ad salutem, non solum adultis, uerumetiam paruulis. Atque huius sententia uidetur esse D. Thomas. 3.

p. q. 65. art. 4. ad secundum: et q. 80. art. 9. ad tertium. Et Hieronymus in primum cap. epistolæ ad Ephes. De conf. d. 2. cap. Dupliciter. 10. In d. Origines homil. 7. in Leui. et August. lib. 3. De doctrina Christ. cap. 16. manifestè docent, hunc locum figuratè esse accipiendum: ut per metaphoram, qui credit in Christum, ei que incorporatur, Christum dicatur manducare. Eandem q; expositionem ubique locorum Augustinus probat: ut tractatu in Ioannem. 26. et 27. Et lib. 1. contra duas epist. Pelag. cap. 22. et lib. 1. cap. 4. De consecratione d. 4. cap. In ecclesia: et capite sequenti: ubi et refert, Innocentium huius sententiæ fuisse ac re uerè fuisse: ut patet in epistola eiusdem Innocentij ad Conciliū Cartaginense. Et ratio quoque illis suffragatur quia, si de sacramentali manducatione dominus loqueretur, falsum esset illud. Qui manducat meam carnem, et bibit meum sanguinem in me manet, et ego in illo, constat enim multos carnem Christi, atque eius sanguinem in sacramento accipere, et non eosdem in Christo manere. Item etiam, cum sermo universalis sit: si de sacramentali manducatione intelligeretur, iam paruulis esset eucharistia necessaria, ut uitam haberent in semetipsis, quod est erroneum. Ac Laicis præterea sumptio huius sacramenti sub utraque specie esset ad uitam necessaria; quæ est hæresis Lutherana.

At uerò, licet Dominus ibi de spiritali manducatione sermonem faciat: non tamen excluditur sacramentalis: ut patet ex D. August. in Ioannem, tractatu. 26. atque ex. Thoma 3. p. q. 83. art. 11. Vnde et eiusdem partis. q. 65. art. 4. ad secundum, ait, Illud uerbum Domini intelligendum esse de spiritali manducatione, et non de sola sacramentali. Non dixit. Et non de sacramentali. Quod autem de sumptione etiam sacramentali uerba fiant, mihi facile persuadeo. Primum, quia de futuro loquitur Dominus dicens: Panis quem ego dabo, caro mea est, nondum enim instituerat eucharistiæ sacramentum. Deinde, quia discernit manducationem et potationem, inquit. Nisi manducaueritis carnem, et biberitis, &c. ubi integrum sacramentum carnis et sanguinis, quod in cibum et potum daturus

daturus erat, aperte distinxit. Acredit ad hoc, quòd Ioannes Euangelista, si eo capite de Eucharistiæ sacramento non fecisset mentionem, omnino nulla altissimi sacramenti rationem habuisset: cum in reliquis sui Euangelij partibus, ne uerbum quidem ullum de eucharistia fecerit. Ad de, quod plerique sancti de eucharistiæ sacramento illum locum interpretantur, ut Chrysostomus in Ioannem hom. 45. et lib. 3. De dignitate sacerdotali capi. 4. et Augusti. lib. 1. de Baptis. paru. capi. 20. Ambrosi. lib. 4. De sacramentis. Bernardus in sermone De resurrectione, cuius initium, Vict. Leo. Cyrillus quoque, ac Theophylactus in commentarijs super Ioannem: atque alij, quos refert Gratianus De consecratione. d. 2. Certè ecclesia, cum aduersus hæreticos de eucharistiæ sacramento disputat, ex eo capite, uel maximè testimonia sumit. In Concilio præterea Constantiensi, sessione. 13. cum hæreticorum argumento obiter responderetur, qui ex hoc testimonio sumebant, Laicis sub utraque specie hoc sacramentum esse conferendum: non confugerunt patres ad spiritualem manducationem, sed crediderunt, id quod dominus dicit, Nisi manducaueritis &c. etiam à Laicis sub specie panis seruari: cum firmissimè (inquiunt) credendum sit, sub utraque specie integrum Christi corpus et sanguinem contineri. Et (ne longum faciam) Concilium Ephesinum in Epistola ad Nestorium, hunc ipsum locum, de quo differimus, de sumptione sacramenti corporis et sanguinis domini interpretatur. Atque id nos latè persecuti sumus: ut uim argumenti conseruaremus; scilicet, quod difficilius est, quàm ut per illam priorem intelligentiam eludi possit.

Igitur, (ut ex locis citatis apud D. Thomam colligere licet) testimonium illud, licet dissimuliter, utraque tamen expositione complectitur, et spiritualis et sacramentalis manducationis. Non enim qui corporaliter dentibus terit eucharistiæ sacramentum, habet uitam æternam: nisi et spiritualiter manducet, hoc est, credat in Christum uiua fide: et Ecclesiastici corporis, cuius Christus caput est, membrum fiat. Ergo spiritualis manducatio per fidem, medium est necessarium ad salutem et ad uitam.

et paruulis. Suscipiturq; hoc medium, cum baptismus suscipitur: ut Diuus Augustinus exponit, libro primo, De baptismo paruulorum, capite uigessimo, et locis quoque paulo ante citatis: ac, Diuus Thomas tertia parte, quæstione, septuagesima tertia, articulo tertio. Sacramentalis autem manducatio non hoc modo est de necessitate salutis, sicut baptismus: uidelicet, quia Baptismus est necessarius, non solum necessitate præcepti, uerum etiam, ut medium, sine quo salus non constat. At sacramentalis eucharistiæ manducatio solum est necessaria, ut præceptum: ac proinde solis adultis: quibus duntaxat præceptum imponitur. Quod autem hæc sit mens Diui Thomæ, colligere possumus ex tertia parte, quæst. 65. articulo quarto, et quæstione. 80. art. 11. Quid autem in causa sit, quam ob rem similibus uerbis non similis necessitas præscribatur, non facillè dicitur: nisi ad ecclesiæ sensum nostras intelligentias referamus: quæ sacramentalem eucharistiæ summptionem nunquam intellexit esse medium ad salutem necessarium: pœnitentiam esse intellexit, uel utrumque sacramentum necessarium est in re uel in uoto, sed aliter tamen utrumlibet: nam uotum eucharistiæ in baptismo continetur: uotum autem pœnitentiæ in nullo alio sacramento. Quo fit, ut uotum eucharistiæ satis sit implicitum, uotum pœnitentiæ requiratur explicitum. Atq; id forsitam est ad. D. Thomæ sensum accomodatus.

Ad sextum argumentum respondetur, quod Nectarius antecessor Chrysostomi confessionem secretam de medio sustulerat, ut illo capite Sozomenus tradit. Quamobrem, Chrysostomus Nectario succedens, de confessione hac auriculari, populo uerba facere noluit, quia enim nondum scandalum sedatum erat, quod in ecclesia Constantinopolitana per occasionem secretæ confessionis fuerat exortu: non est ausus, eam restituere: quàm, scilicet, uir probatæ fidei apud Constantinopolitanos abiecerat. Nec apud Græcos confessio quæ sacerdotibus in aurem fit, tam est recepta, quàm apud Latinos, unde Sozomenus loco illo citato, apud occidentales ecclesias ritum confessionis asserit maximè et traditum et retentum. Sed et de pœnitentia,

etia, distinctione prima capituli finali Theodorus dicit, Græcos existimare solum Deo esse confitenda peccata. Quemadmodum itaque baptismus non statim à passione Christi cœpit esse medium omnibus necessarium ad salutem, sed post sufficientem euangelij et baptismi euulgationem: ita et confessionis sacramentum ex eo tempore cœpit omnibus hominibus esse necessarium, etiam de peccatis secretis, quo sufficienter promulgatum est. Quo fit, ut Græci ante plenam inuulgationem sine peccatorum confessione occultorum saluari potuerint. Iurisconsultis uerò, ac nonnullis etiam Theologis sanè parcendum est, quòd in quæstione perobscura, et quæ eo tempore nondum erat satis explicata ac definita, ignoranter errauerint.

Sed quoniam plus nimio longa facta est disputatio, iam ad partem relectionis postremam pergamus. In qua illud quærebatur, An de pœnitentiæ sacramento diuinum præceptum sit. et quoniam primam huius sacramenti partem, hoc est contritionem cordis, quemadmodum in præcepto diuino esset, ostendimus. Reliquæ sunt duæ, (de quibus nobis instituenda est disputatio) confessio uidelicet oris, et satisfactio operis: nam alterius præceptum hæretici negant, alterius etiam catholici.

Ad illud igitur explicandum prius aggrediamur, An confessio, quæ sacerdotibus in aurem fit, euangelico iure sit præcepta. Suadetur enim non esse. Primum, quia tale præceptum diuini iuris nullo sacrarum literarum loco reperitur. Quod si ita est, ut certè uidetur esse, non est cur diuini iuris præceptum esse fingamus. Deinde: Si confessio diuinæ institutionis esset, eius quoque integritas ab euangelico iure proficeretur: unde fieret ut et pœnitens omnium peccatorum et species et numeros dicere, et confessor sollicitè utrumque interrogare deberet, quod esset re uera molestissimum. Ac præterea non liceret ecclesiæ ulla ex causa confessionem partiri. At partitur ut, cùm sunt casus reseruati, absoluti Romanus Pontifex ab illis: pro alijs uerò non reseruatis remittuntur pœnitentes ad proprios sacerdotes. Non igitur diuinæ in-

stitutionis est omnia simul peccata sacerdoti confiteri.

Præterea. Si hoc præceptum Evangelicum fuisset, tunc non obstante damno, uel proprio, uel alieno, coniteri teneremur, sicut et baptizari. At asserunt doctores, iacturam, aut meam, aut alterius idoneam esse causam, cur ego non debeam confiteri: non est ergo diuini iuris obligatio.

Præterea. Si Christus dominus confessionem iussit, certè eam iussit quæ medium est necessarium ad salutem, scilicet, formatam. Quamobrem, qui præstaret confessionem informem, eam iterum facere teneretur, quod esset profecto durissimum.

Præterea. Si præceptum de confessione diuinum esset, mutus hac etiam lege constringeretur. Id uerò tam est absurdum, quàm esset absurda confessio, quæ à mutis proficiscere ur. Item et absens per epistolam confiteri deberet absenti sacerdoti, atque adeò peccator ignoræ linguæ præsentis per interpretem.

Ad hæc. Eadem ratione Dei præceptum esset, solis proprijs sacerdotibus confiteri: cum soli sint, à Deo iudices constituti, unde et in capite. Firmiter, De summa trinitate, clauis solis apostolis, et eorum successoribus dicuntur esse collatæ.

Postremò. Si mandatum hoc ex euangelio posset haberi: id uel maxime ex illo Ioannis. 20. capite. Quorum remisistis peccata, remittuntur eis: et quorum retinueritis retenta sunt. At inde non habetur, pari enim ratione oportet, uenialia confiteri: cum de illis etiam ibidem sermo sit, aliàs confessio uenialium ad hoc sacramentum non pertineret, et si de utrisque loquitur Christus, cum ait, Quorum remisistis peccata, ad utraque etiam pertinet, quod dicit, Quorum retinueritis, &c. Compertum igitur uidetur esse, aut utrorumque, aut neutrorum confessionem in præcepto diuino esse.

In contrarium est, quòd sacramentum pœnitentiæ ad salutem necessarium est, ut ante docuimus. Quod utiq; sacramentum citra confessionem constare non potest: quæ, uidelicet, est præcipua huius sacramenti materia.

Cum

Cum itaq; peccata mortalia confiteri, opus sit ad salutem: efficitur manifestè, de confessione diuinum esse præceptum.

In hac controuersia, post ea, quæ in superiore definita sunt, uix quicquam superest, quodd adijcere debeamus. Quippe certum, et persuasum nobis esse debet, omnem exteriorem uirtutis actum ad salutem ex diuina institutione necessarium: ex eadem quoque institutione in præcepto esse. Faciamus enim hominem peccatorem contritionem habere peccati sui. Tunc quaeritur, an hic teneatur confiteri ex diuino iure, nec ne. Si tenetur, id fides catholica docet: id nos in præsentia conficere uolumus. Sin non tenetur, sine peccato mortali potest confessio- nem omittere. Quare per solam contritionem saluabitur ac proinde confessionis sacramentum non est ad salutem necessarium.

Præterea, (ut reliqua argumenta prætereamus, quæ modò repetere molestum negotium esset) definitio illa Concilij Complutensis sub Reuerendissimo Archiepiscopo Tolletano Alfonso Carrillo, manifestè conuincit, non solum confessionem diuina lege iussam esse, uerum etiam id negare, hæreticum esse.

Prima igitur conclusio Petri Oxomensis ibidem damnata, sic habet; Peccata mortalia, quantum ad culpam, et poenam alterius sæculi delentur per solam cordis contritionem sine ordine ad claues.

Secunda conclusio. Quodd confessio de peccatis in specie fuerit ex aliquo statuto uniuersalis ecclesiæ, non de iure diuino.

Tertia conclusio. Quodd prauæ cogitationes confiteri non debent, sed sola displicentia delentur sine ordine ad claues.

Quarta conclusio. Quodd confessio non debet esse secreta. Has omnes et singulas hæreticas esse synodus definiuit. Est autem congregata autoritate Sixti quarti: et confirmata postea ab eodem Sixto in Extrauaganti, cuius retro mentionem fecimus: ubi denuo condemnantur tanquam hæreticæ illæ propositiones. Quo fit, ut qui asse-

runt hunc errorem esse temerarium, aut hæresim sapere, hanc Sixti definitionem minimè uiderint; quam non piguit semel atque iterum sumere, ut frequentius ob oculos positâ perenni memoria teneatur.

Ad primum argumentum. Iam ostendimus locum in euangelio Ioannis, unde confessionis præceptum ducitur. Nam quod Caietanus in commentarijs super hunc locum asserit: institutionem sacramenti pœnitentiæ inde haberi, non præceptum: certissimè saluabitur. Habetur enim necessitas comparendi coram iudicibus à Christo constitutis, atque ex consequenti præceptum confessionis: sine qua peccata nostra à sacerdotibus iustè ac prudenter discerni, iudicariq; non possunt. Iam, quod hæretici tradunt, Innocentium tertium fuisse confessionis auricularis autorem, imprudenter errant. Leo si quidem Papa multis annis ante Innocentium præcepit confessionem, non publicè fieri, sed occultè. Quin etiam asseruit contra apostolicam regulam publicam confessionem postulari: ut patet epistola. 57. ad episcopos Campaniæ: et. 69. ad Theodorum episcopum. Huius etiam iudicij sacramentalis apud sacerdotes meminit Innocentius primus in epistola ad Decentium capi. 7 Sed et Clemens in 1. epistola ad Iacobum fratrem domini, Petrum apostolum tradidisse refert, cogitationes etiam malas oportere Christianos mox ad Christum illudere, et sacerdotibus domini manifestare. Eius etiam est mentio apud Hieronymum in illud Ecclesiast. 10. Si mordeat serpens in silentio, &c. Nam quod super Psal. 84. referri solet, forsitan rejicietur, quòd commentaria illa, an D. Hieronymi sint, incertum est: quemadmodum lib. secundus. De uisitatione infirmorum et libellus Ad comitem, et liber De uera et falsa pœnitentia, D. Augustini esse negantur. Sed est tamen in Augustino locus, quem euertere ne Erasmus quidem possit in lib. 3. De baptismo contra Donatist. capit. 17 et 18. ubi nititur iudicium hoc sacerdotale eodem hoc ipso Ioannis asserere testimonio uide etiâ, tractatu. 2. in Psal. 101. super illud, Ut audiret gemitus compeditorum. Cyprianus quoq; sermone. 5. De lapsis, etiam eos, qui corde tan-

tum lapsi sunt, docet, hoc ipsum, apud sacerdotes Dei dolenter debere confiteri. Pœnitentiæ huius insuper, quæ apud sacerdotes fit, mentionem fecit Tertulianus in libro, De pœnitentia. Ambrosius autem lib. 1. De pœnitentia cap. 2. hanc sententiam eodem, quo et nos Ioannis testimonio confirmat. Nam alia, quæ solent afferri, ut est illud Iaco. 5. Confitemini alterutrum, &c. Et illud Lucæ. 17. Item ostendite uos sacerdotibus &c. non aded firma uidentur aduersus hæreticos testimonia, tametsi dici etiam facile poterat, quod licet ex sacra scriptura huiusmodi præceptum non haberetur: habetur tamen ex traditione Christi et apostolorum: quemadmodum et alia pleraque naturæ fidei documenta. Quod si rara apud antiquos secretæ confessionis mentio est, frequens uerò publicæ, ut in Concilio Niceno ca. 9 et alijs item plurimis, id sanè nihil nostræ huic definitioni aduersatur. Ostensum est si quidem, non solum ex traditione maiorum, uerum etiam ex euangelico testimonio: confessionem peccatorum sacerdoti fieri debere: quod quidem est de necessitate sacramenti. Secretam uerò, aut publicam confessionem fieri, prudentiæ est naturali relictum, quæ dicat, ut occulta peccata occultè, publica, publicè iudicentur.

Ad secundum argumentum, non possumus breuiter respondere: quoniam rei grauitas et utilitas multa nos dicere compellunt, quæ præteriri nulla ratione debent.

Primum igitur, confessionem integrari esse debere, apud Theologos exploratissimum est: ut patet in 4. dist. 16. et 17. ubi ea de re ab scholasticis Theologis disseritur. Habetur autem manifestè huius assertionis definitio in Concilio Florentino: ubi, posteaquàm decretum est, confessionem esse huius sacramenti materiam: ad confessionem id pertinere definitur, ut quis omnia peccata sua, quorum memoriam habet, integrè confiteatur: et concilium Lateranense, in capi. Omnis utriusq; sexus, De pœnitentijs et remissionibus: Omnia (inquit) peccata sua proprio sacerdoti confiteatur. Quod etiam usu totius ecclesiæ declarari facile potest: nam, qui tacet aliquod peccatum mortale, cum communi consensu fideles dampnant.

Diuis quoque Tho. 4. d. 17. q. 3. arti. 4. q. 2. rationibus hoc suadere conatur. Prima, quod confessio mutila, non est confessio, sed confessionis simulatio: non enim uere uult sanari ab illis morbis, quos explicat medico, qui alios tacet: cum medicina sit eadem omnibus sanandis, instituta: quæ ratio sumitur ex August. De uera et falsa pœnitentia. cap. 15. Quidam (ait) uni cœlant, quæ alij manifesta confitentur. Quod est ad hypochrysim tendere et semper carere uenia, ad quam totam per frustra putant peruenire. Secunda, quod confessio fit sacerdoti uice Dei cum spe ueniæ consequendæ: sed impium est, à Deo dimidiatam sperare ueniā. De uera et falsa pœnitentia. capi. 9. Ergo et à confessore impium est dimidiatam peccatorum remissionem expectare. Quæ eadem est ratio Augustini in illo cap. 15.

Tertia, quod sacramentum hoc ordinatur ad medicinam omnium peccatorum mortalium, quibus sacerdos curationem adhibiturus est. Quod nisi cognoscat medicus ægri totam habitudinem, non potest prudenter medicinam apponere. Nam, quæ uni morbo competit, alteri affert quandoque perniciem. Quæ ratio sumitur ex cap. Omnis utriusque sexus: ubi. Sacerdos more periti medici (Innocentius ait) diligenter inquirat peccatorum circumstantias et peccati: quibus prudenter intelligat, quale debeat ei præbere consilium, et cuiusmodi remedium adhibere, diuersis experimentis utendo ad saluandum ægrorum.

Durandus tamen. d. 17. q. 15. hanc quidem rationem calumniatur, sed eam tuetur Paludanus. q. 5. eiusdem distinctionis: ac multo etiam magis Adrianus. q. 4. De confessione. Nos uerò fatemur, conclusionem mathematica demonstratione planè exploratam haberi non posse: sed fide posita, afferuntur argumenta, quæ probant, consentaneum esse, ita fieri oportere. Ac re uera, cum huius sacramenti finis, non tam uindicare sit, quàm sanare (non enim uenit filius hominis in mundum, ut iudicet mundum, sed ut saluetur mundus per ipsum, Ioannis 3) notitia, necessaria iudici ad hoc salutare iudicium, ex tali fine sa-

Iuris depromenda est. Tantum itaque criminum poenitens confessori debet manifestare, quantum opus erit ad salubre poenitentis iudicium, atque uindictam. Et quemadmodum leges considerant, quod plerumque necesse est: raros autem euentus negligere solent: sic et rationes legis in ea spectant, quæ plurimum accidere solent: quæ uero rarerè incidunt, nec legem, nec rationem legis infirmant. Compertum sit igitur, confessionem peccatorum integram esse oportere. Sed, an id sit de iure diuino, in dubium uertitur. Cui tamen (ne longas moras trahamus) breuiter respondetur, confessionis integritatem ex diuina institutione fuisse. Qui enim confessionem instituit, non mancā et mutilā, sed integram instituit. Dei quippe perfecta sunt opera.

Deinde, materia sacramenti ex diuina institutione fuit. At confessio integra est materia huius sacrameti, ut Concilio Florentino definitur. Imò adedò, perspicuum est, cum formæ absolutionis confessio mutila et dimidiata repugnet. Non enim absoluit ligatum: multis funibus, qui unum præseindit, alijs non præcisit.

Denique Ioannis. 20. Sacerdotes iudices constituuntur à Domino ad remittenda peccata loco Dei. Si ergo sacerdos partem peccatorum remitteret, partem non remitteret, (quod paulo ante ratiocinabamur,) et Deus quoque partim absolueret, partim non absolueret, quod impium est. Cumq; omnium peccatorum mortalium sint iudices: si quibûsdam cognitis, alijs neglectis, reus absolueretur: proculdubio iudicium, non solum imprudens esset, uerùm etiam iniquum.

Porro, si omnia hæc argumenta defuissent: usus Ecclesiæ usque ab apostolis receptus id satis ostendit: semper enim intellexit ecclesia confessionem, quam à Christo accepit, integram esse debere.

Veruntamen adhuc dubium est, An satis sit confiteri omnia peccata, quorum quis forte memoriam habet: an oporteat etiam adhibere diligentiam, ut peccata in memoriam reuocentur. Nam uidetur, illud prius satis esse: quoniam in concilio Florentino dicitur, ad confessionem

perti-

PARS V. RELECT.

suis in articulo mortis deesse uoluisse; idq; eò magis, quò exemplo Christi sponsi sui facere; et potuit et debuit: què constat in sacramento baptismi (quòd necessarium esse ad salutem uoluit) nulli in articulo mortis defuisse. Præterea. Necessitas non habet legem, ut habes in capit. quod non est, de regulis iuris, non ergo existimanda est ecclesia, legem, qua præcisum amouet à sacramentorum ministerio, ad extremum necessitatis articulum extendere uoluisse. Præter ea, odia restringi, fauores conuenit ampliari: ut etiam iuris regula tradit. Quòd autem quilibet sacerdos in articulo mortis quemlibet possit absoluerè, gratia est et fauor populi Christiani. Quo circa, ampliare potius, quàm stringere debemus.

Quòd autem præcisi sacramentorum ministerio priuantur, in odium est; restringendum itaque esse uidetur; nam pœnæ, legum interpretatione, molliendæ sunt, non exasperandæ; De pœnitentia distinctione prima cap. Pœnæ. Probabile igitur est, à præciso sacerdote fideles posse sacramentum absolutionis in mortis articulo recipere: uide licet, si absque periculo fidei recipi potest. Ac profectò non ambigo, quin à catholico excommunicato, etiam nominatim, in mortis articulo pœnitentiæ possimus suscipere sacramentum; si alius desit. Quippe, non uideo causam, quare fideles in articulo mortis, presente sacerdote catholico, priuentur sacramento ex diuina institutione ad salutem necessario.

Quod utique esset minus tolerabile, quàm in mortis articulo casus reseruare; præsertim cùm homines ferè, non contritionem, sed attritionem habeant, qua propter durum esset, hominibus maiori ex parte imbecillis, in tali periculo uelle deesse. Quòd si hæc exceptio ministri catholici, etiam per excommunicationem præcisi, iure optimo defenditur: non est absurdum, et alios præcisos excipere, tantùm in mortis articulo. Quoniam extrema necessitas, siue corporalis, seu spiritualis sit, ab omni ecclesiæ lege uidetur excepta.

Id uerò, quod obijci in contrarium solet ex. 24. q. 1. cap. Audiuius, per hæc facilè diluitur, cui simile est, quòd

Ambrosius

Ambrosius ait; De pœnitentia, d. 1. cap. Verbum. et cap. Potest fieri; obidque simili ratione soluitur. Illud autem, quod opponitur ex cap. ultimo eiusdem causæ et quæstionis, aduersus hanc sententiam nihil penitus facit. Primum, quod ibi sermo est de Eucharistiæ sacramento; quod non est sacramentum necessitatis. Deinde, quod id fecit Hermogildus, ne Arriano episcopo faueret; quem rex ob eum finem distinauerat. In quo euentu ne sacramentum quidem baptismi ab hæretico recipiendum esset. Nam, quod in extrauaganti, Vnam sanctam de maiortate et obedientia Bonifacius docet, extra ecclesiam non esse remissionem peccatorum; et ex dictis modò, explicari facile potest, et quemadmodum intelligendum esset, in superioris anni relectione docuimus.

At, si quis communem opinionem sequi uelit, cuius etiam D. Tho. fuisse uidetur. 4. d. 19. artic. 2. quæstione. 2. ad tertium; et distin. 17. quæstione. 3. artic. 3. quæst. 1. ad secundum, et. 3. p. quæst. 82. artic. 7. ad secundum respondere aliter potest, negando minorem. Nec est simile de baptismo et pœnitentia, quoniam baptismus multò magis est necessarius, quàm pœnitentiæ sacramentum; eò quod non solum opus est, quatenus remedium peccati, sed quatenus professio est Christianæ fidei, et in Christum incorporatio.

Vnde ad tertium argumentum, iuxta duas has differentes opiniones dupliciter item responderi potest. Nam, difficile est de doctissimorum uirorum iudicare sententijs; et in medio seniorum, iuuenes sedere arbitros. Itaque ex his duabus utra sit opinio deligenda, prudentiorum ego et doctiorum arbitrio derelinquo.

Ad quartum, ubi difficultas est, à quonam habeat iurisdictionem, qui Summum Pontificem absoluit, communis opinio respondet, quod Summus Pontifex eligendo confessorem, confert ei potestatem, quam tamen ipse exercere non potest, ut diaconus, electus episcopus, potest demandare absolutionem à peccatis: cum ipse tamen peccatores absolvere non queat; quæ est solutio Cardinalis Turrecremata, lib. 1. summæ ecclesiasticæ, cap. 98. et D. Bonaventuræ.

uenturæ. 4. d. 19. et D. Thomæ, d. 19. q. 1. arti. 3. q. 3. At, Paludanus eadem dist. q. 2. et Capreolus eadem di. q. unica, artic. 3. melius sentire uidentur; iurisdictionem, qua sacerdos electus à Pontifice eum absoluit, à Christo esse, et non ab ipso Pontifice, quia Deus nō deficit in necessarijs. Quare Summo Pontifici de ministro sacramenti ad salutem necessarij prouidit. Item Summus Pontifex post peccatum mortale factus est subditus in foro interiore; nam obligatur confiteri sacerdoti, sicut et quilibet alius, qui mortaliter peccauit, iudicio huius fori sacramentalis obnoxius fit; ergo sine commissione ipsius est in ecclesia iudex, cui scilicet confiteri teneatur.

Præterea. Licet episcopus diaconus committere alteri absolutionem possit; sed non tamen, nisi eorum, quorum est pastor committere potest, hoc est, suorum subditorum. At. Summus Pontifex non est pastor sui ipsius nec iudex, quomobrem sui ipsius absolutionem committere alteri non potest. Nec me fugiunt, quæ Cardinalis Caietanus, uir alioqui doctissimus, scripsit quæstione unica de ministro huius sacramenti; quæ mihi non placent omnia sed (humanorum ingeniorum ea, uel fors, uel conditio est) alijs non placebunt nostra. Equidem, quamdiu ratio melior non succurrit, non auderem asserere, confessorem Summi Pontificis nullam habere iurisdictionis potestatem super ipsum, nec à Christo, nec ab ecclesia, nec ab ipso Summo Pontifice, quod Caietanus uidetur admittere. An admittendum sit uiderint alij, nam ego, principium absolutionis sacramentalis existimo, non solam esse potestatem ordinis, uerum etiam iurisdictionis. Quippe, cum minister huius sacramenti (iuxta Concilium Florentinum) sit sacerdos habens auctoritatem, uel ordinariam, uel ex commissione superioris: cumque etiam sacramentum hoc iudiciale sit, minister eius, nisi iudicem intelligere non ualeo: iudicem autem sine iurisdictione, ne cogitatione quidem informare possum, eo uel maximè, quòd minister huius sacramenti soluit, et ligat: ac proinde, iurisdictionis potestatem habet. Igitur, sicut Summus Pontifex propter crimen hæresis subditus sit ecclesiæ in foro exterior-

exteriore, idque ex diuina institutione: sic per quodlibet mortale peccatum Ecclesiæ subijcitur in foro interiori; Christo instituyente et obligante Pontificem Summum, ut coram sacerdote compareat: tamen si hanc illi dederit facultatem, ut eligat, quem maluerit. Quam traditionem sicut et cæteras Christi, licet scriptas non habeamus, ab apostolis accepimus.

Itaque sacerdos simplex, cum initiatur, non ordinis modò potestatem, sed iurisdictionis etiam accipit, non simpliciter et quantum ad omnes sed primum, quantum ad uenialia peccata. D. Tho. d. 18 art. 3. q. 1. ad tertium, et est communis opinio: Deinde, quantum ad mortalia: quibus est iam peccator à proprio sacerdote solutus quoniam illud iudicium est pœnitus arbitrarium, cum nulli tenear me subdere, neque apparet unde proprius sacerdos habeat solus potestatem in illa peccata, cum non sit materia subiecta proprio sacerdoti. Præterea, quantum ad omnia in articulo mortis: denique ad summum Pontificem absoluum. Atque horum omnium radix eadem est: etenim, (ut Capreolus et Durandus. d. 19 4. diligenter annotauerunt) in uniuersum apostolis dictum est. Accipite spiritum sanctum: quorum remiseritis peccata &c. Restrictio autem facta ex speciali commissione facta Petro: cui, quoniam clauæ tanquàm primo clauigero collatæ sunt, id consequenter est demandatum, ut eius autoritate, quicumque alius aperit, aperiat &c. nam illa commissio de alijs à Petro facta est: Ideoque Petrus, et eius successores non subiacent illi restrictioni, quin possint absolui à quolibet sacerdote.

Ad quintum uerò argumentum, nonnulli respondent, illud uerbum domini, non de corporali seu sacramentali manducatione corporis Domini, sed de spiritali esse intelligendum. Qui autem per fidem Christum habet in se maiorem, is spiritaliter manducat corpus, et bibit sanguinem: quia Christi membrum efficitur: ac proinde particeps ipsius, et carnis, et sanguinis. Id autem necessarium est ad salutem, non solum adultis, uerum etiam paruulis. Atque huius sententiæ uidetur esse D. Thomas. 3.

p. q. 65. arti. 4. ad secundum; et q. 80. arti. 9. ad tertium. Et Hieronymus in primum cap. epistolæ ad Ephes. De conf. d. 2. cap. Dupliciter. 10. In d. Origines homil. 7. in Leui. et August. lib. 31. De doctrina Christi. cap. 16. manifestè doceant, hunc locum figurat esse accipiendum, ut per metaphoram, qui credit in Christum, eique incorporatur, Christum dicatur manducare. Eandemq; expositionem ubique locorum Augustinus probat: ut tractatu in Ioannem. 26. et 27. Et lib. 1. contra duas epist. Pelag. cap. 22. et lib. 1. cap. 4. De consecratione d. 4. cap. In ecclesia: et capite sequenti: ubi et refert, Innocentium huius sententiæ fuisse ac reuera fuisse: ut patet in epistola eiusdem Innocentij ad Concilium Cartaginense. Et ratio quoque illis suffragatur quia, si de sacramentali manducatione dominus loqueretur, falsum esset illud. Qui manducat meam carnem, et bibit meum sanguinem in me manet, et ego in illo, constat enim multos carnem Christi, atque eius sanguinem in sacramento accipere, et non eosdem in Christo manere. Item etiam, cum sermo uniuersalis sit: si de sacramentali manducatione intelligeretur, iam paruulis esset eucharistia necessaria, ut uitam haberent in semetipsis, quod est erroneum. Ac Laicis præterea sumptio huius sacramenti sub utraque specie esset ad uitam necessaria; quæ est hæresis Lutherana.

At uerò, licet Dominus ibi de spirituali manducatione sermonem faciat: non tamen excluditur sacramentalis: ut patet ex D. August. in Ioannem, tractatu. 26. atque ex Thoma 3. p. q. 83. art. 11. Vnde et eiusdem partis. q. 65. art. 4. ad secundum, ait, Illud uerbum Domini intelligendum esse de spirituali manducatione, et non de sola sacramentali. Non dixit. Et non de sacramentali. Quod autem de sumptione etiam sacramentali uerba fiant, mihi facile persuadeo. Primum, quia de futuro loquitur Dominus dicens: Panis quem ego dabo, caro mea est, nondum enim instituerat eucharistiæ sacramentum. Deinde, quia discernit manducationem et potationem, inquit. Nisi manducaueritis carnem, et biberitis, &c. ubi integrum sacramentum carnis et sanguinis, quod in cibum et potum daturus

daturus erat, apertè distinxit. Accedit ad hoc, quòd Ioannes Euangelista, si eo capite de Eucharistiæ sacramento non fecisset mentionem, omnino nulla aliissimè sacramenti rationem habuisset: cùm in reliquis sui Euangelij partibus, ne uerbum quidem ullum de eucharistia fecerit. Adde, quod plerique sancti de eucharistiæ sacramento illum locum interpretantur: ut Chrysostomus in Ioannem hom. 45. et lib. 3. De dignitate sacerdotali capi. 4. et Augusti. lib. 1. de Baptis. parui. capi. 20. Ambros. lib. 4. De sacramentis. Bernardus in sermone De resurrectione, cuius initium, Vicit Leo. Cyrillus quoque, ac Theophylactus in commentarijs super Ioannem: atque alij, quos refert Gratianus De consecratione. d. 2. Certè ecclesia, cùm aduersus hæreticos de eucharistiæ sacramento disputat, ex eo capite, uel maximè testimonia sumit. In Concilio præterea Constantiensi, sessione. 13. cùm hæreticorum argumento obiter responderetur, qui ex hoc testimonio sumebant, Laicis sub utraque specie hoc sacramentum esse conferendum: non confugerunt patres ad spirituales manducationem, sed crediderunt, id quod dominus dicit, Nisi manducaueriti, &c. etiam à Laicis sub specie panis seruari: cùm firmissimè (inquiunt) credendum sit, sub utraque specie integrum Christi corpus et sanguinem contineri. Et (ne longum faciam) Concilium Ephesinum in Epistola ad Nestorium, hunc ipsum locum, de quo differimus, de sumptione sacramenti corporis et sanguinis domini interpretatur. Atque id nos latè persecuti sumus: ut uim argumenti conseruaremus; scilicet, quod difficilius est, quàm ut per illam priorem intelligentiam eludi possit.

III. Igitur, (ut ex locis citatis apud D. Thomam colligere licet) testimonium illud, licet dissimuliter, utraque tamen expositione complectitur, et spiritualis et sacramentalis manducationis. Non enim qui corporaliter dentibus terit eucharistiæ sacramentum, habet uitam æternam: nisi et spiritualiter manducet, hoc est, credat in Christum uiua fide: et Ecclesiastici corporis, cuius Christus caput est, membrum fiat. Ergo spiritualis manducatio per fidem, medium est necessarium ad salutem et ad uitam,

et paruulis. Suscipiturq; hoc medium, cum baptismus suscipitur: ut Diuus Augustinus exponit, libro primo, De baptismo paruulorum, capite uigessimo, et locis quoque paulo ante citatis: ac, Diuus Thomas tertia parte, quæstione, septuagesima tertia, articulo tertio. Sacramentalis autem manducatio non hoc modo est de necessitate salutis, sicut baptismus: uidelicet, quia Baptismus est necessarius, non solum necessitate præcepti, uerum etiam, ut medium, sine quo salus non constat. At sacramentalis eucharistiæ manducatio solum est necessaria, ut præceptum: ac proinde solis adultis: quibus duntaxat præceptum imponitur. Quòd autem hæc sit mens Diui Thomæ, colligere possumus ex tertia parte, quæst. 65. articulo quarto, et quæstione. 80. art. 1. Quid autem in causa sit, quam ob rem similibus uerbis non similis necessitas præscribatur, non facillè dicitur: nisi ad ecclesiæ sententiam nostras intelligentias referamus: quæ sacramentalem eucharistiæ summptionem nunquam intellexit esse medium ad salutem necessarium: pœnitentiam esse intellexit, uel utrumque sacramentum necessarium est in re uel in uoto, sed aliter tamen utrumlibet: nam uotum eucharistiæ in baptismo continetur: uotum autem pœnitentiæ in nullo alio sacramento. Quo fit, ut uotum eucharistiæ satis sit implicitum, uotum pœnitentiæ requiratur explicitum. Atq; id forsitam est ad. D. Thomæ sensum accomodatus.

Ad sextum argumentum respondetur, quòd Nestarius antecessor Chrysostomi confessionem secretam de medio sustulerat, ut illò capite Sozomenus tradit. Quamobrem, Chrysostomus Nestario succedens, de confessione hac auriculari, populo uerba facere noluit, quia enim nondum scandalum sedatum erat, quod in ecclesia Constantinopolitana per occasionem secretæ confessionis fuerat exortu: non est ausus, eam restituere: quam, scilicet, uir probatæ fidei apud Constantinopolitanos abiecerat. Nec apud Græcos confessio quæ sacerdotibus in aurem fit, tam est recepta, quam apud Latinos, unde Sozomenus loco illo citato, apud occidentales ecclesias ritum confessionis asserit maximè et traditum et retentum. Sed et de pœnitentia,

tia, distinctione prima capituli finali Theodorus dicit, Græcos existimare solum Deo esse confitenda peccata. Quemadmodum itaque baptismus non statim à passione Christi cœpit esse medium omnibus necessarium ad salutem, sed post sufficientem euangelij et baptismi euulgationem: ita et confessionis sacramentum ex eo tempore cœpit omnibus hominibus esse necessarium, etiam de peccatis secretis, quo sufficienter promulgatum est. Quo fit, ut Græci ante plenam inuulgationem sine peccatorum confessione occultorum saluari potuerint. Iurisconsultis uerò, ac nonnullis etiam Theologis sanè parcendum est, quòd in quæstione perobscura, et quæ eo tempore nondum erat satis explicata ac definita, ignoranter errauerint.

Sed quoniam plus nimio longa facta est disputatio, iam ad partem relectionis postremam pergamus. In qua illud quærebatur, An de poenitentiae sacramento diuinum præceptum sit. et quoniam primam huius sacramenti partem, hoc est contritionem cordis, quemadmodum in præcepto diuino esset, ostendimus. Reliquæ sunt duæ, (de quibus nobis instituenda est disputatio) confessio uidelicet oris, et satisfactio operis: nam alterius præceptum hæretici negant, alterius etiam catholici.

Ad illud igitur explicandum prius aggrediamur, An confessio, quæ sacerdotibus in aurem fit, euangelico iure sit præcepta. Suadetur enim non esse. Primum, quia tale præceptum diuini iuris nullo sacrarum literarum loco reperitur. Quod si ita est, ut certè uidetur esse, non est cur diuini iuris præceptum esse fingamus. Deinde: Si confessio diuinæ institutionis esset, eius quoque integritas ab euangelico iure profisceretur: unde fieret ut et poenitens omnium peccatorum et species et numeros dicere, et confessor sollicitè utrumque interrogare deberet, quod esset re uera molestissimum. Ac præterea non liceret ecclesiae ulla ex causa confessionem partiri. At partitur ut, cum sunt casus reseruati, absoluit Romanus Pontifex ab illis: pro alijs uerò non reseruatis remittuntur poenitentes ad proprios sacerdotes. Non igitur diuinæ in-

PARS V. RELECT. 30
stitutionis est omnia simul peccata sacerdoti confiteri.

Præterea. Si hoc præceptum Evangelicum fuisset, tunc non obstante damno, uel proprio, uel alieno, confiteri teneremur, sicut et baptizari. At asserunt doctores, iacturam, aut meam, aut alterius idoneam esse causam, cur ego non debeam confiteri: non est ergo diuini iuris obligatio.

Præterea. Si Christus dominus confessionem iussit, certè eam iussit quæ medium est necessarium ad salutem, scilicet, formatam. Quamobrem, qui præstaret confessionem informem, eam iterum facere teneretur, quod esset profecto durissimum.

Præterea. Si præceptum de confessione diuinum esset, mutus hac etiam lege constringeretur. Id uerò tam est absurdum, quàm esset absurda confessio, quæ à mutis proficiscere ur. Item et absens per epistolam confiteri deberet absenti sacerdoti, atque adeò peccator ignoræ linguæ præsentis per interpretem.

Ad hæc. Eadem ratione Dei præceptum esset, solis proprijs sacerdotibus confiteri: cum soli sint, à Deo iudices constituti, unde et in capite. Firmiter, De summa trinitate, clauis solis apostolis, et eorum successoribus dicuntur esse collatæ.

Postremò. Si mandatum hoc ex euangelio posset haberi: id uel maximè ex illo Ioannis. 20. capite. Quorum remiseritis peccata, remittuntur eis: et quorum retinueritis retenta sunt. At inde non habetur, pari enim ratione oportet, uenialia confiteri: cum de illis etiam ibidem sermo sit, alias confessio uenialium ad hoc sacramentum non pertineret, et si de utrisque loquitur Christus, cum ait, Quorum remiseritis peccata, ad utraque etiam pertinet, quod dicit, Quorum retinueritis, &c. Compertum igitur uidetur esse, aut utrorumque, aut neutrorum confessionem in præcepto diuino esse.

In contrarium est, quòd sacramentum poenitentiae ad salutem necessarium est, ut ante docuimus. Quod utiq; sacramentum citra confessionem constare non potest: quæ, uidelicet, est præcipua huius sacramenti materia.

Cum

Cum itaq; peccata mortalia confiteri, opus sit ad salutem: efficitur manifestè, de confessione diuinum esse præceptum.

In hac controuersia, post ea, quæ in superiore definita sunt, uix quicquam superest, quodd adijcere debeamus. Quippe certum et persuasum nobis esse debet, omnem exteriorem uirtutis actum ad salutem ex diuina institutione necessarium: ex eadem quoque institutione in præcepto esse. Faciamus enim hominem peccatorem contritionem habere peccati sui. Tunc quaeritur, an hic teneatur confiteri ex diuino iure, nec ne. Si tenetur, id fides catholica docet: id nos in præsentia conficere uolumus. Sin non tenetur, sine peccato mortali potest confessio nem omittere. Quare per solam contritionem saluabitur ac proinde confessionis sacramentum non est ad salutem necessarium.

Præterea, (ut reliqua argumenta prætereamus, quæ modò repetere molestum negotium esset) definitio illa Concilij Complutensis sub Reuerendissimo Archiepiscopo Tolletano Alfonso Carrillo, manifestè conuincit, non solum confessionem diuina lege iussam esse, uerùm etiam id negare, hæreticum esse.

Prima igitur conclusio Petri Oxomensis ibidem damnata, sic habet; Peccata mortalia, quantum ad culpam, et poenam alterius sæculi delentur per solam cordis contritionem sine ordine ad clauas.

Secunda conclusio. Quodd confessio de peccatis in specie fuerit ex aliquo statuto uniuersalis ecclesiæ, non de iure diuino.

Tertia conclusio. Quodd prauæ cogitationes confiteri non debent, sed sola displicentia delentur sine ordine ad clauas.

Quarta conclusio. Quodd confessio non debet esse secreta. Has omnes et singulas hæreticas esse synodus definiuit. Est autem congregata auctoritate Sixti quarti: et confirmata postea ab eodem Sixto in Extrauaganti, cuius retro mentionem fecimus: ubi denuo condemnantur tanquam hæreticæ illæ propositiones. Quo fit, ut qui asse-

runt hunc errorem esse temerarium, aut hæresim sapere, hanc Sixti definitionem, minimè uiderint; quam non piguit semel atque iterum sumere, ut frequentius ob oculos positâ perenni memoria teneatur.

Ad primum argumentum. Iam ostendimus locum in euangelio Ioannis, unde confessionis præceptum ducitur. Nam quod Caietanus in commentarijs, super hunc locum asserit: institutionem sacramenti pœnitentiæ inde haberi, non præceptum: certissimè saluabitur. Habetur enim necessitas comparendi coram iudicibus à Christo constitutis, atque ex consequenti præceptum confessionis: sine qua peccata nostra à sacerdotibus iuste ac prudenter discerni, iudicariq; non possunt. Iam, quod hæretici tradunt, Innocentium tertium fuisse confessionis auricularis autorem, imprudenter errant. Leo si quidem Papa multis annis ante Innocentium præcepit confessionem, non publicè fieri, sed occultè. Quin etiam asseruit contra apostolicam regulam publicam confessionem postulari: ut patet epistola. 37. ad episcopos Campaniæ: et. 69. ad Theodorum episcopum. Huius etiam iudicij sacramentalis apud sacerdotes meminit Innocentius primus in epistola ad Decentium capi. 7 Sed et Clemens in 1. epistola ad Iacobum fratrem domini, Petrum apostolum tradidisse refert, cogitationes etiam malas oportere Christianos mox ad Christum illidere, et sacerdotibus domini manifestare. Eius etiam est mentio apud Hieronymum in illud Ecclesiast. 10. Si mordeat serpens in silentio, &c. Nam quod super Psal. 84. referri solet, forsitan reijcietur, quòd commentaria illa, an D. Hieronymi sint, incertum est: quemadmodum lib. secundus. De uisitatione infirmorum: et libellus Ad comitem, et liber De uera et falsa pœnitentia, D. Augustini esse negantur. Sed est tamen in Augustino locus, quem euertere ne Erasmus quidem possit in lib. 3. De baptismo contra Donatist. capit. 17 et 18. ubi nititur iudicium hoc sacerdotale eodem hoc ipso Ioannis asserere testimonio uide etiâ, tractatu. 2. in Psal. 101. super illud, Vt audiret gemitus compeditorum. Cyprianus quoq; sermone. 5. De lapsis, etiam eos, qui corde tan-

tum lapsi sunt, docet, hoc ipsum, apud sacerdotes Dei dolenter debere confiteri. Pœnitentiæ huius insuper, quæ apud sacerdotes fit, mentionem fecit Tertulianus in libro, De pœnitentia. Ambrosius autem lib. 1. De pœnitentia cap. 2. hanc sententiam eodem, quo et nos Ioannis testimonio, confirmat. Nam alia, quæ solent afferri, ut est illud Iaco. 5. Confitemini alterutrum, &c. Et illud Lucæ, 17. Item ostendite uos sacerdotibus &c. non aded firma uidentur aduersus hæreticos testimonia, tametsi dici etiam facile poterat, quod licet ex sacra scriptura huiusmodi præceptum non haberetur: habetur tamen ex traditione Christi et apostolorum: quemadmodum et alia pleraque naturæ fidei documenta. Quod si rara apud antiquos secretæ confessionis mentio est, frequens uerò publicæ, ut in Concilio Niceno ca. 9. et alijs item plurimis, id sanè nihil nostræ huic definitioni aduersatur. Ostensum est si quidem, non solum ex traditione maiorum, uerùm etiam ex euangelico testimonio: confessionem peccatorum sacerdoti fieri debere: quod quidem est de necessitate sacramenti. Secretam uerò, aut publicam confessionem fieri, prudentiæ est naturali relictum, quæ dicat, ut occulta peccata occultè, publica, publicè iudicentur.

Ad secundum argumentum, non possumus breuiter respondere: quoniam rei grauitas et utilitas multa nos dicere compellunt, quæ præteriri nulla ratione debent.

Primum igitur, confessionem integram esse debere, apud Theologos exploratissimum est: ut patet in 4. dist. 16. et 17. ubi ea de re ab scholasticis Theologis disseritur. Habetur autem manifestè huius assertionis definitio in Concilio Florentino: ubi, posteaquàm decretum est, confessionem esse huius sacramenti materiam: ad confessionem id pertinere definitur, ut quis omnia peccata sua, quorum memoriam habet, integrè confiteatur: et concilium Lateranense, in capi. Omnis utriusq; sexus, De pœnitentijs et remissionibus: Omnia (inquit) peccata sua proprio sacerdoti confiteatur. Quod etiam usu totius ecclesiæ declarari facillè potest: nam, qui tacet aliquod peccatum mortale, cum communi consensu fideles damnant.

• *Diuus quoque Tho. 4. d. 17. q. 3. arti. 4. q. 2. rationibus hoc suadere conatur. Prima, quod confessio mutila, non est confessio, sed confessionis simulatio: non enim uere uult sanari ab illis morbis, quos explicat medico, qui alios tacet: cum medicina sit eadem omnibus sanandis instituta: quæ ratio sumitur ex August. De uera et falsa poenitentia. cap. 15. Quidam (ait) uni cœlant, quæ alij manifesta conseruant. Quod est ad hypochrysim tendere et semper carere uenia, ad quam totam per frustra putant peruenire.*

• *Secunda, quod confessio fit sacerdoti uice Dei cum spe ueniam consequendæ sed impium est, à Deo dimidiatam sperare ueniam, De uera et falsa poenitentia. capi. 9. Ergo et à confessore impium est dimidiatam peccatorum remissionem expectare. Quæ eadem est ratio Augustini in illo cap. 15.*

• *Tertia, quod sacramentum hoc ordinatur ad medicinam omnium peccatorum mortalium, quibus sacerdos curationem adhibiturus est. Quod nisi cognoscat medicus ægri totam habitudinem, non potest prudenter medicinam apponere. Nam, quæ uni morbo competit, alteri affert quandoque perniciem. Quæ ratio sumitur ex cap. Omnis utriusque sexus: ubi. Sacerdos more periti medici (Innocentius ait) diligenter inquirat peccatorum circumstantias et peccati: quibus prudenter intelligat, quale debeat ei præbere consilium, et cuiusmodi remedium adhibere, diuersis experimentis utendo ad saluandum ægrorum.*

• *Durandus tamen d. 17. q. 15. hanc quidem rationem calumniatur, sed eam tuetur Paludanus. q. 5. eiusdem distinctionis: ac multo etiam magis Adrianus. q. 4. De confessione. Nos uerò fatemur, conclusionem mathematica demonstratione planè exploratam haberi non posse: sed fide posita, afferuntur argumenta, quæ probant, consentaneum esse, ita fieri oportere. Ac re uera, cum huius sacramenti finis, non tam uindicare sit, quàm sanare (non enim uenit filius hominis in mundum, ut iudicet mundum, sed ut saluetur mundus per ipsum, Ioannis 3.) notitia, necessaria iudici ad hoc salutare iudicium, ex tali fine sa-*

luta

Intis depromenda est. Tantum itaque criminum poenitens confessori debet manifestare, quantum opus erit ad salubre poenitentis iudicium, atque uindictam. Et quemadmodum leges considerant, quod plerumque necesse est: raros autem euentus negligere solent: sic et rationes legis in ea spectant, quæ plurimum accidere solent: quæ uero rareriter incidunt, nec legem, nec rationem legis infirmant. Compertum sit igitur, confessionem peccatorum integram esse oportere. Sed, an id sit de iure diuino, in dubium uertitur. Cui tamen (ne longas moras trahamus) breuiter respondetur, confessionis integritatem ex diuina institutione fuisse. Qui enim confessionem instituit, non maneam et mutilam, sed integram instituit. Dei quippe perfecta sunt opera.

Deinde, materia sacramenti ex diuina institutione fuit. At confessio integra est materia huius sacramenti, ut Concilio Florentino definitur. Imò adeò, perspicuum est, cum formæ absolutionis confessio mutila et dimidiata repugnet. Non enim absoluit ligatum multis funibus, qui unum præscindit; alijs non præcisit.

Denique Ioannis. 20. Sacerdotes iudices constituuntur, à domino ad remittenda peccata loco Dei. Si ergo sacerdos partem peccatorum remitteret, partem non remitteret, (quod paulo ante ratiocinabamur,) et Deus quoque partim absolueret, partim non absolueret, quod impium est. Cumq; omnium peccatorum mortalium sint iudices: si quibûsdam cognitis, alijs neglectis, reus absolueretur: proculdubio iudicium, non solum imprudens esset, uerùm etiam iniquum.

Porro, si omnia hæc argumenta defuissent: usus Ecclesiæ usque ab apostolis receptus id satis ostendit: semper enim intellexit ecclesia confessionem, quam à Christo accepit, integram esse debere.

Veruntamen adhuc dubium est, An satis sit confiteri omnia peccata, quorum quis forte memoriam habet: an oporteat etiam adhibere diligentiam, ut peccata in memoriam reuocentur. Nam uidetur, illud prius satis esse: quoniam in concilio Florentino dicitur, ad confessionem perti-

pertinere, ut omnia peccata, quorum homo memoriā habet, integrè confiteatur. In contrarium est communis sententia Theologorum: atque adeò communis usus populi Christiani.

Pro huius rei explicatione, cum primis aduertendum est, unum, idemq; præceptum esse de confessione, de eius integritate, de examine conscientiæ, ac peccatorum inquisitione. Nam, ob id tenetur homo integrè confiteri, quia tenetur cōfiteri, et idcirco examinare conscientiam, et peccata quæ fecit inquirere, quia debet integritatem in confessione seruare.

Illud deinde commemorandum est, (quod aliàs sæpè diximus) huius iudicij sacramentalis finem, non tam punctionem, et uindicationem iustitiæ esse, quàm uindicationem salutarem: Ex quò fit: ut, licet in iudicio purè uindicatiuo exacta culparum cognitio requiratur, ut uidelicet tanta sit pœna, quanta quis per culpas meritus est: ac in iudicio hoc sacramentali non exigitur exacta cognitio peccatorum: sed qualis, et quanta necessaria est ad curationem, et salutem pœnitentis, hæc enim huius iudicij finis est. Quæ quidem doctrina habetur ex cap. Omnis, de pœnitentijs, et remissionibus. Ibi, More periti medici sacerdos diligenter inquirat peccatoris circumstantias et peccati &c. Idem traditur ab eodem Innocentio, in cap. Deus qui: eodem titulo: Cum pœnitentia (inquit) non tam secundum quantitatem excessus, quàm pœnitentis contritionem per discreti sacerdotis arbitrium sit moderanda, pensata, qualitate personarum, et consideratis circumstantijs omnibus, pro ut saluti eorum uiderit expedire.

His animaduersis, prima conclusio sit. Non tenetur quis omnem operam, quam potest, dare: ut omnia peccata, quæ fecerit, in memoria conseruet: uidelicet, ut postea tempore confessionis nullum intermittatur. Hanc conclusionem, uel eo solo argumento amplecti debemus, ne Christi iugum insuaue, imò adeò importabile hominibus redderetur: ne Germani meritò possint obijcere (quod quidam illorum impudenter) doctores scholasticos, homines nimium argutos, confessionem hodie ta-

lem reddidisse, ut iuxta illorum ætherosin impossibile sit confiteri.

Præterea. Pauci admodum eorum, qui semelin anno confitentur, memoria tenent uniuersa peccata mortalia, omnes circumstantias, omnesq; cogitationes: et tamen, si peccator simul atque peccat, scriberet peccatum, obliuioni cerè frequentissimæ mederetur. Non igitur quancunque potest curam impendere homo tenetur, ut omnia peccata memoria teneat, nisi uelimus ad hanc scribendi scrupulosam diligentiam homines obligare.

Item. Quidnam is faciet, qui literas nescit? Num locis et signis peccata denotabit: ut eo pacto memoriæ imbecillitati succurrat? Minimè gentium. Age uerò, quid cum rusticis agemus, si hæc sententia uera non est? Nempe nihil aliud, quàm eos obligare, ut non semel modò, uerumeriam cientes in anno confiteantur, si quicquid ualent præstare tenentur, ne ullius peccati obliuiscantur. Et, cum ex duobus iactis fundamentis hæc conclusio maximè constet, non est cur nos in ea probanda amplius immoremur.

Secunda conclusio. Tempore, quò quis tenetur confiteri, aliquam diligentiam adhibere debet peccatis omnibus, quæ commisit, inquirendis. Tenetur enim integram confessionem facere, quod nulla adhibita diligentia, est moraliter impossibile. Idem etiam patet ex fine confessionis, siue quatenus iudicium uoluntarium est, siue in quantum est iudicium medicinale.

Tertia propositio. Qui adhibet humanam uel mediocrem diligentiam (qualem uidelicet præstare solent uiri, mediocriter timentes Deum, quisque iuxta conditionem gradus et ordinis sui) uerè implet legem de confessione integrè faciendâ. Verbi gratia, si ego adhibui aliquam diligentiam, et per paruam ulteriorem, probabiliter existimo aliqua mortalia fore in memoriam reuocanda, teneor ulterius inquirere. Quòd si putò nullum aliud peccatum uenturum in mentem, nisi forsitam iugenti quadam discussione, et magni temporis inquisitione, non oportet esse sollicitum, satis nempe est illa mediocris et humana di-

na diligentia.

Quarta propositio. Si quis adhibuit diligentiam et curam in examinanda conscientia, quam credit esse sufficientem, etiam si fallatur, excusari talis negligentia à peccato mortali, et potest, et debet. Non in omnibus id quidem sed in hominibus pijs: qui timent Deum, atq; habent mediocrem curam animæ suæ. Cæterum impios, quos uidelicet nulla animæ suæ cura tangit, ego nulla ratione à peccato mortali excusarem: etiam si existiment, se diligentiam idoneam adhibuisse: cum; uidelicet, omittunt; uel ignorantes aliqua peccata, ex insufficienti discussione.

Nam, cum huiuscemodi hominibus minima diligentia esse uideatur maxima, cunq; sint soliti adhibere mediocrem, timere sibi necessariò debent. Quod si non timent, nullam excusationem habent peccatis suis. Contra, hiri conscientia sobria et timorata, cum adhibere diligentiam et curam soleant: si quando ex ignorantia et inconsideratione prætermittant: iure optimo, à mortali culpa saltem, excusantur.

Quod si obiecias, eam diligentiam mediocrem non sufficere, ex eo quod Augustinus ait De uera et falsa poenitentia capit. 15. Ponat se omnino poenitens in iudicio sacerdotis, nihil sibi reseruans sui, paratus facere pro reparanda animæ uita, quæcunque faceret pro uitanda corporis morte.

Item doctores asserunt, eam diligentiam facturos poenitentes, quam facerent in inquirenda pretiosa margarita. Probabilissimum id est, quis negat? At, quoniam infirmis etiam oportet consulere, non præscribimus quid faciant optimi, sed quid ad salutem necessariò facere debeant, uel imbecilles.

Ex his manifestè colligitur, numerum peccatorum mortalium ad confessionis integritatem pertinere: Nam, qui commissit decem et solùm exprimit nouem, cælat unum. Quare, non confitetur omnia peccata, quæ in memoria habet: fit deinde, non oportere, eos qui sæpe peccant, ad mathematicos numeros peccatorum multitudinem exacte redigere. Difficilis sane propositio, sed uera: quia uix possibile

possibile est iis, qui semel in anno confitentur, certum peccatorum numerum recensere. Sat igitur erit, mediocri diligentia adhibita, paulo plus uel minus, numerum explicare: uerbi causa est, qui consuetudinem habet fornicandi, si maximam sollicitudinem haberet, forsan certum posset exprimere: sed non tenetur, inquam: quin satis fuerit ita dicere. Habeo consuetudinem semel, uel bis in hebdomada fornicandi: uel ferè quinquaginta, aut circiter centum &c. Hæc enim notitia sufficit confessori: ut finem confessionis præstet, siue consilium, siue remedium, seu uindictam salutarem: quemadmodum exemplo medici facile declarari potest.

Colligo tandem, interim non opus esse hanc mediocrem diligentiam, ad numerum peccatorum exprimendum, etiam pingui crassaq; Minerua. Sit prostibulum, (exempli causa) decem annos in lupanari, hæc (inquam) non est opus sollicitam reddere, ut explicet, an centum millia peccatorum commiserit, plus minus ue: sed sat erit ita dicere: Ego decem annos in hoc uitio fui, quolibet homines admissi, qualibet hora parata fui, &c. Probatur, quia ex eo tantam accipit confessor notitiam, quanta opus est ad quemcumque finem confessionis consequendum. Inò, quamtam potest pœnitens ei dare, etiam si exprimat, sexties milies peccauisse. Non ergo debet confessor uexare pœnitentes, punctum interrogando de numero, per anxiam et puerilem superstitionem faciens eos uel mentiri, uel cerè falsum dicere.

Huic et aliud corollarium adiunctum est: uidelicet, non necesse esse, ut pœnitens omnes actus explicet, mortales etiam, singulatim, cum in uno actu intelligantur: ut, si uolo inimicum occidere, quæro arma, equum, &c. Item, qui furatur, scalas suspendit, aperit seras, &c. Quia licet omnes illi actus sint peccata, omnes tamen ordinantur ad perficiendum actum unum, quem confiteor, licet enim in genere entis sint una entia, sed in mortalibus pro uno actu computantur. Hæc tamen ratio calumniam habet: quia actus interior et exterior, in genere mortis, una culpa censentur; et tamen non satis erit actum interiorem

confi-

confiteri, nisi simul aperias actum exteriorem. Nam ille actus exterior est peccatum mortale: et omne mortale confiteri, necessum est. Ratio igitur uera huius conclusionis corollarie fuerit. Quod sacerdos in actu præcipuo explicato per meam confessionem, sufficienter intelligit actiones comitantes. Quemadmodum, qui confetur exteriorem actum, stultus erit, si uelit interiorem explicare. At, cum in interiore non intelligatur exterior explicetur oportet: unde fit, ut si ad perfectionem peccati principalis, actus alius adiunctus interuenire non soleat, explicandus sit: ut si per internuncium sollicitauit puellam, uel si ad occidendum, socium accersui.

Sed iam quæstio ualde difficilis urgeti an teneamur peccatorum circumstantias confiteri, ut integra confessio sit. Qua explicanda, primum intelligatis, circumstantias esse in duplici differentia. Alias minuentes, alias uerò aggrauantes. Aggrauantes rursus, bifariam partiri necesse est, quædam enim mutant speciem, ut furtum in loco sacro: aliæ non mutant, ut furtum centum aureorum, quod eadem specie continetur, ac furtum aureorum decem. Tunc sit prima propositio. Circumstantia quæ ita minuit, ut ex mortali faciat ueniale, omnino debet explicari: ut communicare in diuinis cum excommunicato ueniale fit: si ex in consideratione procedat. Quod si confitear, me cum excommunicato in diuinis communicasse, si sacerdos seducitur in re graui ad iudicium pertinet. Nam intelligit, me peccasse mortaliter.

Secunda propositio, si circumstantiæ minuunt peccati malitiam; intra latitudinem mortalis culpæ: tamen non est necessarium, illas confiteri, nisi forsitan rarus euentus contingeret, ubi tanta esset, ex circumstantia adiacente, culpæ diminutio, ut dupla, uel tripla à sacerdote intelligeretur, tunc enim iudex in re graui decipitur. In uniuersum tamen, si quis animo pure et simpliciter confitendi, et non ut quærat excusationes in peccatis, eiusmodi circumstantias explicet, consilium saluberrimum est: nos reprobare non possumus. Nec in hoc sensu reprobaurent, aut Petrus Palud. d. 16. quæst. 3. aut Syluester in uerbo,

Confes-

Confessio. 1. §. 9.

Tertia propositio. Circumstantiæ mutantes speciem, et ex noua specie nouam peccato mortalem malitiam adijcientes, sunt omnino explicandæ: ut struprum cum uirgine Deo sacra, incestus cum consanguinea, quia uera ibi continentur plura peccata contra plura præcepta: et contra plures uirtutes. Item, quia alias maior pars malitiæ sacerdoti, celaretur: Quamobrem, meritò præcipitur sacerdoti, in c. Omnis, de pœnitentijs, ut diligenter inquirat, et peccatorum circumstantias, et peccati, &c. Quod etiam præfinitum est in decreto quodam Vuormitiensis Concilij: quod refertur à Rhenano circa finem Tertuliani: oportere, scilicet, sacerdotes rei ueritatem ad liquidum interrogando discutere et studiosè perscrutari diuersos pœnitentis errores. Idem eleganter præscriptum est, in 6. Synodo generali apud Trullum congregata, canone ultimo. Est quoque diligenter animaduersum ab Augu. in libro De uera et falsa pœnitentia. cap. ultimo: et habetur de pœnitentia distinct. 6. c. 1.

Sed argumentantur quidam contra hoc: qui etiam si confessor non inquirat eiusmodi circumstantias omnes, fiunt omnia quæ sufficiunt, ut pœnitens gratiam consequatur: ergo eiusmodi confessoris scrutinium non est necessarium.

Deinde. Pœnitens non tenetur maiorem diligentiam adhibere in inquirendis peccatorum circumstantijs, quàm adhibuit, ergo nec confessor.

Præterea: quia confessio ex multis huiusmodi interrogationibus, fiet molesta nimis, tum pœnitentibus, tum ac multò etiam magis confessoribus.

Demum. Plurimæ peccatorum species, atq; earum differentię ignorantur, non ab indoctis modò, uerumetiam à doctis.

His argumentis priusquam ego respondeam, dico necessarium esse confessori, interrogare pœnitentem; quando probabile est, quòd pœnitens ex negligentia prætermittit aliquam eiusmodi circumstantiam, quàm diximus explicandam esse; tum, quia aliàs peccaret absolucendo pœnitentem

tem obicem absolutioni; tum quia iudex non seruaret debitam fidem officio suo; tum quia medicus et negligens, et malus haberetur, si ab ægroto morbi circumstantiam, et qualitatem non exquireret.

Secundò dico, quòd si confessori probabile est, pœnitentem diligentiam idoneam adhibuisse in inquirendis et peccatis, et peccatorum circumstantiis, adhuc tenetur interrogare, atque disquirere, cum probabiliter credit aliquam peccati circumstantiam necessariam, se per huiusmodi inquisitionem inuenturum. Verbi gratia, sit rusticus, qui pro ruditate sua, mediocriter fuit diligens in peccatorum circumstantiis commemorandis; si confessor probabili coniectura tenet, alicuius circumstantiæ pœnitentem obliuisci, tenetur sine dubio interrogare. Primò, quia medicus etiam si cognosceret ex obliuione inculpabili ægrotum tacere aliquas circumstantias morbi pestilentes, reuera teneretur inquirere. Secundò, quia iudex infideliter ageret, si sciens testes obliuisci alicuius criminis, de quo ius habet interrogandi, omitteret tamen, ac dissimularet. Tertiò, quia confessor institutus est loco Dei ad compensandas iniurias contra Deum factas, et taxandas pœnas pro offensis debitas; ergo hac etiam ex parte infidelis sequester ac mediator est; quemadmodum is cuius fidelitati ego committerem, ut rationem dati et accepti ab æconomo meo acciperet, &c. Quartò, de illa peccati omitta circumstantia non posset confessor præhere, nec consilium, nec remedium; ut pœnitens in futurum caueret illam, &c. undè in ea. Omnis, de pœnitentiis, diligenter (Innocentius ait) Inquirat peccatoris circumstantias et peccati; quibus prudenter intelligat, quale debeat præbere consilium, et cuiusmodi remedium adhibere.

Ad primum igitur respondetur, quòd hoc sacramentum, non solum ordinatur ad reconciliationem pœnitentis cum Deo, et ecclesia, sed etiam ad compensandas iniurias Deo factas, imposita pœna iuxta quantitatem, et qualitatem culparum. Alioqui, superflua esset tertia pœnitentiæ pars, scilicet, satisfactio. Ordinatur etiam hoc sacramentum ad medendum uulneribus uniuersis, et remedium

dlum adhibendum ægroto, debitumq; consilium præstandum: ne eadem uulnera iterum accipiantur.

Ad secundum negatur consequentia: alia est enim diligentia adhibenda à teste et reo in iudicio: alia à iudice: cui ex proprio munere competit inquisitio.

Ad tertium. Nolo ego confessores importunos esse, et intolerabile negocium facessere pœnitentibus: Quemadmodum ne eos quidem probo, qui imprudenter interrogando pœnitentibus scandalum iniiciunt, atque ad eòs peccare docent. Qua in re confidenter etiam reprobo summas istas confessionum interrogationibus plenas, quæ idiomate uulgarì non solum eduntur ut in publicum prodeant, sed passim etiam mulierculis et idiotis conferuntur, ut inde discant, non confitendi, sed (ut ego sentio) peccandi rationem, et normam. Sed id nos modo asserimus, cum moraliter constat confessori, aliquà uel peccata, uel peccatorum circumstantias ex obliuione præteriri oportere, uel commonefacere, uel interrogare, ut res in iudicio palam fiat. Quòd si mediocrem probabilitatem sacerdos habet, quæ sibi persuadet pœnitentem omnia peccata, et eorum circumstantias confiteri, non oportet confessorem esse sollicitum et scrupulosum, sed sanè intelligere, quod Syluest. in uerbo, Confessor. 3. § 14 et 15 tradit.

Hinc uerò facilè patet quid in ea quæstione tenendum sit, quæ, Adrianum post quintam quæstionem de confessione, dubio. 7 malè habuit, An, cum pœnitens ignorat, aliquam circumstantiam non esse peccatum, et propterea non confitetur, oporteat confessorem interrogare, et commonere. Et quidem, cum ignorantia est uincibilis, nulla controuersia est: sed pœnitentem etiam inuincibiliter ignorantem confessor admonere tenetur illius peccati aut circumstantiæ, quæ ex ignorantia præteritur, siue præceptum diuinum sit, siue humanum: quia moraliter loquendo, ut theologos decet, confessor tacens et absoluens pœnitentem errantem circa materiam peccati mortalis, suo opere probat. confirmatq; pœnitentis errorem. Mox etiam quia confessor doctor est, ad quem accedit pœnitens, tanquam ad uicarium Dei, ut instruat: unde infideliter age

ret contra magisterium sibi commissum, nisi doceret errantem; liquet enim pœnitentes accedere ad confessores, non solum ut absoluantur, sed ut instruantur. Nam et si confessor, quatenus confessor est, non sit nisi aut iudex, aut medicus, at, quia proprius sacerdos et pastor, et doctor est, (ad Ephesios. 4.) sit inde, ut omnes leges tam diuinas, quam humanas, quæ spectant ad pœnitentem, eum docere teneatur: unde in Concilio Vuomartiensi iam citato, interrogationes etiam proponuntur, quæ ad pœnitentis eruditionem necessariam pertinent. Quia uerò proprii sacerdotes uicarios constituent sui muneris et officij delegatos, sentiant qui uices suscipiunt propriorum sacerdotum, id sibi negotij dari, ut non modo pœnitentes et audiant, et absoluant, uerumetiam erroribus amotis instituant.

Atque id ego intelligi uolo, cum existimo me pœnitenti profuturum. Nam frustra niti, et nihil aliud quam laborando odium querere (ut Salustius ait) extremæ demeritæ est, et Augustinus De pœnitentia. distinct. 7. capi. Si quis: Ideo (inquit) do tibi pœnitentiam, quia nescio, nam si scirem nihil tibi prodesse, nõ tibi darem, non te admonerem. Ratio quoque perspicua est, quia nulla lex obligat ad actus inutiles et ociosos. Item, sicut correctio ad bonum illius, qui corripitur: ita confessio ad bonum pœnitentis ordinatur, sed, quando scio nihil me mea admonitione profuturum, non teneor fratrem corripere, aut delinquentem, aut ignorantem, ergo, &c. Nam, ex fine ratio mediorum est. Hinc facile discernetur, quid in multis euentis confessor habeat facere, si prudens esse uelit: ut, si mulier nupsit Petro occultè non consumato matrimonio: deinde contraxit cum Ioanne publice, et consummauit, cum quo manet bona fide. Item, si mulier contraxit cum fratre suo, aut affine què inuincibiliter ignorat esse fratrem: &c. Nam in his omnibus si credo meum consilium profuturum, teneor admonere: sin uerò minus, teneor non admonere, siue id sit in detrimentum proximi, siue non sit, siue contra ius diuinum, siue humanum.

Testimonia uerò, quæ Adrianus in contrarium refert
ex Am-

ex Ambrosio sermone. 82. 83. et 84. ex Paulo Apostolo
 actorum 20. ex Grego. 41. d. cap. Ephesijs: ex Innocen. 83.
 distin. cap. Error, de doctore publico intelligenda sunt.
 Cuius doctrina licet alijs sit odor mortis in mortem, de-
 bet tamen populo tradi; ut alijs sit odor uitæ: Nam (ut
 idem Ambrosius ait sermone. 83.) Prædicatio sacerdotis
 in plebe, saluandis, correctio est: contestatio iudicandis.
 Doctrina ergo, quæ ad bonum publicum ordinatur, pro-
 pter malum priuatum non est intermittenda. At, doctri-
 na, quæ bonum priuatum pro fine habet: cessante fine, id
 est, priuato bono, cessare debet.

Id uerò intelligendum est, si nec statim, nec postea fru-
 ctus admonitionis speratur. Deinde, cum uerisimiliter
 credo, hanc ignorantiam esse duraturam. Nam si aliun-
 de constaret, submouendam esse ab alio, uidelicet, con-
 fessore, qui imprudenter medebitur illi malo, certè con-
 sultius ignorantem admonebo, præterquam si remedium
 est intolerabile: ut si, exemplis propositis addas susceptos
 filios ex existiniato matrimonio, diutinam cohabitatio-
 nem, scandalum publicum, &c. Quo euentu, nullus tam
 imprudens erit, qui non periculum præsens horreat, nul-
 lus tam temerarius qui sibi fidat.

Ad quartum argumentum respondetur ex Caietano in.
 q. 3. de confessione, quòd, cum circumstantiæ specificè dif-
 ferentes, nullam differentiam in iudicio sacerdotali fa-
 ciunt, non oportet explicentur: ut diuinare per astra, uel
 per terram, specie forsitan distinguuntur. Item, accedere
 ad bestiam, unius uel alterius generis, &c. At, circumstan-
 tiæ secundum speciem differentes, quæ in iudicio salutari
 diuersum remedium exigant, ac medicinam, hæ mediocri-
 ter doctis notæ sunt: eas nos asserimus esse explicandas.

Sed enim, grauissimum dubium est, An circumstantiæ
 aggrauantes intra eandem speciem, sint necessariò confi-
 tendæ: Suadent enim nonnulli, huiusmodi circumstan-
 tias explicari non oportere: quia aliàs cogeremur, inten-
 sionem, et continuationem actus explicare? quas quidem
 circumstantias, nec confiteri populus solet; nec prædes
 confessor exigere. Et confirmatur. Quia circumstantia

non mutat^s speciem nunquam aggravat in infinitum, ergo non est necessarium declaranda. Antecedens probatur: quia intendit poenam, non extendit; extensio enim est infinita sine circumstantia, et per nullam circumstantiam, crescit. Intensio uero finita est: et per nullam circumstantiam fit infinita.

Quibus argumentis D. Tho. 4. d. 16. q. 3. artic. 2. q. 5. expresse tenet, solas circumstantias, quae speciem mutant, esse confitendas. Item D. Bonaventura in eadem di. et Palud q. 3. ac Durandus. q. 4. eiusdem distinctionis: et Syluester in uerbo, Confessor. 1. §. 9. Quamvis in fine eo quae dixerat, intertubare uideatur. Adrianus tandem q. 4. De confessione, id sequitur: licet postea contrariam opinionem probabiliorē, et securiorem uideatur asserere.

At contra uiri quoque graues et nobiles sentiunt: Alexander. 4. parte. q. 7. membro. 3. artic. 5. Gabriel d. 17. q. 1. et Maior. d. 17. q. 4. Qui etiam Altissiodorenses in hanc sententiam referunt: ut omnes circumstantiae sint explicandae: quae etiam in eadem specie mortaliter aggravant. Atque haec opinio suadetur ante omnia ex Augustino lib. De uera et falsa poenitentia, cap. 14. et habetur De poenitentia. d. 5. cap. Consideret qualitatem (inquit) criminis consideret in loco, in tempore, in perseverantia, in uarietate personae, et quali tentatione fecerit, et inferius, Omnis ista uarietas (ait) confitenda est, et desclenda, et cap. 17. Verum quidem puto, qui dolet de crimine: conuersum, qui dolet de omni eius quam exposuimus uarietate: et cap. ultimo, Diligens inquisitor, cognito crimine, uarietates eius non dubitat inuestigare, et locum, et tempus, et cetera, quae supra diximus in exponendo eorum qualitates.

Deinde, circumstantia quae non uariat speciem, maiorem malitiam nonnunquam addit, quam, quae uariat: ergo si haec confitenda est, etiam illa. Nam malitiae quantitas facit ad mores: species facit ad metaphisicam. Metaphisicum itaque commentum uidetur esse, compellere poenitentem: ut rerum species differentes sacerdoti manifestet, propter malitiam additam: non item cogere ut explicet circumstantiam non differentem, cum grauior ex ea iniquitas

quitas adiungatur.

Præterea, si decem horis quis odisset proximum, sic tamen, ut in fine cuiusque horæ odium interromperet, illa peccata essent necessario confitenda: ergo si nulla facta est interruptio, cum odium illud æquè graue sit, ac decem interrupta peccata.

Præterea, qui uult fornicari bis, eadem uolitione, id explicare tenetur, ergo etiam si quis unico actu uelit occidere Petrum et Paulum. Ac proinde, et, si uoluit furari ducentos aureos.

Præterea, si adderetur species noua, et non malitia mortalis, non tenemur explicare. Tota igitur causa necessaria explicationis, non est species differens, sed adiecta malitia, ergo ubi additur malitia dupla, siue sit eiusdem speciei, siue alterius oportebit exprimere.

E quidem in re uehementer ambigua non mihi satisfacerem, si solas circumstantias, quæ mutant speciem explicarem. Nec cuiquam consulerem, ut in eum modum confiteretur: omnes quippe incestus (ut in 22. Caietanus probabiliter astruit) sunt eiusdem speciei, et tamen si quis cum matre coisset, ne sibi quidem faceret satis, solum exprimendo, se incestum commisisse. Item, et peccata contra naturam non uidentur specie discriminari, quod Caietanus etiam confirmat. At, non sat esset confiteri, effudi semen contra naturam, circumstantias uerò illius peccati celare, aut etiam negare. Istæ specierum differentiæ (mihi creditæ) ad subtiliores disputationes potius referuntur, quam ad Christianas confessiones. Itaq; omnes eas et solas circumstantias oportebit exprimere, quæ addunt malitiam mortalem, dum tamen illa noua malitia circumstantiæ notabilis sit; nec intelligatur à confessore in expressione culpæ principalis.

Et per hoc ad primum argumentum facilè responderi potest. Intensio enim actus, uel non addit notabilem malitiam, uel fere intelligitur à confessore iuxta delicti quantitatem. Et eodem modo de continuatione respondeo. Nam, si continuatio parua fuit, non est opus eam explicare; sin uerò diu, multumq; durauit, opus erit. Simili-

ter dicendum est de interruptionibus. Nam si interruptio facta est per actum contrarium, necesse erit confiteri, quoties eiusmodi culpam renouauit. At, si interruptio fuit naturalis, qualis plerunque fit, non oportebit exprimere, sed satis erit in hunc modum confiteri, Tota die amaui Mariam, &c. sufficiens nanque notitia confessori datur, et ad medendum, et ad iudicandum.

Sed, si maior pars ipsius culpæ iudici celaretur, quod iuxta contrariam opinionem fieret, tacendo, uidelicet, circumstantias intra eandem speciem aggrauantes, primum quidem sententia indicens poenam, esset uehementer absurda, nec esset iuxta nomen, satisfactio. Deinde, etiam si poenā non esset satisfactoria, sed medicinalis: maiori tamen morbo eiusdem quoque speciei, maior est adhibenda medicina.

Ad confirmationem, quæ Paludensem mouere potuit, tam facilis responsio est, ut post ea quæ diximus, non sit opus quicquam super addere. Nam D. Thomas. (ut mea fert opinio) sententiam retractasset: si tertiæ parti extremam manum imposuisset. Atque olim iuuenis opiniones sæpe communes sui seculi sectabatur.

Multa hic de peccatorum circumstantiis ad confessionem pertinentibus Theologi solent addicere: quæ nos silentio uolumus præterire: iustum atq; integrum uolumen unius diei disputatione conficiamus. Sed illud tamen paucis admonendum est, circumstantiam loci esse necessario confitendam: primò, quando quis furatur à loco sacro: secundo, cum in loco sacro semen effundit, etiam cum uxore propria: tertio, cum sanguis humanus ibidem etiam funditur: et in genere, quando actus peccati commissus directè aduersatur sanctitati loci, id est, ei ad quod locus est sanctificatus: ut ad immunitatem confugientium, et rerum, quæ ibi sunt, uel depositæ, uel collocatæ, &c. At qui exiens in ecclesia uult, aut furari aut se minare, aut occidere extra ecclesiam, non tenetur explicare, se in templo id uoluisse. Nec enim talis uolitio est sacrilegium: imò nec aspectum, aut etiam sermonem turpem in templo factum exprimere oportet. Tamen si Syl-

uester in uerbo confessio. 1. §. 16. repugnare uideatur.

De circumstantia uero temporis sacri, ut cum quis in die festo fornicatur, non est necesse plebem sollicitari, quoniam huius circumstantiæ malitia non est mortalis. Nec Aug. lib. De uera et falsa pœnitentia, cap. 14. solas necessarias circumstantias docet esse, et delendas, et confitendas: ut patet de circumstantia peccati in die ieiunij commissi: et cum de hac quæstione Syluester in Rosa aurea. q. 63. et Caietanus in opusculo. 27. q. quæst. 10. copiose, docteq; differuerint: non est nobis animus de ea re in præsentiarum plura uerba facere. Nec uero sumus tam, aut ineratiti, aut antiquitatis expertes, ut ignoremus, quæ Origene. homil. 18. super Num. et Ambrosi. in tertium decimum Lucæ caput, et Hierony. in Esaiæ cap. 56. ac 58 et Angusti epistola. 119. ad Ianuariû de obseruatione Sabbatij iuxta spiritualem intelligentiam tradidere. Quæ uero delicta nostræ huic sententiæ non sunt aduersa, si sensum sanctorum non uerba insectemur.

De recidiuo etiam, minimè necessarium est pœnitentes macerare. Nec D. Thom. (ut quidam illi imponit) somniauit oppositum: sed solum, cum ingratitude recidentis in peccatum, specialis culpa est. Nam, cum est generalis ingratitude, etiam si non explicetur, intelligitur à confessore. Quamquam optimum consiliû est, recidiuum et peccandi consuetudinem explicare sacerdoti, non ob uerecundiam solum, cuius fructus in confessione maximus est: uerum etiam ob remedium: aliter enim simplici febrî, aliter ethicæ medemur. An uero teneamur explicare circumstantiam, qua explicata intelligit confessor complicem criminis, paulo post oportunius definietur.

Cæterum ex definitis secundum illud argumentum, satis superq; confutatum est: nisi ea parte, qua de partitione confessionis per casus reservatos ambigitur. In qua scilicet quæstione tot sunt sententiæ, quot capita: uide Durand in 4. d. 17. q. 15. et Palud quæstione 5. et Gabriel. q. 1. et Adria. De confessione. q. 4. et Caietanum in summa uerbo Confessio, conditione. 10. Post quorum tractationem, quoniam adhuc sub iudice lis est, operæ pretium fue-

sit, quædam fundamenta supponere.
 Primum, superiores prælatos licite posse aliqua peccata referuare, à se solum absoluenda. Hoc ponit contra Vuicleph Thomas Vualdenſis in libro De Sacramentis, cap. 149. probatque testimonio Innocentij afferentis, quædam peccata esse, quorum absolutio est Petro referuata.

Item 33. q. 2. Latorum, refertur Ratholdus Argentoratensis ecclesiæ episcopus, quendam parricidam ad Nicolaum Papam misisse, ut ab illo absolueretur. Nec mihi, quæso, obijcias alia nomina haberi apud Gratianum: quoniam innumera sunt in eo libro menda, nec omnia Gratiani culpa, sed typographorum.

Habes præterea Origenem Homi. 10. super Numeros: ubi docet, laicum peccantem indigere quandoque, non solum sacerdote, sed et pontifice.

Cyprianus quoque lib. 3. epistol. 16. et 17. tradit, non esse lapsos reconciliandos nisi ab episcopo, præterquam cum mortis periculum urget. Vide etiam Gratianum de pœnitentia d. 1. cap. in actione. et 26. quæstione 6. per totam: sed maximè, Cap. ultim.

Præterea, Benedictus undecimus in extrauaganti, cuius initium est, inter cunctas, enumerat quatuor crimina episcopis referuata. Est denique extrauagans Sixti quarti: Et si dominici: ubi excommuniçantur, qui absoluunt à casibus referuatis Romano pontifici.

Secundum fundamentum. Non solum censuræ ipsæ referuantur à superioribus prælatis, sed etiam culpæ, et earum absolutio: hoc uidetur esse contra Durand. loco citato: et probatur ex cap. 2. De Pœnitentijs in 6. ubi dicitur, quod si episcopus concesserit subdito, ut sibi possit idoneum eligere confessorem, electus, in casibus qui eidem episcopo specialiter referuantur, nullam habet penitus potestatem: quod si nullam habet: nec in pœnas, nec in culpas habet.

Et confirmatur hoc. Quoniam aliquorum criminum absolutio refertur episcopis, quæ non habent excommunicationem adiunctam ut homicidium uoluntarium: et alia

alia pro quibus est imponenda pœnitentia publica. Nec ualet dicere, homicidium habere irregularitatem annexam. Tum, quia irregularitas impedit, non pœnitentiæ, sed ordinis sacramentum: tum quia episcopus a culpa homicidij uoluntarij absolueret potest: irregularitatem tollere non potest. Non ergo reseruantur culpæ propter anxietas censuras: sed absolute propter ipsas culpas.

Præterea, idem ostenditur ex extrauaganti. Inter cunctas: ubi Benedictus ait, fratres priuilegiatos non debere recipere confessiones criminum, pro quibus solemnis est pœnitentia indicenda: quod inconueniens sit, ut à peccato absoluat, qui pœnitentiam debitam imponere non potest.

Id postremò manifestatur ex usu ecclesiastico. Nam prælati religiosi reseruant sibi aliqua peccata, nulli censuræ subiecta: ut uotorum transgressionem. Nec usui ratio deest. Nam in omni iudicio et foro, superior potest sibi reseruare aliquas causas, præsertim grauissimas, idq; principes in repub. facere solent: ergo et Summus Pontifex, cum habeat supremam iurisdictionem: non solum in exteriori foro quantum ad pœnas, uerumetiam in interiori, quantum ad culpas.

Tertium fundamentum. Non potest quis absolui à iudice inferiori de crimine reseruato sine facultate superioris. Quòd si tentet inferior ab eiusmodi absolueret, nihil facit. Quia non habet iurisdictionem circa illa peccata excepta à superiore, qui non commisit absolutionem eiusmodi peccatorum.

His iactis fundamentis, fit prima conclusio. Si iudex superior et inferior sint præsentés, non potest inferior absolueret à non reseruatis nisi prius petatur facultas absoluendi à reseruatis.

Probatur, quia integritas cōfessionis est de iure diuino, ergo, cum ille pœnitens habeat copiam confessoris, cui potest integrè confiteri, non potest inferior diuidere absolutionem, antecedens probatur: quia uel superior potest integram absolutionem præstare, cum præsto sit: uel inferior, habita facultate superioris. Probatur etiam hæc propo-

propositio ex ulu probatissimo religiosorum, qui nunquam absolunt, a non reservatis, nisi prius petita facultate, ut etiam absoluant a reservatis. Et idem est si parochus et episcopus sint presentes: et cum patet facilis aditus ad superiorem.

Sed quid si superior nolit dare facultatem sed uelit ipse audire confessionem? Respondeo, quod inferior non debet absolvere ab aliquibus peccatis: sed remittere ad superiorem, et poenitens tenetur id pati, quia quando potest integram confessionem facere confessori idoneo, uiolat ius diuinum de integritate confessionis, accipiendo absolutionem ab eo, qui dimidiatam absolutione præbet.

Secunda conclusio. Si superior audiat confessionem priusquam inferior teneatur totam confessionem audire, et non solum peccatorum reservatorum, si uelit sacramentalem absolutionem impendere. Hæc est Adrianus et Durandi contra Caietanum, et suaderetur quia integritas confessionis, est de iure diuino, ergo episcopus, uel prælatus alius superior, illicite diuidit confessionem, et absolutionem, cum possit facile integritatem seruare, et confirmatur, quia materia sacramenti est confessio integra, ergo illa dimidiata confessio non est materia sacramenti potest epim commodè, (ut diximus) peccator, omnia superiori confiteri.

Deinde, si Romani poenitentiaris partiri absolutionem possunt, parochus, nedum episcopus, etiam posset suos parochianos ab uno peccato solum absolvere: pro cæteris uerò dare facultatem eligendi confessorem. Abbas quoque uel Prior absolvere monachum ab una culpa reservata, et pro reliquis poenitentem ad alios confessores mittere: et sic pro suo arbitratu, confessionem, atque absolutionem, tum etiam partiri, cum commodissime fieri integra potest.

Præterea, cum sacerdos ille superior soluat uice Dei: et possit omnia soluere, si dimidiatam præstaret ueniam, quædam soluendo, alia non soluendo, cum omnia tamen posset, certè significaret, Deum etiam, cuius minister est, dimidiatam præstare ueniam: et poenitens quoque ad talem superiorem accedens, dimidiam à Deo ueniam spe-

ret:

raret: quod impium est.

Sed arguit tamen Caietanus ex Romanæ Ecclesiæ usu: nam pœnitentiarij Summi Pontificis non audiunt, nisi à reseruatis, &c. et tamen illa absolutio est sacramentalis: aliàs efruderentur pœnitentes: nec pœnitentiarij tenerentur confessionis seruare sigillum. Adhuc cum Durando et Adriano, nego equidem talem absolutionem esse sacramentalem. Sed pœnitens accedens ad Romanos confessores, à censuris excommunicationis absoluitur.

Nullum enim crimem est Pontifici Summo reseruatum quod non habeat excommunicatione annexam. Vnde ex consequenti fit ei copia, ut inferiori omnia peccata sua fateatur: quo eo ipso, reseruatio tollitur, et facultas inferiori datur, ut possit ab omnibus absolvere. Quod si pœnitentiarij intendunt absolutionem sacramentalem impartiri, errant, inquit Adrianus. Nec is Ecclesiæ Romanæ usus erit, sed impietas sacerdotum, qui existimant, quæstum esse pietatem.

Cum uerò obijcitur, quod pœnitentes deluderentur: nego id certè: quia iudex superior, cum ab eo casus reseruatus petitur, tenetur sigillum confessionis seruare. Verbi gratia. Si confessor accedat ad Abbatem, uel priorem, petiturus facultatem absoluedi, debet seruare secretum, eodem uinculo, ac si sacramentaliter ipse absolueret.

At si rursus obijcias, neminem obligari ad aperendum peccatum suum secretum extra confessionem sacramentalem, ergo male faceret Summus Pontifex si pœnitentes cogeret, ut extra confessionem sacramentalem peccata Romanis pœnitentiarijs aperirent. Ad hoc primò responderi potest, ex cap. Ea noscitur, de sententia excommunicationis: et ca. Eos qui. lib. 6. eodem titulo. Quod si quis in articulo mortis absoluator ab excommunicatione Summo Pontifici reseruata: tenetur si euadat, sistere se Romano Pontifici, atq; consequenter aperire peccatum, pro quo in excommunicationem inciderat. Et tamen certum est iam esse ab illo peccato absolutum.

Secundò etiam responderetur, illam confessionem quodammodo esse sacramentalem, quemadmodum, cum peto

facultatem à superiore, ut absolui possim à culpis reseruat-
tis, censetur esse confessio sacramentalis: quoniam id to-
tum ordinatur ad sacramentalem absolutionem. Ideoque
tenetur superior seruare sigillum.

Secunda conclusio Contra Durandum et Adrianum.
Si non pateat aditus ad superiorem: uidelicet, quia epi-
scopus est absens, et instat necessitas celebrandi: uel si
quis religiosus iter agat sine facultate recipiendi absolu-
tionem à casibus reseruatis: tunc inferior potest absoluere
à non reseruatis: et pro reliquis peccator expectare ab-
solutionem superioris. In quo euentu D Tho. loquitur in.
4. d. 17. q. 3. ar. 4. q. 2. ad quartum. Hæc conclusio proba-
tur, quia, et confessio integra est; et absolutio: cum ille
sacerdos absoluat ab omnibus, à quibus potest: et, quan-
tum ad reseruata, pœnitens non habeat copiam confes-
soris. Quemadmodum, si pœnitens tacet aliquod pecca-
tum, ex causa rationabili tacendum: quamuis sacerdos id
cognoscat, debet absoluere, et est tum confessio, tum ab-
solutio integra: hoc est de omnibus quæ ad illud iudicium
spectabant.

Hanc propositionem intelligo, nisi excommunicatio
peccato sit adiuncta: ut sunt omnia, quæ reseruantur Sum-
mo Pontifici in bulla cœnæ Domini: Tunc enim malè fa-
ceret inferior absoluendo à non reseruatis: cum pœnitens
sit excommunicatus: et prius habeat tolli uinculum ex-
communicationis, quàm absolutio sacramentalis impendi.

At uerò circa hanc tertiam conclusionem graue du-
bium exoritur, an pœnitens teneatur omnia peccata, e-
tiam reseruata, inferiori iudici confiteri, quando non ad-
est facilis aditus ad superiorem. Et suadetur pars negati-
ua. Quia in tali euentu non requiritur unitas absolutio-
nis: cum inferior à non reseruatis, superior postea à re-
seruatis absoluat: ergo nec requiritur unitas confessionis.
Ideo enim confessio debet esse integra: ut absolutio sit in-
tegra. Quocirca si diuisionem sacramenti forma recipit,
materiam quoq; recipere necesse est.

Deinde, si sacerdos nullam haberet potestatem absol-
uendi, nullam culpam teneretur pœnitens confiteri: er-
go non

go non potest à referuatis absoluere, ea pœnitens inferiori iudici confiteri non debet. Confirmat autem hoc uel maximè, quòd superius ostendebatur necessitas confessionis: quia necessarium erat, peccata à sacerdote remitti, ergo si peccatum aliquod sacerdos nullo modo remittere potest, non tenetur pœnitens illud sacerdoti confiteri. Ostensum est autem, iudicem inferiorem referuatam culpam remittere non posse. Itaque non tenemur culpam eiusmodi, illi sacerdoti confiteri. Nisi (quod absurdum est) ecclesia cogat, ut idem peccatum bis confiteamur: semel inferiori, à quo non absoluihur: iterum superiori, ut ab illo absoluihur.

Pro parte uerò affirmatiua, primùm est Innocentius in cap. Omnis utriusq; sexus, De pœnitentijs, inquit, Omnia sua peccata semel in anno sacerdoti suo confiteatur: non dixit, Sacerdotibus.

Deinde, Diuinum præceptum est, ut homo omnia peccata suo sacerdoti confiteatur, ut deinceps ostendamus: ergo prælati, referuando culpas, hanc obligationem tollere non queunt.

In hac quæstione D. Tho. loco citato asserit, omnia peccata esse inferiori referenda. Quem sequuntur ferè doctores Theologi. Imò Durandus ait, asseritionem oppositam, quippe quæ contra communem doctrinam sit, periculosam esse: quoniam iuxta eam diuiditur licitè, tam confessio quàm absolutio. Quod uidetur erroneum, inquit.

At Gersoni non uidetur erroneum: nam (ut proximè nobis confirmandum est) nihil uetat ex causa rationabili confessionem partiri, id est, quædam peccata tacere, alteri confitenda: quæ est diuisio confessionis mathematica, cum pœnitens integram moraliter faciat, expectans omnia, quæ uidelicet explicare tenetur. Nondum autem ostendit Durandus, obligari peccatorem ad ea peccata confitendum, quæ sacerdos remittere non potest. Et, sicut prælati referuando culpas, licitè faciunt ut quandoq; absolutio diuidatur: ita non est pœnitus absurdum, si proinde fiat, ut pœnitentes diuidant confessionem: cuius
et ne-

et necessitas et integritas ex absolutione, tanquam ex fl-
he, sumitur.

Nec mihi facit satis, quod nonnulli asseuerant, confes-
sionem integram esse iniunctam peccatoribus: absolutio-
nem integram sacerdotibus non item. Nam, (ut saepe re-
sumpsimus) confessio integra, materia sacramentalis est:
quoniam confessio mutila, cum forma sacramentali pu-
gnat. Non igitur minus iniuncta est absolutionis integri-
tas sacerdotibus quam confessionis integritas poenitenti-
bus. Alioqui liceret sine sacrilegio confessori, à quibus-
dam poenitentem absolvere: et quorundam peccatorum
absolutionem in alium diem reservare.

Sed quoniam Theologis non licet, sine graui causa, no-
uā placita cadere, communem sententiam nos sequamur:
eā potissimum ratione, quod lex non in id spectat, quod
raro paucis euenire potest, sed quod plerunq; hominibus
usuuenit. Est autem necessarium fere populo, ut omnia
crimina sacerdoti proprio confiteatur, uel reservata.
Tum, quia fere populus ignorat, quæ peccata sint reserua-
ta, quæ contra non sint. Qua de re à sacerdote proprio
instituantur oportet. Tum etiam, quia medicus ad eos
morbos curandos, quorum ad se pertinet medicatio, ut
plurimum necesse est reliquos graneis morbos intelligat:
ut et consilium apertum, et remedium opportunum im-
pendat ægroto. Quod si quis obijciat, posse doctum esse
peccatorem, atque instructum: peccataque usque aded
seiuincta, atq; diuersa, ut uel consilium, uel medicina uni
applicata, alteri nec obfint, nec profint. Iam nos huic
obiectioni respondimus, eiusmodi priuatos euentus le-
gibus non obfistere, quo minus in uniuersum obligent:
quæ uidelicet id considerant, quod maiori ex parte popu-
lo necessarium est.

Verum adhuc Adrianus instat aduersus hanc tertiam
conclusionem. Quia forma sacramentalis, cum ex ui sa-
cramenti conferat gratiam, uel nulla mortalia, uel omnia
peccata remittit, &c.

Et confirmat hoc: quia, sicut sacramenta, quæ pluribus
formis conficiuntur, unica forma confici nequeunt: ita sa-
cramen-

eramentum, quod una forma conficitur, pluribus confici non ualet.

Confirmat deinde: quia absolutio, iure diuino debet esse integra. Superiores ergo prælati eam partiri non possunt: ut uidelicet inferiores absoluant à non reſeruatis: superiores à reſeruatis.

Ad primum, idem argumentum fieret, cum ex causa rationabili taceretur aliquod peccatum idem etiam de peccatis oblitis, cui tamen nos euestigio respondimus.

Ad secundum. Nos minimè asserimus, unicum esse sacramentum, si quis absolutus à non reſeruatis, postea confiteatur superiori reſeruata. Quemadmodum, si peccata oblita memorie occurrant post priorem absolutionem, illorum confessio et absolutio est uerissimum sacramentum: habetque integram materiam et formam, et illud prius, in quo homo confessus est omnia peccata, quorum recordabatur. Atque idem omnino sentio si quis ex iusta causa peccatum aliquod in priori confessione celauerit, reciperet quidem uerum sacramentum et gratiam. Cumque rursum illud, quod tacuit, alteri postmodum confitetur, uerum quoque sacramentum suscipere, nouumque proinde et gratiæ et uirtutis augmentum. Quod si unum esset, idemque sacramentum et collatio gratiæ ad posteriorem reſeruaretur absolutionem (quod nonnulli perperam imaginantur) tunc certè, si poenitens esset attritus, per primam absolutionem non iustificaretur. Nec illud signum exterius adhibitum, esset sanctificatiuum, quandoquidem, non ponenti obicem, gratiam minimè largiretur.

Ad tertium. Nihil uetat, ut absolutio quæ iure diuino, per se quidem integra esse debet, per accidens tamen mutiletur ut propter obliuionem alicuius peccati, uel propter periculum, quod urget, si exprimatur. Quare, si ex reſeruatione quorundam peccatorum quæ legitimè in Ecclesia sit, et simul ex absentia prælati superioris per accidens eueniat, ut confessor præſens soluere omnia nequeat, non exinde integritas absolutionis tollitur, iure diuino instituta. Quæ tunc, scilicet, tolleretur, cum confessor habens auctoritatem absolueret ab omnibus, partim re-

mitteret, partim retineret.

Id uerò (quod sæpe in huius argumenti explicationem diximus) inferiorem à reſeruatis abſoluere non poſſe, intellectum cupimus, donec ſuperior ab eis non abſoluerit. Quod ſi iam ſoluit; ratio reſeruationis ceſſauit. Quæ cum quodammodo pœnalis ſit et odioſa, reſtringi non debet, ſed ampliari. Imò aſſerit Adrianus et benè, quòd ſi præmiſſa ſufficienti diſcuſſione, confeſſus eſt quis habenti facultatem abſoluendi à culpis reſeruatis, et oblitus eſt for- tẽ unam ex illis, aſſerit (inquam) quòd non tenetur adire ſuperiorem. Cum autem memoriæ occurrerit, poterit confiteri cuiſcunque, qui ſemel habuit facultatem. Adrianus dicit, cuiſcunque ſimplici ſacerdoti, quod equidem nulla ratione probarim: quoniam (ut ſupponimus) abſolutio requirit iuriſdictionem in abſoluendo. Simplex autem ſacerdos iuriſdictionem nunquam habuit, &c. Quem admodum, ſi ego oblitus ſum confiteri aliquod peccatum mortale proprio meo ſacerdoti, non poſſum deinde, cum in mentem uenerit, confiteri cuilibet ſacerdoti, ſed ſolùm habenti facultatem, ac iuriſdictionem.

In tertio principali argumento, inter doctores ſcholasticos magna diſſenſio eſt, an cum iactura ſequitur, uel propria, uel aliena à præcepto confeſſionis, et ipſius integritate liberemur. Et, ne in opinionibus aut recensendis, aut confutandis, longa texatur oratio, ſit prima pro- poſitio.

Si ex confeſſione alicuius peccati ſequitur ſcandalum, uel meum, uel corſeſſoris, ego poſſum tacere tale peccatum, reliqua confitendo, et ratio eſt. Quia, quantum ad illud, non habeo copiam corſeſſoris: cui uidelicet rectè, atque honeſtè confiteri poſſim eiufmodi peccatum.

Item (iuxta Bernardum, libro de præcepto, & præcepti diſpenſatione.) Quod pro charitate inſtitutum eſt, contra charitatem non debet militare. Confeſſio autem inſtituta eſt in remedium pœnitentis. Quocirca, ſi ſcandalum ipſi ex confeſſione alicuius peccati accidit, poterit idem licite reticere. De uitando autem ſcandalo confeſſoris, iuris naturalis præceptum eſt. Præceptum ergo di-

uinæ legis positium, illius obligationem non abolet: lex enim gratiæ; legem naturæ non destruxit, sed perfecit. Loquimur autem de scandalo confessoris infirmi: nam si ex malitia paratus sit ad ruïnã, utilius scandalum nasci permittitur, quàm Dei præcepta relinqui. Exempla uerò huius conclusionis non adhibemus, quoniam cuique erunt in promptu.

Secunda propositio, quæ communis etiam theologorum est. Si ex confessione mea sequatur aut mors, aut infamia uel mea, uel aliena, excusatur ab obligatione confitendi tale peccatum: et ratio est, quia diuina præcepta positiua non obligant cum iactura uitæ, aut publicæ famæ. Verbi gratia, si confessor crederetur reuelaturus confessionem, &c.

Item, præceptum de uitanda morte, uel infamia proximi, est naturale: ergo præceptum positium adueniens, de confessionis integritate, non abrogatur. Quòd si excusor à confessione peccati, ex qua sequitur mors, uel infamia publica proximi; excusabor etiam, si inde sequatur, siue mors, seu infamia mea publica.

Sed obijcies tamen, quia illa argumenta probant quidem esse cessandum à confessione, non autem confessionem esse diuidendam. Nam, diuidere confessionem, sacrilegium est. Tum, quia impium fuerit, à Deo dimidiam expectare ueniam; tum, quia talis diuisa confessio formæ sacramentali repugnat.

Et augetur difficultas, si capiamus poenitentem attritum, qui habeat duo peccata mortalia; quorum alterum nos asserimus posse reticere ex causa probabili, tunc confessor absoluit ab uno peccato, ab altero non absoluit, ergo et Deus absolutionem ipsam partitur, quod absurdum est.

Pro quorum argumentorum solutione, commemorandum est, confessionis integritatem, non oportere mathematicam esse, sed moralem: unde non necesse est, omnia peccata contineat, sed quæ in memoria sint, adhibita humana diligentia. Inde etiam fit, ut si poenitens cœperit peccata dicere: et ex morbo, uel alia causa linguæ usum

amiserit: confessionem quidem faciat integram, non omnium absolutè peccatorum, sed eorum tamen, quæ et debet, et potest confiteri. Ex qua etiam radice, illud colligimus, non esse necessarium, hominem confiteri omnia peccata; quæ memoria tenet: sed illa quæ confessori rationabiliter exprimentur. Lex enim Christi de moribus ad moralem integritatem obligat, id est, rationi consentaneam. Nam, quod à ratione dissonat, non præcipit. Peccatum: itaque quod rationabiliter tacetur, irrationabiliter explicatur, non est materia confessionis à Christo institutæ. Dimidiare igitur confessionem à Christo Domino præceptam; hoc est aliquod mortale peccatum tacere, quod Christus instituit esse in illa confessione aperiendum: id sacrilegium est, &c. Nec sacerdos dimidiatam absolutionem præbet: nam absolutio limitatur etiam ad confessionem institutam à Christo, sicut forma per materiam limitatur. Ab omnibus ergo absoluit sacerdos, quæ ad suum iudicium spectant ex Christi institutione. Illud uerò peccatum, quod causa urgente tacetur, non pertinet tunc ad illius sacerdotis iurisdictionem, reliqua uerò pertinent, unde pœnitens alia confiteri tenetur, sicut qui non potest ieiunare uno die quadragesimæ, à reliquorum ieiunio non absoluitur.

Ad id uerò, quod tandem obiiciebatur, respondeo: sacerdotem quidem, immediatè et directè remittere, quæ audiuit in confessione peccata: sed ex consequenti, et indirectè, remittere omnia; etiam quæ non audiuit. Quia enim effectus sacramentorum, gratia est, quæ omnia peccata tollit: inde fit, ut omnia sacramenta suos effectus immediatos producendo, consequenter omnes mortales culpas remittant: Ac per hunc modum peccata oblita per absolutionem remittuntur: non directè, ex uiq; absolutionis, sed secundariò, et consequenter.

Sed enim, quoniam leue detrimentum esse uidetur, quòd confessor sciat peccatum proximi mei: hinc grauis autorum concertatio est, an teneamur explicare circumstantiam: qua explicata confessor intelligit complicem criminis; ut exempli causa, si confiteor, me commississe ince-

stum

rum cum sorore: nec habeo plures, &c. Quo quidem loco, nec est quaestio, cum ego habeo copiam confessoris, cui possum confiteri sine reuelatione alieni peccati, tunc enim iniquum erit, illi confiteri, qui ex mea confessione crimen alienum intelligit. Sed est quaestio, cum confessor non ad est, nisi parochus, qui et me et sororem cognoscit, ut in pagis et oppidulis frequenter solet accidere. Igitur communis sententia tenet, non esse desistendum ab illius peccati confessione propter paruum illud proximi nocumentum. Quemadmodum ex parua iactura famæ meæ, quam facio ex eo, quod confessor meum peccatum intelligit, confitendi obligatio non cessat. Hanc sententiam D. Thom. amplectitur 4. d. 16. q. 3. artic. 2. q. 3. ad quintum. Duran. eadem. d. q. 4. D. Bonauen. dist. 21. in secunda parte dist. in artic. 1. Petrus Palud. dist. 17. q. 2. artic. 1. et Gabri. q. 1. conclusionē quinta: et Adria. q. 1. de Confessione, ad quartum argumentum et Syluester, uerbo Confessor. 1. §. 24. Causa uerò horum est, quod potius debet poenitens providere conscientiae suae, quam alienae famæ. Item, quod præceptum de integritate confessionis diuinum est, nec debet omitti, ut bona opinio alterius apud confessorē seruetur: *multis modis etiam uindicta potest* *in rebus suis*

At Caietanus in Summa, in uerbo Confessio, condicio ne. 3. ubi multa adhibuit remedia, quibus peccatum alienum in confessione celaretur: tandem subiicit, quod si nullum remedium est, et differri non potest confessio, quia oportet, aut celebrare, aut eucharistiam sumere debet illam circumstantiam tacere poenitens: quia confessio non debet esse cum aliena iactura. Damnum siquidem propriae famæ, confessionis et absolutionis utilitatis pensatur. Damnum uerò famæ alienae, non pensatur aliqua commoditate ipsius, qui patitur in commodum: et ideo non uidentur nostra commoda proximorum nostrorum incommodis comparanda.

Præterea. Si ego non possum confiteri, nisi per interpretem: confiteri non teneor: ergo si cum iactura aliqua famæ meae præceptum confessionis non obligat, nec cum iactura quidem alienae famæ obligauit.

Præterea. Si ego cognoscerem, confessorem reuelaturum esse socium criminis cuiquam alteri, non deberem explicare: ergo nec ipsi debeo socij crimen aperire. Quia etiam apud ipsum confessorem bona opinio proximi mei, uel infirmatur, uel penitus interit: cō uel maximè quodd illius pœnitentiam non uidet: meam uidet. Nec naturæ lex solum obligat, ne graue damnum proximo demus, uerum etiam ne medio credemus.

Ut igitur hoc dissidium componamus, sit tertia propositio: Si habita ratione confessoris et complicitis, uir prudens iudicauerit esse iacturam, licet non grauem, medio-crem tamen: tunc eiusmodi peccatum, aut circumstantia taceri potest. Atq; hanc mihi uidentur probare argumenta, quæ fecimus pro Caietano.

Quarta propositio: Si habita ratione utriusq; et confessoris et complicitis, uel nulla iactura sit, uel minima, ex eo quod sacerdos intelligat socium criminis: uidetur esse necessarium circumstantiam explicare.

Vltima propositio. In articulo mortis; non obstante illa famæ iactura, quæ plerunq; apud confessorem fit, tenetur pœnitens circumstantiam explicare: quia et ipse socius criminis debet subire tale dispendium pro salute pœnitentis. Secus: ubi iactura esset grauis et magna: ut si mors, uel infamia publica sequeretur.

In quarto argumento principali multa uariè à doctores scholasticis differuntur. in. 4. d. 17. Sed ego, quantà maxima breuitate potero; ea in hac disputatione tractabo, quæ et necessaria sunt, et digna quæ à uobis magnopere animaduertantur.

Dupliciter itaque confessio informis est: aut ex parte confitentis, aut ex parte absoluentis. Ex parte quidem pœnitentis, quia non erat in gratia quando eam fecit: siue quia carebat contritione, siue quia eius confessio non erat integra, uel ex uerecundia, uel ex negligentia, &c. Ex parte uerò absoluentis, quia uel non impendit absolutionem, quæ est forma huius sacramenti: uel, si impendit, non erat sacerdos habens iurisdictionem ad absoluendum: ergo si confessioni deest charitas, quæ est forma uirtutum,

uel

uel absolutio uera, quæ est forma sacramentalis confessio-
nis, talis confessio appellatur informis.

Et (ut certa ab incertis separemus) Primum, in quo con-
ueniunt uiri docti, est: confessionem informem ex defe-
ctu absolutionis esse à pœnitente repetendam. Nam ut
retro docuimus ex Ioannis testimonio, necesse est ut pec-
cata à sacerdotibus remittantur. Igitur, qui non perce-
pit absolutionem à peccatis, quamlibet millies ea fuerit
confessus, eo usque tenetur peccata fateri, quousq; ueram
absolutionem accipiat.

Aliud quoque in hac materia certum est, aliquam con-
fessionem ex parte pœnitentis esse repetendam. Nam, qui
dedita opera, non faciunt integram confessionem morta-
lium, sed ex uerecundia unum aliquod mortale tacent: ij
sine dubio iuxta omnium doctorum communem senten-
tiam tenentur iterum confiteri: quia confessio non inte-
gra sacramenti pœnitentiæ materia non est: cùm ex pro-
pria ratione formæ sacramenti repugnat: unde in Concil.
Floren. definitur, ad confessionem, quæ est huius sacra-
menti materia, pertinere, ut omnia peccata mortalia, quo-
rum homo memoriam habet, suo sacerdoti integre con-
fiteatur.

Tertium, me quidem iudice, certum est, non omnes
confessiones informes, esse resumendas. Nam (ut. D. Tho-
mas argumentatur. d. 17. art. 4 q. 1.) si opus esset omnem ta-
lem confessionem repetere, nullus tranquillitatis locus re-
linqueretur, cùm enim uiri pij de propiciato peccato non
debeant esse sine metu, Eccles. 5. omnis confessio de qua ue-
rentur, an fuerit informis, an legitima, esset illis identi-
dem repetenda. Quod omnino alienum est à prudentissi-
morum hominum consuetudine.

Præterea, cùm sacramentum extremæ unctionis, atque
matrimonij, et item in uniuersum reliqua, ex informita-
te non sic inualidentur, ut iterum sumenda sint: cur unum
hoc ex sola informitate quassabitur? eo uel maximè, quòd
etiam sine contritione, necessariam et materiã et formam
huius sacramenti constare posse, certis argumentis astru-
imus. Non igitur ex informitate, sed aliunde sumendum.

est, quando sit confessio repetenda.

Illud denique compertum et exploratum est, confessio nem sacramentalem, hoc est, ex qua cum absolutione uerum poenitentiae sacramentum consistit, eam non esse faciendam. Sed si sit aliqua confessio, ex qua non est constitutum uerum poenitentiae sacramentum: ea uidelicet resumenda est.

Prior huius fundamenti pars, uel ex eo constat, quod si semel accepimus ueram aliquarum culparum absolutionem, ueram (inquam) et ualidam: non oportet peccata à quibus sumus uerè absoluti, iterum confiteri. Quippe (ut Benedictus undecimus, in extrauaganti, inter cunctas, eleganter docet) absurdum est, ut liberatus debitor adhuc ad soluendum maneat obligatus.

Atque inde posterior pars eiusdem fundamenti constabitur: si enim mea confessio fuit talis, ut ex ea cum absolutione sacramentum poenitentiae non est confectum: illa nimirum peccata, quae confessus sum, non sunt per sacerdotem remissa. Qua propter debeo iterum confiteri, ut clauium autoritate soluantur.

Ex quo quidem quarto fundamento, manifestè colligitur confessionem, quae sine culpa poenitentis non est integra, iterum facere non oportere: ut si propter scandalum, aut proprium, aut ipsius confessoris euitandum, aliquod peccatum tacerem; uel si diligentiam adhibui sufficientem, et tamen adhuc alicuius peccati sum oblitus. Nam in moralibus ex fine uoluntario res denominatur. Qui igitur uoluit omnia sua peccata confiteri: et idoneam adhibere diligentiam: eius confessio, si moraliter loquamur, est integra. Quod et ex Concil. Florent. et ex alijs multis capitibus, et causis antè nos liquidò comprobauimus.

Colligitur deinde, quod si peccator negligentiam affectatam, aut omnino crassam in facienda integra confessione habuit, ita ut ex eiusmodi negligentia peccatum aliquod mortale praetermiserit: talis debet confessionem repetere, ac si data opera mutilaretur. Verbi gratia; qui sine aliquo examine conscientiae suae post transactum an-

num accedit ad confessionem; semper enim in peccatorum obliuionem necesse est incidere. Quare non aliter uult confessionem mutilare, atque, qui uenenum homini porrigit, uult occidere; et qui ignem subicit, domum comburere. Qui igitur ad eum modum imparatus accedit; re uera uult confessionem mutilam facere, qui uolens prudensq; ita se gerit, ac si facere ex professo mutilam uelit.

Colligitur tertio, quod, si peccator nullum dolorem habeat, nec contritionem, nec attritionem, talis confessio est repetenda. Non enim est confessio, quæ sit materia sacramenti poenitentiae, cum à nulla poenitentia profiscatur. Imò uerò, cum nec confessio quidem sit, sed pura confessionis simulatio; ut Capreolus. dist. 17. q. 2. et Durandus eadem distinctione. q. 13. et Caietanus. q. 3. additionum; et in summa sua; et ferè autores scholastici tradiderunt.

Colligitur postremò (id quod etiam paulò ante insinuauimus) quod, si quis habeat attritionem; ex qua uirtute sacramenti attritus, fiat contritus, gratiam, scilicet, consequendo; eius confessio non est resumenda. suscipit enim uerum poenitentiae sacramentum, gratiamque, ac remissionem peccatorum per absolutionem sacramentalem. Hæc omnia, (nisi ego cæcus sum) in controuersiam uertere non debemus.

Sed illud primùm in hac materia, tanquam incertum in dubium uocari meritò potest. An confessio ex negligentia mutila et manca, non quidem penitus crassa et supina, sed culpabili tamen, sit à poenitente iterum facienda; ut, si quis peccata præterita quærat, et diligentiam nonnullam adhibeat, quam esse idoneam arbitratur; cum tamen non sit.

Huic uerò quæstioni, respondetur ex sententia Caietani, talem confessionem non esse repetendam, sed si postea in memoriam peccatum illud negligenter omissum uenerit; sat erit illud confiteri, et negligentiam in conscientia examinanda, ac proinde sacrilegium illud, quod in suscipiendo sacramento commissum est.

Hæc uerò sententia non potest (fateor) perspicuè ac lucidè demonstrari. Sed in rebus quæ ad mores pertinent,

non sunt (mihi credite) scientiæ moralis dogmata ad uinum refecanda . Suadetur itaque primum : quia moraliter loquendo talis confessio est integra : cum intendat pœnitens omnia confiteri, quorum memoriam habet .

Item, quia aliàs, nimium anxios redderemus scrupulosos : imò piorum etiam animos turbaremus perpetua iterandæ confessionis sollicitudine : uerentur enim plurimum non scrupulosi modo, uerum etiam mediocriter liberi, atq; cordati, sese in examine conscientiæ negligentes extitisse .

Sed obiicit fortasse quisquam, quod talis confessio ex parte pœnitentis non est integra : peccat enim non adhibendo diligentiam debitam, atque ex consequenti pœnitens, confessionem, uolens, mutilam facit .

Ad hoc primum dico, omissionem illam diligentiae debitæ, aliquando esse solum ueniamalem, scilicet, ex inconsideratione, culpabili quidem proficiens, sed non mortali tamen . Quoniam pœnitens is est, qui aliàs diligentiam debitam adhibere solet . Atque in hoc euentu, non sacramentum modo, sed etiam fructus sacramenti recipitur . Nec hoc loco (ut reor ipse) Theologus quisquam nobis erit aduersus : nisi planè uelit, et confessionis iugum importabile facere : et sine idonea ratione, mortalis culpæ reatum inducere, nisi confessio uenialiter tantum culpabilis resumatur .

Dico secundò, quòd, etiam si negligentia mortalis sit, (non sit modo adedò supina et crassa, ut perinde habeatur, atque ex industria res fieret) quia confessio tamen ex intentione formali pœnitentis est integra : non est cogendus eiusmodi confessionem iterare . Nam, quando salua pietate id facere possumus, confessionis iugum mollesciendum est, nec iniiciendi laquei, eo præsertim loco, qui in id paratus est, ut ab omnibus laqueis liberemur .

Ac forsitan, qui in concertatione scholastica nobis conantur obistere : si ad rem ipsam conferantur, non aliter facient, quàm nos in præsentia consulimus : uerbi causa ; si quis ex ignorantia uincibili existimet periurium proseruanda uita hominis esse licitum ; unde non confitetur
illud

illud peccatum, quia non putat se peccasse. Item, si quis mercator aliquem contractum licere credebat, uel mulier cula aliquam superstitionem censebat esse religionem ex culpabili quadam iguorantia; non arbitror equidem tam criticos ac seueros iudices esse futuros, ut omnes horum ante actas confessiones, iubeant iterari. Intrepide igitur cum Caietano tenere possumus, eiusmodi confessiones repeti non oportere.

Alterum quoque uerti in quæstionem potest; an cum quis attritionem habuit tam imperfectam, ut uirtute sacramenti non fiat ex attrito contritus, quin potius sacrilegus sit in eo, quod irreuerenter suscipit pœnitentiæ sacramentum, an huius (inquam) confessio sit iteranda. Et quidem D. Thomas loco ante citato manifestè docet, quod, sicut fictus sine debita dispositione et dolore potest uerum sacramentum baptismi suscipere; ita etiam et confessionem sacramentalem facere, ac ueram absolutionem percipere.

Contrariam sententiam tenet Maior. d. 17. quæ. 9. et Adrianus. quæ. 4. de Confessione ad tertium argumentum; et dubio. 5. eorum quæ de confessione proponit.

Est autem primum argumentum contra D. Thomam. Quod si ibi esset uerum sacramentum, peccator ille fictus esset uerè à sacerdote absolutus. Consequens est falsum, ergo et antecedens. Maior probatur, quia si quis uerum sacramentum baptismi, uel confirmationis accepit; uerè manet baptizatus, et confirmatus; consequentis uerò falsitas ostenditur, quia tunc uere etiam esset absolutus à deo quæcunque soluunt sacerdotes in terra, soluuntur in cœlo, et tamen non est ille absolutus in cœlo, cum maneat eisdem peccatis obligatus, et nouam insuper addiderit sacrilegij culpam.

Et confirmatur. Quia illi non sunt à Deo remissa peccata: ergo non est absolutus à sacerdote, patet consequentia ex illo. Quorum remisistis peccata, remittuntur eis.

Confirmatur deinde: quia sacramenta gratiæ, sacramenta ueritatis sunt, non falsitatis: forma autem illa, qua confessor

confessor utitur, cum fictum absoluit, falsa est, scilicet. Ego te absoluo à peccatis tuis. Nec ualet dicere, formæ sensum esse. Ego te absoluo, quantum in me est: quia licet ex parte sua confessor uerè conetur absoluerè: non tamen ideo uerè soluit: cum pœnitens impedimentum obijciat absolutioni. Quamlibet enim quis ianuam nitatur aperire: non tamen uerè aperit, si qui intus est, obicem ponat.

Præterea; uel ille qui non contritus confitetur, et accipit absolutionem, habet aliquam displicentiam de peccato, uel nullam: si nullam: ergo non est uera confessio, sed simulata enuntiatio peccati, sin habet aliquam, illa erit attritio. Quare, adueniente absolutione, confertur gratia iuxta D. Thomam, qui tenet sacramentum pœnitentiæ attrito conferre gratiam, sicut et sacramentum baptismi.

Præterea uel ille talis cognoscit se habere dolorem sufficientem: uel credit potius ex ignorantia, se satis dolere, cum tamen non doleat satis. Si primum, est illi absolutio deneganda: si illam fictionem confitetur, sin uerò non confitetur, confessio de composito non est integra: ac proinde irrita est, ac nullius prorsus momenti censenda. Si secundum, iam uirtute sacramenti conferetur gratia, cum ille non ponat obstaculum.

Hæc tamen argumenta mouere non debent, ut D. Thomæ sententiam relinquamus, quæ multo quidem probabilior est. Primum quoniam nullus certò cognoscit, se sufficientem dolorem habere cum confitetur. Quo circa semper oporteret, homines esse sollicitos de eadem confessione iterum atque iterum repetenda: probabiliter enim timemus, nostras confessiones non fuisse formatas.

Præterea (ut etiam paulò ante argumentabamur) cætera sacramenta recipiuntur à fictis: ergo et hoc sacramentum à ficto recipi potest. Negabis forte consequentiam: quia contritio est pars huius sacramenti: (ut Conci. Florent. definitur) non est autem pars aliorum: et ideo alia sacramenta non contritis etiam conferuntur. hoc uerò sacramentum non nisi à contrito recipitur. Contra, quia contri-

contritio non est pars essentialis huius sacramenti, sed integralis: non autem quælibet integralis pars adesse totius necessaria est: ut patet de satisfactione, sine qua uerum sacramentum consistit. Deinde, quia licet contritio esset prima huius sacramenti pars, non est tamen ordo necessarius, ut oporteat esse priorem confessionem. Nam si post confessionem hominis attritio iam completam: sequatur contritio tempore quo quis absoluitur: sine dubio suscipitur uerum sacramentum. Et tamen confessio tota fuit informis. Rursum etiam nos ante constituimus, attritionem esse idoneam huius sacramenti materiam. Quod si non esset: nec clauis ecclesiæ culpam remitterent, nec poenitentiae sacramentum gratiam conferret. Denique, si dolor interior assignatur pars huius sacramenti, ideo est, ut confessio uocalis ad iudicium sacerdotale necessaria, sit confessio, et non simulatio: aut figura confessionis: sed sola attritio satis est, ut homo uerè confiteatur, et accuset se coram sacerdote quemadmodum. D. Thomas ad tertium argumentum illius articuli docet: ergo, &c. Non enim huiusmodi appellamus fictam; fictione contraria sacramento: sed fictione contraria effectui sacramenti; adhibet quippe materiam necessariam sacramento, dispositionem uerò necessariam effectui sacramenti non adhibet.

Quod si ita est, ut certè uidetur esse, confessionem informem esse ueram materiam sacramentalis absolutionis; impertinens fuerit per illam dari gratiam, uel non dari ponenti obicem. Nam, si extrema unctio ueram materiam et formam habet, uerumq; ministrum, si suscipiens impedimentum apponit effectui sacramenti; non inde sacramentum irritum est; idem in matrimonio uidere licet, atque in reliquis sacramentis.

Et cum in superiori dubitatione docuerimus confessionem ex culpabili negligentia mutilam, si tamen formaliter et ex intentione fuisset integra, non esse repetendam; tenere compellimur, fuisse uerum sacramentum quanuis à ficto susciperetur sine præsentis fructu sacramenti.

Ad primum argumentum, concedo poenitentem illum esse uera sacramentali solutione absolutum, et cum obijci-

tur,

tur, illum fore absolutum à Deo, concedo item. Sed cum-
rursus instatur illum manere eisdem peccatis obligatum,
distinguo. Nam ex parte sacerdotis, et Dei absolu-
entis, absolutus quidem manet; sed ex parte pœnitentis po-
nentis obstaculum, absolutio sacerdotis præsentem non
habet effectum. Quemadmodum, qui in peccato mor-
tali suscepit baptismum; uerè baptizatus est à ministro;
sed baptismi non recepit effectum propter obicem, quem
opposuit. Et per hoc ad priorem confirmationem re-
spondetur, quòd remissio peccatorum dupliciter intel-
ligitur. Altera, quæ habet annexam iustificationem, at-
que effectum remissionis peccatorum; et sic qui peccata
remittit, semper gratiam confert, per quam remissio pec-
catorum efficitur. Altera peccatorum remissio, iudicia-
lis est; qua nihil aliud continetur, quàm sententia, cu-
ius uirtute quis soluitur à peccatis in tali iudicio pecca-
torum remissiuo. In quem sensum sacerdos semper pec-
cata remittit.

Ad posteriorem confirmationem respondetur; quòd
idem argumentum fieri posset de sacramento baptismi,
cum recipitur à ficto. Nam uerbum, Baptizo, in forma ba-
ptismi, non solum ablutionem corporis, sed ablutionem
quoque mentis significat: sacerdos ergo non abluir inte-
rius sacrilegum, qui fictè baptizatur: nihilominus uerum
sacramentum baptismi confert, quia ueram materiam, ue-
ramq; formam subministrat: ex quibus, nisi ponatur ob-
ex, ablutio interior consequatur. Idem in confirmatione
uidere est. Qui enim in peccato mortali confirmatur,
cordis firmitatem, quæ significatur in forma non reci-
vit, &c. Sic ergo sacerdos absoluens fictum, uerum abso-
lutionis sacramentum impendit: et quantum in se est ue-
ram formam apponit: cuius effectus tunc quidem impedi-
tur per indispositionem recipientis. Nec sensus formæ sa-
cramentalis est. Ego te absoluo, id est, do absolutionem,
quæ nunc effectum suum habeat remissionis peccatorum:
sed sensus est: ego iudicalem absolutionem impendo: quæ
ui sua potens sit te absolui, si tu uelis fructum eius obti-
nere. Quemadmodum, si absolutionis sententiam profer-
ret iu-

ret iudex; quæ liberareris à carcere, in quo postea tu uoluntate tua manere uis: et si ego extrinsecus clauē ianue feram aperirem, et tu uolens intus obicem opponeres, ego uerè ianuam aperui.

Ad secundum principale respondetur, illum de quo loquimur in conclusione, displicentiam aliquam habere de peccatis, hoc est attritionem. At non quælibet attritio sufficit, ut accedens ad sacramentum pœnitentiæ, gratiam consequatur, potest enim dolor esse tam imperfectus, qui satis sit ad confessionem faciendam: non item, ut ex uilitus dispositionis homo etiam per sacramentum iustificetur. Nam primò, cum quis habet attritionem conditionam, id est, quæ oritur ex uelleitate, qua homo uellet placere Deo, et ipsi reconciliari: tunc non fit ex attrito contritus sacramento suscepto, recipit tamen uerum sacramentum, si tristatur, quia caret dolore in efficaci: et accusat se etiam huius indispositionis. Hæc est autem cōmunis attritio meretricum, usurariorum, concubinariorum, &c. quos omnes si iterare confessiones cogeremus, immensum esset operis et laboris. Nec tamen quilibet erit adeo remissus in rigore disciplinæ Christianæ, qui eiusmodi homines excuset à sacrilegio. Altera quoq; attritio est, ex qua cum sacramento pœnitens non iustificatur. v. g. quæ ex timore infamiæ proficiscitur, uel cuiusque mali temporalis: ut qui detestatur peccatum, et proponit confiteri, ne eiiciatur ab ecclesia, uel ne mulctetur pecunia, &c. siue enim discutiatur conscientiam suam, et imperfectionem doloris, siue ex negligentia omittat examen necessarium, homo sic attritus, non fit etiam uirtute sacramenti, contritus; id est, non accipit gratiam. Sic enim hoc loco intelligi uolumus ex attrito fieri contritum, id est gratiam et iustificationem consequi uirtute sacramenti, perinde ac si uerè fuisset contritus. Et, si quæras, quando ex attrito fiat contritus uirtute sacramenti. Respondeo, id primùm euenire, quocumque attritionis genere homo sit attritus, si existimat sese prestitisse quod necessarium erat: ignoratq; inuincibiliter, se non habere sufficientem dispositionem, quia is non ponit obicem: sed bona fide accedit ad

sacra-

sacramentum, sacramentum autem in non ponente obicem, suum semper habet effectum. Quo fit, ut omnia sacramenta ex huiusmodi attrito, contritum faciant. Quod D. Tho. lucidè tradit. 3. p. q. 79. ar. 3. et in commentarijs super Ioannem cap. 11, in illud, soluite eum.

Deinde etiam, attritio, efficax ex timore pœnarum super naturalium, idonea dispositio est ad sacramentorum baptismi et pœnitentiæ gratiam percipiendam: ut, cum quis detestatur omnia peccata mortalia, et propterea confiteatur, ne per peccatum excludatur à gloria, uel ne in infernum ignem conijciatur. Qui etiam, si cognoscat, se non habere contritionem, sed solam attritionem: licitè accedit ad baptismi et pœnitentiæ sacramenta suscipienda. Quod (nisi me coniectura fallit) sentit D. Tho. 3. p. q. 79. ar. 3. ad secundum et q. 80. ar. 4. ad secundum et 4. sententia. d. 24. q. 1. artic. 3. q. 1. ad tertium: Ratio uerò D. Thomæ non est contemnenda: quia sacramentum baptismi et pœnitentiæ per se ordinantur ad præstandam uitam mortuis. Quare licitè sumi possunt ab his, qui habent conscientiam peccati mortalis, modò habeant attritionem, quæ tollitur obex, et complacentia in peccatum commissum. Est quoq; altera eiusdem ratio, quia cum hæc duo sacramenta sint medicinæ directæ paratæ contra morbos animæ: absurdum est, ut nullus qui se ægrum esse cognoscit, possit iustè hæc sumere sacramenta. Quemadmodum res esset penitus absurda, quod medicinas corporales, à natura potissimum institutas ad sanandos corporis morbos, non posset sumere nisi sanus: aut qui se iam esse sanum existimaret, unde et Innocentius. 1. q. 1. capi. Ventum est, ubi uulnus (inquit) infixum est, medicina est adhibenda, quæ possit recipere sanitatem, atque ubi pœnitentiæ remedium necessarium est, ordinationis honorem locum habere non posse decernimus, &c. quæ inferius adijciuntur.

Tertiò etiam, Attritio, quæ procedit ab amore naturali Dei super omnia, forsitan dispositio est idonea, ut uirtute sacramenti baptismi et pœnitentiæ gratia conferatur: quia talis etiam attritio tollere uidetur complacentiam in peccato, et obicem sacramenti; et per hoc patet tertium

argu-

argumentum. *Deinde illi in his quibus*

Sed quæstio parua se offert circa ea, quæ dicta sunt:
Nam, si peccator intelligit imperfectionem doloris, qui ui-
delicet non est sufficiens ut uirtute sacramenti gratia con-
feratur, sed, committit sacrilègium sacramento irreueren-
ter suscipiendo: tunc aut confitetur talem indisposizio-
nem et fictionem, aut non: si confitetur, sacerdos non ab-
soluet, ne sit sacrilegus impendendo absolutionem, sicut
peccator ipse petendo sacrilegus est. Confessio igitur erit
irrita; et absolutio per nouam confessionem denuo quæ-
renda. Sin uerò non confitetur illam indispositionem,
confessio non erit integra: itaque erat repetenda.

Ad hoc respondetur, quòd sine dubio sacrilegus erit
sacerdos, si certò cognoscens pœnitentem esse indisposi-
tum, illum absoluit. Cuius rei exemplum habes, de pœ-
nitentijs, capit. Quòd quidam. Nec te moueat, quòd ibi
Alexander præcipit, talem confessionem recipere: eorum
uidelicet, qui, quamuis confiteri uelint: se tamen asserunt,
abstinere non posse. Recipienda enim est talis confessio,
quòd ad ecclesiæ præceptum pertinent, quod uerè implet
qui in illum modum confitetur ut alio loco forsan, ubi-
rius ostendetur. Sed non est tamen recipienda, ut absolu-
tionem sacerdos impartiatur: cùm ibidem Alexander as-
ferat, huiusmodi pœnitentiam non esse ueram: fictè au-
tem pœnitentem absoluerè, sacrilegium est.

Nec te rursus moueat, quòd talis confessio uidetur esse
sacrilega, cùm sit sacramentalis, et fictè facta in peccato
mortalis. Quoniam tunc confessio ficta sacrilegium est,
cùm à pœnitente fit, animo recipiendi absolutionem. At,
cùm quis confitetur, ut præcepto ecclesiæ pareat, et con-
siliu salutare à sacerdote recipiat: ut si fortè, uel inter
confitendum, uel confessione facta, animus permutetur,
absolutionem à sacerdote recipiat, eiusmodi confessio li-
cita est: licet quodam modo pars sacramenti sit, non actu,
sed potentia: quòd satis est, ut sacerdos ad sigillum secre-
ti teneatur.

Illud uerò quod ibidem dicitur, eiusmodi hominibus
pœnitentiam esse indicendam, non de satisfactione sacra-
mentaliter

mentaliter iniungenda intelligendum est, sed de pœnitentia, quæ sit in peccatoris remedium &c. Non est igitur ille talis absoluendus: sed si absoluat tamen uel ex ignorantia, uel ex effectu et passione sacerdotis, absolutio ualida erit: si tamen illam fictionem peccator confiteatur, quam habuit, antequam susciperet absolutionem, uidelicet negligentiam et indispositionem præcedentem, animunq; recipiendi sacramentum, &c. Nam fictio illa exterior, hoc est, sacrilegium, quod peccator commisit recipiendo exterius absolutionem, post confitenda est: ut D. Thom. illò articulo tradit: nam ante explicari non poterat.

Sequitur quæstio alia perdifficilis, an sacramentum pœnitentiæ recedente fictione, suum effectum sortiatur. Et quidem Adrianus de confessione. Dubio. 5. et Gabriel. 4. d. 17. q. 1. artic. 3. dubio 2. atque alij nonnulli negatiuam sententiam tenent. Primò, quia si quis in peccato mortali eucharistiam recipit, non recipit effectum recedente fictione: cum iuxta apostolum prioris ad Corinth. undecimo, qui indignè manducat corpus domini, non ad utilitatem, sed ad iudicium manducat. Igitur, ne pœnitentiæ quidem sacramentum suum, recedente fictione, habet effectum.

Deinde. Causa quæ non est, nihil agit: effectus enim supponit existentiam causæ, sed recedente fictione iam trā sijn absolutio, nec quicquam illius manet: ergo, &c. Nec potest dici, quòd licet non maneat absolutio, manet tamen ornatus quidam, ueluti gratiæ futuræ semen. Quoniam superiori relectione, multis eisdemq; firmis argumentis, hunc ornatum è medio sustulimus.

Sed enim opinio D. Thomæ articulo illo iam sæpe citato contraria est: atq; ea quidem multo magis rationi consentanea, si id teneamus, quod iam ostendimus, sacramentum receptum à ficto, esse uerissimum sacramentum. Probatur sic. Ille talis non tenetur rursus confiteri peccata, quæ semel confessus est, ergo recedente fictione consequitur effectum sacramenti. Antecedens patet, quia si sententia in aliquo foro semel fuit ualida, non est opus eam iterum

rum ferri: nec qui semel absolutus est sacramentaliter, tenetur confessionem repetere. Iam uerò consequentia probatur. Quia illi homini est apertum regnum cœlorum, quod erat clausum per eiusmodi peccata. Ergo uirtute clauum est illi apertum: nam sacerdotibus clauēs regni cœlorum datæ sunt: nec aliter peccatoribus, nisi per clauēs regnum clausum aperiri potest. Confirmatur ex illo Ioannis: 20. Quorum retinueritis peccata, retenta sunt; ergo si illa peccata non sunt remissa uirtute absolutionis, semper erunt retenta. Quare oportebit eadem iterum confiteri. Nec alia ratio D. Augustinum mouit, ut assereret baptismum, recedente fictione; effectum suum consequi, nisi hæc. Nam, si postea peccator fictè baptizatus conteratur: et asseras gratiam illi conferri ex contritione, non ex ui baptismi ante suscepti; tunc eiusmodi non esset renatus ex aqua et spiritu sancto. Quare (iuxta domini sententiam) non intraret in regnum cœlorum. Cum igitur penitentiae sacramentum sit necessarium ad salutem peccatoribus baptizatis, si cui ex ui solius contritionis peccata remitterentur, illi tali sine remissione sacramentali peccata condonarentur, cum tamen scriptum sit; quorum retinueritis retenta sunt.

Ad primum argumentum, multi negant antecedens, in uniuersum existimantes sacramenta omnia, recedente fictione, suum effectum habere: Cuius sententiæ est Caicitanus in additionibus tertiæ partis. q. 5. De confessione; suadetq; id peculiãriter de extrema unctione. Nam si quis ungatur in peccato mortali, non iterabitur extrema unctio in eodem morbo, ut ecclesia statuit, ergo si ille conteratur post unctionem, recipiet fructum illius: aliàs ecclesia non negaret illi unctionem, repetitam, &c.

Et. D. Thomas huius uidetur esse sententiæ, cum ait, et sic etiam est in alijs sacramentis; unde iuxta hanc opinionem respondetur, quod idem potuit dicere Paulus de eo, qui fictè baptizatur: sed iudiciũ et condemnationem accepisse ex sacrilego baptismo. Nec tamen inde licet inferre, baptismum illum etiam, recedente fictione, nullius fore utilitatis.

Ego tamen non inuenio causam, quæ me cogat, ut id quod tribuimus baptismo et pœnitentiæ, cæteris quoque sacramentis tribuamus, sunt enim hæc duo sacramenta necessaria ad salutem, quorum proprius effectus est, aperire ianuam regni cœlorum peccatoribus occlusam. Vnde, si quis semel acceperit uerè hæc duo sacramenta: consequens sit, ut uirtute horum sacramentorum regnum cœlorum consequatur. Aliàs (ut arguebamus) sine his sacramentis, et ui illorum esset apertio ianuæ regni cœlestis, quod faceris, literis aduersatur.

Hoc autem argumentum pro reliquis sacramentis non militat: ignoramus enim an fructum eucharistiæ perceptæ, si quis per sacrilegium impedièr, postea, recedente tali sacrilegio, consequatur. Nec habemus rationem consentaneam, qua id confirmare possimus. Equidem facilius id admitterem in sacramento confirmationis et ordinis: non quod imprimant characterem, uel non imprimant (non enim me hæc ratio mouet) sed quod cum repeti non possint, et fructus illorum sacramentorum confirmatis et ordinatis sit pernecessarius: uero simile est, diuinam materiam, fructum horum sacramentorum, actione abscedente, conferre: ne perpetuo eiusmodi fructu priuentur: et hoc satis est seruandam literam D. Thomæ inquiringis. Et sic etiam est in alijs sacramentis, non enim dixit in omnibus: licet referri possit ad hoc, quod alia sacramenta recipiuntur à fictis.

Ad secundum argumentum, facile dicitur, causam quidem naturalem, quæque agit admodum naturæ, oportere simul esse cum effectu uel aliquid relinquere loco sui, quod simul re effecta sit: at morales causas non est opus cum effectis esse: sed satis est fuisse, miles enim strenuus, per rem præclare ac fortiter in bello gestam, causa est futuri honoris, atque coronæ apud Cæsarem: nec tamen aliquid relinquit, etiam opere transacto, quod sit, ueluti senem futura mercedis, sic etiam cum sacramentum pœnitentiæ causa moralis sit remissionis peccatorum per applicationem sanguinis Christi, et meriti ipsius: non est necesse, ut conuertetur effectum: sed sat est, ut præcesserit,

maneat-

maneatq; uis eius in diuina acceptatione: quæ non acceptauit opus meum sacrilegum et fictum; sed opus Christi et meritum; mihi per sacramentum applicatum.

His ita constitutis, nihil aliud superest; quam ut quanto argumento principali explicatiùs respondeamus. Nam Adrianus post quintam quæstionem de confessione dubio. 4. in uniuersum tenet, nullum hominem per actum culpabilem præcepto siue Dei; siue ecclesiæ satisfacere: quia præceptum est de actu saltém moraliter bono, ergo per peccatum præceptum impleri non potest.

Item, de regulis iuris, ca. 8. Qui ex timore facit præceptum; aliter quam debeat facit: et ideo iam non facit, unde glos. colligit, quod non dicitur factum, quod legitime non fit.

Præterea. Deus non præcipit confessionem sacrilegam, sed idoneam; ad absolutionem percipiendam. Ergo qui fidei confitetur, Dei præcepto non facit satis. Et cum ecclesia non percipiat immediatè confessionem; sed præceptum à Deo limitet ad certum tempus: certè qui confessionem iurè diuino debitam non facit; ecclesiæ mandatum de confitendo semel in anno non implet, unde in cap. Omnis utriusque sexus, omnia sua peccata (Innocentius inquit) fideliter confiteatur proprio sacerdoti, et iniunctam sibi pœnitentiam propriis uiribus studeat adimplere: suscipiens reuerenter in pascha Eucharistiæ sacramentum.

Inde colligit Adrianus, sumentem eucharistiam in peccato mortali; non satisfacere præcepto, nec Dei, nec ecclesiæ. Item et illud, largientem pauperi elemosynam in extrema necessitate ob uanam gloriam, præceptum de elemosyna non implere.

Sed quoniam alterius loci est, accuratiùs id expendere: nos cum cumuni opinione in præsentia teneamus, non esse transgressorem præcepti, qui actui bono ex genere suo, quem lex præcipiebat, apponit aliquam malam circumstantiam, et per hoc patet ad primum argumentum Adriani. Lex enim est de actu moraliter bono secundum se:

Ad secundum. Quædam præcepta sunt, quæ sine cha-

ritate non implentur: ut de contritione, de actu charitatis: huiusmodi autem per timorem satisfieri non potest. At, præcepta de actibus exterioribus, cum ex timore seruiant, inutiliter quidem fiunt: et propterea censentur non fieri, sed non inde per nouam culpam uiolantur.

Ad tertium, iam patet, confessionem fictam, aliquam esse idoneam ad percipiendam ueram absolutionem, per quam, scilicet præceptum impletur, tum Dei, tum ecclesie, cum poenitens sacramentaliter absoluitur. Imò crediderim ego, quòd cum peccator se sistit sacerdoti, iuxta præscriptum illius capituli, quòd quidam, de poenitentiis, etiam si non recipiat absolutionem, implet præceptum ecclesie, ex quadam eiusdem ecclesie pia et clementi dispensatione. Nec aliud intelligo, cum pontifex ait, talem confessionem esse recipiendam. Quare censura, si quæ fulminetur aduersus eos, qui eo anno non sunt confessi, huiusmodi peccatores impoenitentes non tangunt. Per nullam tamen confessionem impletur diuinum præceptum, nisi absolutio sacramentalis superaddatur, sine qua sacramentum poenitentiae non est.

In quinto principali argumento, id primum quaeritur, an mutus confiteri diuino præcepto teneatur: ubi ego non dubito: mutum ad confessionem obligari, siue per nutus, si habeat copiam sacerdotis qui nutus intelligat, siue per scriptum, si scribere didicerit D. Tho. d. 17. q. 3. artic. 4 q. 3. ad secundum. Scotus eadem dist. in solutione argumentorum, Gabri. et Majoris eadem dist. q. 1. Imò tandem Caietanus in summa. Probatur uerò ex illo Ioan. 20: Quorum remisistis peccata, remittuntur eis, et quorum retinueritis, retenta sunt. Si ergo mutus peccata aliqua exprimere potest sacerdotibus, illa non remittentur, nisi sacerdotes remittant. Nec etiam uideo causam, cur à præcepto illius cap. Omnis utriusque sexus excipiantur. Nam si nutibus confessio fieri possit, et forum secretissimum erit, et decentissimum, si seruetur forma, quam Caietanus tradit in summa. Sin autem scribere mutus sciat, commodissime fiet, per scriptum confessio: nam scriptum manu tenere potest, et lancinare: nam dicere scripturam

suapte

suapte natura publicam esse, ac proinde non conuenire pœnitentiæ, metaphysicum commentum uidetur esse: sic enim posses asserere, et nutus suapte natura publicos esse, atq; aded uerba. Aut ergo asseramus, mutos confiteri non posse, aut si possunt, eos teneri fateamur.

Sed oritur dubium, an, si mutus non possit quidem explicare species peccatorum et circumstantias, sed nutibus duntaxat ostendere, se offendisse Deum, an (inquam) possit absolui: eadem quæstio est si ægrotus linguæ usum amisserit, adueniente sacerdote.

Et suadetur pars affirmatiua: quia, si quis confiteretur generaliter uenialia, scilicet, faciendo confessionem generalem, posset absolui sacramentaliter, cum non teneatur species et circumstantias uenialium explicare, ergo si quis non possit species mortalium exprimere, satis erit, generaliter confiteri.

Deinde Ioannis. 20. data est potestas Apostolis remittendi peccata quorumcunque, ergo si mutus nesciat exprimere peccatorum species, ecclesia habebit potestatem remittendi illi peccata. Nec enim credendum est eiusmodi hominibus, legislatorem in necessariis defuisse.

Præterea, cum non possum commodè explicare speciem peccati, ut si sequatur inde periculum, tunc satis est confiteri peccati genus, ergo satis erit generaliter confiteri, ad confessionem sacramentalem. Si enim genus peccati subalternum ad sacramentum sufficit, non est, cur generalissimum non sufficiat.

Præterea, Arausicanum Concilium, ca. 12. Subito inquit obmutescens, et baptizari et pœnitentiam accipere potest, si uoluntatis præteritæ testimonium aliorum uerbis habet, uel præsentis in suo nutu, et tertium Concilium Carthaginense. ca. 34. Si ægrotantes (ait) pro se respondere nequeunt, cum uoluntatis eorum testimonium sui dixerint, baptizantur, et manus etiam pœnitentibus imponatur, referturq; de consecratio. distin. 4. capit. Aegrotantes. Item apertius Concilium Carthaginense quartum, ca. 77. et habetur. 26 q. 6. ca. is qui hunc in modum scribit. Is qui in infirmitate pœnitentiam petit, si casu, dum ad

cum sacerdos uenit, oppressus infirmitate obmutuerit, dent testimonium, qui cum audierunt, et accipiat pœnitentiam: et si continuo creditur moriturus, reconcilietur per manus impositionem, et fundatur ori eius eucharistia. Idem habes in epistola. 69. Leonis Papæ ad Theodorum, in hæc uerba: His qui in periculi urgentis instantia præsidium pœnitentiæ, et mox reconciliationis implorant: nec actio illis pœnitentiæ, nec communionis gratia denegetur, si eam; etiam amisso uocis officio, per iudicium integri sensus quærere comprobentur: quod si aliqua ægritudine ita fuerint aggrauati, ut quod paulò antè poscebant, sub præsentia sacerdotis significare non ualeant, testimonia eis fidelium circumstantium prodesse debebunt, ut simul et pœnitentiæ, et reconciliationis beneficium consequantur.

In hac quæstione Abulensis sup. 16. ca. Matth. quæstione. 79. tenet, quod, si quis in articulo necessitatis uoce confiteri non potest, quanuis signa contritionis ostendat, absolui non debet. Est enim (inquit) contra formam absolutionis, in qua dicitur absoluo te de peccatis confessis et oblitis, ille autem nulla peccata confitetur. Quæ quidem ratio nihil me mouet: tum quia illa forma non mihi magnopere probatur, (ne atrocius uerbum dicam) possem enim, cum Concilium Florent. aliam, hac neglecta, præscripserit, hoc est, ego te absoluo. Deinde, quoniam ille, de quo differimus, nutibus confitetur, licet ore non possit. Sed dicet forsitan, non confitetur peccatorum species, fateor id quidem, ad id nunc in controuersia est, an confessio generalis sufficiat, cum specialis fieri non potest: ubi magnopere nellem audire potiùs quàm docere. Nam D. Tho. nihil explicitè tradidit, unde hanc quæstionem definire possimus. Distinctione siquidem. 21. quarti sententiarum. q. 2. art. 1. ad primum dicit: quod quandoque confessio generalis est sacramentalis, et quandoque non. Sacramentalis quidem est, quando quis in secreto sacerdoti confitetur, quædam quæ meminit, et alia uenialia in generali; et ad secundum. Erat quippe argumentum huiusmodi. Post confessionem generalem, ita remanent occul-

occulta peccata pœnitentis confessori, sicut et prius: quia in his quæ generaliter dicuntur, non est aliquis qui non peccet, &c.

Huic igitur argumento respondet, quod procedit de confessione sacramentali, quæ iudicium sacerdotale expectat, et ideo requiritur aliqualis peccatorum manifestatio. Hactenus D. Tho. At art. 2. asserit, confessionem generalem sacramentalem operari ad remissionem pœnæ debitæ, propter peccatum oblitum, idq; ex vi clauium. Atque idem sequitur Petrus Palud. d. 21. q. 2. art. 2. ubi etiam docet, materiam absolutionis esse peccata confessâ, uel in particulari uel in generali; aliàs frustra adderemus in confessione de his et de alijs quorum non sum memor, &c. Quod si peccata oblita, generaliter ostensa sacerdoti, uera sunt materia absolutionis: non est cur definiamus, generalem confessionem, cum specialis fieri nequit, sacramenti huius idoneam materiam non esse. Quamobrem ut antea dixi, quæstio multò obscurior est, quàm ut à me ualeat illustrari.

At inhærendo ecclesiastico usui, quò huiusmodi peccatores in genere pœnitentes absolui sacramentaliter non solent: teneamus interim (id quod tutius est) confessionem, in qua nullum peccatum explicatur, non esse sacramentalem. Nam, præter ecclesiæ consuetudinem, quæ in huiusmodi rebus magnum momentum habere debet, rationes illæ duæ, quas D. Thom. insinuauit non sunt omnino leues. Altera, quod hoc sacramentum est iudiciale: iudicijs autem sententia apta esse non potest, nisi iudex crimen aliquod in specie cognoscat. Altera, quod non plus innotescit mihi conscientia illius peccatoris per talem confessionem, quàm ante illam: cum uir etiam sanctissimus posset ita generaliter confiteri.

Ad primum, nego antecedens. Nam licet non teneatur explicare species uenialium, sicut nec uenialia confiteri, si tamen uult absolutionem sacramentalem recipere, confessio specialis opus est, ut iuxta qualitatem et quantitatem delicti sententia ipsa feratur.

Ad secundum, eodem modo respondetur, quod ap-

stoli acceperunt potestatem, tanquam iudices: iudicium uerò ineptum est, nisi delicta à iudice cognoscantur. Nec opus est, legislatorem priuatis et accidentarijs euentis prouidisse, ut in baptismo paruulorum manifestum est.

Sunt enim paruuli, qui baptizari interdum non possunt.

Ad tertium respondeo, quod, cum explicatur genus peccati subalternum, ut luxuria aut incestus: iam cognoscitur et substantia, et aliqua delicti qualitas iudicandi, &c.

Ad quartam dupliciter responderi potest. Prius, quòd illi publicè pœnitentes, olim habebantur excommunicati: unde manuum impositio, seu reconciliatio, quæ iubebatur impendi, non erant sacramentalis, sed quasi quædam absolutio ab excommunicatione, tali enim signo solebat olim ecclesia in communionem admittere, quos communionem priuarat, et ideo eiusmodi manuum impositio non solum presbytero, sed diacono etiam permittebatur: quemadmodum uidere licet apud Cyprianum. 3. epist. lib. epistola decima septima: posterius respondetur, quòd, cum omnibus illis locis sermo sit de publicè pœnitentibus, intelligere debemus, quòd illorum peccata, iam per confessionem publicam sacramentalem, in die cinerum innotuerant sacerdoti. Sed quoniam absolutio ad diem cœnæ dominicæ iuxta antiquum morem proferebatur, id etiam à maioribus cautum est, ut si interim periculum mortis urgeret, impenderetur absolutio, siue nutibus eam peterent istiusmodi pœnitentes, siue constaret petiisse. Est autem imprudentia non mediocris, ea quæ more maiorum in pœnitentia publica præscripta sunt, ad hanc nostram secretam penitus accommodare.

Quòd si quis eiusmodi ægrotis generaliter confitentibus sacramentalem absolutionem impendere uoluerit, non equidem ualde repugno: sed, me autore, non faciet: expectabit autem in re noua uir prudens et modestus, aut episcoporum, aut Summi Pontificis auctoritatem, quam ego hoc sanè loco desidero. Tametsi Augusti. eiusmodi hominibus absolutionem fortè præstaret. Cuius in lib. 1. de Adulterinis coniugijs capitu. ultimo, hæc sunt uerba. Ego non solum alios catechumenos, uerumetiam ipsos qui

qui uiuentium coniugijs copulari retinent adulterina consortia, cum saluos corpore in his permanentes non admitramus ad baptismum, tamen si desperati et intra se penitentes iacuerint, nec pro se respondere potuerint, baptizandos puto, ut etiam hoc peccatum cum cæteris lauacro regenerationis ablueretur. Quis enim nouit utrum fortassis adulterinæ carnis illecebra usque ad baptismum statuerant detineri? Si autem ab illa desperatione recreati potuerint uiuere, aut facient quod statuerant: aut edocti obtemperabunt, aut de contemptoribus fiet, quod fieri etiam de baptizatis talibus debet. Quæ autem baptismatis, hæc reconciliationis est causa, si fortè poenitentem finienda uitæ periculum præoccupauerit. Nec ipsos enim ex hac uita sine arrâ suæ pacis exire uelle debet mater ecclesia. hæc Augustinus.

Alterum, quod in eodem quinto argumento quæstionem habet, est, an confessio sacramentalis, uel per nuncium, uel per epistolam absenti cōfessori fieri possit. Nam, posse fieri suadetur ex cap. Qualis. 30. quæstione quinta ubi Leo Papa tradit, poenitentiam per scripturam, esse recipiendam. Deinde, suadetur ex Cypriano, lib. 3. epistola decima septima ubi dicitur, quod lapsi per literas petierunt à Cypriano reconciliationem et pacem.

Tertiò item ex eo, quod matrimonium, quia materia eius actibus nostris constat, per epistolam, uel paranymphum fieri potest, ergo et poenitentia.

In contrarium est. quod Augusti. libro de uera poenitent. capit. 10. tradit, et habetur de poenitentia. d. 1. cap. Quem poenitet. in hæc uerba. Præcepit dominus mandatis, ut ostenderent se sacerdotibus, docens, corporali præsentia confitenda peccata, non per nuncium, non per scriptum manifestanda.

In hoc dubio Petrus Paluden. quarto, distinctione decima septima, quæstione secunda, uidetur tenere, confessionem et absolutionem factam literis per absentes, esse sacramentalem: idem tenet expressius Adrianus quæstione prima De confessione, ad tertium. Estque argumentum præcipuum: quia absolutio sententia quædam est in foro

iudiciali: de ratione autem sententiæ, non est quòd uocalis sit, aut præsentè reo feratur.

Mihi autem hæc opinio probari nunquam potuit: quamuis argumenta, quibus confutari solet, non sint magnopere uehementia. Certè, quæ Caietanus in Summa sua nobis tradit, nullius uidentur esse momenti: præter illud unum, quod re uera graue est, uidelicet confessionem et absolutionem actiones sacramentales esse, ac proinde personales, ideoq; per internuncios aut literas administrari non posse.

Argumentor itaque primùm in hunc modum. Absolutio, et quælibet forma sacramentalis, confert gratiam: ergo non operatur in absentem: alioqui, si absens dormiret tempore absolutionis, ab ignorante sacerdote iustificaretur.

Præterea, absens non confitetur internuncio, nec internuncius sacerdoti: ergo nulla est ibi confessio sacramentalis.

Item, sacerdos absens, ignorat an pœnitens post literas mutauerit uoluntatem recipiendi absolutionem: ignorat etiam, an pœnitens tempore quo absolutio impenditur, sit dispositus: rursum quoque: an commiserit aliquod peccatum mortale post literas missas: quocirca, semper se exponit manifesto periculo sacrilegij.

Est denique illud grauissimum argumentum, quòd non insolitum modo, uerum etiam inauditum est in ecclesia, iudicium sacramentale inter absentes exteriori: aut absolutionem peccatorum à confessione absente, per literas uel internuncium dari.

Ad primum argumentum, respondet primùm glossa: quòd permittitur mulieri simplici et uerecundæ, dum tamen præsens sit, peccata scripta confessori offerre: erat enim olim usus, ut de peccatis publicis à pœnitente libellus offerretur, in quo eiusmodi peccata continerentur scripta: ut patet ex epistola Leonis. 57. ad episcopos Campaniæ. Atque adeò ex epistola Cypriani iam citata. Respondet quoque Gabriel, ibidem esse sermonem de confessione adulteræ in foro exteriori: recipiebatur enim scripto,

pto, ut constaret ecclesiæ, eam esse legitimè à viro suo repudiata.

Ad secundum argumentum facillè dicitur, nostram sententiam, potiùs ex Cypriano confirmari: ait enim: Qui libellos à martyribus acceperunt, si infirmis periculo occupati fuerint, non expectent præsentiam nostram: quin, apud presbyterum quemcunque præsentem exomologesim delicti sui facere, possint, ut manu eis in pœnitentiam imposita, ad dominum ueniant cum pace, quam dari literis ad nos factis, desiderauerunt.

Ad tertium respondetur, quòd sententia sacerdotis et iudicialis, nec alterum ab altero potest separari: matrimonium autem, et contractus est naturalis et sacramentalis: sed aliquando alterum sine altero est: matrimonium enim quod per procuratores contrahitur, non est sacramentum: ut Caietanus eruditè confirmavit.

Ad postremum de ratione sententiæ, fateor, non esse iudicis, rei; præsentiam: sed est tamen de ratione sententiæ sacramentalis: quæ gratiam confert. Nisi enim sacramentum præsentì subiecto applicetur, ut per inductionem patet, iustificare nulla ratione potest: quærerem nanque libenter ab huiuscemodi autoribus, an episcopus possit absenti sacramentum ordinis conferre: et cum negauerint, propter usum ecclesiæ perpetuò repugnantem, eodem ego argumento probabo, sacramentum absolutionis conferri absenti non posse.

At existit hinc paruum illud dubium an pœnitens coram sacerdote per scripturam confiteri possit, ut mutus, uel puella uerecunda. Ad hoc respondet D. Thomas quodlibeto. 1. arti. 10. quòd, cum de essentia confessionis sacramentalis non sit uocalis confessio, iis qui uerbo confiteri nequeunt, sat est scripta confessio. Atque hæc quidem propositio communis est omnium doctorum, quos et quidem legerim. Sed addit D. Tho. huic alteram, quæ non perinde certa est: nempe, ex institutione ecclesiæ teneri hominem, qui potest, uoce confiteri: quoniam in omnibus sacramentis accipit id ecclesiæ, cuius est communior usus: uerborum autem usum, et communem esse, et ad con-

ad confessionem accommodatum, negari non potest. Et quamvis hoc præceptum non inueniatur expressum, satis est tamen consuetudo, quæ uidelicet habenda pro lege est. Nullus enim sacerdos confessionem admittit, nisi pœnitens peccata uoce proferat. Ac certè, fictus uidetur esse, qui ore tacet, cum ore accusare se possit: tutissima rectissimaque uia hæc est: quis negat? Sed, si quando contingat, (quod tamen rarum erit) ut puella uerecundiæ plena uoces ædere non queat, cum hæc sacerdotis prudentia dispensabit. Item etiam, si ægrotus per gutturis angorem confiteri quidem uoce possit, sed uix tamen et ægrè possit: non erit eiusmodi compellendus scribere facillè peccata ualet, ut uocalem confessionem exhibeat.

In eodem quinto principali argumento id postremum quæritur, an cum pœnitens ignorat idioma sacerdotis, atque è diuerso pœnitentis idioma sacerdos, oporteat confessionem fieri per interpretem, et quidem communis sententia tenet, huiusmodi pœnitentem non obligari ad eam confessionem: quia nemo tenetur reuelare secreta peccata, nisi sacerdotibus: hic autem reuelaret etiam interpreti, qui non est sacerdos. Assumpta uerò priore loco propositio patet ex Leone episto. 57. ubi ait: Reatus conscientiarum sufficere solis sacerdotibus indicare confessione secreta: et August. De uera pœnitentia, cap. 11. Si peccatum (inquit) occultum est, sufficiat referre in notitiam sacerdotis. Sed et Innocentius in cap. omnis utriusque sexus de pœnitentijs, prudenter limitauit præceptum: inquit, Omnia sua solus peccata confiteatur proprio sacerdoti: uidelicet, insinuans, quòd si solus confiteri nequit, confiteri non tenetur.

Hanc ego communem doctorum sententiam, quoad præceptum ecclesiæ de quotanni confessione pertinet, libentissimè recipio. Sed in articulo mortis non auderem mittere confessionem, si haberem interpretem: iactura enim illa parua est, ut prætermittam sacramentum, quod est necessarium ad salutem: quemadmodum retrò dicebamus, in articulo mortis hominem obligari ad explicandum peccatum, etiam cum aliquo famæ alienæ detrimento, et

to, et in hoc euentu intelligitur. Diuus Thomas. 4. dist. in
 cione. 17. q. 3. art. 4. q. 3. ad secundum, cū utitur illis uer-
 bis, Exigitur, Debemus: quæ quidem uerba obligationem
 præ se ferunt: in reliquis uerò euentis, etiam quum iure
 diuino confessio est in præcepto, credere sine periculo
 possumus neminem obligari ad confessionem peccatorum
 per interpretem. Quæ autem sint hæc euenta, siue tem-
 pora, in quibus præceptum diuinum, etiam præter mor-
 tis articulum, ad confessionem obligat, paulò post ex-
 pediemus.

Ad sextum principale argumentum priusquam respon-
 deamus, et necesse est explicare, quidnam proprius sacer-
 dos appelletur. Nam Petrus Palud. 4. dist. 17. q. 3. et Syl-
 uester in uerbo confessor primo, docent, nomen proprii
 sacerdotis dupliciter accipi: uno modo, pro quocunque
 habente potestatem absoluedi, siue ordinariam, siue de-
 legatam, et sic capitur (aiunt) in cap. Omnis utriusq; se-
 xus, ab Innocentio ibi, Omnia sua peccata semel confi-
 teatur in anno proprio sacerdoti. Aliàs non impleret il-
 lud præceptum, qui confiteretur fratribus mendicantibus:
 non enim sunt proprii sacerdotes nisi in hac significatio-
 ne. Alio modo (inquiunt) capitur, sacerdos proprius,
 pro sacerdote habente iurisdictionem ordinariam absol-
 uendi, qualis est, uel parochus, uel episcopus, uel Summus
 Pontifex. Quem in modum accipitur in eodem capite,
 Omnis, cū subiungitur, Si quis autem alieno sacerdoti
 uoluerit iusta de causa sua confiteri peccata, licentiam
 prius postulet, et obtineat à proprio sacerdote.

Sed re uera sine causa admittitur æquiuocatio in ea-
 dem oratione apud Innocentium, Nam illud suum præce-
 ptum ipse idem explicuit, exceptionem addens, n. si de li-
 centia proprii sacerdotis. Et quòd in illo capite, Proprius
 sacerdos, parochus intelligatur, manifestè liquet ex qua-
 dam extrauaganti Martini Quinti, quam refert Adria-
 nus. q. 5. De confessione. Sic etiam accipit nomen proprii
 sacerdotis Diuus Thomas. dist. 17. q. 3. artic. 3. quæ-
 stione quinta.

Itaque sacerdos proprius, uel intelligendus est paro-
 chias

chialis sacerdos, ut Martinus Quintus intellexit, et ut reuera Innocentius accepisse uidetur iuxta planam illius decretalis intelligentiam, uel intelligendus est sacerdos habens ordinariam potestatem et iurisdictionem. Et in priori quidem significatione, sacerdos proprius uocatur, et ut distinguitur contra alienum, et ut distinguitur contra communem. Contra alienum quidem, ut quilibet parochianus intelligat, suo proprio paroco, non alterius parochiæ sacerdoti debere confiteri. Contra communem autem, quia supposebat Innocentius, episcopos et Summum Pontificem, qui sacerdotes communes dici possunt, non habere consuetudinem audiendi confessiones. Quare spectans in communem usum (quod leges facere solent) præcepit, ut parochiani suis parochis confiterentur. Nec obiectio illa mouere nos debet, quod, si in illo capite proprius sacerdos sic acciperetur, qui confessionem faceret uel episcopo, uel Summo Pontifici, præceptum illius capituli non impleret. Nam, cum parochus iurisdictionem habeat ab episcopo, episcopus à Summo Ponti. pro comperto relinquitur, ut pœnitens, qui priuatis suis sacerdotibus confiteri solet, si ad episcopum, uel Summum Pont. recurrat, eisq; confiteatur, multò etiam magis præcepto confessionis satis faciat.

At, si quis contendere uelit, et episcopum et Summum Pontificem appellari proprios sacerdotes, dicant, ideo proprios appellari, quia propriam habent iurisdictionem absoluendi: quam, scilicet, sibi propriè uendicant ex officio ordinario pascendi oues.

In hunc igitur posteriorem sensum dubium est, an ex diuino iure sit necessarium confiteri proprio sacerdoti. Nam Armæcanus lib. 11. De quæstionibus Armenorum. c. 4. ex solo iure humano id existimat necessarium: cum quilibet sacerdos in ordinatione sua acceperit potestatem remittendi peccata quorumcunque. Idem quoque uidetur insinuare D. Tho. d. 17. q. 4. ad quintum: si literæ tantum superficies spectetur. Duran. etiam. 4. d. 19. q. 2. hanc Armæcani opinionem asserit esse probabilem: hoc est seculi et ecclesiæ lege, quemlibet sacerdotem quemcunque peccato-

catozem absoluerè possè: hanc tenuit Vuicleph, hanc demum nunc temporis Lutherani.

At, hæc sententia defendi nulla ratione potest: quin exploratum haberi debet, præceptum de confitendo proprio sacerdoti, diuinum esse. Primum, ex Concilio Florentino, ubi minister huius sacramenti definitur sacerdos habens auctoritatem absoluendi, uel ordinariam, uel ex commissione superioris. Quapropter, sine huiusmodi commissione sacerdos alienus non est huius sacramenti minister: atque proinde iure diuino tenemur proprio sacerdoti confiteri. Nam, confessio, quæ sit alteri ex facultate proprii sacerdotis, proprio sacerdoti fieri censetur.

Præterea, capite, Si episcopus de prænitentijs et remissionibus lib. 6. Bonifacius tradidit nulla consuetudine introduci possè, ut aliquis, præter sui superioris licentiam, confessorem sibi eligere ualeat, qui eum possit soluere, uel ligare. Et tamen, si esset solum de iure positiuo, aliqua consuetudo posset præualere: ut patet in decimis soluendis: in comedendis, ouis tempore quadragesimæ, et alijs eiusmodi ecclesiasticis legibus, quæ per consuetudinem contrariam abrogari possunt.

Præterea, hoc uidetur etiam definiri, in illo cap. Omnis, de pœnitentijs ubi Innocentius, Licentiam (inquit) prius postulet et obtineat à proprio sacerdote: quum aliter illum alienus non posset absolvere, uel ligare.

Ratioq; id manifestè docet. Nam potestas iurisdictionis non habetur, nisi ab his, quàm subditos habent. At, non quilibet sacerdos ex iure diuino subditos habet, sed solum pastores ecclesiæ, quibus oues Christi commisse sunt: ergo solus ille, cui ex officio est annexa cura animarum ex diuina institutione, iudex, atq; ex consequenti ad eum solum iudicialis sacramenti administratio pertinet. Errorem igitur est hac tempestate, asserere, sacerdotem simplicem iurisdictionem habere, potestatemque soluendi unde et Martinus Quintus in concilio Constantiensi circa finem inter reliquas interrogationes ponit hanc; utrū credat, auctoritatem iurisdictionis Papæ et episcopi esse maiorem in soluendo ligandoq; auctoritate simplicis sacerdo-

cerdotis, etiam habentis curam animarum. Vide Caietanum in additionibus. 3. partis, quaestione unica, de ministro sacramenti poenitentiae: Turrecrematam libro primo capite nonagesimo sexto et nonagesimo septimo et nonagesimo octavo. Nam in hanc sententiam conueniunt omnes scholastici autores: atque adeo Diuus Thomas distinct. decima nona quaestione prima, artic. tertio. quaest. 1. et distinct. 17 q. 3. artic. 3. q. 4.

Argumentum uero illud potissimum, quod opponitur ex ordinatione sacerdotum, quibus dicitur, accipite spiritum sanctum; &c. Quoniam eisdem uerbis dominus apostolis dedit potestatem iurisdictionis Ioannis. 20. cum ibi fecerit eos iudices, et instituerit sacramentum confessionis, cuius eos quoque ministros effecit. respondetur, quod eisdem quidem uerbis ecclesia nunc possit tradere potestatem iurisdictionis omnibus initiatis: at re uera non tradit, sed solam potestatem ordinis necessariam ad absolutiorem sacramentalem. Nam ille actus sacramentalis duplicem potestatem exigit: alteram ordinis, alteram iurisdictionis: neutraque sine altera satis est. Nam episcopus diaconus subditos quidem habet: sed si tentet absolvere, nihil facit. Simplex quoque sacerdos ordinis potestatem habet: sed, quia caret iurisdictione, nihil facit absol uendo. Accipit itaque sacerdos quisque, cum initiat, per illa uerba. Quorum remisistis, &c. potestatem ordinis, quae necessaria est, ad remittenda peccata tamen si (ut retro diximus) iurisdictionem quoque accipiat ad remittenda uenialia, &c. Quod si quaeras, unde constare possit, ecclesiam ordinatis solam potestatem ordinis conferre uelle: certe ecclesiae usu constat, intentioneque praetorum ordinantium. Non enim intendunt episcopi tradere iurisdictionis potestatem. Nam, et episcopus titularis cum ordinat, eisdem uerbis id facit; cum tamen nullos habeat subditos, &c.

At uero, circa ea quae dicta sunt, oriuntur aliqua dubia indigna prorsus, quae a nobis praetereantur.

Primum est; an, quando non est tutum confiteri peccata proprio sacerdoti, quia timetur, scilicet, uel scandalum,

lum, uel reuelatio confessionis, possit homo confiteri cui uoluerit sacerdoti; si proprius negat facultatem alteri confitendi.

Ad hoc doctores graues asseruunt, quòd si, nec sacerdos proprius, nec episcopus uolunt dare facultatem, tunc potest peccator confiteri cui maluerit. Id tenet Hostensis in cap. Omnis utriusq; sexus; id uidetur sentire magister distinctione 21 cap. postremo; et Gratianus de pœnitentia distinct. 6. circa finem; id Syluester in uerbo confessor primo. §. 6. et Ricardus distinct. 17. art. 3. quæst. 7. et Palud. eadem distinct. quæst. 3. articulo. 3. et Adrianus quæst. 5. de confess. dubio. 3. Id uerò probant ex cap. ultimo, de pœnitentia distinct. 6. ubi Urbanus Papa, placuit (inquit) ut deinceps nulli sacerdotum liceat, quemlibet commissum alteri sacerdoti, ad pœnitentiam suscipere, nisi pro ignorantia illius cui pœnitens prius confessus est. Est igitur argumentum, pro ignorantia proprii sacerdotis, licet adire ad alium sacerdotem, etiam sine proprii consensu; ut hic textus manifestè dicit, et glossa item eodem loco; ergo multo magis pro malitia, et cæt.

Deinde confirmant hoc autoritate Augustini, lib. de uera pœnitentia, cap. 10. et refertur de pœnitentia. distinct. 6. cap. 11 ubi Augustinus, et qui uult (inquit) confiteri peccata sua quærat sacerdotem, qui sciat ligare et soluere, ne ambo in foueam cadant, quam stultus euitare noluit.

Præterea, sacerdos proprius in tali euentu tenetur dare facultatem; ergo si neget, satis fuerit petisse; argumento capit. Licet, extra de regularibus. Nam (ut ibidem dicitur) prælatus indiscretè negans facultatem iustè petitam, priuilegium meretur amittere; qui concessa sibi abutitur potestate.

Præterea, legislator non defecit in necessarijs. Sed quando sacerdos proprius est ineptus ad audiendam confessionem, uel ex ignorantia; uel ex malitia; confessionis necessitas instat, sicut et communionis; ergo in tali euentu iam legislator de confessione prouidit, ut etiam in articulo mortis quilibet sacerdos posset absolvere.

Hæc tamen argumentis præceptor meus bonæ memoriæ, commoueri non potuit, quin crederet, hanc opinio-

nem esse, et minus tutam et irrationabilem. Idem tenuit Caietanus in Summa in uerbo Absolutio ex parte absoluentis. Atque D. Tho. idem sentire uidetur. dist. 17. q. 3. artic. 3. q. 4. ad tertium; ubi dicit, quod electio discreti sacerdotis non est nobis comissa, ut nostro arbitrio facienda, sed de licentia superioris, si fortè proprius sacerdos esset minus idoneus ad: apponendum peccatō salutare remedium. Et ad quintum argumentum, expressè docet, quod in quibus euentis probabiliter timet pœnitens periculum sibi, uel sacerdoti ex confessione; debet recurrere ad superiorem, uel ab eodem petere licentiam alteri confitendi; quod si licentiam (ait) habere non possit, idem est iudicium ac de illo, qui non habet cōpiam sacerdotis. Nec d. 21. in expositione literæ huic sententiæ aduersatur.

Nam, prius ex sententia propria asseruerat, quod cum pœnitens habet sacerdotem ignorantem, ex facultate ipsius sacerdotis, uel superioris, debet alium petere prudentiorem. Cum autem posterius subdit per coniunctionem aduersatiuam, quinque tamen casus ponuntur, quibus licet confiteri alijs; quàm proprio sacerdoti, sine eius licentia, &c. refert quidem aliorum opinionem; quam tamen ipse non probauit.

Et certè eam nos reprobare debemus. Primùm ex cap. Omnis utriusque sexus, ubi dicitur, quod si quis alieno sacerdoti uoluerit iusta de causa sua confiteri peccata, licentiam prius postulet, et obtineat à proprio sacerdote, cum aliter illum non possit soluerè uel ligare. Ad hoc respondet Adrianus, quod cum Innocentius dicit, licentiam postulet et obtineat à proprio sacerdote, subintelligendum est, uel à iure. In casu autem de quo loquimur, Pœnitens habet à iure facultatem obtentam, scilicet, ex illo cap. ultimo de pœnitentia distin. 6. At, hæc solutio non est idonea, tum, quia ius illius capituli antiquius erat Concilio Lateranensi, cum Urbanus secundus sub quo illud decretum est multis annis præcesserit Innocentium tertium, qui illius capitis, Omnis utriusque sexus fuit autor: tum, quia cum supponit Innocentius iustam causam in petendo, et addat, licentiam petat, et obtineat: consequenter insinuat, licentiam petitam et negatam in causa

causa iusta, non sat esse, ut alius possit absolvere, quamvis iuste petita malè negatur. Tum, quia hæc facultas, perquam fit exceptio à decreto Concilij generalis, nusquam habetur in iure: ut ex argumentorum solutione patebit. Tum demum, quia per hanc exceptionem aperitur ianua multis incommodis, eisdemq; absurdissimis. Nam, et n-
 nusquisque facilè sibi persuaderet, suum parochum esse ignorantem, indeq; eligeret facultate iuris confessorem; et idem quoque in casibus reservatis fieri eadem ratione posset, ut uidelicet, quando nollet prælatus uel ex ignorantia, uel malitia, iuste petitam concedere facultatem, hanc sibi ex concessione iuris pœnitens assumeret. Quibus profectò qui non mouetur, hunc nihil horum reputauisse certò scio.

Præterea, mortuo proprio sacerdote, non potest ille de quo loquimur, cui maluerit confiteri: ergo nec uiuente, et facultatem negante.

Præterea, si proprius sacerdos nominatim excommunicaretur, uel esset percussor clerici manifestus, non liceret parochianis cuiuslibet confiteri, sed solùm illi, quem episcopus, uel Papa prouiderit.

Fac denique (id quod usu uenire potest) ut proprius sacerdos ex malitia, uel animi perturbatione, nolit confessionem cuiusquam audire: tunc quæro, an parochianus possit alienoq; sacerdoti pro suo arbitrato confiteri. Ac pos-
 se quidem, nullus, nisi indoctus et temerarius admittet. Quòd si non potest, certè nec poterit, propter ignorantiam uel scandalum proprij sacerdotis, alieno sine superioris facultate confiteri.

Ad primum argumentum, quòd Urbanus loquitur de pœnitentia publica iniuncta à sacerdote, cui pœnitens prius confessus est; ut ipse etiam textus expressit. Docet autem Summus Pontifex, pœnitentiam publicam iniunctam à parochio, in propria ecclesia esse faciendam, non in aliena parochia. Ac præterea docet, aliud sacerdotem pœnitentiam iniunctam à priore confessore, non debere aut commutare, aut relaxare, nisi prior sacerdos adeò fuerit imprudens et ignarus, ut pœnitentiam indiscretam in-
 dixerit: tum enim si imprudentia fuerit manifesta, sacer-

dos secundus poterit poenitentiam suo consilio moderari. Imò, in ecclesia olim, ubi erant plures sacerdotes, qui æquè poterant populi confessiones audire, si quis poenitens uni illorum sacerdotum se commisisset, crediderim æquidem iure optimo cautum esse, ut posteaquàm illi peccata sua fuerat confessus, atque illius consilio poenitentiam salutarem acceperat, ab alio sacerdote non suscipere tur ad poenitentiam, nisi forsitan prior fuisset ineptus, & imprudens. Erat autem ea lex iusta: primum, ne identidem mutatis animorum medicis salus ipsa spiritualis poenitentium præpediretur: deinde, ne poenitens seueritatem iustam prioris iudicis, cui se commiserat, ueritus apud iudicem alium, remissionem quæreretur: quod nostra hac tempestate quidam facientes, dum præ pudore sacerdotes graues et probos, quibus se permiserant, fugiunt, nouosque quærunt, uel incognitos, experimento suo discere possunt, quàm parùm in salute spirituali prouehantur. Reliqua omnia faciliora sunt quàm quæ nos morari debeant, qui ad alia grauiora properamus.

Aliud quoque dubium est, idque grauiissimum, an habens facultatem à proprio sacerdote eligendi confessorum, possit eligere quemlibet sacerdotem, etiam aliàs non probatum, nec expositum. Ad hoc Gabriel. distinctione. 17. quæstione 2. artic. 3. tenet partem affirmatiuam: idem tenet Syluester, in uerbo confessor. 1. §. 5. Idem quoque Adrianus post quintam quæstionem de confessione, dub. 1. Referuntque in hoc Hostiensem de poenitentijs, cap. Omnis, et Panormit. Clement. 1. De priuilegijs: breuiter, hæc est communis opinio iuniorum: quàm suadent imprimis ex cap. finali de poenitentijs, ubi dicitur: Permittimus episcopis, et alijs superioribus, nec non minoribus prælatis exemptis, ut etiam præter sui superioris licentiam, prouidum et discretum sibi possint eligere confessorem. At ex ui huius priuilegij non oportet eum, qui aliàs est probatus confessor eligere; ergo nec qui à Summo Ponti. uel episcopo facultatem habet eligendi confessorum, tenetur eligere aliàs probatum et examinatum.

Præterea, simplex sacerdos ab ordinatione sua habet potestatem absoluiendi; sed quia deest illi materia, circa

quam

quam posset illam exercere, idcirco non absoluit. At, prænitens qui habet facultatem à proprio sacerdote, præstat se subditum confessori, quem eligit. Talis igitur absolutio, cum habeat materiam, erit ualida.

Tertio. Summus Pontifex, per hoc solum quod uoluntariè subijcit se simplici sacerdoti, eo ipso dat materiam conuenientem absolutioni sacramentali: ergo et quilibet Christianus, qui habet facultatem à proprio sacerdote, ubi primum se uoluntariè subdit sacerdoti simplici, &c.

Quarto. Quia aliàs diploma Pontificium nihil daret: nam eligere confessores iam expositos, uidelicet fratres præsentatos episcopis, et ab ipsis probatos sine diplomate fideles poterant: ergo per tale priuilegium conceditur eis facultas eligendi aliàs non probatos.

Contrariam sententiam tenet glossa super illud caput, Omnis utriusq; sexus: et super Clementinam primam De priuilegijs. Et certè hæc opinio glossæ, non est contemnenda. Nam, ut in cap. secundo. De poenitentijs in sexto dicitur, in generali concessione illa non ueniunt, quæ non esset quis uerisimiliter in specie concessurus: sed inter sacerdotes simplices, non examinatos, sunt multi ignorantissimi et perditissimi, quibus si exprimerentur in specie: non sit uerisimile, superiore talem facultatem concessurum: ergo, &c.

Et confirmatur: nam, si Summus Pontifex institueret iudices in foro interiori omnes sacerdotes simplices sine aliquo examine et probatione, peccaret mortaliter, quod non est existimandum de Summo Pontif. in generali et publica concessione: et tamen re uera, si daret facultatem eligendi quemlibet sacerdotem, eo ipso facit uniuersos sacerdotes, etiam stultissimos, iudices in foro interiori: quod, nisi prælatis pestilentissimis tribuere, indignissimum est.

Confirmatur ultimo. Quia Summus Pontifex in diplomate semper notat, se concedere facultatem eligendi confestorem idoneum. Idoneus autem in iurè appellatur qui habet publicam iuris sufficientiam. Verbi gratia. Religiosus præsentatus episcopo iuxta normam Clementinæ, Dudum, de sepulchris. Item clericus examinatus, et pro-

batus ab episcopo, licet aliàs non habeat iurisdictionem, per probationem tamen factus est idoneus, &c.

Propter hæc argumenta, quæ uidelicet mihi magnam faciunt fidem, ego tenui semper, teneoq; quòd si sacerdos aliàs est probatus, ab episcopo, uel eius uicario, iuxta morem, quem episcopi deruant bene instituti, tum, per facultatem eligendi confessorem siue à parochio, siue ab episcopo, siue à Ponti Summo confessum, potest eligi, etiam si aliàs nullos subditos haberet, nullam ue penitus iurisdictionem. At, si quis sit reprobatus ab episcopo, uel à uisitatore reiectus, tanquam stultus et ineptus; eiusmodi non potest eligi per clauisulam eligendi confessorem. Atque idem omnino de illo sentio, qui non est examinatus, et probatus à praelato, iuxta formam præscriptam uel lege, uel consuetudine. Quia sententia contraria, ut minimum, ianuam facit potentissimam ad perniciem populi Christiani, dum indiscriminatim eliguntur ab ignorante plebe sacerdotes ignorantissimi: atque utinam, qui illam opinionem inuexerunt, prudentiore consilio incommoda, et sacrilegia quæ exinde consequuta sunt, considerassent.

Præterea, ridiculus esset, imò nefarius Summus Pontifex; si examen et probationem idonei confessoris, relinqueret arbitrio cuiuslibet popularis, non minus quam, si examen iudicis ecclesiastici in foro exteriori, aut sutoribus, aut sortoribus committeret. At, per illam opinionem, quam refellere conamur, quilibet idiota, et uulgaris homuncio pro suo arbitratu potest ut eligere confessorem, ita quoque expendere ac probare. Atqui, quanto satius est, ratione Christiana duce, credere, duo esse præcepta necessaria: alterum, ne quis alieno sacerdoti confiteatur: alterum ne quis sacerdos non examinatus confessiones audiat. Nempe, si hæc præcepta duo, ut necessum est, admittimus, per facultatem eligendi confessorem, soluitur pœnitens ab obligatione confitendi proprio sacerdoti: quod primo præcepto iuebatur. At, non soluitur sacerdos à præcepto, quo uidelicet astringitur ne confessiones audiat non examinatus. Quare, semper peccabit mortaliter contra illud secundum præceptum, si audierit confessiones non probatus. Non est autem uerisimile,

mile, eiusmodi sacerdotibus iurisdictionem esse collatam, qui, quoniam iure optimo, audire confessiones inhi-
bentur, si audiant, mortalis peccati rei efficiuntur.

Præterea, si Summus Pontifex, omnes tales constituit
iudices: non posset episcopus condere legem; ut illi non
audiant confessiones, nisi prius examinati. Atque adeo
ne posset quidem stulto sacerdoti confessoris officium
prohibere: esset enim perinde ac si prætor iuberet, ne de-
legatus à principe iudicaret. Et item, prælati religio-
num, qua autoritate possent punire religiosos non exposi-
tos et examinatos, cum per hæc diplomata eliguntur in-
confessores. Nam, si generalis ordinis, aut provincialis
faceret me iudicem alterius religiosi, non intelligo quo
pacto inferior possit prohibere. Quemadmodum, si da-
ret mihi provincialis facultatem cenandi aut constitue-
ret me uicarium monasterij: ignoro prorsus qua autori-
tate prior illud impediret. Et tamen fatentur omnes,
eiusmodi leges ab episcopis uel prælatis monasteriorum
ferri optimè posse quippe, ut necessarias ad rectam et po-
puli Christiani, et monachorum institutionem.

Denique (ut semel finiam) rōgo eos, qui oppositam o-
pinionem defendere uolunt, an sacerdos depositus auto-
ritate publica, ac de gradatus, possit eligi per generalem
concessionem eligendi quemlibet sacerdotem. Quod si
neges (ne theologus insanus habere) iam quæro rursus,
quis possit eligi, cum detur in diplomate facultas eligen-
di quemlibet sacerdotem? Dices forsan, excipitur depo-
situs et de gradatus: quemadmodum et excommunicatus
nominatim, et percussor clerici manifestus, quoniam e-
iusmodi sacerdotes legibus ecclesiæ peculiaribus, à sacra-
mentorum administratione reiecti sunt: bene uolo: hoc
enim tuo te gladio iugulare possum: nam, et sacerdotes
non probati, seu reprobati ab episcopis, atque eorum uisi-
tatoribus legibus certis arcentur à sacramenti huius admi-
nistratione.

Ad argumentum itaque primum, concedo antecedens:
supponitur enim episcopos et prælatos electuros esse con-
fessores peritos: nam ad illos iure pertinet examen, et pro-
batio confessorum. Nego tamen consequentiam: quoniam

ad populares non spectat, sua electione idoneos facere confessores et iudices; sed ex iam probatis unum quemlibet eligere. In id ex illo cap. potest fieri argumentum pro nostra sententia: Prouidum (inquit) et discretum sibi possint eligere confessorem. Quod si episcopi ex illo priuilegio, improuidum et indiscretum deligere nequeunt, cur concedamus hominibus uulgi, ut si elegerint ineptissimum et improuidissimum sacerdotem, quod absurdissimum est, id ex priuilegio Summi Pontificis consequatur.

Ad secundum, iam respondimus, sacerdotem non habere potestatem iurisdictionis ab ordinatione sua. Nec ad hanc potestatem satis est, quod peccator se præbeat materiam, et subditum sacerdoti: hoc enim uerum esset si autoritas absoluendi esset iudicis arbitri, qui scilicet, per uoluntariam subiectionem reorum iudicandi acciperet potestatem. At retrò nos ostendimus, sacerdotes auctoritatem iudicandi non à populo, sed à Deo accepisse nec hanc ex iure diuino quoslibet sacerdotes habere: sed solos pastores: uel eos qui à pastoribus fuerint delegati.

Ad tertium, nego antecedens: sed, sicut ante diximus, sacerdos electus à Papa, à Christo immediatè accipit iurisdictionem, &c.

Ad quartum, nego consequentiam: nam, non omnis examinatus et probatus, iudex meus erat constitutus. Sunt enim in ciuitate et alij parochi præter meum, et alij quoque probati ab episcopo, qui per probationem facti sunt idonei, ut eligi possint in iudices. Datur ergo facultas eligendi ex examinatis quemcumque ego uoluerò: id enim rationabiliter concedi poterat: sed eò amplius, non nisi irrationabiliter. Quod autem additur, etiam de ordine mendicantium, mirum est, si nos torqueat, uelimusque in apicibus diplomatum esse mysteria, pari argumento crederemus irregularitatem esse mentalem. Magis nos terret consuetudo, recepta, quæ cum tot autorum grauissimorum sententia confirmetur, probabili ignorantia excusari potest. Sed, an hæc consuetudo ius absoluendi conferat, incertum est. Sola nanque ea ius hoc præstat, quam prælati uident, et tacent: ut episcopi uidentes sacerdotes simplices mutuo se absolvere: interpretatiuè et implicite concedunt huiusmodi

modi iurisdictionem. Sed, quodd Summus Pontifex hanc consuetudinem sciat, quæ uidelicet apud Hispanos maximè inualuit, me profecto fugit. Quambrem, in sacramento adeò necessario, non existimo tutum, huic nos periculo committere, ut eligamus sacerdotem, cui forsitan Summus Pontifex auctoritatem absoluedi minimè concesserit:

Iam; si hinc colligere uelis, ne uiros quidem perissimos eligi possè, si non fuerint ab episcopo probati, etiam si theologia sint professores: huic ego respòdeo, eiusmodi uiros in theologia magistros; auctoritate publica haberi probatos: non enim solent ab episcopis examinari. Si quis uerò sit quanlibet doctus, nec auctoritate publica gradus theologicì comprobatus, nec ab episcopo, implicite saltem permissus confessiones audire: hunc non probatum, nec examinatum eligere equidem non auderem. Satago enim per certa media certam facere, et uocationem, et salutem meam. Atq; in sexti principalis argumenti explicationem hæc satis dicta sint. Septimum uerò id quærit, an uenialia peccata teneamur confiteri. At, certissimum est minimè teneri. Primum ex communi omnium theologorum consensu: deinde, ex communi ecclesiæ consuetudine: qua post confessionem mortalium, nullus Christianus sollicitus est de confitendis uenialibus. Item, ex D. Augustini testimonio in Enchirid. cap. 71. et refertur de pœnitentia dist. 3. cap. de quotidianis, habeturq; idem in lib. de ecclesiasticis dogmatibus cap. 53. Præterea, qua ratione iure diuino teneremur aliqua uenialia confiteri, pariter et omnia: quod non modo grauissimum esset, uerum etiam impossibile. Et, cum dolor de uenialibus non sit necessarius: ne confessio quidem uenialium necessaria est. Ad argumentum igitur responder, Adrianus, q. 4. de confessione, art. 2. ad quartam confirmationem: quod testimonium illud Ioannis, solum procedit de peccatis mortalibus. Et quantum ego sentio, de his directe et primario dominus loquitur, quæ uidelicet sicut sacerdotes absoluedo remittunt, ita non absoluedo retinent.

Non est enim uerosimile, æqui uocè accipi peccati nomen in eodem contextu, ut uidelicet in ordine ad uerbum, Remiseritis, capiatur pro mortalibus et uenialibus: in ordine uerò ad uerbum retineritis pro solis mortalibus. Et cum

pote-

potestas remittendi, et retinendi huic concessa sit, potestas clauium ad apatiendum, et claudendum regnum cœlorum, non comprehendit directè uenialia per quæ regnum cœlorum non clauditur.

2. Sed cùm obijcitur, peccata uenialia non esse materiam huius sacramenti: quia Christus hic non loquitur de uenialibus, ubi tamen instituit huius sacramenti materiam, ita fieri ut confessio uenialium non esset sacramentalis contra Magistrum, atq; omnes doctores scholasticos, Imò contra ecclesiæ sensum, credunt enim fideles accipere absolutionē sacramentalem, cùm uenialia sacerdotibus confitentur: nec sacerdotes usurparent sibi potestatem iudicandi de uenialibus, nisi eam à Christo domino accepissent. Ad hanc (inquam) obiectionem, respondetur, quòd qui concedit maius, ex consequenti concedit et minus. Nam, si princeps committit mihi remissionem grauissimorum scelerum, sine dubio intelligitur concessisse remissionem leuiorum. Nec est eadem ratio de potestate remittendi: quoniam si maiora peccata retineri dicuntur, non exinde censentur retineri minora: quæ uidelicet multis alijs modis remitti possunt.

3. Sed oritur tamen dubium, an saltem ex præcepto ecclesiæ teneantur homines uenialia confiteri. Nam, in cap. Omnis utriusque sexus, De pœnitentijs, confiteatur (inquit Innocentius) omnia peccata sua semel in anno: omnia inquit, et eum constitutio obliget omnes, nullo excepto, sequeretur, ecclesiam in hac lege supponere omnes fideles singulis annis peccare mortaliter, si sola mortalia præcepit confitenda. Et confirmatur ex eo enim quod dicit Decretalis, Omnis utriusque sexus, &c. uniuersi obligantur ad præceptum communionis in paschate, siue mortaliter peccauerint, siue non: ergo, et ad præceptum confessionis: unde, in Clementina. 1. De statu monachorum, confessio uenialium monachis præcipitur semel in mense. Omnibus igitur fidelibus semel in anno præcipitur, ut et Diuus Thomas uidetur insinuare dist. 17. quæst. 3. artic. 1. q. 3.

At uerò huic quæstioni respondet egregiè Caietanus. 3. par. q. 65. ar. 2. ad quartum: et in additionibus. 3. partis. q. 1. De confessione, statutum ecclesiæ non obligare eos, qui so-

lum habent uenialia peccata. Primò, quia lex illa de confessione semel in anno facienda, limitatio est diuini præcepti, quantum ad tempus: sed præceptum diuinum non comprehendebat habentes uenialia peccata, &c.

Secundò quia, ut D. Thom. argumentatur articulo illo proximè citato ad tertium argumentum, decretalis illa dicit omnia peccata, quod de uenialibus intelligi non ualet: nemo enim omnia uenialia potest confiteri. De mortalibus itaq; solum intelligitur, sicut et illud Concilij Florentini disponentis, ad integritatem confessionis pertinere ut peccator omnia peccata, quorum memoriam habet, confiteatur.

Tertio ex eo quod dicit, proprio sacerdoti peccata autem uenialia non exigunt proprium sacerdotem.

Postremò quia ecclesia confessionem uoluntariam occultorum præcipere non potest: esset enim grauissimè onus sine causa necessaria, cum alijs multis modis ueniale peccatum remitti possit. Atque hec est communis theologorum doctrina. Nam argumenta contraria facile soluntur: præter illud ultimum: cui respondetur, eam Clementinam obligare quidem monachos ad mensuram confessionem uenialium, non tamen sub mortali, ut patet ex pœnâ subiuncta, quæ non adeò grauis est.

Ac, de confessionis præcepto quidem quoniam fusè uarieq; disseruimus, dictum poterat uideri satis, nisi illa quæstio consequenter occurreret, de tempore, quo iure diuino confiteri tenemur. Quam ego quæstionem si nunc omitterem, iniustas multorum reprehensiones incurrerem.

Et quidem, nonnulli existimât, satis esse (quod ad diuinum ius attinet) semel in uitâ peccata confiteri: quia non est (inquiunt) maior ratio, quare obligemur magis in uno tempore, quàm in alio: ex lege quippe Dei, nec post horam, nec post diem, nec post mensem, nec post annum, confessionis uinculo astringitur. Nam, quod Innocentius quartus, super caput, Omnis utriusque sexus, et Archidiaconus super caput, Ille rex, de pœnitentiâ tenuerunt obligari, scilicet, homines ad statim confitendum: uno theologorum consensu explosum est: et à D. Thom. d. 17. q. 3. art. 1. q. 4. duobus irrefragabilibus argumentis refellitur, Quorum alterum

sumitur ex sacramento baptismi multò magis necessario, ad quem tamen illico suscipere non ténemur. Alterum, ex natura præcepti affirmatiui, quoddam proliùs obligat. Ius itaque diuinum nullum certum tempus confitendi præscribit. Hæc differunt ab his, qui confessionem semel in uita faciendam definere uolunt. At falluntur tamen. Nam, semel in uita de omnibus peccatis confiteri, est impossibile: magna enim ex parte obliuione delerentur. Quam ob rem lex de integritate confessionis plurimum fraudaretur: ad quã pertinet, omnia peccata mortalia confiteri.

Quocirca dicendum est, Christum dominum tulisse leges aliquas communẽs, quas ecclesia postea ad tempus, aut etiam locum, peculiãriter determinaret. Præcepit enim Christus dominus, in ecclesia sua episcopos esse, sed non reliquit pro singulis diocæsibus definitos. De Dei cultu, festis que seruandis diuinum præceptum est, sed certum tempus euangelium non præscripsit. Eiusmodi itaque præcepta commodè seruari non possent, nisi ecclesia quædam uel loca, uel tempora præfiniret. Nam, (ut posterius hoc exemplum persequamur) ridiculus esset, qui præceptum de Dei cultu sese arbitraretur implexisse, semel in uita ab opere serui li quiescendo. Sic ergo, præcepta de sumenda eucharistia et confessionis reliquit Christus; nec reuera potest determinari ex solo diuino iure, pro quo tempore hæc præcepta nos obligent. Siue dicamus semel in uita, seu potius in mortis articulo; nihil dicimus prorsus: sed tunc obligamur, quãdo ecclesia definierit. At, hoc est (inquies) de iure posuimus semel uidelicet in anno confiteri: fateor: sed citra ius hoc humanum quo ad certum tempus confessio limitatur, diuina de confessione lex in commodè seruaretur.

Sed sunt tamen aliqui casus, in quibus ius ipsum diuinum obligat ad confitendum.

Primus est, in periculo mortis. Secundus, cum quis uoluerit eucharistiam sumere, si reus est peccati mortalis: tunc enim habet præcedere confessio iuxta Christi institutionem. Tertius est, ratione periculi carendi confessore, quem nunc habeo: non habiturus tempore necessario. Nam quartus de confessione quotannis, non solius diuini præcepti est, sed diuini limitati ac definiti

finiti per humanum: ita utriusque iuris violatio unicum peccatum est: quoniam ambo illa praecepta unicum actum iniungunt, et alterum est alterius determinatio.

Quintum uero, quem Curandus adiecit. d. 17. q. 10. et Palud. eadem distinctione: quem Adrianus quoque refert. q. 3. De confessione: sed ratione conscientiae scrupulose nos existimamus superuacaneum. Non enim obligat praeceptum de confessione in tali euentu: sed ipse habens erroneam conscientiam sese ligat, quandiu non deponit talem errorem. Quemadmodum ergo in cæteris praeceptis affirmatiuis, cum quaerimus, quo tempore obligent: uanum forsitan esset, duo tempora prescribere, alterum ex necessitate, alterum ex errore conscientiae: ita quoque, cum euenta et casus enumeramus, quibus praeceptum de confessione ligat: is qui recensetur ex errore conscientiae, superuacuum uidetur esse, imò, reuera, falsus; si naturam et obligationem huius praecepti, de quo differimus, consideremus. Quatuor igitur illi nobis explicandi sunt, idque quam maxima breuitate.

Circa primum casum, diligenter aduertendum est, non idem esse hoc sanè loco, periculum mortis, et articulus mortis. Est namque periculum mortis in his dumtaxat, unde mors frequenter solet accidere: etenim in hastarum ludo, in agitatione taurorum, in nauigatione placidi maris, quamuis interim mors sequatur, non est tamen periculum mortis: sed in bello, in mari uehementer turbato, in partu foeminae, de cuius morte probabiliter propter causas naturales, timeretur, periculum mortis agnoscimus: quod certè uiri prudentis arbitrio, magis quam disputatione theologica definendum est: ut quis morbus periculosus sit et letalis prudentis medici finiat arbitrium. At articulus mortis, si nominis uim, et proprium usum spectes, non idem est. Cum enim conceduntur per diplomata casus reservati in mortis articulo, non intelliguntur concedi in quocunque periculo, sed quibus regulariter certa mors est, aut à morbo uel uulnere, aut ab exteriori uiri ut cum quis mortis poena damnatur. Idem intelligo cum doctores asserunt in mortis articulo, quemlibet sacerdotem posse absoluerè ab omnibus quocumque peccatorem. Non enim quemcunque aut nauigaturum, aut congressurum cum inimicis quilibet sacerdos potest absolvere.

soluere etiam ubi periculum est. Quod si hæc sententia scrupulosa esse uideatur, parati sumus eam retractare, cum aduersarius (si quis erit) idoneas causas contrariæ opinionis reddiderit.

In secundo uerò casu Caietanum habemus repugnantem. 3. part. quæstione. 80. articulo 4. et in summa, in uerbo communio. 1. ad Corinth. 11. in illa uerba. probet autem seipsum homo, &c. Imò cum huius erroris esset ab academia Parisiensi notatus, respondit, non ex suo capite id asserere: sed ex Pauli testimonio, atque sententia. Nec huius opinionis primus autor. Caietanus fuit: sed eam prius Ricardus tenuit in 4. d. 17. art. 3. q. 6. Petrus quoq; Palud. eadem. d. q. 2. sentire uidetur, non esse mortale peccatum sine confessione ad eucharistiam accèdere, si homo aliàs contritus est: Idem etiam sequitur Adrianus. q. 3. de confessione: et Abbas in cap. De homine in celebra. missa. Suadet autem hæc opinio primùm ex eo apostoli testimonio, prioris ad Corin. 11. probet autem seipsum homo, et sic de pane illo edat. In quæ uerba Chrysostomus 18. Non iubet (inquit) ut alter alteri probetur, sed ipse sibi, non publicum faciens iudicium, et sine teste argumentum. Eadem ferè Theophylactus in eundem locum. Neminem (inquit) tibi ipsi iudicem proposuerim, ipse te proba; et sic de pane illo ede, &c.

Præterea, si diuinum præceptum esset, id ex sacris literis colligeretur: non enim nobis licet diuina præcepta pro nostro arbitrato fingere. Cum ergo nusquàm huiusmodi lex reperiatur, certè qua facilitate inuehitur, eadem quoq; rejicitur.

Præterea, sunt euenta quædam, in quibus licet sine præuia confessione eucharistiam sumere: primùm uillulis, ubi non est copia confessoris. Deinde, ubi homo se infamaret, si non perficeret rem diuinam: ut si sacerdos post sacrificium inceptum recordaretur alicuius mortalis peccati, &c. esset enim infamia tunc uocare confessorem. Tertiò etiam, propter reuerentiam sacramenti: ut si post consecrationem, solus esset cum alio sacerdote, et post consecrationem calicis, aliquod mortale ueniret in mentem: ne sacrificium rumpatur, poterit sacerdos sine confessione eucharistiam sumere; ut communis theologorum opinio credit: hæc autem non licerèt, si iure diuino confiteri ante eucharistiā teneremur.

Præte-

Præterea præcepta affirmatiua obligant in casu necessitatis, iuxta commune theologorum prouerbum. At quando sanus sumit eucharistiæ sacramentum, uidelicet. ex consilio, et deuotione, non est casus necessitatis: ergo in tali casu præceptum de confessione non obligat.

Adhæc si homo tenetur ante eucharistiam confiteri, id, ob eam rationem maximè, quòd purus et gratus Deo debet ad sacramentum accedere. At, exinde pari argumento ratiocinaremur, ad ministraturum aliquod sacramentum debere prius confiteri, si quòd peccatum mortale commiserit. Nam sacramentorum administratores mundos, Deoque acceptos esse oportet, nisi uelint esse sacrilegi.

Præterea ad alia sacramenta suscipienda ut confirmacionem, ordinem, matrimonium, nullo diuino præcepto prius confiteri tenemur: ergo nec ad sumendum eucharistiæ sacramentum: par enim causa, aut in omnibus, aut in nullis sacramentis obligabit.

Denique in cap. Omnis utriusque sexus de prænitentijs, Innocentius iubet, ut omnis Christianus semel quidem in anno confiteatur omnia peccata sua, eucharistiam autem sumat in paschate. Quòd si hæc duo sacramenta connexa essent, essetque necessarium ante eucharistiam confessionem facere, non dixisset Concilium, semel in anno confiteatur: sed ante pascham confiteatur: ut id temporis percipiat eucharistiæ sacramentum. Hæc dicuntur ab his, qui nobiscum, in hoc secundo casu pugnare uolunt. Quem tamen plerique Theologi omni ui et ratione astruere conati sunt: idq; adeò effecerunt, ut nostra hac tempestate Caietani placitum unanimi consensu doctorum et piorum fuerit explosum. Ac reuera, non existimo huiusmodi Caietani sententiam inter opiniones probiles esse reponendam: sed qua tamen nota iniuri à theologis iure possit, alij doctiores iudicabunt. Nam, Caietano tantum schola debet, homini alioqui de republi. Christiana maximè meritò, ut quoad fieri per pietatè licet, parcere ei iure optimo, summisque rationibus debeamus.

Nostra igitur eademq; communis theologorum sententia primùm ostenditur ex eo, quod D. August. principium sumit. 4. lib. de baptismo contra Donatistas, cap. 24. in hæc uerba. Si quisquam in hac re auctoritatem diuinam quærat, quod

quod uniuerſa tenet eccleſia, nec Concilijs inſtitutum, ſed ſemper retentum eſt, non niſi apoſtolica authoritate traditum, rectiſſimè creditur. Ex hoc itaq; principio ſic argumētum. Nam uiri pij ab ineunte eccleſia confeſſionem eucharistiæ præmittendam cenſuerunt. Nec id ab aliquo, aut Concilio, aut Pontifice præceptum eſt. Apoſtolica igitur authoritate traditum retinemus, ut et alia nonnulla, quæ non, niſi uerbo tenus, apoſtoli à Chriſto receperunt: nobiſque tanquam uiuæ uocis oracula tradidere ſeruanda. Quod uerò conſuetudinem hanc conſtitendi ante eucharistiā, quammodò eccleſia ſeruat, à patribus acceperit, atq; adedò apoſtoliſ, quæ ſequuntur teſtimonia manifeſtant.

Eusebius imprimis, 6. hiftoriæ eccleſiaſticae cap. 25. de Philippo (inquit) imperatore traditum nobis eſt, quod cum in die paſquæ communicare myſterijs uoluiffet: ab epifcopo loci non prius eſt permiſſus, niſi confiteretur peccata ſua, et inter pœnitentes ſtaret: nec ullo modo copiam ſibi myſteriorum futuram, niſi prius per pœnitentiam culpas diluiſſet, ſerunt igitur, libenter eum, quod à ſacerdote imperatum fuerat ſuſcepiffet, diuinum ſibi in eſſe metum, &c. Nec huic loco poteſt occurrī, ex eò quod Eusebius de publica cōfeſſione ſermonem facit. Namque ratio eſt de confeſſione publica in ordine ad peccata publica, eadem prorsus eſt de confeſſione ſecreta in ordine ad peccata ſecreta. Quod enim, uel publicè uel occultè confeſſio fiat, qualitas ſacramenti eſt, non ſubſtantia. Et ſicut ante diximus, Chriſtus quidem, confeſſionis legem tulit: eam uerò, uel ſecretam, uel publicam fieri, rationi ac prudentiæ naturali dereliquit.

Sozomenus deinde, libro. 9. hiftoriæ tripartitæ cap. 35. hanc conſuetudinem ab antiquiſſimis temporibus Romanos Pontifices conſeruafſe, teſtis eſt. Idemque teſtatur Neſtarium epifcopum, quibuſdam ſuadentibus, ut ſingulos ad communicandum iudicio conſcientiæ ſuæ reliqueret, illam antiquitatis conſuetudinem ſubſtuliffet.

Autor item libri de eccleſiaſticis dogmatibus cap. 53: Quem mortalia (inquit) crimina poſt baptiſmum commiſſa premunt, hortor prius ſacerdotis iudicio reconciliatum, cōmunioni ſociari, ſi nult non ad iudiciū et condemnationem ſui eucharistiā percipere.

Circunfertur præterea inter Augustini opera libellus quidam ad Comitem de salutaribus documentis: quem quidem librum Erasmus licet Diui Augustini neget esse, non negat tamen esse hominis pij. In huius itaque capite 33. hæc uerba sunt. Quando corpus Christi accipere debemus, antea ad confessionem debemus recurrere, si peccata obnoxia in nobis senserimus, ne cum Iuda proditore, diabolus intra nos celantes, pereamus.

Augustinus insuper in epistola. 118. ad Ianuarium non reprobatur, quod ex ore disputantis dicitur, si tanta est plaga peccati, autoritate antistitis debet quisque ab altari remoueri, ad agendam poenitentiam, et eadem autoritate reconciliari: hoc est enim indigne accipere, si eo tempore accipiat, quo debet agere poenitentiam: non ut arbitrio suo, cum libet, uel auferat se communioni, uel reddat.

Cyprianus uero multis locis huius rei testis est. Nam in epistola. 54. tertii libri, quæ scribitur presbyteris et diaconis, Cum in minoribus (inquit) peccatis agant peccatores poenitentiam iusto tempore, et secundum disciplinæ ordinem ad exomologesim ueniant et per manus impositionem episcopi et cleri, ius communicationis accipiant, nunc crudo tempore nondum restituta ecclesiæ ipsius pace, ad communicationem admittuntur: et nondum poenitentia facta, nondum exomologesi finita, nondum manu eis ab episcopo, aut clero imposita, eucharistia illis datur, cum scriptum sit. Qui ederit panem, aut biberit calicem domini indigne, reus erit corporis et sanguinis domini. Sed nunc illi rei non sunt, qui minus scripturæ legem nouerunt: erunt autem rei, qui præsumunt, & hæc fratribus non suggerunt, ut faciant omnia cum Dei timore, & cum data ab eo et præscripta obseruatione: hæcenus Cyprianus, Et paulò post, de his qui hanc traditionem non seruant, Contempta (ait) domini lege et obseruatione, quam iidem martyres et confessores tenendam mandant, ante reditum nostrum communicant cum lapsis et eucharistiam tradunt.

Eadem ferè refert epistola. 18. eiusdem libri: in sermone autem. 5. De lapsis, Contra Euangelij uigorem (inquit) contra domini ac Dei legem, temeritate quorundam laxatur incautis communicatio, irrita et falsa, periculosa dantibus.

et nihil accipientibus profutura. Et interius, Ante expiata delicta, ante exomologesim factam criminis, ante purgatam conscientiam manu sacerdotis, pacem putant esse, quam quidam uerbis fallacibus uenditant. Et infra de peccatis, et confessione secreta; (Ne quis existimet solum de publicis esse sermonem) ita differt: Qui quamuis nullo sacrificij, aut libelli facinore constricti, quoniam tamen de hoc uel cogitauerunt, hoc ipsum apud sacerdotes Dei, dolenter et simpliciter confitentur, exomologesim conscientiae faciunt, animi sui pondus exponunt, salutarem medelam paruis, licet, et medicis uulneribus exquirunt, scientes scriptum esse, Deus non irridetur: et multa alia, quae gratia breuitatis omittimus.

Præterea Leo Papa in epistola 69. ad Theodorum episcopum, Foro iuliensem: referturq; de poenitentia. dist. 1. cap. Multiplex: Mediator (inquit) Dei et hominum hanc præpositis ecclesiae tradidit potestatem, ut confitentibus poenitentiae satisfactionem darent, et eadem salubri satisfactione purgatos, ad communionem sacramentorum per ianuam reconciliationis admitterent. Hugo etiam de sancto Victo. in libro de ecclesiastica potestate ligandi, atq; soluendi, (quem refert Gabriel lect. 7. cano) Audacter, inquit, dico, si ante sacerdotis absolutionem ad communionem corporis Christi quis accesserit, pro certo sibi iudicium manducat, et bibit, etiamsi uehementer doleat et ingemiscat.

Præterea, præceptum de ieiunio quadragesimali (iuxta Caietani sententiam) non est scriptum: et tamen non licet in dubium uertere, an ieiunij ecclesiastici uiolatio, peccatum mortale sit: eo quod Christiani etiam si ne scripta lege ita ieiunant, ut reos grauis mortalisque peccati se existiment, si ieiunium soluant. At, uiri sancti, ac timentes Deum, cum homo habet in promptu idoneum sacerdotem, eiusmodi condemnant, si accedat ad eucharistiam sine præuia confessione.

Nec quisquam inter fideles uir bonus et sapiens ausus, est unquam post mortale peccatum ad eucharistiam sine præuia confessione uenire. In mente igitur cuiusque fidelis scriptum est, et in animo quasi insculptum de confessione ante eucharistiam facienda præceptum.

Præte-

Præterea suadetur id, ex eo quod habetur Matthæi. Si offers munus tuum ad altare, et ibi recordatus fueris, quod frater tuus habet aliquid aduersum te, relinque ibi munus tuum ante altare, et uade prius reconciliari fratri tuo. Inde itaque sic argumentor. Christiani non habemus, nisi unicuique munus, quod offeramus ad altare: ergo prius debemus fratri reconciliari si quem offendimus, quam hoc munus de altari aut manu sacerdotis accipiamus. Multò igitur magis, qui ecclesiam offendit per peccatum mortale, ecclesiæ debet reconciliari per confessionem, quam reconciliationis sacramentum ob id antiqui appellauere.

Præterea, ad ministros ecclesiæ pertinet, ad hoc conuiuium dignos admittere, indignosque repellere iuxta parabolam Matthæi capit. 22. de eo, qui inuentus est in conuiuio non habens uestem nuptialem. At, dignos admittere, indignos repellere nisi per confessionem non queunt, &c. Et profectò, si constaret ecclesiæ, quemquamquam peccasse mortaliter, non exciperet ad hanc amicorum mensam; Dei inimicum, nisi prius per sacramentum confessionis Deo sibi reconciliaret.

Ad primum igitur argumentum respondetur, testimonium apostoli, nec confessionem præscribere, nec excludere, tantum enim iubet, ut homo expendat uitam suam, examinetque conscientiam, ut si iustum se inuenerit, securus accedat, sin uerò iniustum, uideat quid facto opus sit, ut dignè corpus dominicum accipiat: uerbi causa, si inimicitias habuit, probet seipsum non ut sua probatione contentus, suæque interiori dolore sacramentum eucharistiæ sumat: sed ut examinatus atque probatus inimici gratiam quærat, cui iniuriam fecit, et ueniam petens inimicitiam priorem aboleat, non interius modo, sed etiam exterius: in hunc modum, si publicè fuerit homo, aut concubinarius, aut usurarius, sumpturus eucharistiæ sacramentum, probet seipsum non in eum sensum, ut post contritionem secretrā de pane illo edat, et de calice bibat, sed, ut iuxta criminis qualitatem, post examen et probationem, publicas peccati occasiones abijciat: pecunias quas iniuste rapuerat, reddat, scandalo populi satisfaciat, &c. In hunc etiam modum post quodcunque peccatum probet seipsum homo. Et si ueniale

fuisse repererit, nihil opus est ut de confessione sollicitetur: sed si dolorem interiore habeat, de pane illo edat, et de calice bibat: si uero mortale fuerit, quod commisit, ad sancta sanctorum non nisi per ianuam reconciliationis introeat. Pro nobis itaque facit testimonium Pauli, non contra nos, si rectè intelligatur. Nam, Chryso. adnotauit, sui temporis intelligentia fuit: in quo Nectarius episcopus peccatores suo iudicio reliquerat, et confessionem sacramentalem abiecerat: ut retro nobis ostensum est. Theophylactus autem nihil aliud fuit, quam breuiator simiaque Chrysostomi.

Ad secundum, iam ex dictis facile patet, non enim omnia præcepta siue Christi, siue ecclesiæ habentur scripta: sed quædam ex traditione, moreque seruantur. Certe consuetudinem hanc grauitè in ecclesia, diuque seruata uinculo peccati mortalis astringere qui negauerit, pari confidentia negare poterit consuetudinem ieiunandi certis diebus olim ab ecclesia seruata peccati mortalis obligationem inducere. Quamobrem, præceptum esse peccatori, ut ante eucharistiam confiteatur, inficiare non possumus. An uero ius hoc ab ecclesia, an à Christo domino extiterit, id uerti in quæstionem potest. Nos diuinum præceptum esse arbitramur: quod per manus à Christo ad apostolos, ab apostolis ad nos uenit.

Ad tertium non est difficile respondere, si quæ superius diximus, teneamus: simili enim argumento probaretur, confessionis integritatem non esse iure diuino præscriptam, quoniam licet uel propter incommodum, uel propter scandalum euitandum, peccatum aliquod mortale in confessione retinere. Leges itaque Christi seruatoris nostri suauiter disponunt omnia, salua semper et naturæ æquitate, et prudentiæ ratione. Nam, et arbitrio boni, prudentisque uiri decernendum est, quanta locorum intercapedo necessaria sit, ut confessor absens esse credatur, censeatque pœnitens non habere copiam confessoris. Porro, si confessor intra ciuitatem sit, quamlibet longo interuallo distet, debet pœnitens ad ipsum accedere: si tamen pœnitens sit in oppidulo, quod à ciuitate tribus milliariis distet, tunc ego non censerem huiusmodi pœnitentem copiam confessoris habere.

Ad quartum respondetur, præcepta dupliciter obligare:
per se

per se et per accidens: ut poenitentia, per se quidem obligat in periculo mortis; per accidens autem, cum quis uult sacramentum aliquod uel suscipere; uel administrare. Quod igitur de poenitentiae lege, idem de confessionis præcepto dicere, consentaneum est: ut per se in articulo necessitatis confiteri teneamus, per accidens autem ut dignè suscipiamus eucharistiae sacramentum, cui dignè suscipiendo peculiarem dispositionem et poenitentiam lex diuina præscripsit.

Ad quintum, non propter animi puritatem solum et Dei gratiam necessariam; sed propter Christi peculiare præceptum confiteri ante eucharistiam debemus. Administraturi autem sacramenta, nulla aut Christi, aut ecclesiae lege, confiteri tenentur, sed solum animi munditiam habere, quæ sola interiori poenitentia comparatur.

Ad sextum non esset penitus absurdum si diceremus, ad reliqua etiam sacramenta sumenda, confessionem præuiam esse peccatori necessariam; ut sicut baptimus ianua omnium sacramentorum est, sic secunda post naufragium tabula recedenti post baptismum in mortale peccatum, sit aliorum quoque ianua sacramentorum. Id autem Leo Papa in epistola iam citata docere uidetur, inquit, ad communionem sacramentorum per ianuam reconciliationis admitterent. Non ait, ad communionem eucharistiae sacramenti, sed ad communionem sacramentorum.

Præterea, de consecratione. d. 5. capit. Vt ieiuni, Concilium Aurelianense iubet, ut, qui ad confirmationem ueniunt, moneantur confessionem facere prius, ut mundi donum spiritus sancti ualeant accipere.

Præterea, si ecclesiae constaret quenquam fuisse publicum peccatorem, non ei administraret ordinis siue confirmationis, aut matrimonij sacramentum: nisi prius sacerdotis auctoritate Christo domino, atque ipsi eidem ecclesiae fuisset reconciliatus. Indignum enim esset, ut qui ecclesiam offendit, munus ecclesiae et ministerium sine præuia conciliatione recipiat. Vnde D. Thomas, in 4. d. 24. q. 1. arti. 3. q. 1. ad tertium: Aliquæ (inquit) medicinae sunt, quæ exigunt robur naturæ: aliæ cum periculo mortis assumuntur, et aliæ sunt, quæ debilibus dari possunt: ita etiam in spiritualibus quædam sacramenta sunt ordinata ad remedium peccati, et

alia peccatoribus sunt exhibenda, sicut baptisumus et pœnitentia: illa uerò quæ perfectionem gratiæ conferunt, requirunt hominem per gratiam confortatum: et talia, (supple.) non sunt peccatoribus exhibenda. Quo loco certum est, peccatores à D. Tho. uocari, qui mortaliter ante peccauerunt: etiam si dolorem habeant de peccato, animumq; in futurum rectè ac iustè uiuendi. Nam, si peccatores appellaret, quibus interior pœnitentia non est: profectò nulla sacramenta essent peccatoribus ministranda. Videtur ergo D. Thomas sentire, ecclesiā his qui ante peccauerunt, si habeant tamen interiorē de peccato dolorem, sacramenta baptismi et pœnitentiæ administrare debere. At, reliqua sacramenta non, nisi per sacramentum aliquod eorum iustificatis, quæ directè ad iustificationem ordinantur: ut baptismus et pœnitentia. Atque id etiam definisse uidetur Innocentius primus in epistola ad Ruffum et Eusebium capit. 4. his uerbis: at dicitur legitimi sacerdotis benedictio auferre omne uitium, ergo. si ita est, applicentur ad ordines sacrilegi, adulteri, atque omnium criminum rei. Quia in ordinatione criminali uitia putantur auferri, nullus sit pœnitentiæ locus, quia id potest præstare ordinatio, quod longa satisfactio præstare consuevit.

Sed quoniam huiusmodi argumenta retundi possunt, et præceptum eiusmodi non ratiocinatione, sed traditione maiorum constare debet: dicamus sanè, non esse eandem causam, quoniam alterum nobis traditum est, alterum non item.

Ad ultimum D. Tho. in. 4. d. 17. q. 3. art. 1. q. 4. ob eam rationem tenere uidetur, quòd obligatio, qua ecclesia obligat ad confessionem semel in anno faciendam, sumitur ex eò, quòd ligat semel in anno, ad eucharistiæ sumptionem. Ait enim: Ad eucharistiam nullus post peccatum mortale, nisi confessus debet accedere, copia sacerdotis oblata: et inde uenit obligatio, qua ecclesia omnes obligat ad semel in anno confitendum, quia instituit, ut semel in anno scilicet in pascha, omnes sacram communionem accipiant: et ideo ante tempus illud confiteri tenentur: hætenus ille: et iuxta hanc sententiam connexa sunt etiam in ecclesiæ præcepto hæc duo sacramenta.

Id autem etiam suadet ex Concilio Agathen. quod refertur

fertur distin. 50. in capite: et ex pœnitentiali Romano, ubi dicitur, quòd hebdomada priore ante initium quadragesimæ, tum primùm confitentibus peccata, sacerdotes pœnitentiam debent Citat quoque B. Rhenanus in fine annotationum super Tertullianum, decretum alterius Synodi; quo præscribitur ut feria 4. ante quadragesimam peccatores cōfiteantur. Ac reuera, publicè pœnitentes in die cinerum ex more antiquo peccata sua confitebantur. Imò adedò nunc etiam, qui in quadragesima non confitentur, existimant se illius præcepti præuaricatores. Prælati quoque excommunicant illos qui in quadragesima non fuerint confessi. Præceptum igitur de confessione iure etiam ecclesiastico eucharistiæ præcepto adiunctum est. Nam, et Sixtus quartus in quadam extrauag. de tregua et pace; cuius initium, uices illius, iubet ut mendicantes desistant predicare, parochianos non obligatos, saltem in paschate, proprio confiteri sacerdoti.

Verùm enim uero, cùm in illo capi. Omnis utriusque sexus, Innocentius dedita opera, limitasse uideatur præceptum communionis ad paschale tempus, non item præceptum confessionis, dixit enim, confiteatur saltem semel in anno, suscipiens ad minus in pascha eucharistiæ sacramentum: non uideò ego, cur ex eo præcepto fideles astringamus ad confitendum in quadragesima.

Præerea, si quis peccauerit mortaliter diu ante quadragesimam, et statim confiteatur peccatum suum proprio sacerdoti, quæro an ille impleat præceptum illius capituli nec ne: si implet, uincimus: si non implet: ergo etiam si non peccasset mortaliter usque ad pascha post priorem confessionem, teneretur iterum eadem peccata confiteri, à quibus semel absolutus est.

Præterea, si homo habeat legitimum impedimentum ad communionem accipiendam, ut frequentem uomitum, uel quia detinetur in carcere, uel quia non habet ætatem idoneam ad eucharistiā percipiendam, rogo, an præcepto de semel in anno confitendo satisfaciat, cū ante quadragesimam confitetur: quod negare quoniam impudentia est, teneamus, præceptum communionis ad certum anni tempus constringere: præceptum uerò confessionis, non item.

Verum est itaque ante eucharistiam oportere confiteri, quotiescunque illam homo percipiat; sed non ex illo præcepto Concilij Lateranensis: sed ex diuina lege, ut prius nobis ostensum est. Nec intentio præcipientis obligat, sed forma præcepti; unde, quamuis Summus Pontifex præciperet confessionem; eo fine, ut eucharistiæ præmitteretur, non tamen suo ad id præcepto obligauit. Iam enim erat ius diuinum, quo huiusmodi confessio semper erat præmittenda, siue in paschate, seu quocunque alio tempore eucharistia sumeretur.

Circa tertium casum, dubium oritur; eadem enim ratione, homo sanus in principio diei, si timeret febrim superuenturam, teneretur diuinum totius diei officium præuenire. Imò etiam teneretur præuenire ieiunium præceptum ab ecclesia, si probabiliter crederet, se præscripto die non habiturum ieiunandi facultatem. Item, si in paschate crederem me habiturum legitimum impedimentum eucharistiæ suscipiendi, deberem quoque prius sumere, cum adesset opportunitas.

Ad hoc respondetur, non esse simile. Nam quædam præcepta sunt homini ad certum et determinatum tempus implenda: ut de ieiunio quadragesimæ, aut uigiliæ alicuius festi: et eiusmodi non est necesse præuenire, etiam si existimemus impedimentum legitimum nos habituros tempore, quo essent implenda. Alia uerò præcepta sunt sine determinatione temporis, quæ uidelicet nos obligant, ut aliquando impleantur, saltem semel in uita; ut sunt media ad salutem necessaria, atque præcepta, quæ de huiusmodi feruntur antequere necesse est: ut de baptismo. Imò, qui nunquam in uita eucharistiam suscepit, credens futurum periculum mortis, nec habiturum se eucharistiæ copiam, præuenire debet, cum habet copiam: nam tenetur saltem semel in uita illud præceptum implere. Hinc nauigaturus periculoso tempore, si non habet in naui confessorem, tenetur periculum præuenire.

Hinc christianus, qui tenetur semel in anno confiteri ex ecclesiastica lege, si credat, se non habiturum copiam confessoris in duobus postremis mensibus anni, obligatur ad confessionem faciendam, intra decem menses priores illius an-

ni. u. g. si habeat quis prolixa maria transfretare, etiam si alias nullum navigationis periculum esset.

Sed, quid illi primo argumento respondebimus: nam reliqua faciliora sunt, nempe, distinguendum est impedimentum legitimum postea futurum. Nam, si uoluntarium est, teneor profectò diuinum officium ante soluere, cum reliqui temporis impedimentum quamlibet legitimum et necessarium ego liberè præstem. Quòd si impedimentum à natura, aut uiolentia extiterit: ubi ab ingruente morbo, tunc ergo non astringerem, nisi ad id officij persoluendum, quod pro tempore præsentiatq; præterito debetur. Facultas autem quæ datur ab ecclesia, aut anteuertendi, aut postponendi diuinum officium, intra diem tamen naturalem, priuilegium fauoris est, non uinculum necessitatis: hoc est, præuenire possumus, non tenemur.

In quarto casu. Durandus. 17. quarti q. 14. in dubium uocat, an statutum illud ecclesiæ de confessione semel in anno facienda, sit præceptum, an potius exhortatio ad confessionem. Suadet autem non esse præceptum, quòd nullum sit ibi uerbum, unde uis precepti colligi possit: habet enim textus in hunc modum: Omnis utriusq; sexus, postquam ad annos discretionis peruenerit, omnia sua solus peccata, saltem semel in anno confiteatur proprio sacerdoti, et iniunctam sibi pœnitentiam proprijs uiribus studeat adimplere, suscipiens reuerenter ad minus in pascha eucharistiæ sacramentum, quòd si dicas, uerbum, confiteatur uim habere præcepti, idq; colligas ex pœna subiuncta, alioqui et uiuens ab ecclesiæ ingressu arceatur, et moriens Christiana careat sepultura. Contra, Durandus argumentatur, quia illa clausula et pœna non refertur ad transgressionem legis de confessione, sed ad transgressionem præcepti de eucharistia. Non enim ecclesia legem fert, cuius transgressionem pœna legis punire non potest: frustra si quidem lex eiusmodi pœnalis à legislatore ferretur. At ecclesia non potest punire uiolatorem legis de confessione, quia non potest ecclesiæ constare, quisnam sit illius legis transgressor: primo, propter peccata occulta: secundo, quia non potest cognoscere, an omnia mortalia confiteatur, quòd tamen lex præcipit: tertio, quia solus soli sacerdoti confiteri debet, iuxta illam legem: et sacerdos

tinetur

P A R S V. R E L E C T.

tenetur seruare secretum, etiam si nullum peccatum peccator confiteatur. Quamobrem incassum pœna illa transgressori legis de confitendo, præfiniretur.

At uerò, communis omnium et theologorum, et iurisperitorum sententia, certis argumentis astruit, legem illam confessionis ad mortale peccatum obligare, non enim fideles existimant, cum in quadragesima confitentur ex consilio se confiteri, et non ex præcepto. Quod si quis negligeret toto anno confiteri, malè dubio procul apud fideles audiret, et mortaliter peccare crederetur. Et confirmatur, quia prelati in eos, qui non fuerint eo anno confessi, excommunicationis sententia animaduertere solent, supponunt igitur peccasse mortaliter.

Præterea, ut ante docebamus, diuinum de confessione præceptum per humanam legem ad certum tempus limitatur. Nam citra huiusmodi limitationem diuinum illud præceptum commodè seruari non posset. Non est ergo exhortatio, et consilium, sed præceptum quippe, si consilium esset, uix unus aut alter in quadragesima confiteretur, nec in implendo consilio tanta sollicitudine, timore, ac diligentia plebs uniuersa concurreret.

Ita, licet ecclesia non possit confessionem interiorum peccatorum præcipere, nec pro transgressione pœnam inferre, præceptum à Deo tamen, potest ad certum tempus limitare, transgressoresq; limitatæ legis excommunicatione plectere. Illa uerò pœna decretalis huius de qua disserimus, locum habet, cum transgressio præcepti manifesta est. u. g. si non habet schedulam confessoris.

Illud tamen uerè uerti in quæstionē potest, an ante quartum decimum annum pueri confiteri ex hac lege concilij teneantur. Dicit enim concilium, cum ad annos discretionis peruenerit, &c. sed anni discretionis dicuntur, cum homo tertium decimum, uel quartum decimum attigerit: igitur usque ad id ætatis, non tenentur homines confiteri. Quòd autem anni discretionis in eum modum sint intelligendi, probatur, quia non obligamus paruulos ad sumendam eucharistiam ante illam ætatem. At, simul utrunque præscribitur et quòd omnis homo, cum ad annos discretionis peruenerit, confiteatur, et quòd suscipiat eucharistiæ

sacra-

aeramentum.

Huic quæstioni respondetur, usum rationis non simul circa omnia paruulis contingere: nam sunt pueri, qui peccata grauius discernere à leuibus possunt, distinguere cibum sacrum à prophano non possunt. Puer ergo, ubi primum habet usum rationis ad peccandum mortaliter, huius legis obligatione constringitur: teneturq; iam semel in anno confiteri: sed eucharistiam percipere non tenetur, nisi talem ac tantum usum habeat rationis, quo congruenter sacrum Christi corpus sumere, et diuinitatem possit reuereri latentem; propterea; dixit Innocentius, reuerenter suscipiens, &c.

Illud quoque scholastici autores uocare in quæstionem solent, an ecclesia possit in diuino de confessione præcepto cum aliquo dispensare. Nam in eo, quod humanum est de quotanni peccatorum confessione dispensari per ecclesiam posse, minimè controuertitur. At illud controuersiam habere merito potest. Nam reddere uota, iuramenta seruare: iuris est et diuini et naturalis, habet autem ecclesia facultatem et dispensandi in uotis, et relaxandi iuramenta: ergo, licet confessio iure diuino præscripta sit, ecclesia tamen poterit dispensare.

Et confirmatur ex eo, quod Matth. 16. Petro dicitur: Quodcumq; solueris super terram, solutum erit in cælis: ergo si quem Petrus absoluerit ab obligatione confessionis, ille erit coram Deo re uera solutus.

Huic ego quæstioni, quoniam alio loco opportunius disceretur, solum dabo quod ad præsentem locum satis est negando primi argumenti consequentiam. Nec enim est similis ratio de præcepto confessionis et baptismi: ac de præcepto reddendi uota, et seruandi iuramenta, quia baptizari, aut confiteri, salutis impedimentum afferre nemini potest, cum in his sacramentis tota hominis salus consistat: sunt quippe ad salutem necessaria. Qua propter non expediebat, ut relinquèretur Ecclesiæ facultas in huiusmodi præceptis dispensandi. At uota et iuramenta præstare, nonnunquam uergit in salutis dispendium: eo quòd homines sunt ad iurandum, atque uonendum, faciles, non habita rationem futuræ incommoditatis. Quamobrem necessarium erat, ut ecclesia Christi potestatem haberet in uoto et iuramento

dispen-

dispensandi: quæ scilicet, uincula subinde maioribus bonis poterant esse impedimento.

Et per hoc ad testimonium ex Matthæo respondetur. Nam, quia potestas ibi promissa potestas clauium est ad aper-riendum regnum dignis, claudendum uerò indignis: et per sacramenta baptismi et confessionis regnum cœlorum susci-pientibus appetitur: non est Petro collata potestas, ut di-spensaret in his sacramentis, ne suam uidelicet destrueret potestatem, ea sacramenta tollendo, quibus administrandis regnum cœlorum habebat fidelibus aperire: sed enim, uota et iuramenta seruare, poterat esse fidelibus regni cœlorum impedimentum. Quocirca, sicut potestas clauium limita-tur ex ordine ad finem, scilicet apertionem regni cœlestis, quapropter non potest ecclesia sacramenta tollere: ita et-tiam ex eodem fine amplificatur ad omnia ea tollenda, quæ apertionem regni cœlorum impediunt: qualia interim sunt uota et iuramenta. Et certè, illius testimonij intelligen-tiam, ecclesiæ usu magis quam ratiocinatione colligere pos-suihus: quotus enim quisq; per rationem humanam conse-quetur, qualis quantaq; potestas per illa generalia uerba. Quæcunque ligaueris, quæcunque solueris, fuerit Petro: promissa. Accēpit quidem potestatem ad ædificationem et non ad destructionem, ut. 2. ad Corint. 10. Apostolus tradit unde in his: quæ sunt de necessitate dispensauit nunquam: nempe, non poterat, quod in destructionem esset. In uotis autem et iuramentis dispensauit. Ac poterat quidem, quod erat in ædificationem.

Vnde D. Tho. d. 17. q. 3. art. 1. q. 5. In necessitate huius sa-cramenti fundauit, quod in eo dispensari non possit. Quam uis in solutione ad primum expressè doceat, Summum Pon-tificem in iure diuino positiuo dispensare non posse. Ita di-scipuli D. Tho. ut hanc sententiam tueantur, aiunt prelatos ecclesiæ, cum dispensant in uoto, non dispensare in præcep-to iuris naturalis, uel diuini: sed in eo, quod humani iuris est. Nam uinculum uoti mei, lex mea priuata est, ita huma-num est non diuinum: habent autem D. Tho. à se. 22. q. 88. art. 10. ad secundum, sed in hac tamen philosophandi ratio-ne duæ difficultates existunt. Prima quòd ea, quæ sunt de iu-re positiuo, potest Summus pontifex etiam sine causa tol-
lere, et

lere, et abrogare: ut quamuis malefaciat, factum tamen ualidum sit. At in uoto absque rationabile causa dispensare nequit: et si dispenset, irritum est quod facit: seruare igitur uotum non humani iuris solum est; sed diuini.

Altera autem difficultas est, quod si uinculum uoti et iuramenti humanæ facultatis esset; ante diuinam legem nouam et ueterem, per humanam potestatem dissolui posset: quod si non poterat, certè plusquam humanum erat hoc uinculum: naturale si quidem est, ut omnis obligatio, per quasumque causas nascitur, per easdem dissoluatur. Si igitur uotorum et iuramentorum obligatio per iuris humani arbitrium solum existit, per idem etiam arbitrium dissolueretur. Quò fieret, ut qui, aut uoti, aut iuramenti uinculum induisset, idem haberet eiusdem soluendi facultatem. Quemadmodum princeps qui legem dicit publicam, eam soluere potest et abrogare. Quamobrem, si uobis non fuerit ingratum, priorem nostram responsionem interim teneamus, faciamusque hic tractatui de confessionis præcepto uisionem, cuius prolixitatem postrema de satisfactione disputatio compensabit. Erit enim quam breuissima.

De tertia igitur pœnitentiæ parte, hoc est satisfactione, inter fideles etiam ambigitur an diuinum præceptum sit. Nam Scotus, dist. 8. et. 19. circa finem, asserit, nullum pœnitentem obligari ad acceptandum pœnitentiam, quam sacerdos iniungit.

Asserit rursum, quod, si satisfactionem iniunctam acceptat, tenetur implere sub pœna peccati mortalis. Idem sequitur Gabriel. d. 16. quarti. q. 2. Quoniam ad satisfactionem pro pœna duo remedia sunt; alterum in hac uita, alterum in purgatorio: potest ergo pœnitens suo fauori cedere, quod ex misericordia Dei satisfactio præsens acceptatur pro futura pœna, atque proinde, eligere poterit satisfactionem futuri sæculi.

At hæc opinio nulla ratione nititur: si enim sacerdos obligare ad mortale non potest, mea acceptatio non inducit peccati mortalis obligationem: quippe non aliter pœnitens implere uult pœnitentiam iniunctam, quam sacerdos obligare potest. Non itaque coherent ambæ illæ assertiones. Quamobrem acutius multo Caietanus in q. 2. de satisfactione ad

ne ad secundum argumentum, rerum consequentiam et connexionem intuitus, existimauit quoddam penitens, nec acceptare tenetur penitentiam iniunctam sub poena peccati mortalis, nec acceptam implere.

At uero D. Thomas longe diuersam opinionem sequutus est in. 4. d. 18. q. 1. art. 3. q. 3. et d. 20. art. 2. q. 2. ad secundum sed et d. 16. in expositione textus aperte dicit, Ioannem quidem fuisse denunciatores precepti de satisfactione: Christum autem institutorem, sacramenti, et partium eius: et. 3. p. q. 84. art. 8. dicit quod penitentia exterior, quia iuxta arbitrium sacerdotis peccator satisfacit, oportet duret usque ad determinatum tempus secundum mensuram peccati.

Durandus etiam D. Thomae subscripsit d. 17. q. 3. ad secundum et Syluest. in uerbo. Confessio primi. §. 26. Atque hanc nos sententiam tenere debeamus, si rectam Theologiae rationem sequi uolumus.

Primum quia sacrilegium est, sacramentum aliquod, mancum et imperfectum uoluntarie relinquere. At, si satisfactio praetermittitur, tertia penitentiae pars, mancum et imperfectum conficitur sacramentum. Sacrilegum igitur fuerit, satisfactionem a sacerdote iniunctam, uel non accipere, uel non explere.

Deinde in foro contentioso iudex habet potestatem poenam pro delictis imponendi: quam etiam reus subire tenetur: ergo et iudex ecclesiasticus in foro conscientiae hanc habebit potestatem. Non enim potestas apostolis in foro interiore a Christo domino collata, imbecillior est, quam in foro exteriori.

Praeterea potestas, quae non habet uim coercendi, ridicula est, et in nullos futura usus: ut, inter asserendum preceptum de confessione docuimus. Si ergo iudices a Christo instituti, non haberent uim, auctoritatemque ligandi ad poenam rationabilem et iustam pro qualitate, et quantitate delicti, profecto eorum iurisdictio et potestas de culpis iudicandi, merito rideretur.

Praeterea, Clauis potestas est non solum soluendi, sed et ligandi, ut patet ex definitione clauis, quam et Ioannes. 22. in extrauagan. Quia quorundam, de uerborum significatione, et communis probat theologorum consensus. Imo

ad eò Dominus Matth. 16. nam cum dixisset. Tibi dabo clauēs regni cœlorum, explicaturus quid nomine clauium intelligeret, euestigio subdit, et quodcunque solueris super terram, erit solutum et in cœlis et quodcunque ligaueris, erit ligatum: Quod si æquam habent sacerdotes absoluedi et ligandi potestatem, certè si ut absoluunt uice Dei, cum formam sacramenti proferunt, ita ligant uice Dei, cum multam pro culpis indicunt. Pœnam autem diuina sententia in sacramento taxatam subire nolle, sine dubio graue peccatum est. Et confirmatur. Nam, si princeps constitueret aliquem delegatum ad iudicandum in rep. de criminibus, nimirum intelligeremus illius reip. ciues sententijs iudicis instituti obligari ad parendam. Cum ergo Christus sic instituerit uicarios suos, ut Ioan. 20. dicitur. Non est dubitandum, quin eorū sententiæ et in absoluendo, et in ligando, eandem habeant uim, ac si à Christo latæ fuissent. Quāobrem, eiusmodi sententijs obtemperare fuerit omnino necessarium.

Præterea. (quod retro docuimus) exterior satisfactio in præcepto est, cum sit ad salutem necessaria: ergo qui ad aliam uitam remittit satisfactionem, reus peccati mortalis efficitur.

Nec aliud intelligendum est (quod aliàs sæpè commemorauimus) in lege noua factum esse, nisi ut quam pœnitentiam tenebatur peccator in delicti compensationem Deo præstare, eam præster sacerdoti Dei uices habenti. Quò fieri, ut, si in naturæ lege, uel scripta, homines exteriorem satisfactionem exhibere pro peccatis tenebantur, teneantur etiam in lege euangelica eandem exhibere ad sacerdotum arbitrium, quibus Deus huiusmodi iudicium delegauit.

Age uerò, quem dolorem de peccatis, quem animum emendandi uitam ille habet, qui pœnitentiam iustam et æquam iniunctam à iudice, Dei locum habente, nec uult acceptare, nec implere? Qua rursus humilitate accedit iudicandus, qui iudicis sententiam iustitia æquitateq; plenam negligere non ueretur? Cumq; etiam uel iudicis arbitri, quem tua uoluntate delegeris, iustæ sententiæ nolle parere iniquum sit, ac iudici quoque arbitrio iniurium, quid ni sit iniquum pariter et iniurium iudici non arbitro, sed diuina auctoritate

toritate substituto nolle obedire, cum iustam sententiam profert.

Præterea etiam, ut sacramentum hoc medicinale esset, non item iudiciale: uel etiam tunc absurdum esset, liberè pronunciare, non obligari pœnitentem ad parendum sacerdoti in remedijs curationis: quod perinde esset, atque diceretur, non oportere ægrotum medico obtemperare salubriter præcipienti. At, satisfactio sacramentalis sicut est in cōpensationem iniuriæ factæ deo, ita etiam in medicinam spiritalis ægritudinis. Quocirca intollerabilis opinio est, quæ peccatorem ab obligatione satisfactionis sacramentalis absoluit.

Nos autem admirari satis non possumus, quid causæ fuerit hominibus doctis, ut non rem modò, uerùm etiam nomen satisfactionis excluderent, satisfactio enim nomen iustitiæ est, atque hoc loco sanè iustitiæ eius qua Deo pro culpis pœnas debitas soluimus. Quòd si iure iustæ atq; debita, Christi et uicariorum eius iudicia non amplectimur, impuneq; licet eorum sententias reiicere: profectò (ut diximus) satisfactionis et res, et nomen aboletur: aboleturq; proinde omnis obligatio, quæ ad standum parendumq; iudiciis humana ratione constituitur. Illud uerò, quod nobis obijciunt contrariæ opinionis assertores, indignum est ut à nobis refellatur: et tempus postulat ut finem iam dicendi faciamus: nam elatus studio res multas atque magnas explicandi, longior quidem fui, non inficior, sed erat tamen difficile, argumentum tantum, tamq; præclarum inchoatum relinquere. Quod si pro dignitate uestra mihi tractatum non est, ueniam obsecro detis uiri humanissimi: sin autem aliqua ex parte dignitati uestræ fecimus satis, id omnes Deo optimo maximo acceptum referemus. In cuius gloriam, pœnitentiam siue uirtutem, seu sacramentum et ad salutis finem et ex præcepto quoq; Dei peculiari necessariam esse hactenus dictum sit.

LAVS DEO.

FINIS.









